

84(2Рос-Комм)
Т 41
9625к

ДХ

В. Тимин

Эржава Перымса Зонка



Стаж бурсо счолон -

Р. М. М. М. М. М.

14. 11. 2006

*«Эжва Перымса зонка»
историческôй повестьысь авторлы 1999 воын сетöма
Коми Республикалысь И.Куратов
нима Государственной премия.*





В. Тимин

Эрква Перымса зонка

Ылыс кад йылысь повесть



Художник А. Мошэв

Сыктывкар
Эскӧм издательство
2000

Пожертвования
Национальной библиотеке РК

Тимин В.В.

1 **Эжва Перымса зонка. Повесть. – Сыктывкар: «Эскөм» издательство, 2000. – 256 л.б.: ил.**

«Эжва Перымса зонка» шөр арлыда челядьлы повесть зэв ылыс кад йылысь, кор весиг эз на вöв восьтöма Америка. Тикö нима коми зонка пай выло усьö уна шензьöдана лобмтор.


Гижысь чайтöм серти, книгасö окотапырысь лыдыясны и верстьö йöз. Небöгсö мичаа серпасалöма.



*Тайö небöгсö отсалис лэдзны
Финляндияысь М.А.Кастрен нима котыр.*

ISBN 5-88186-272-4

© Тимин В.В., гижысь.
© Мошев А.В., серпасалысь.
© «Эскөм» издательство.



ВОДЗКЫВ

Чолөм!
Тайо гижодыс Тикö нима коми зонка йылысь, кодi овлис зэв важон,
сидз шусяна шор нэмъясö на. Уна шензьоданатор сыкод лолi, и кытчö
сöмын эз веськавлы, мыйсö эз адззывлы...

Но – ставсö вочасон.
Ме косъя медводз ылö кольом кад йывсьыс неуна пасйыштны.

Важысянь-ö йоз олöны Коми му вылын? Вочавидзöны та вылö важ
олөм туялысьяс, учёнойяс. 300 сюрс во сайын на, ёсьтөм из йыла кузь
шыон, морт воодчöма пö Йиа саридз берегыяс дорөдз. Кодi сийö вөлöма?
Кутшөм кыв вылын сёрнитöма? Код төдас...

Сы кадö миян войвылö йöзыс сöмын волеввлöмаось корсюрö, абу на
вужъясьлöмаось, но дас сюрс во сайын кымын овмөдчöмаось нин. Ылөдз
веськалан ньөвъясөн вöравны ветлöмаось, но и сэки нин му вöдитны
кужлöмаось. А кутшөм кывйон найö ас костаныс сёрнитлисны сэки?
Воча кыв та вылö абу жö.

Но со, куйм сюрс во сайын татчöс парма-ягыясын кутис шыавны и
төдсакодь нин сёрни – овмөдчавны заводитисны финн-угор кывъя йöз
котыр.

Паськөдчисны найö вочасон, дыр кад чөжон, песни да гырысь юяс
пöлөн пыр водзö и водзö – войвылö, рытиввылö, асыввылö. Ас вöляыс
ли, кодкö зырис ли найос, öни сьöкыд шуны.

А кад мунис. Көдзыд төв вежсьылис шоньд тулыс-гожөмөн, гожөмыс
– лышкыд козинъяса арөн. Уна вөвлөмтор вушйис некор төдмавтөм вылö.
Öтитор öни тыдалö: нэмъяс чөжон паськөдчигад йоз котыръяс сесся сы
выйөдз ылысмöмаось öта-мөдсьыныс, мый кутöмаось ёна торъявны и
сёрни сертиныс, и аслыныс бöрынжык босьтөм öтыв ним сертинос.

Тайö öни унаос шензьөдö. Бытьöкö и öти позийсь петимой, но со –
ми, комияс, огö нин гөгөрвоий, шум, Финляндияса, Венгрияса либö Эс-
тонияса олысьяслысь сёрнисö. Сидз-тадз гөгөрвоам удмуртыясос, и сöмын
коми-пермякъяскөд сёрнитигон оз ков некутшөм вуджодысь – кокниа
кывзам-висьтасям и весиг шмонитам. Öти кыв! Кыдзи тайö лои?

500-өд воясянь (миян эраö нин) Урал – Из таладорас овмөдчөм вой-

тыр артмодисны кык ашпөр котыр – Эжва Перым, нөшта шулисны – Ичот Перым, тайо мян ылыс пөль-пөчъяс, да Ыджыд Перым, Кама ю бердын олысьяс – найос и шуоны талун коми-пермякъясон. Нэмъяс чөж ми вөлим орччөн и өни орччөнөсь, та вөсна и финн-угор котырас кывным серти медматысаось.

А Тикө? Емдинса Турөб Яраш Тикө, тыр нимнас кө... Кор да көни сийо олис? Лоомторъясыс сы оломын босьтоны неыджыд кадколаст: 1471-1472 вояс. Кутшөм тайо вөли кадыс?

Видзөдлам.

Сэки татаро-монголъяс кутисны на ас уланыс Роч му, но великөй князь Иван III дугдис нин мынтыны налы вото¹, а көкъямыс во мысти вылынджык гарыштөм кадсяныс роч ратникъяс пуктасны пом Зарни Ордалон 250 вояс ыджыдаломлы. Тайо лои позянаон сы вөсна, мый Москва княжество ёна паськодчис гөгөрбок, мырдон сорон воодчис и Эжва да Ыджыд Перымөдз. Вынйорыс таысь сылөн, дерт, уна пөв содис.

А перымса парма-ягъясын йоз олисны таодз ёнджыкасө ашпөр оломон, ковмылис төдны и бурсө, и лёксө. Некодй на вылын торъя эз ыджыдав, олисны – кызди көсийсны, но кадысь кадө усьласисны рытывыввисянь Новгородланысь воом наян ушкуйникъяс. Киссис вир. Асыывыввисянь дөзмөдчисны, венны либө кувны өткодя дасьось, вөраса, нинөмысь повтөм йөграяс – эськө и чужанвуж котыр кыв сертиыс, но мый вөчан: сы кадө унаысь крестасьлисны туйясныс перымсаяскөд. Кыкнанладорсянь бара киссис вир. Усьласисны и вяткаса збой войтыр да Урал – Из сайса тотараяс. Он вөли төд, кодысь и дорйысьны. А воис кад, и кыптысь Москва нюжөдис асьыс кияссө небыд зарнион озыр Перымса муяслянь.

Историялөн буретш сы кадө, кор Москва босьтчис вынөн өтлаавны Перымса муяс Роч му бердө, и веськалис Эжва Перымса зонка Тикө.

Содтөд, повестын кык петкөдлан воас йоз виччысисны му выв оломыслы пом. Тадзи тунавломась важ Библия гөгөрвоодысьяс. Дерт, та йылысь Тикө эз төд. Зонкалы тырмымон вөлины и сы пай вылө усьөм төждлунъясыс.

Повестылөн шөр визяс – збыль вөвлөмторъяс. Ме зили восьлавны ылыс нэмъяслөн рөмыдлун пырыс зэв важся историякөд лөсялөмөн. Тикө – тэ кодь жө, либө тэнад ёртыд кодь, сөмын Тикөа-тэа костын абу вояс, а быдса нэмъяс. Дона ёртөй, а өни – туйо! Чайта, мый Тикөыскөд ёртасяныд.

Бур туй!



¹ В о т – дань.



ЄМДІН

Тикөлөн горт олөм



СЫВСЯНЬЫС ШОНДИА ВӨЛІ, но лун шөр кадланьыс мыгчысисны кымөръяс, сәсся енэжыс дорала шылясис рудөн и мөдіс шливгыны помасьлытөм, дөзмьд зэр. Ыв-лаыс чусмөма, и тайө төдчө весиг кукань гадьён зэвтөм ичөтик өшинь пыр. Зэрыс шыбитчывлө өшиняс төв ныр ыркнитөмысь и быттё гумйысь анькытшъясөн лыйыш-тасны: та-та-та-та...

Тикө, читкыль юрсия, ар дас вита зонка, ворсө канькөд. Нинөм вөчигмоз, дерт. Кань оз сарпась, ниртчө и нявөстлө дышпырысь, быттё гөгөрвоө, мый колө отсавны зонкалы кьдзкө ылөдлыны кадсө. Гажтөм рудөбыс мырдөн со суйсьө керка пытш-кас. Кань төдө: регыд сійөс бара эновтасны и позяс чөскыда вугыр-тны пу тувйысь усьөм со этійө дукөс¹ вылас. Усьөм көлуйыс важөн нин син водзас, но оз на слөймы сы дорө сибөдчыны.

Зэрыс коблө и бөр өддзө. Керка пытшкын со нин кылө потькө-виялө. Вевтныс бара кыткө письтөма. Кань дивитөмөн видзөдө зонка вылө.

– Эн колөкө понды, Нявийө, – өлөдө каньсө зонка, – и сідз төда, керка вылас кайлыны колө. И кайла, кобыштас да. Бурджык эськө, мед ыджьд мам да Кыйва чой регыдджык бөр воисны. Налөн өд некутшөм лэбув абу. Чөв, кывзы...

Но оз на кыв Вөсьөлөн кузяа мелі бакөстөмыс. Ыджьд мамыс

¹ Д у к ө с – ас кыөм нойысь вылыс паськөм.

водз асывсянь Кыйвакөд мөс видзёны – ассыныс и йёзылысь. Буретш талун мөс видзан лун. Емва ю катыдланьын тайтёясөс йирсь-ödöны. Мунісны – шондіа вöлі, а öні со енэжыс дорала письтöма. Аръявылыс поводдяыд вермас лун чöжөн öтарö-мöдарö вежлась-ны.

Тикöлы ыджыд мамыс лыддьöдліс кутшөмсюрö уджъяс да коліс сійöс горт овны. Дерт, зэрмис кö асывсяныс, Тикö эськö эз лэдз найöс да ачыс муніс мөс кок туй талявны, а öнитö мый нин вöчан – ёр кöть дивит асьтö...

Емдін кар, көні оло Тикö, нималö Эжва Перым пасьтала, да и саяс на. Сулалö сійö сöдз ваа Емва ю веськыдладорас. Неылын тасянь визувтö паськыд Эжва, кытчö усьö Емва юыс.

Мунысь-локтысьыд тані век эм. Быдлаысь волöны, весиг мугов чужöма йöз, а ёнджыкасö, дерт, рочъяс. Торъя нин сійö кадся-ныс, кор вежа Степан, кыдзи пель йывнас кывлывлö Тикö, югдöдіс коми войтырöс. Крїстос Ен велöдöмөн.

Волöны корöм и кортöм йöз. Бөръяыс лыдын скөр йöграяс – Эжва ю катыдладорсянь да наян ушкуйникъяс – дзик мöдар боксянь, шонді саяланінсянь.

Öні Емдін – уна олыся кар. Ылісянь тыдалöны джуджыд мылькъяс вылын шмака юра зымвидзысь вичкояс. Быдöнлөн аслас ним. Медся ыджыдыс – Бур Юөр – Благовещенньö нима. Перымса Степан тшöктöмөн на кыпöдлöмаöсь. Чернеч Степö тшöктöмөн – тадзи шуліс Тикöлөн айыс, коді выль эскöмö эз сетчыв да важ пöльясыс моз бура пуктыліс сöмын ассыныс векöвйöся коми енъяссö.

Карсö да, торъя нин, вичкоа мылькъяссö, мудöдъясөн гөгöртöдöма да ёсь йыла керъясысь потшöсъясөн – кортöм войтырысь дорйöг. Карса олысьяслөн керкаясыс поздысьöмаöсь улынджык мылькъяссыс. Керка лыдыс воысь-воö пыр содö, сы вöсна мый татчö овмöдчалöны выль йöз орчча да ылыс сиктъясысь. Найö оз нин тöрны потшöсалöм кар пытшкас да кыпöдöны ассыныс керкаяснысö дорйысян визь сайö – вөрланыс да юланыс.

Емва юыс быдöнлөн син водзас, а кар мышладорас тшемвидзöпыкö енэжсö сьöд парма-яг. Татчöс йöз кералісны матігөгöрса вöрсö, виччысьтöм уськöдчöмысь, но водзö сэсса оз вөрзьöдны, видзёны, öд вöрыд и вердан-вердысыс, и сайöдысыс колысь синъясысь.

Эм емдінсаяслөн асланыс öксай¹, кодлысь ставөн кывзысьöны и кодлөн индöд серти быдөн петалöны видзны карсö налы урчитöм лунö. А Михайлö Архангел вичкобердса монастырын оло-вылö Иона епископ. Перымса Степан бöрын сійö нельöд нин.

Керкаыс, көні лöня кургöны-олöны чоя-вока да налөн ыджыд мамыс, Емдін помланын сулалö, ю катыдланяс. Зумыдкодъ на керка – айыс Тикöлөн кыпöдліс. Юлань чужöмбана. Керка водзас

¹ Ö к с ы – князь (важ коми кыв).

югвидзö мича кызд пу, керка мышланьын нянь да эмбур видзан кумьяс, пывсян, ляпкыдик көзöд, көні зарни рёма идзас пöвстын, көдзыд йи тыра гуын, сёян-юан тшыкöмысь видзöны. Айыс Тикöлөн – Турöб Яраш – бур киподтуя вöлöма...

Дыр мыйлакö оз воны мöс видзысьяс. Эськö и локтан кад нин. Тикö, дерт, ёнасö оз шогсы, öд ыджыд мамыс да Кыйва чойыс сэнi абу öтнасөнöсь. Наысь кындзи, Тикö тöдö, мунисны мöс видзысьяс и кар кывтыдланьысь. Емдiнын мöскыд быд олысьлөн эм, и абу на öти, а медся унаыс Кыз Ку айкалөн.

Тикö ышловзис да вöтлiс ас дорсьыс каньсö. Сiйö – Нявийыс – чойыслөн лелькуйтантор, а Тикöлөн гортса ёртыс – Чангыр нима пон, но сiйöс мöс видзысьяс сёрсьыныс босьтiсны. Век нин гажаджык, да Чангыр и бур отсасьысь – оз лэдз вывтi ылö разавны мöсьясыслы, и рытланьыс, ковмас кө, корсяс да вайöдас öтчукөрö кодлыськö ылалöм тайтöсö. Вежöра пон. Тикöлы сытöг гажтöм. Да мый вöчан!

Горт олiгмоз, ковмис öткөн индöм уджъяссö вöчны – выль лабич пöв гогнавны, гожöмбыдөн чегласьöм куран пиньяс вежны, пуртъяс зудъявны, кызд пу сартас юкавны (сьöd войяс матысмöны, öнi нин рытъясыд кузьöсь – сартас битöгыд керкаад немтор оз тыдав).

Лунтырөн лои вöчöма урчитöмасö. Дерт, Емва юбокса видзьяс вылад кадсö коллявны лöсьыдджык, да и, кор пемöсьяслы дышöдас йирсьыны и ставныс öтгшöтш водаласны шойччыны, сэки позяс юас вугыръяс чöвтлыны. Емва – чериа ю. Шатиныс Тикöлөн кузь, нюдз льöм пуысь ачыс вöчлiс. Сисö вöв бöжысь йитлiс Ивö Чуд пöль, да сiдз, мый казялан йитвежъяссö, сöмын чуньяс пырыд кө нуодан. А вугыръяссö сылы сетö Емдiн карса дорччысь Би Кабыр айка. Ыджыд сьöлöма морт, мед и абу ёна сёрниа, кызд шуласны, чуд кодъ.

Тикö зумышмис. Би Кабыр вöвлiс коркö айыслөн медматысса ёртөн, öтлаын кыйсисны, керка-картаяс кыпöдлiсны, корскөрö и дорччылiсны öтлаын, кор ковмылiс вöчны карсаяслы да бокысь воём ньöбасьысьяслы уна сикас көрта көлуй. Но айыс Тикöлөн усьлiс ыли Новгородысь воём ушкуйникъяскöд тышын...



Кыськө Эжва увланьысь воліс Емдіно верзьома морт да корис отсөг. Петісны емдінасяс асланыс Гор өксай веськөдлөм улын. Отсөг вылө налы воисны и княжичасаяс¹. Өтув вынъясон венісны юр вундысь котырөс, вөтлісны, но и асланыс унаон бөрсө эз воны гортаныс – усины чорыд тышын, а айыслысь и шойсө весиг абу аддзөмаөсь. Вошөма лы ни ку. Би Кабыр айка эськө и ловйөн коли, но шыпуртөн дойдөмаөсь да сійө кадсянныс чотө, сера бедьөн ветлөдлө.

Шог – шогөс корсьө. Айыс бөрся регыдөн и мамныс кусі-кулі. Өтырышъя, син быртөдз бөрдөмсьыс ли мый ли. Колины Тикө, Кыйва чойыс, таво сылы дас кык арөс тыри, да ыджыд мамныс. Аттьө Би Кабыр айкалы, век зільө мыййөнкө да отсыштны. И нөшта зэв төдчанатор: эм чотысь дорчысылөн Ирьянко нима пи, сыкөд дзоля дырсянныс на ёртасьө Тикө.

Керка пытшкын век на кыліс: тюп-төп, тюп-төп... Изйысь тэчөм гор водзас ва гөп, сэтчө и войталө. Нявийө матыстчыліс горланьыс, ку-у-зя нюжөдліс мышсө, увлань мегыртчөмөн, но веськаліс вылісянь усьөм ва войтыс улө да звирк чеччыштіс бокө. Видзөдліс көритана синъясон Тикө вылө. А Тикө, ас думъясас вөйтчөма, сөмын шеныштіс кинас, эн пө колөкө дөзмөдчы.

Дерт, мөс видзысьяслөн воан кад нин. И со, абуөсь. А уджыс эм на – кыккирудз пукаломөн Тикө найөс виччысьны оз кут. Вөтөдзныс юкмөс ваон тыртас паськыд пельса – тайө уджсө вөчлөны шонді пуксьытөдзис, мед Вакульсө не дөзмөдны. Сэсся пес пыртлас и горъяс би сюяс. Ыджыд гырничын ва шонтас. Со и кынөмыс гурөбтіс нин. Рытъя сөян кадыс гарыштіс ас йывсьыс.

И Тикө чеччыштіс лабич вывсьыс. Зэрыс кобыштөма кодь. Медводз керка вевт вылө кавшасьліс. Вештыліс пөвъяссө и кык пөвста сямөд торйөн тупкис розьсө. Уркөвөй лои вөчөма. Нявий вылө тыр синъясон видзөдліс, но кань вуграліс нин пу тувйысь усьөм дукөс вылын. Тикө эз кут торкны сылысь чөскыд унсө.

Ватө пыртлыны абу дыр. Пу ватланыд и тыртөгыс нин сьөкыд, но юкмөсыс орчөн. Өтиысь, мөдысь, коймөдысь... Ва пельса тырис. Видзөдліс сэтчө. Асьсө адзис. Чужөмсө вильыша көрліс. Тикө пөслукман зонка, абу Нявийө кодь дыш.

Сэсся котөрөн пес пыртліс. Лэбулас видзөны, да неуна и көтасьөма. Пыригас, өдзөс водзас нин, уси өти пес. Кыпөдіс. Гөгөр сюяс видзөдліс. Ыджыд мам шулө: «Пес кө усьө кисьыд, виччысяна морт локтас». Но некод матігөгөрын эз тыдав.

Ставсө ворсігмоз вөчө Тикө. Шурыд киа. Сямөд да чаг посьнөдліс. Судзөдіс пу тувйө өшөдөм бива, копыртчис гор водзын, лөсьөдчис, сэсся изйө бива көртөн тшолк-тшолк... Ловзис бива тшак – чужис би! Со, котөртө, нюлө сямөд лестукъяссө, чагйө кутчысьө.

¹ К н я ж – п о г о с т ы с ь (өні Емва кар) войтыр.

Тшынтор нин везъясьö. Вөрöдны нинöм на оз позь. Но оло, оло нэриник биыс. И со нин гажаа öзйö. Тшын пуктыралö-кайö.

Тикö восьтис рöпöд – тшын петан розь, и пуксис лабичö. Юр весьтын ставыс волялö саысла. Стенъяс пöлөн, вылын, кийд оз судз, тшын бус чукöртан джаджъяс. Айыс на лöсьöдлис. Не кö тайö паськыд джаджъясыс, став тшын бусыс эськö лабич вылö чукөр-мис, кöлуй вылö, дозмукъяс видзанинö. Быдлаö.

...Видзöдö би вылас Тикö. Ассьыс мöвпалö. Быд здукö серпасыс син водзас вежласьö. И быттьö абу нин би, а чорыд тыш мунö ушкуйникъяскöд. Тыш шöрас айыс Тикöлөн – Турöб Яраш – ньöввужсö ассьыс зэвтлö, и ньöв бöрся ньöв сатшö ушкуйникъяс-лы морöсас. Весиг и кöрт дөрöмныс оз отсав йöз муö мырдөн сюй-сьысыяслы. Сэтчö и пөрöны.

Ньöввужйыс айыслөн паса – таöдз коркö ошкöд паныдасьлö-ма, кодi емдiнсаяслысь некымын вöлöс косялöма войся йирсяни-нын. Кыйöдöма. Дыр венласьöмаöсь. Гөгöр сук парма, рöмыд, весиг шондi югөръясыс оз вермыны писькöдчыны муöдзыс. Айыс венöма, но ас йивсыс казтылöм вылö ошкыс кольöма ньöввужас ассьыс пыдö парсыштöм гыж туйяссö. Ош гыж паса ньöввужйыс век син водзас Тикöлөн. А ньöввужйыс зэлыд – Тикö и дас воськов ылнаöдз лыйны оз вермы зэвтны. Ыджыд вын колö, медым зэвтны айыслысь ньöввужсö.

...Водзö би вылас видзöдö Тикö. Со, айсö кытшалöны гөгöрбок. Сийö шыпуртөн¹ нин дорйысьö. Серпасыс бара вежсьö. Айыс син водзысь воши. Усьöма. Кöртгысь юр кышöда йöз ыджыд гузьöбөн, горзигтыр, пырöны Емдiн карö. Джуджыд пожöм пу сайсянь Тикö зэлöдö ассьыс ньöввужсö. Ёсьтöм кöрт йыла ньöв (Би Кабыр айка дорис) сатшкысьö сьöд тошка воысьлы морöсас, но паськыд тошка ушкуйник, кузь шыпуртнас шенасигтыр, вöчö на пöсь вывсыс некымын воськов, сэсса горöдö лёкысь и чергöдчö дзик Тикö дорö...

Öнi кытшалöны нин Тикöös. Биөн лыйсьöны. Эм ушкуйникъяслөн биөн лыйсяныс. Кывлis, эм пö. Лыйöм бисыс öзйис кокувса гöрд лыс чукөр. Тшыныс чомрöдлö синва петтöдз. Нинöм эз кут тыдавны...

Тшын, тшын. Керка тыр тшын. Ставыс оз вермы петны рöпöдтi, чукөрмö керка пытшкöсас. Тикö бауөн сетчис öдзöслань, кималасөн корсис вугсö и петис рöмдыны пондöм ывлаас. Синъяссö век на курдöдis, но водзын виччысьтöг кылис гораа увтöм шы. Сувтис. Тильыштис синъяссö и муртса эз горöд – сы водзын бергалis сувтса пельяса Чангыр. Öтнасөн...

– Чангыр! А мыйла öтнад? Көнöсь ыджыд мам, Кыйва? Көнöсь найö, Чангыр? Мыйла тэ найöс энöвтiн?

«Ув, ув, ув!» – Чангырлөн став воча кывйыс.

¹ Шыпурт – сабля.

Но зонка гөгөрвоис нин, мый мөс видзысьяслөн абу ставыс лючки – суёма кутшөмкө неминуца, и Чангыр воис буретш сыла, Тик-öла, кодос пуктö аслас вежөртас серти ыджыдджык гуйö.

Теренсай шева пöч

Тикö пырис бөр тшынөн тырём керка пытшкас, кузь коколю-каөн гур-гаркерис гор пытшкас, лөсьöдышталис сотчысь песьяссö, бивывджык тэчис, и петис ортсö.

Пон гартчис сы гөгөр, дугдывтöг увтышталис и явö нуöдис кытчöкö аскöдыс. Дөрём соснас Тикö чышкис тшынсьыс петём синвасö, а сэсся кавшасис поскöд йирк вылö. Танi, керка вевт улын, сылөн дзебас: айыслөн вöралан пуртыс, аслас ньöввужйис – ёсьтём көрт йывъяса кызь кымын ньöвйөн (аттьö Би Кабыр айкалы). Ньöвъяссö сюялöма нюлысö¹. Тикö тöдö: тыш вылö петигөн нюлыссö öшöдöны кучик тасмаö веськыдладорас, шуйгаладорас – шыпурт. Тикөлөн шыпуртыс абу на, но эскö – лэчыд шыпурт лö и сылөн. Танi и би чуктöдан көлуй, аслас, сысысь öтдор, мый керкаас эм нин. Да и уна мукöдтор видзö зонка керка выв дзебасас.

Тикö лэччöдис улö пуртсö, ньöввужсö да нюлыссö ёсь йыла ньöвъяснас. Тэрыба пасьтасис горт дорсянь ылöджык мунём вылö: ас кыём дöраысь гач да кузь соска дөрём, кокас кучик көм – көтi, кок чөрöдзыс кыз дöра содтöда, көртыштис вывтыс.

Сувтöдöм джексянь Тикö судзöдис сёрвывса пöv вылысь ид нянь тупöсь, аслыс колана мында сэтысь бертыштис, нянь торсö сюйис зептас.

Мый нöшта? Джджö усьём руд нойысь вурём дукöссö босьтис – Нявийö эз нин куйлы, тшынсьыс ывла вылö вöзйысис, татшöм жö руд гындём нойысь ассьыс юр кышöдсö аддзис, и петис ывла вылö.

– Нуöд, Чангыр! Кытөн мый лоис. Нуöд!

Керка весьтын майöг йылын мудзлытöг шпоргис Тикөлөн бергачыс – и төвнырсö петкöдлö, и гаж сетö. Но сыöдз-ö öнi?..

Тасалис керка öдзöссö кузь роскөн. Мöмляйтны некор. Котөрөн мöдöдчис Чангыр бöрся зэрсыйс ёнакодь небзьём пурысьöд². Ломтысян горсö лои энöвтöма да сийö майшöдлiс мыетшкö.

Виччысьтöг матысса важ керка сайысь петис чукля бедя пöчö. Тикö тон-тон сувтис. Чолöмасьтöг водзö мунны оз позь. Тайö Теренсай Шева пöч! Тадзи син саяс шуöны, а сiдзсö эськö и дженьыдджыка – Теренсай пöчö. Нэмсö аслас шеваыскöд зыксö. Чилзан вöсньыд горөн шеваыс век мыйкö велöдö. Мукöддырйиыс видчö,

¹ Н ю л ы с – ньöввужъяс видзанiн, рочөн – колчан.

² П у р ы с ь – улич (важ кыв).

көнкө пыдын, лов-яй пытшкас, но пөчө оз сетчы, гораа водзсасьё да ёрччөмөн корё, мед эз скойсы шеваыс, кытчө оз корны. Тикё польштё Теренсай Шева пөчөысь. Да и кыздз нё он пов! Сийё од тёдысь, а вермё на и, висьталёны, тшыкөдчыны, дөзмөдан кё. Торъя нин скөр овлө, кор кузякодь оз лөсяв сы пытшкё поздысьём шеваыскөд. Талун нё ас паськалльö вылас-ө?



– Видза олан, Теренсай пөч, кузь нэм да бур шуд, овны да вывны!

Пөчөсө Тикё шоча адззывлө, мед көть и олө матын. Сийё матыстчис пөчөлөн пöлыньтчөм потшөс дорё, но эз лысьт и инмөдчыны – киссяс. И керкаыс важысла пуксьёма, муас пырө, а өти пельөс увлань медъёна тэрмасьё. Но дзоньтавны Теренсай Шева пөч некодөс оз лэдз, өтлаын пө важмим-пöрысьымим, өтлаын и муас дзикөдз пырам. Энө пө вөрөдөй и ставыс! Мунөй... шөть!

Пөчө лэптыліс ки пыдөссө лэбув моз синъяс весьтас, мөд кинас крука бедьё кутчысьёма. Төдіс зонкаөс да паськыда вашмуніс, сөмын өтка кузь пинь и тыдовтчыліс пöрысь мортыдлөн.

– Олан-вылан, Турөб Яраш пи. Вöравны али мый нё мөдін? Волысасьөмыд со вöралан кöлуйөн. Мый висьталан?

Тикё шөйөвошліс здук кежлө, но пыр и адззис лөсялана сёрни визьсө.

– Мог суис, Теренсай пөчө. Ветлыны колө мөс видзсысяс дорё, гашкө, отсышта вайөднысө, а керка горным ломтысян коли. Эськө видзөдлін кö...

– Гортад нё некод абу?

– Абу. Миян буретш и видзёны талун мөсьяссө.

– Тэ инө сэтчө мунан?

– Да. Меным колө тэрмасьөмөн котөртны...

Тикё эз вевъяв висьтасыны, мыйла сылы быть колө муннысө, виччысьтөг кыліс пөчөлысь чилзана скөр горзөм:

– Мый шөйтан-довъялан, асныра вильышпоз! Тырлы-мырлы эн сөр тані. Весась мун! Лэбышт биа ньөв моз, кытчө нуөдөны... Визув ёртыд бөрся...

«Теренсай пөчөлөн шеваыс шыасис», – гөгөрвоис Тикё.

Пөчө кутіс шенасыны крука бедьнас, зонка весиг бöрыньтчыліс,

но регыдөн сэсса шеваыс өвсис. Пöchө мыджсис бара крука беддыс
вылө да эбöstөма ышловзис – ловпытшса дöзмöдысьыс, тыдалö,
мыйкö дыра кезлö бөр дзевсис олан кудйö.

Пöchө чöвтлiс синъяссö Тикö вылө, кияссö паськöдлiс – мыйся
пö вöчан...

– Кövъясьöма бубайд, овны оз сет. Быдлаö сылы суйсьыны
колö. Мун, инö, кытчö мöдiн. Видзöдла ломтысян гортö, эн май-
шась. Мун, мун!

Тадзсö Теренсай пöchө ачыс нин шуис, эз шеваыс. Крука бедь-
нас öвтыштiс да ньöжйö варгыльтiс ас керка саяс.

Енъяс – Тикö дор

Тикö котöрөн мöдöдчис крукыль бöжа Чангыр бöрся. Понмыс-
лы эскис – нуöдö кö, сiдзкö оз весьшöрö. Сы вöсна и ачыс тэрма-
сис. Емдiнсянь туйыс нюжалiс Емва юлань лунвыв пöката керöстi
и котöртны вöлi кокни. Увтасiнöдз воём мысти тыдовтчисны ылын
сьöд чутъяс. Тайö мöсьясыс катыдса емдiнсяяслөн, сөнöсь ыджыд
мам да Кыйва, но мöсьяссö мыйлакö оз вайöдны, а кутöны
ötчукöрөн. Но сё ерöмакань!

– Чангыр, кöнi тэ?

Пон сулалiс чукöрлань мышкөн да ньöти эз кöсйы мунны на-
лань.


– Чангыр, тэ нö мый? Чангыр?

Чунь помъяснас зонка малыштiс понйöс сувтса пельяс костö-
дыс, но пон сöмын люг-легкерис пушыд бöжнас, а сэсса сы вылö
видзöдöмөн некымынысь гораа увтыштiс. Кыскö явö видзьяссай-
са сьöдалысь егырлань. Нетшкысьö сылань, но öтнасөн оз мун.
Корö тшöтш аскöдыс. Мый вöчны? Быть мун. Ошкылöны Чан-
гырöс емдiнса вöралысьяс, тiян пö сийö нель синма – мортөн ад-
дзытöмсö казялö. Вöралысьясыд – сюсь йöз, весь оз шуны. Тикö
эськö и ачыс сытöг ни кöчöс, ни пöткаöс эз кый – пон, позьö
шуны, веськыда киад суйö кыйдöссö. Тököтьö кужан кö вöдитчы-
ны ньöввужнас, куш киён пармаысь он нин лок.

И Тикöлөн кияс и збыльысь шуда: зэлöдас ньöввужсö, витас
тэрмасьтöг, ньöв бöжсö топöдöма чуньяс костас, синсö читкыртö-
ма, и со – лыян здукыс. Лов шысö кутыштас, лэдзас ньöвсö, а
водзö сэсса Чангырлөн уджыс – недыр мысти пон сы водзын нин,
пуктас кыйдöссö кок улас и том вöралыськöд тшöтш оз вермы
дзевны нимкодълунсö – увтыштö, бергалö, ошкём виччысьö. И
Тикöлөн сьöлöмыс долыда тiпкö, кор кияс босьтö кыйдöссö. Аттьö
пармалы, аттьö Чангырлы, аттьö и аслыс. Копыртчылас улöдз, мед
эз лөгась нинöмысь парма-вöрыс да видзис вомидзысь и вöралысьсö,

96254





и понсö. Ыджыд мамыс таdzi велöдiс...

Тикö вугйис-мунiс Чангыр бöрся, ассыс казытылöмъяссö юрас бергöдлiгмоз. Зэрыс вочасөн кобис, мыччысисны юра кымöръяс и корсюрö на сайысь весиг быйкнитлiс-петавлiс югыд шондi. Мунысьяс воодчисны нин шочиник егырлань и кутiсны пырöдчыны сэтчö. Веськыдладорас, юланяс, көнi пыр косджык вöлi, тонвидзисны турун сабрисяс. Ю дор видзьясыс ылöдз-ылöдз нюжалöмаöсь, сэтысь тырмымөн и дасьтiсны емдiнсаяс көрымсö асланыс гортса пемöсьяслы. Тöвнас сэсся вочасөн ваялiсны вöла додьясөн.

Но, а тани, кытчö Тикöос кыкис Чангыр, кузь зэръяс бöрын муыс кизьöрмöма. Водзö мöдiс ньöж восьласөн,

вутшкысь вутшкö чеччышталöмөн, а көнсюрö и булс-болс, пидзöсöдзыс вöйлiс.

– Но, ёртöй, тэ менö веськыда гыбадас кыскан, – дивитыштiс Чангырöс Тикö. – И мый татысь көсьян аддзыны – ошкөс, йöраöс, вöрса порсьöс? Ёна тай найö меным öнi колöны! Да и менам лыйöмөн сы ыджа пемöсьястö он на чергöд, а сöмын скöрмöдан. И вины сiдз ме некодöс ог көсьи...

Но джöм сувтiс: джуджыд эжöръяс сайын тыдовтчис нюрö кынöмöдзыс вöйöм кукань. Кадысь кадö сийö чепöсьиылiс, но быд пöрийö нюрыс кыкис коньöр пемöсöс аслас шуштöм вынөн пыр пыдöджык и пыдöджык.

– Ойя! – уси сьөлöмнас Тикö. – Кыдзи нö, Чангыр, лэдзин тэ сийöс татчöдз? Блавлiн али мый? Ноко, видлам петны. Сё зарнийöй, нетшкысьлы. Ме отышта.

Кукань быттьö гөгөрвоис: чепöсьиис öтчыд, мöдысь, коймöдысь, водз кокъяссö мыйтакö кыкылыс нин нюйтсыс, но сэсся бара вöйлiс и сöмын эбöstöма бергöдлiс юрнас. Тикö, кыдз вермис, отсасис куканьлы, мый вынсыс сыö кутчысьöмөн тойлiс, горöдлiс, нянь торйөн зiлис ышöдны – ставыс весьшöрö. И Тикö ачыс эбöstöммис, киясыс лётмунины.

Эновтчыны? Мунны да
висьтавны гырысьяслы? А
вояс кӧ сэк кості дзикӧдз? Оз
позь сетны куканьӧс зыбуч ню-
рыслы. Вынним вӧлӧмкӧ да
этшаник, но ӧд и юр на эм.
Мыйла либӧ воис та ылнаас,
оз кӧ вермы мездыны ку-
каньӧс. Со, нораа видзӧдӧ,
отсӧг виччысьӧ.

Тикӧ вӧчис воськов бӧрӧ,
пӧрччис юр кышӧдсӧ и веськыд
кинас ыджыд мамыс моз, мӧдис
чепӧльӧн юрбитны да висьтась-
ны, мый юрас воас: «Роч Ен Сус
Кристос, отсав коньӧр кукань-
лы петны нюрысь. Зэв ӧна кора. Тэ ӧд, шуӧны, быдтор верман. А ме
таись пернапас чӧвта Благовещенньӧ вичкоад. И сись ӧзта..».

Тикӧ гораа шуалис Ен дорӧ шыасян кывъяссӧ. Дерт, Емдін ка-
рын эз на вунӧдны и важ коми енъяссӧ, но роч Енмыс, небыдика
вӧзйӧмӧн да стрӧга тшӧктӧмӧн ӧттшӧтш, вочасӧн пыр пыдӧджык и
пыдӧджык йиджис татчӧс войтырлӧн быд лунъя олӧмас. Роч Енлы
эскысь мортӧн лои и ыджыд мамныс, торъя нин айныс усьӧм бӧрын.

Тикӧ эскӧдис асьсӧ, мый коланасӧ лои шуӧма да ӧні коли сӧмын
виччысьны отсӧг кыськӧ вылісянь. Сійӧ чӧвтлис синъяссӧ енэжлань,
кӧні ньӧжйӧ кывтісны гырысь кымӧръяс. Емвасянь пӧльтіс ыркыд
тӧвру. Но, со, кыліс куканьлӧн нораа корӧмыс, и тайӧ пырысьтӧм-
пыр чужтіс юрас выль мӧвп. Тыдалӧ, роч Енмыд коминад шыасьӧмтӧ
эз гӧгӧрво, а эськӧ, дерт, отсалис. Став сӧлӧмсяньныс кевмысис да.

Тикӧ лэптіс киясӧ лӧня кывтысь кымӧръяслань да заводитіс
лыддӧдлыны кывъяс, кодъясӧс кывліс Емдінын раманик ӧтка
олысь Ивӧ Чуд пӧльсянь: «Зарни Шондіӧй да эзысь тӧлысьӧй, ловъя
Биӧй да сӧдз Емва ваӧй, вежа коз пуӧй да югыд килля кызд пуӧй,
бурӧ пуктана Войпӧль да Зарни Ань, Вӧрпӧль да Васа айка, от-
салӧй петны коньӧр куканьлы гыбада нюрысьыс. А таись ме нуа ур
куяс тіянлы – ӧтикӧн быдӧнлы – Емдін сайса кевмысянінӧ».

Тикӧ лэдзис киясӧ. Сійӧ кывліс, мый роч Ен Сус Кристос
вежӧктӧ, гаралан кӧ важ коми енъяссӧ. Вермас весиг лӧгасяны.

«Ог ӧд ас вӧсна кевмы, – дорйис асьсӧ Тикӧ – да и лӧсялӧны
мед ас костаныс, оз-ӧ мӧй тӧрны пыдӧстӧм енэж йирас?..».

Кадыс муніс. Кукань чепӧсйыліс на некымынысь, весиг кыпӧд-
чыліскодь, но сӧсса бӧр вӧйліс. Чангыр сӧмын никӧстліс жалпы-
рысь.

Енъяс талун оз вермыны отсавны, либӧ оз кӧсйыны. Колӧ найӧс



9625 K

пыддиджык пуктыны – и ассыным и, гашкө, рочсө. А өнисө мый вöчны?

Чангыр бара никöстис и Тикөлөн югнитис юрас: «Теренсай Шева пöч! Шеваыс мый горзис öнтай: Лэбышт биа ньöv моз, кытчö нуöd-öны... Визув ёртыд бöрся..».

– ...Чангыр! Воис кад и тэныд уджыштны. Скөрлунтö петкөд-лы. Увт! Босьт! – зонка мөдис усьöдны Чангырöс.

Пон гөгөрвоис ассыс могсö, и виччысьтөг сэтшöм гораа да скöра заводитис увтны кукань водзын, весиг пурны дась, мый Тикөлөн пельыс чунавлис. Но сэк жö и сибдöм кукань звирк чеч-чыштис да петис зыбучаинсьыс.

А пон эз öвсы да гораа увтöмөн вöтлис мездöм пемöссö пыр ылöджык и ылöджык егырсянь. Кукань нимкодпырысь ризödö-пышйö, быттö нинöм эз и лолы.

«Кодöс и аттьöавны, – юрсö жуглис Тикö. – Роч Енмös? Коми енъясös? Теренсай Шева пöчös? Чангырös?.. Ставнысö! – тадзи кыв кöрталис ас кежсьыс. – И медводз, дерт, енъясös – ассыным и вайöмасö».

Тикö и мөвпыштны эз лысьт, мый кукань мездöмас енъяс эз пуктыны ассыныс пай.

Регыд куимнаныс найö вöлины нин мösъяс видзанинынöсь. Бидж-ыд мамысь да Кыйваысь кындзи тані шöйöвошöмөн бергалис лöнь оласа морт, Кельчи Юр айка. Сийö тэрыба корсьысис-ветлөдлис, сöмын на бара воöма кыськö. Олöма морт упкис, морösас кут-чысьöмөн, но эз лысьт куканьтөгыс вайödны мösъясös гортаныс. И кыз нö вайöдан, вошöм куканьыс кö буретш да Кыз Ку айкалөн. Ен мед видзас сы дорö локны татшöм юөрөн. Лöглуна зыкыс мый на: сёяс да вильодас ловъя вывсьыд. И вошöм ловсьыс, дерт, кык пövстаөн кулыштас.

– Енмыс отсалис, – пернапасасис ыджыд мам.

– Енъяс... – кöсйис шуны Тикö, но кутис асьсö да эз шыась.

Ёна и аттьöалис Тикöös Кельчи Юр айка, кöсйысис ыджыд ма-мыслы дон босьттөг лösьöдны керкаас выль нога гор, мед эськö тшыныс ломтысигас петис ортсö веськыда пачсяныс, а эз рöpöd пыр, и эз курдöd керка пытшкын. Емдинын эмösь нин татшöм горъясыс – абу изйысь тэчöма, а сотöм сёйысь, Иона епископлөн вичкоясын да оланінъясын, Гор öксайлөн да и мукөдлөн, Кыз Ку айкалөн тшötш...

Кыз Ку айка важысянь нин суйсьö карса юралысьяс лыдö, но оз лэдзны сийös мыйлакö ыджыд мортөн лоны. И таысь Кыз Ку айка лöгалö быдөн вылö, кодi веськалö сы шөрö. Быттö ставыс мыжаöсь...

Мös видзысьяс кокниа лолыштисны: аттьö Тикöлы – мездис мös видзысьясös Кыз Ку лöглунысь. А эськö мый вермис лоны!

«Аттьо енъяслы, мый отсалінныд меным, – мөвпаліс Тикө, мөс чукөр бөрся восьлалігмоз. – Энө эновтөй менө и водзө вылө...

Бара Теренсай шева пөч

Ыджыд мамыс Кыйвакөд мөдөдчисны колльөдны мөсьяссө ас картаясөдзныс. Емдінса пурьсыяс тырисны жыннян, бракольчи, тільгун, триньган, тоньган шыясөн. Нимкодь кывзыны. Тайө шыясыс ас ног өтувтөны емдінсаясөс, өд найө горалөны кар пасьталаыс.

Сэсся вочасөн чөв-лөнь пуксяс. Йөз пыраласны гортаныс, и сөмын карсө видзысыяс, а найө татчөс олысыяс лыдысь и быд лун вежласьөны, кадысь кадө мөдасны горөдлыны өта-мөдныслы, медым вөтлыны ас пытшсыс войся пемыдас чужысь полөмлунсө.

Сьөкыд эскыны, но збыль – медся повтөм вөралысыяслы зывөк кыпөдны ас коддьөм вылас чер либө шыпурт. Та вөсна найө оз өтчыдысь чөвтлыны пернапас и өттшөтш кевмысьны коми енъяслы, мед эськө, зурасясны кө нин, то көинкөд, мед и ошкөд, но оз ас кодь жө морткөд. Но көиныд да ошкыд Емдін дорө матө оз локны, а ушкуйник либө йөгра – вермасны. И науись лоө видзчысьны.

Тикөлөн аслас төждлуньяс. Сійө йөртис Вөсьөөс картаө. Карта пытшкас нин нянь тор суйыштис сылы вомас – сьөлөмыс бурмыштас да, гашкө, йөвсө унджык сетас. Вөсьө – гырысь лысера йөла мөс. Зэв муса туйө пуктөны сійөс, и төвнас, көдзыдьяс дырйи, лысьтынысө пыртлөны керкаас. Посводзөд картаысь вайөдасны, шоналас, а сэсся ыджыд мам пуксяс да мелі, небыд чуньяснас чилькөдө-лысьтө. Корсюрө Кыйваөс пуксьөдө, мед велалас. Тикө оз видзөд лысьтысьөмыс вылө, мед кодкө помысь сы пыр эз вомдзась мөскыс. И сөмын Нявийө вөчө, мый көсийө – бергалө пөдөнча гөгөр, ыджыд мам кокьясө ниртчө, виччысьө ассыс пай и нинөм йылысь сэсся төдны оз көйы. Воськодь ставыс сылы, мөс вөра йөлысь кындзи.

Вөсьөөс картаө йөртөм бөрын Тикө чуксаліс завор сайын сулалысь ыжъясөс да йөткаліс ньөжмыд пемөсьясөс гидө. Өти бөрся мөд пырисны, дженьыдик бөжнысө тірөдөмөн. Ыджыд мам локтас да вердалас ставнысө. И Тикөөс тшөтш.

Сод помас өшаліс сямөдысь вөчөм мыссян доз. Видзөдліс: войтванас тыр. Мыськыштис кияссө, косөдіс ки чышкөдөн, сэсся восьтіс олан жыр өдзөссө и – чуймис виччысьтөмысла: керка пытшкас сылы паныд сулаліс да вашъяліс неважөнся моз Теренсай Шева пөч. Өтка кузь пиньыс югвидзис пөлынтьчөм сюръя моз. «Пөчыслөн кузь нэм помөдзыс нин олас» – ас кежсыс пасйыштис, пинь вылас видзөдөмөн, Тикө. Лезь юрсиа, кыткө дзор, кыткө сьөд, пөчө



гөрбыльтчөма крука беды вы-
лас мыджсьомон – керкапытш-
са рөмыдас виччысьтөгьд весь-
өпөртны вермас.

– Пыр, мый синтө
сувтөдін, он-ө мой ас керкаад
во, – броткыштіс Теренсай
пөч. – Тэнсьыд гортө со
ваймөді, эг лысьт энөвтны,
кытчөдз өгыръясыс оз кусны.

– Аттьө тэныд, Теренсай
пөчө, керкаас со кутшөм шо-
ныд лоөма.

– Шоныд, дерт, ломтөм
бөрад. Меным тшөтш
лысьмөдз йиджис шоныдыс.

Косьтысь, а то, видзөда да, няв рака моз көтасьомьд.

– Брөд ва көтаси, – эз соссы Тикө. – Көтиам ваыс сөдзөма. Ку-
каньос ветлі мездыны егырдорса нюрысь. Рушкуөдзыс вөйөма да,
ёна и лои ноксыны.

– Эм сәні зыбучиныс. А куканьыс кодлөн? Тіян тай быттө эз
вөв... – Теренсай Шева пөч петө нин вөлі керкасыс да юалөм
пондаыс бергөдчыліс.

– Куканьыс? Висьталөны, Кыз Ку айкалөн...

Тикө эз вевъяв помөдзыс вочавидзны, Теренсай пөч бара веж-
сис, юрыс дзөрны заводитіс, и шеваыс сы пытшкын чилөстіс:

– Кыз Ку о-ок и лёк, чужөмыс тшөг, баялбөжас йөг. Вузалас сійө
ставнымос, а тәнө сконйыштас. Но тэ... – Теренсай пөч чургөдіс водз
чуньсө Тикө вылө, – талун мездөдчин, а аски пезьдөдчан. – Пөчөлөн
шеваыс гораа серөктіс. – Помыс Кыз Кулы тэсянь, Турөб Яраш пи!

Бара серам шы кодь мыйкө...

А Тикө шемөсө уси. Эз кажитчы сылы пөчө шеваыслөн сёрни-
ыс. Кыз Ку айкаөдз Турөб Яраш Тикөлы мог абу. Пөчөлы кө лёксө
коркө вөчліс, мед пөчөыс и босьтө водзөссө.

Но – шевакөд видчиныы оз позь. Тайос Тикө бура төдіс. Сувтөдөм
джексянь сійө нюжөдчыліс кинас сёрвывса пөвйөдз, чуньяс улас
сюрис көвдум, лэччис да мыччис көвдумсө Теренсай пөчлы.

– Аттьө горт олөмсьыд, Теренсай пөчө. Тайө миянсянь тэныд. –
Теренсай пөчөлөн шеваыс пырысьтөм-пыр и ланьтіс. Козиныс, ты-
далө, лөсялөма. Пөчө дугдіс дзөрны, долыдмис.

– Тэ эськө ачыд на нянь куд дорын пукалысь да.

– Сёр вылас эм на. Ыджыд мам тәнө бурө пуктө и паньд кыв
оз шу. Сөмын опшас, – эскөдана шуис Тикө. И содтіс: А тэ, Терен-
сай пөчө, миянысь быд лёксө вешты, имитан кывнад дорйы – ыдж-
ыд мамөс, Кыйваөс, менө.

— Ог төд, ог төд, — кинас шенасигтыр, пөчө кутис бөрынтычыны посводзлань. — Ме од немтор ог төд, бур пио. Тайо шеваой быдлао нырсө суйо, а ме дась нин мусо люкавны. Пөрысь, жеб. Но шуомто кыл и кута юрын. Ыджыд бушков ырыштчас мианланьо, шеваой важон нин олөдө, а со оз восьты, кодаро мый...

И Теренсай Шева пөч, вомгорулас мыйкө броткигтыр, лөтиктис-мунис муо пыром аслас оланінлань.

А Тикө коли сулалан пөчөон ваймөдөм гор водзын. Гыжыштіс балябөжсө: код төдас, кодаро бергөдас Теренсай пөчлысь бур косьысьомсө сылөн шеваыс. Пөртас кө лөкө?

Тикө босьтіс киас чер, петис ортсө да гөгөртис керкасө, пельөсь-ясас клөнгышталөмөн. Тадз вөчис, медым олысьяс эз вуграв да бура видзис керкасө, коді тшөтш и сылөн оланін. Таөдз найо лөсьял-лісны ас костаныс да олісны өти позйын зыктөг, өта-мөднысө пыдди пуктөмөн...

Та бөрын Тикө пырис гортас, босьтіс гор сайсьяс кос сартас чукөр да тэчис найос сөй дозмук вылө шонді югөръясон моз. Колө вуджөравны лөксө. Өдзос юрйылысь судзөдіс сөсся кос туся пу вож, пөлялөмөн өзтіс сійос пөсьон ымралысь горйын да чөвтис сөй доз-мукас. Ыпнитис би и чепөсийс вывлань чөскыд дука тшын.

Вөлисти лолыштіс кокниа. Теренсай пөчлы паныд сійо ас пытшкас нинөм эз кут, но шеваыс пөчлөн өна нин асныра!..

Кор ставон гортынось

Керка пытшкын шоныд и, позьо шуны, югыд. Ыджыд мам лысьтысис, идрасис. Нявийо удитис нин чөсмасьны мөс вөра йөлөн и лөня кургис лабичын Кыйва дорө топөдчөмөн. Корсюрө бергөдліс юрсө ыджыд мамлань, коді ноксис дозмукъясон кывтын, и сөян көрыс кысянь эз лэдз чөскыдджыка вугыртны, мед көть и мөс вөра йөв бөрын. Весиг корана шыасьліс.

— Но-о, — янөдіс Нявийос ыджыд мам. — Яй ковмөма сылы. Яй кө колө, шырос кый, эн дышөдчы.

А Нявийо та вылө сөмын бөж йывнас вөрөдышталіс да юрнас ниртчис Кыйва дорө, аслас дорйысь да лелькуйтысь дорө. Кань бура төдіс: пызаныввса сөянысь, мыйкө лоө кө быттьө туянаыс да чөскыдыс, вичмас и сылы. А көтшассянь ок и чөскыд дук кыліс — ыджыд мам юкліс посни торъяс вылө выйчери, войыввса госа чери.

— Аттьө Кельчи Юр айкалы, бур сьөлөма морт. Энлөй, шуө, мем да Кыйвалы, кор воимөй мөсьяс бөрся керка весьтөдзыс. Мый нө, мися? А со — петкөдіс дона чери, вомнытө пө чөсмөдыштөй. Кыськө на и кыйөма сюсь мортыд, — шуасис ыджыд мам. — И ломтан гортө көсьысис на выльмөдны. Шуа: Аттьө. А сійо и висьталө:

Атбьосö Тикöдылы шу – сьölöмöй быдсөн личалис, Кыз Кулысь куканьсö дзоньвидзаён аддзи да.– Со öд кызди артмис,– кыв көрталіс ыджыд мам.

Тэрыб вöраса, быдтор вевъялö вöчны ыджыд мам. Меным, шуö, пöрысьмыны оз позь, колö öд тiянöс на кызккө кок йылö сувтöдны.

– А збыль öд,– водзö шуасис сійö.– Жуявтöдз корсьысим. Сэтчö и Чангыр виччысьтöг кытчöкө воши. Вөлöмкө да, тэла лыйыштö-ма-мунöма, Тикö.

– Чангыр усйысис, ме эг и казяв,– серöктіс Кыйва.– Сöмын на динам бергаліс и – абу!

– Ме öд, ыджыд мам, Теренсай Шева пöчöс кольлі горт овны. Бисö вевъялі суйны горъяс, кор Чангыр мыччысис. Ме пыр и гөгөрвои, мыйкө абу лючки тiян.

Тикö висътасис Теренсай Шева пöчöкөд кыкысь аддзысьлөм йылысь, а мый вöчис керкаын пöчö мунöм бöрын, дерт, эз шу кыв ни джын. Но ыджыд мам казяліс нин дозмук вылас куйлысь сар-тасъяссö да öні сöмын нюмъөвтіс.

– А мыйла нö тэ сетін ид няньсö,– небыда көрityштіс ыджыд мам.– Джодж ув гуад кө пыралін, нянь кудъяс сәні и рудзöг көрышъяс на эськө аддзин. Позьö вöлі и чöскыдджык няньсö сетны. Теренсай пöч мянө шоча пыравлö. Сьölөмыс эськө бурмис пöрысьыдлөн да эз ковмы тэныд майшасьны нинöмысь. Бурыд лөсялö быдөнлы. А, мөд ногөн кө, со тай, Кыз Ку айка дөзмөдлөма пöчсö, гапкө, кутшөм важөн нин, а шеваыс, видзөдтö, öнөдз лөгалö.

Ывла вылын лои сап пемыд, но керка пытшкөссö гажөдіс пеша вор весьтын ломалысь сартаса би. Тикö кадысь кадö пешліс выль сартас, а сотчөмсö лэдзліс ва тыра ворйö. Тайö эз лыддысь уджөн, бисö видзны сійö кужліс, и пеша дорö гежөдика матысьмылөмыс зонкаөс эз дөзмөд ньöти.

Керка көтшасланьын лөня куйліс Чангыр да синъяссö куньöмөн шойччис. Сійöс вердісны мукөд пемөсьяскөд тшöтш пызан сайö пуксьытöдз на. Тадзи век вöлі и эм: гортса пемөсьясөс вердöны пызан сайö пуксьытöдз, медвойдөр.

Асланыс нуръясьöм водзвылын ыджыд мам матыстчыліс ен ув пельöслань, дзебасысь кыскыліс рузумö гартыштөм свертök, ышловзис да пуктіс бөр. Сэсся чөвтіс пернапас и куимнаныс пуксисны дзирнөвтчыштөм пызан сайö.

Рытъя нуръясьöмсö ыджыд мам пötөсаён лөсьөдöма. Медводз чөсмөдісны вомнысö выйчериөн – морт тшытшторйөн. Чöскыдыс уна оз овлы. Нявийлы аслыс пай, дерт, вичмис жö – Кыйва мыччис, и сылы паныд некод кыв эз шу. Оз öд весьшөрö ыджыд мам нимты збой да визув нывкаөс вильыш ёсөн. Дзирдыштас и абу – корсь, вötöd. Ичөтысянь зильö аслас юрөн овны. И мед. Со и öні, вөлöга виччысигмоз, Кыйва виччысьтöг сьылыштіс:

«Джодж ув айка, петав, петав
Нянь дінө да сов дінө,
Чөскыд яя шыд дінө,
Ид пызя пось рок дінө..».

Тадзи бурөдіс джодж ув айкасө.

Босьтчисны вөлөгаө. Сола ыж яйысь пуом шыд – сыысь пөтөсджык мый вермас лоны! Мөс видзысьяс вотөдз на Тикө суйис шыд гырничсө горйө. Тшөктисны да. Орччөн сэк жө мод гырнич сувтөдіс – ид пызя рокөн. Öнi рокыс руалө пызан вылын, паньон вөчөм гос тыра гуранөн шөрас. Кыномныс өна сюмалөма – сөйисны чөла.

Сэсыя ыджыд мам вайис тасьтjасын йөв, рысь и – медбөрын – юмов сөркни ва.

Пызансө идравтөдзыс Тикө, нянь торйөн кияс, гирйыштіс аслас пу паньон тыртөммөм рок гырничсө, да сэтшөм азыма муткыляліс-сөйис чукөртөм рок пыдөссө, мый ыджыд мам эз вермы кутчысьны гажа серамысь:

– Эз на тырмы? Сөй, сөй! Колөкө, вая на рудзөг пызя пув. Көсья вөлі эськө вайнысө да... Кольөм вося пувйыд өд эм на көзөданым. Таво, Ен кө сетас, бара на вотам.

Тикө шеныштіс кинас, оз пө ков. Гирйыштіс на гырнич пыдөссө, кисьыс нянь тор бырөдіс.

Кыйва суйыштіс сөрниө кыськө кывлөмтор:


– Рок сөйигөн, Тикө вокөй, киад нянь оз кутны, йөнмассяс идйыд.

– Уна тай төдан, – вомаліс чөйсө Тикө и вешйис пызан сайысь, медым, кымынөдысь нин, пешны выль сартас сотчөмаыс пыдди.

– Быдманныд, мусаяс, быдманныд, – лөньөдіс челядьөс ыджыд мам. – Шонъян ай-мамныд тай оз нин аддзывны тjанөс некор, а эськө кутшөм вөлі налы нимкодь. Энө вунөдөй асья сөйиганыд вошйөдны ай-мамнытө. Шуй: Вошйөй да сибөдчөй, айө да мамө.

– А кутшөмөсь найө вөліны, ыджыд мам? – юаліс Кыйва, пызансө ветьөкөн чышкигмоз.

– Олана йөз на вөліны эськө да, энөвтисны тай миянөс. Мамыд зэв мелі оласнога, некор тjанөс эз чиршөдлы, айныд – рам, абу уна сөрниа, но быдсөн пыдди пуктылісны, на лыдын и Гор өксаиным.



Шуас кө – шуас, а оз кө – оз. Быдтор кужліс, быдтор вөчліс, быд-
өнлы вөлі дась отсөг вылө воны, и со тай – олігкостыс пөри, лы
ни ку воши, да-й код тодас на көні.

– Сійө өд ушкуйникъяслы паныд тышын юрсө пунктис, ыджыд
мам. Эз вош, а уси. Бөрын йөз сійөс аддзисны да пармааным и
дзекисны, – стөчмөдіс Тикө. – Гашкө, ош паса ньөввужсө орччөн
пунктисны.

Сэсса ставөн чөв усьлісны. Ай-мамныс йылысь висьтсө ыджыд
мамсянь челядь кывлісны эз нин өтчыдысь, но өд гарыштлөмыд
мыйтакө аддзысьлөм кодь жө. Ыджыд мам төдіс, кызди да кор
айныслөн ньөввужас артмис ошлөн гыж пасыс. Кыйва та йылысь
кывліс жө.

– Висьтав ыджыд мам, – лөня шыасис Кыйва, – айө да мамө
коркө лөгасьлісны ас костаныс?

– Кургисны-олісны гулюяс моз. Нылөй, шонъянөй, мамныд тіян,
шуа тай, рам оласаөн вөлі. Мыйкө нин тіянөс лелькуйтліс, быттө
төдіс, мый недыр олас таладор югыдас. Некутшөм өлөдөм тіянөс!
Ме видчылі, мися, тшыкөдан тадзнад челядьтө. Сералө сөмын.

– А айным?

– Айныд сэтшөм жө – паныд кыв оз шу. Быдмасны и асланыс
юрөн пө мөдасны овны. Ме и шенышти кинам – асьныд төдад.
Менам овсьөма нин, а ті сэсса кызз кузад. Мамныд өд менам
өтка ныв, унаөн эськө вөліны да... Ковмөмаөсь тай енъяслы.
Өтнамөн со коли...

Кыйва вач-вачкерис кияснас.

– Өтнадөн? Мый тэ лөсьөдлан, ыджыд мам, а? Ми со орччөнөсь.
Тэкөд орччөн и ыджыд ай на миян вөлі.

– Вөлі да уси. Тэнад кодь жө инө өшйытөм ру сійөс вөдитліс.
Сы воө йөгра котыр татчөдз воөдчывлісны. Моз¹ төлысьө. Ус-
пенньөөдз некымын лунөн водз. Мамныд верөс саяс на мунтөм
вөлі. Ёридз ю дорсянь мыччысисны, но оз вөлі чайтны, мый тышөдз
воас. Йөграяслы воча Питирим епископ петіс. Крестос Ен нимөн
өлөдө, сёрниө кыскө. Сійөс юр вундысьяс виисны, гөгөр бытшлал-
існы. И сыкөд петөм йөзсө тшөтш. Зэв чорыд тыш сэсса пансис.
Сэки өнія Гор өксайлөн айыс усьлі. Арлыда нин вөлі. Бурайөн
шулісны. Унаөн сэки усины. Ыджыд айныд тшөтш и. Шуөны, Бу-
райыскөд орччөн уси. Чуд гу шойнаын ставныс куйлөны. Мымыш-
ты, Мезөсө², ловъяясөс и кулөмаясөс...

Ыджыд мам чөвтис пернапас да ланьтіс..

Керкаын лои лөнь, сөмын кылө, кызди трачкакылө-сотчө кызз
пу сартас.

¹ М о з – август.

² М ы л ы ш т ы, М е з ө с ө – сет милөсьт, Енмөй (важ ног).

Торкис чөв-лөнсө Чангыр. Сийö звирк чеччис куйланінсьыс, матыстчис öдзöс дорö да некымынысь увтыштис.

Ирьянколөн вöзийöм

Öдзöс воссис и керкаö тювкнитис-пырис Ирьянко, Тикöлөн мед-бур ёртыс, арöсөн кымын арлыдаджык сыысь. Со кор төдчис мездорсьыд пес усьöмьд. Ирьянко – дорччысь Би Кабырлөн пиыс, айыс кодь жö съöd юрсиа и съöd синъяса. Сöмын, айыс кө абу кыввора, Ирьянко, мöдарö, варов да шмонитысь.

– Кузь нэм да бур шуд, оланныд да выланныд! – збодера чолöмасис Ирьянко. – Чангыр, со, чолöмалö, а кызди мукöдыс, ог төд. Сёрөн шöйта да.

– Абу на сёр. Сöмын тай кокыд дженъыд, Ирьянко, – воча шыасис ыджыд мам. – Нуръясьны сöмын на эштöдчим.

– А ме öд сёйöма, Юрань инька. Виччыси, мед тi нуръясинныд. Пöt кынöм вылад сёрниным артмасджык. Могөн вои. Öти сайын ай-мам со козинтор ыстисны.

Ирьянко разис тубрассö да мыччис кузь черинянь.

– Мый нö сэн лоöмныд, – дивитöмөн броткыштис ыджыд мам. – Аттьö эськö да, но öд тшыгла огö на кулöй. Да и асьнытö удзöдан-ныд.

– Козин – козин и эм, абу тшыг понда.

Ыджыд мам нöшта öтчыд аттьöалис Ирьянкоос да юалис сылысь:

– Висьталан, могөн воин?

– Тикö дорö могөн, Юрань инька, – Ирьянко пуксис лабичö да малыштис Чангырöс пельяс косттыс. – Оз-ö, мися, сийö ветлы мекöд Ёридз ю катыдö, айöлөн вөр керкаöдз, гырысь ком кыйны. Öти сайын и вотчыштам, мый сюрас, тшак ли вотс ли. Пыжным миян бур, а кыкнад гажаджык... Дерт, Юрань инька лэдзас кө ветлынысö, Тикöлань син пöвсö гусьөн читкыртлис Ирьянко.

Мудер Тикöлөн ёртыс. Сюсь. Некымын лун нин мövпыс та йылысь бергалö налөн юраныс. А öни со ылісянь матыстчö, черинянь сьöрсыйс босьтöма и. Ни ай, ни мам, гашкö, эз и ыстыны – абу öд гажлун. Но – Ирьянко век вöчö, мый кöсийö, мый лыддьö кола-наён. И гортас ськөд лыддысьлісны верстьö морткөд моз.

Ыджыд мам эз тэрмась вочавидзны весьтас.

– Чангыр, ноко, тагöс шöрас эн куйлы, ускötтьö эн тунав. Кыйва, пöдлышт öдзöссö. Пöсь лоöма, видзöдтö, восьтöма нырнас. А, эськö, пöсь и эм, мед нö восьса лолö. Ком кыйны шуан, – ыдьясны кутис сийö, – матигöгöрас оз-ö мöй шед?

— Мыйла нө оз шед? Шедө — ёкыш, кельчи, мык, сир, йөрш. Төрыт на эты ыджда сын шедіс, — Ирьянко петкөдліс кияснас, кутшөм ыджыд сын сылы төрыт шедөма. — Но комыд Емдін бердад оз шед. Сылы визув, югыд ва колө. Ёридз юад, миян вөр керка дорын, позьö уна кыйны. Быд чөвтөмөн самасьö. Ваям черинянь вылад, регыд өд, шуöны, роч Ен серти успенньö лун. Вичкоад нуанныд и аслыныд сөйны лоö. Комсьыд чөскыд чери абу...

Ирьянко сёрнитіс тэрмасьöмөн. Төдчис, мый шуансö водзвыв дасьтөма, и некутшөм бөрынтьчөм вылө оз мун.

— Дыр-ö нө көсьяд ветлыны? — юалис ыджыд мам. Сійö век на эз тэрмась шуны ассьыс ньылыда кывсö.

— Кык войков, — збоя вочавидзис Ирьянко.

— Ылын эськө да... Онö жö өд вошöй... Мый сэсса, ветлөй, инö.

Тикö важөн нин виччысис тайö кывъяссö и эз вермы дзебны нимкодълунсö — чепөсйис лабичсьыс, кинас пенасьны мөдіс.

— Со и бур, ыджыд мам. Куш киён огö воёй, век нин мыйкö шедас-сюрас. Да и Чангыр миянкөд лоö.

— А ме? — льөбсö нюжөдіс Кыйва. — Ме көсья жö ветлыны вөр керкаö да ком кыйны.

— Тэ ичөт на, Кыйва, — өлөдіс чойсö Тикö.

— Ме абу ичөт, көсьян кө төдны. Ыджыд мам, висьтав, кызди ме талун мөсьяссö видзи...

— Видзин тай, куканьыд со дзизөдөма-пышйөма, — Тикö ньöти эз көсйи дөзмөдны чойсö, но колө вөлі чырыштны, мед пыр жö өвсис да энөвтчис аслас кывъясысь.

— Абу ичөт, донаёй, абу ичөт, но өд менö өтнамөс онö жö кольöй. Öтнамыдлы гажтөм лоö, — пырис сёрниö ыджыд мам. И бергөдчис Ирьянколань: — Кор нө туяс петанныд?

— Мөдлунö, Юрань инька. Аски дасьтысям, а мөдлун водзаводз мөдөдчам. Куим чомкостыд¹ абу кузь туй, рыт кежлас и воам вөр керкаөдз.

— Абу кузь туйныд, но абу кокни.

Ёридз ю усьö Емваö, Емдінсянь катыдланяс. Ачыс юыс ляпкыд, изья. Эмөсь, дерт, и джуджыдінъяс, но öти чомкост мысьт, катіг, найö помасьöны. А водзö зонкаяс уна пөсь кисьтасны ю йывлань писькөдчигөн. Луныд и кольö сэтчö. Ёридз юсö помсянь помөдз ыджыд мамныс вуджліс том дырйиыс эз өтчид-мөдысь, а унаысь: вотчигъясö, кыйсигъясö, гуся кевмысянінö ветлігъясö... Роч Енлы юрбитіг-копрасиг, сійö эз дзикөдз вунөд и комияслысь важ енъяссö — на водзын полөмыс век оліс сы пытшкын и козинъяссö кадысь кадö нуліс лышкыда. Пöрысь йөз велөдлісны тадз вөчны. Öнитö, кор ачыс арлыда лои, сы ылнаö оз нин ветлөдлы. А муніс на эськө, коланлуныс кө тшөктіс...

¹ Ч о м к о с т — 5-7 километр.

Гөгөрбок мөвпыштөм бөрын, ыджыд мам выльысь шуис, кони сёлөмөн нин:

– Но, инө... Ветлөй колөкө.

Недыр варовитөм бөрын Ирьянко заводитис тэрмасыны гортас.

– Сёян-юантө рытсыньыс аски дасьтөй. Ньөвйид тэнад, Тикө, бур. Аски луннас пырав мянө, айө дорис тэныд выль ньөв йывьяс. Пыж – менам лоө, тьянлөн, важ нин да, ылө он мун Ёридз ютыд... Бур вой! Аддзысьлытөдз!

– Бур вой! – шуис Тикө.

– Бур вой! – шыасис ыджыд мам. Аттьө кыв шу мянсянь аймамыдлы чериняньсыс.

– Бур вой, Ирьянко! – шуис тшөтш Кыйва, тыдалө, мый дөзмөмыс эновтөма сийөс, сёлөмыс бурмыштөма.

Ирьянко бара малыштис Чангырөс пельяс косттыс.

– Чангыр мед колльөдыштас менө. Век нин гажаджык гортө туйыс лоө.

– Мед колльөдө, – докнитис юрнас Тикө. – Чангыр, ветлы бөрводз Ирьянкокөд, – тшөктис сийө понлы.

Пон люг-легкерис бөжнас да гөгөрвоөмөн видзөдліс Ирьянко ылө. Өдзөс пөдлассис на бөрся. Морта-понма костын сёрни во-часөн ылысмис.

Ирьянколөн мунөм бөрын

Керкаын чөв-лөнъ пуксис.

– Огө нин вайө весь сотөй сартассө, водалөй сэссия, челядь, – недыр мысти торкис чөв-лөнъсө ыджыд мам. – Мудзи лунтырнад. Ёна лои ветлөдлөма. Ониш босьтө, очсөдлө со. Водалам да выль лунлы банаөсь лоам. Бурис мед сибалас, лёкыс мед ылалас.

И сувтис лөсьөдны узяннъяс.

Тикө мудзөма жө. Петалис ывлаө, гольс игналис сод өдзөссө да пырис бөр. Чангыр абу на воөма, но сылөн аслас узянн-керка, дзескыд, но шоньд.

Пырөм мысьт Тикө заводитліс вежөрнас аския лунө пырөдчыны и мөд лунъя лунас тшөтш. Ас кежсьыс бара пасйис: со өд, збыльысь, вөлөм, шуөны – пес кө усяс мездорсыд, виччысяна морт воас. Сідзи и лои. Тикө важөн нин виччысис олөмас мыйкө эстшөмөс, эз быдлунсяөс. Со и вөзийис Ирьянко ветлыны ылыс вөр керкаөдз.

Тикөөс кыскис ылі туйө. Кымын ылө, сымын бур. Йөз муяссө видзөдлыны кыскис, паськыд саридзьяссө, керка ыждагырысь пыжьяссө сэтысь, шензьөдана олөмсө ылыс войтырьяслысь.

Унаысь, ывла вылын бергалігөн, видзөдлывліс вывлань: а пыдын-ө енэж йирыс? Либө со, шондіыс... Сийө югзьө-шонтө сідз жө,

кызди и пöль-пöчьяслы югзис-шонтис уна во сайын, а оз и чин. Кытысь помтöм шоныдсö босьтö, мыйла оз кодзав, кодi пестö сийöс, кызди?.. Татшöм мөвпгьясөн дыр кө видзöдан вывлань, юрид бергöдчö весиг.

Либö ылö видзöдлас: а мый водзöсö, енэжтас саяс? Ивö Чуд пöль шуö, енжтас саяс пö бара енэжтас. Помтöг али мый сидз? Көнкö öд помыс эм жö? А көни? Ивö Чуд пöль шуö, помыс пö абу... Кыдз сийö абу! Быдторлөн заводитчöм и пом эм – вөр туйлөн, шорлөн, юлөн, олöмыслөн...

Тикöөлөн син лапгьясыс сьöктисны, и сийö чöла довгис ас узян-инланьыс. Си ни лов сугшкысис-водис. Лунся тöждгьясыс вуджисны войся вöтгьясö.

А Кыйва? Сийö дыр на эз вермы унмовсьны. Бергалис ыджыд мамыс дорын паськыд узыланинас и мыйкö, аслыс коланасö, юасис. Ыджыд мамыс вочавидзлис пыр ньöжджыка и ньöжджыка.

Пельöсын, кылö, заводитис гуджгыны шыр...

– Нявийö, – чукöстис каньöс нывка, – мун кый... Ыджыд мам, – кинас, вөрзöдыштис Кыйва, – ыджыд мам!

– Ы? – чепöсйис мöдыс.

– Кылан? Меным оз позь дыр лоны ичötөн. Кöсья ачим пусьыны, пöжасьны, дöра кыны, мöс лысьтыны, ыжöс шырны, вотчыны, чери кыйны... Ме сюсь, менам артмас... Ыджыд мам!

Некутшöм воча кыв.

Көнкö ылын кадысь кадö торкавлис войся чöv-лөнсьö кар видзыслөн чукöстöмыс. Кар видзысьяслы узыны оз позь. Сы вылö и видзысьяс.

...И ньöввужйысь лыйсьыны көсья велавны, – мөвпыштис Кыйва.

Сэсся унмовсис.

Ивö Чуд пöль

Аслас дзoляник öшиньяса керкаын Ивö Чуд пöль важöн нин олис дзик öтнасөн. Дзор юрсиа, нейджыд тушаа, пельк, перыд. Некодöс эз дöзмöдлы, некытчö торья эз ветлы, а сы ордö емдинса войтыр пыравлисны: пöль кылис тывгьяс, кулöмгьяс да дзоньтавлис найöс, вöчавлис гымга да ветель, гындысис да кучик көмкот вурлис. Кужлис и нинкөм кыны, вöчавны сямöдысь тойис¹, пестер, чуман.

Сы ордö тшöкыда кежавлисны челядь. Серамбана чужöма Ивö Чуд пöль тöдис вель уна мойдкыв, кужлис кузяа да мичаа висьтасьны сы йылысь, мый вöвлi Эжва Перымын, Ыджыд Перымын да ыли йöз муясын. Кужлис весиг рочасьыштны. Эз öд весьшөрö сийöс

¹Т о й и с – туис (важ коми кыв).

корлыны колана здукъясö и емдінса öксайяс – Гор да сылөн айыс. Ивö Чуд пöль кужліс сетны бур мөвп, асьсö вылö эз лэптыв да пыдди пуктыліс öткодя и öксайöс, и вöралысьöс, и гылалöм пиньяса ичöтик зонкаöс.

«Ачyd бур, и йöзыс бурöсь», – век шуліс сійö.

Ирьянколөн пыралöм бöрын мöд луннас Тикö шуис видлыны Ивö Чуд пöльöс да корны сылысь, эм кö да сетас кö, чери кыян си. Аслас эськö и мыйтакö эм на, но войковнад ветлігөн содтöд сиыд мустö оз зырт.

Сьöрсыйс Тикö вайис асья лысьтöм йöв тойисын, нянь кöрыш сьöрсыйс босьтіс – куш киён мунны абу лöсьыд.

Со, пöль керкасянь неылын паськыда шевгöдчöм увъяса лöм пуяс. Пöль век корліс челядьöс чöсмасьны гырысь лöмнас да тшöктывлис висьтавыны, мед и мукöдъяс воласны. Аслыс, дерт, вичмöдліс жö, но öтка мортыдлы уна-ö колö.

Дзик керка дорас майöгъяс йылын тывъяс косьмöны – Ивö Чуд пöль ылі вөръясö висян кокъяснад эз лысьт ветлыны, но чери аслыс сөйöм вылö матігөгöрса тыясысь кыйліс.

Керка йылас – пуысь мичаа вöлалöм вöв юр, видзöдö енэжтаслань.

Ивö Чуд пöль быдсяма вöчасян кöлуйнас тырöм керка пытшкас ноксис: косьтöм ньыв пу кырсь посньöдліс гырыын – кач пызь вöчис кузь тöv кежлö. Тайö уджыс Тикöлы тöдса вöлі, кач пызьысь пöжалöм нянь кöрсö тöдö жö.

Шуны кö нин, емдінсаяс некор эз кольлыны черитög, тшаквотöстög, пöтка яйтög. Тöдöны и йöра яйлысь кöрсö – бур кыйсьысьясөн Емдін паськыда нималö. А мöс йылысь и гаравны нинöм – сытög нö кутшöм олөм-вылөм!

Но – овліс – гожся кадö нин виччысьтög пужъялас и öти войөн кынтас ставсö. Сэки и ковмас кач пызьыд, а ид либö рудзög коляс пызьөн кö соран – и зэв на бур. Со и лоö виччысьны да лоны дасьөн быдсямаыс кежлö. Дерт, эськö еньяс мед видзасны! И асланымъясыс, и рочыс.

Мездылісны мыйтакö няньтöм воö емдінсаясöс Гор öксы да Иона епископ: ыстывлисны лунвывлань сюсьджык йöзöс дона куясөн, а найö вайлісны ва туйöд нянь. Юклісны сійöс водзöсөн, няня арöдз. Öтчyd, артмис, эз воөдчыны ыстөм йöз – став няньсö мырдисны тотараяс. А йöзсö виисны. Тадзи бöрынджык кывсис.

Тикö чолөмасис Ивö Чуд пöлькөд. Пöрысь морт ыдждавыны эз кут – козинъяссö аттьöалөмөн босьтіс, йöвсö кисьтіс аслас гырничö и сисö зонкалы унакодь сетіс.

– Аттьö, бур пиö.

– Тэныд аттьö, Ивö Чуд пöль.

– Кывлі, тöрыт куканьöс мездöмыд. Ошканатор вöчöмыд. А

кызди тэ сэтчө лөсялін? – И, кор Тикө висьтасис төрытъя йывсь-
ыс, өти сайын и Теренсай Шева пөч йылысь тшөтш, пөль чуй-
мис.– Шензьөдө висьтасьомыд. Теренсай пөч?.. Да-а... Но, ником,
нином. А ме тиянлы воча козин пыдди выльон кыйом чери пырта.

– Ме од кыйны жö көсья ветлыны, Ивö Чуд пөль,– шуис Тикö
да юөртис Ёридз ю катыд Ирьянкокод аски асылö мөдөдчөм йы-
лысь.

– Ёридз катыдö? Сидзкө, содтөд сета чери кыян ситö. Колö,
колö... Пармаысь ородчыны некыз оз позь, сыын и олөмыс. Кы-
мын пыдынджыкось пулөн вужъясыс, сымын вылынджык сылөн
юрыс. А миян вужъясыным буретш пармаас. Кыкөн и мөданныд?

– Кыкөн. Да нөшта Чангыр миянкод лөö.

– Ылөдз-ө нө мунанныд?

– Би Кабыр айка вөр керкаөдз.

– Куим-нөль чомкост. Тöда налысь вөр керкасö. Гажаинын су-
лалö. Дыр кежлö?

– Кык войков шуим.

– Вөр-пөльыскөд лөсялөй,– шуис Ивö Чуд пөль.

– А кызди нө лөсявнысö? – эз гөгөрво Тикö.

– Энö дөзмөдөй.

– Он кө сийөс аддзы, кызди верман дөзмөдны?

– Пуяссö аддзан?

– Аддза, дерт.

– Быд пулөн аслас лов,– небыда нуөдис сёрнисö Ивö Чуд пөль.–
Сидзкө, найö ловъяось, кылөны и аддзöны быдтор. И дойдны найөс
кокниа позьö, пуыд воча мый вермас вöчны? Нинөм оз вермы
вöчны. А вөрпөль дорйö. Парма олөмсö энö торкөй, сэки вөрпөль
лөö тэ дор. Гашкө, отсалас на мыйөнкө.

– Пуяссö од керавлөны...

– Бурөн корөй быд пу, лолыс сэки оз доймы. Ломтысьны кера-
лад – биö вуджас, керка-карта кыпöдны – сэтчө вуджас. А керка-
ад аслас дорйысь – олыся.

– Тэнад керкаад олысясыс эм жö?

– Сытөг нө кызди! Эм, дерт.

– И тi лөсяланнды?

– Зiля лөсявны. Öти керкаын öд олам. Мөд ног оз позь.

Тикөлөн юаланыс сёрни чөжөн оз чин, а содö.

– Ивö Чуд пөль, ме öд сёрысь ньөввужйөс босьта, вөрпөльыс
оз дөзмы, пөткасö кө уськөда?

– Оз. Сөмын медводдза кыйөм пөткатö эн босьт сёрсыд, а
коль тыдаланаинö да нөшта и аттё шу, мый шедис. Сийö –
вөрпөльы. Тадзи век комияс вöчлисны.

– Та йылысь ме тöда,– довкнитис юрнас Тикö.– Сөмын айö шу-
лөма, медводдза пөткаыс пö мөдар югидö вуджөм чужанвужлы.

– Вермас лоны и сідз, – нылыд шуис Ивö Чуд пöль. – Тэ коль, а сэн сэсса артмöдчасны.

Ивö Чуд пöлькөд гажтөм некор оз босьт. Парма-яг йылысь сійö дась висьтасьны сы мында, мыйта кывзасны.

– Тэ шуин пуяслөн лов йылысь, а öд пуясыс пармааным öткодьöсь, пу – пу и эм, абу найö йöз. Торъялöмсö кызд казялан?

– Э-э, – вочавидзис пöль, – аслыспөлöслун быд пулөн эм. Сулыштöй инмöдчөмөн дырджык, и казяланныд. Зільöй шойччыны пожөм улын, либö кызд пу улын. Найö сетöны мортлы вын. На кодь жö и пелысь пу.

– Мукöдьясыс нö лөкөсь?

– Быдсөн бурöсь ас ковманінö. Пипу либö коз пу, либö льөм кыскöны морт пытшкысь быд пөлөс висьöм. Уна кад ме колляла аслам льөм пуяс улын. Мыйкө вöча, мошкоритча пу улас, а кыла – лолöйлы кокныд, рытнас пыра – кышyd, чивкъяла, томми быттö. Войбыд льөм пу улас дась шнөпвидзны, но ог лысьт – мудзасны пуясыс, дözмасны.

– Пуясыс дözмасны?! – гораа артмис Тикөлөн.

– Кызд нö. Налы öд шойччынысö колö жö. Вынсö бара чөжны улысь и вылысь. Тэ коркө казявлы, Тикö, унджык быдмөгыс войланьыс люньмунö. Тадзи пöчöяс вугралöны рытъя печкигөн – чöрсныс кысьыныс усьöма, а чуньясыс век на вөрöны. Татшөм налөн пöрысь узьöмыс. И быдмөг узьö шондi петтöдз.

– Аттьö, Ивö Чуд пöль. Меным сэсса колö мунны.

– Колö, дерт. Бура ветлöй.

– Ыджыд мам шуö: енъяс сайын бурыс.

– Шуö кө, сідзи и эм. А енъясыс миян ас вөр-вааным. Та вöсна и пармаын вынним миян: пасьтöдас, вердас, юкталас, доръяс и чуймөдана мойдъяс на пеляд вашкөдас. Тэ быдмысь морт, ставсö адзылан аслад синъясөн...

Позьö вöли лунтыр кывзыны Ивö Чуд пöльöс, но Тикö тэрмасис, да и пöльлөн уджыс юр выв тырыс. Сідз нин манитöма лои сёрниа пукалөмнас.

Петісны керкасыс кыкнанныс. Тикö бара чөвтліс синъяссö керка вывлань, көні лун и вой мегыр моз кутіс юрсö пуысь вöлалөм вöv. И бара на эз кутчысь юалöмысь.

– Ивö Чуд пöль, йöзыс висьталöны, мый тэнад вöлыд, кодi керка вылас, видзö лөк вынъясысь и асьтö, и тэ дорö волысьясöс. Кутшөм лөк вынъясысь? Ёмаысь? Гундырысь?

Пöль чöла дзоргыштіс вывлань.

– Пу вöлыд лөк вынъястö оз кут. Ушкуйникъяс либö йöгра, мый көсьясны, вöчасны. Он кө чорыдджыка öлөд. А Ёматö либö Гундыртö ме ог омöльт. Налөн асланыс олөм, менам – аслам.

— Мыйла либё вёв юрыс?

— Сыын, Тикё, став ен югыдыс: пидёстём кельыдлöz енэж йирыс ми весьтаным, войся дзирдалан кодзувъяс, локтан кадыс и кольём кадыс. Накöd ме йитчöма вёв юр пырыс. Он гөгөрво? Воад Ёридз катыдсьыд да пыравлы. Сэки ме висьтала тэныд пу вöлыслөн вын йылысь ставсö, мый ачым төда. И мукödтор йылысь, көсьян кө кывзыны пöрысь мортöс. Шуам, сёрнитысь пуяс йылысь. Эмось сэтшöмъяс. Нуödла вöрас и петкөдла, кызди найö сёрнитöны, мый йылысь. Тэ вежöра зонка, гөгөрвоан.



— Аддзысьлытöдз, Ивö Чуд пöль!

— Аддзысьлытöдз, Яраш пи Тикö! Ло сюсьөн, но и рамөн асьтö кут, вөрпöльтö эн дözмöd.

— Кута зильны.

— Энлы, — Ивö Чуд пöль матыстчис зонка дорö да инмöдчис соскас. — Вöрыд унатор вермö висьтавыны, тi ставсö казьялöй да видзöй асьнытö, — сэсса лöняджык нин содтiс, — эз весьшөрö шызы шеваыс Теренсай пöчлөн, мыйкö да сийö тöдö. А ми — огö на. Шеваыс сылөн ылö аддзысь. Синмөн судзтём ылнаödз аддзö. Мövпыштны колö, мыйла шызис Теренсай пöчлөн шеваыс.

Кыз Ку айкалысь нимсö пöль эз гарышт, но кыкңан-ныслөн вежöрас ёнджыкасö

бергалiс буретш тайö нимыс.

Ивö Чуд пöль гыжйыштiс баялбöжсö, тöждысяна синъясөн видзöдлiс Тикö вылö, но нинём сэсса эз шу и чöла пырис керкаас.

Тикö мödöдчис водзö. Эз на ылö мун, воис пельöдзыс, мый пöльлөн пу вöлыс дзуртыштiс бöрсянныс. Сувтовкерис, видзöдлiс. Нинём торъясö эз казьяв. Кужö Ивö Чуд пöль мойдны, и мойдыясö ачыс лöсьöдалö, — мövпыштiс Тикö, — а, овлö, сiдз соралас збыльыскöд, мый чайтан — вöвлөмтор йылысь висьтасьö.

Эк, пöль! Сёрнитысь пуяс... Нöшта мый? Кывзы водзö, и регыд найö пöльлөн йöктыны кутасны. Да-а, гажтём эськö вöли Емдiнын Ивö Чуд пöльтöг. А тайö — збыль.

Дорччысь Би Кабыр айка

Би Кабыр айкалөн гырысь керъясысь тэчөм керкаыс зымвидзис вывтасынын, джуджыд ва гөп дорсянь неылын, а дзик ва дорас, улынджык, сулалісны сылөн дорччан да пу шом видзан керкааясыс.

Ва гөптыс сьёдаліс тулыссянь арөдз, эз косьмывлы весиг медся кос гожөмъясө, и ичөт дырсяньыс на Ирьянко, Би Кабырлөн пиыс, корліс татчө Тикө ёртсө ворсны ушкуйникъясысь. Вөчасны пөвйысь кузь пыж, ушкуй, сөвтасны сэтчө быдсямасө (быттёкө бур йөзлысь мырддьөм эмбур), йөткыштасны ва шөрас и пөттөдзыс сәсся ковгөны изъясөн, кытчөдз ушкуйыс оз путкыльтчы.

Во гөгөр чөж дорччан керка весьтын пуркйөдліс сьод тшын и кылісны гора клёнган шыяс. Сәні и уджаліс Би Кабыр айка, усьөм Турөб Ярашлөн, Тикө айыслөн, ёртыс. Уджаліс аслас некымын отсасысьскөд.

Паськыда нималісны Эжва Перымса войтыр костын Би Кабыр айкалөн вөчөмторъясыс: уна сикас черъяс – керасян, поткөдчан, тшупсян, дорйысян, ыджыд и ичөт, сьөкыд и кокни.

Пыжъясөн Эжва кузя волывлісны парма войтыр Емдіно эз сөмын юрбитны татчөс вылын юра вичкоясын, но, ёнджыкасө, ньөбасыны – черъяс да пуртъяс, чарлаяс да гогынъяс, тывкөртъяс да пырнөвъяс, кыйсян-вөралан көлуй, а сідзжө шыяс, шыпуртъяс, мукөд сикас дорйысян көлуй.

Быд во Гор өксы котыртліс Емдінын ас кост ворсан тышъяс буретш та вылө дорөм ныж черъясөн да шыпуртъясөн. Мед век вөліны дасьсөс емдінаяс дорйыны ассыныс оланінъяс кортөм волысьясысь. Медся кыскывлісны ас дінас ньөввужъясысь лыйсьөмъяс. Кузь лунтыр лэбалісны ёсь ньөвъяс сувтөдлөм инман пасъясө и йөзлөн кыпыда горзөм шыяс улө сатшлісны гораа троньгөмөн. Найөс, кодъяс вермылісны ас кост тышъясын да лыйсьөмъясын, Гор өксай матыстліс ас дінас, ыдждөдліс, и татшөм йөзсө ёна бурө пуктылісны Емдінын.

А коді дорліс шыяссө, шыпуртъяссө, ньөв йывъяссө, тышкасян черъяссө, көртысь вөчөм юр кышөдъяссө да көртөн дорөм лазъяссө? И Емдінсянь көнкө ылын-ылын төдісны: дерт жө, Би Кабыр айка аслас том отсасысьсяскөд.

Эз сетлы весь овны Би Кабыр айка и Ирьянко пиыслы, кодлы тшөктыліс вөчны медся сьод уджъяссө дорччанынын и тэрмасьтөг велөдіс сійөс йөзлы тайө зэв колана уджас. Но сёрнитлісны ас костаныс ая-пия, кызд өттшөтшъя арлыдаяс. Ирьянко эз төдлы ни чырыштөм, ни өлөдөм – айыс син улын сьөкыд уджыс ачыс вөлі и кутысьөн, и велөдысьөн.

Бөр керкао узьомон мунөм йылысь сёрни лои дженьыдөн. «Көсьян кө, ветлы, – шуис айыс. – Лолыштан сөстөм сынөднас, видзөдлан керкасо лючки, гөгөрбок. Тикөтө, дерт, көсийө кө, нуөд. Өтлаоннад гажаджык лоо». И тайон ородіс сёрнисө.

Би Кабыр айка дорис лунысь-лун еджыдөдз донөдөм көрт и эз повлы некутшөм чуқляысь ни омольысь: сьөд юрси-тошка, сук синкымъяс улын дзирдалысь сьөд гырысь синъяса, сійө ачыс вермис повзьөдны көть кодос. Паньдась сьөд көнкө парма-ягын, кытчө и шондыс оз вермы писькөдчыны, и кийд ачыс повзьөмсьыс чепөсьяс пернапас чөвтны.

Тикө аддзис ёртсө кыз пу шом видзанинын: көрт воропа пу ватланъясө Ирьянко тэчис шом да кыскаліс сійөс өзйөдан гор дорө. Чужомыс Ирьянколон лоома руд шом буссьыс. Казяліс Тикөос и пыр жө нуөдіс айыс дорө.

Дорчисны некымынлаын. Кузь воропа пушканон шомсө өзйөдісны ярьюгыд рөмөдз. Пөсьон ымралысь гор водзын, синъяссө читкыртөмон, Би Кабыр айка кутіс ыджыд чепөльтанон еджыдөдз донөдөм мыйкө шыпурт сьамаос да ичөтик клөнөданаон мод кинас индаліс, кытчөджык колө ковгыны ыджыд, сьөкыд клөнөданон.

Би Кабыр айкакөд уджаліс сыысь на паськыд пельпомъяса том морт. Дорчысьяс ковгисны өта-мөд вежмөн. Зумыд көрт подув вылын доран емдоныслысь дорышсө нөшта на вөснөдісны кузялаыс, а сөсся кусыньтісны тшөтшыд помсө да дінтіыс кымын и ородісны. «Ытшкысян!» – гөгөрвоис Тикө. Сідзи и эм. Би Кабыр айка бергөдлыштис кузь чепөльтаннас вөчөмторсө да чөвтіс бокө, көні унакодь нин куйліс турун ытшкан татшөм көрт көлуйыс. Сэки и казяліс Тикөос.

– А-а, Турөб Яраш Тикө! Бур, мый локтін. Ошкыны көсья, куканьтө аддзөмыд да. Айланьыд мунөмыд – сійө, шонъянөй, век жө вөлі дась воны отсөг вылө.

– Аттьө, Би Кабыр айка, ошкана кывъяссьыд. Ме нинөм торъясө эг вөч, Чангыр пон нуөдіс менө – и ставыс, – вочавидзис Тикө, а юрас: коді нө кукань аддзөм йывсьыс и сылы висьталіс? Гөгөр төдөны – абу и лөсьыд.

– И водзө вылө тадзи асьтө кут. Йөзлы бур вылө. Таын и олөмыс, – кыв көрталіс дорчысь, сөсся матыса джаджысь босьтіс ки тырыс посни көрт да мыччис Тикөлы. – Ньөв йывъяс. Кывлі, Ёридз ю катыдө моданныд. Гапкө, ковмасны.

– Аттьө, Би Кабыр айка!

– Сөмын ловъясө весь энө лыйлөй, – өлөдіс зонкаос дорчысь. – Ёна ковтөг энө зэлөдөй ньөввужнытө.

И воськовтіс югыда өзъян горлань, көні отсасьысьыс донөдөма нин чим еджыдөдз сынөд пөльтан пушканон нөшта өти кузьмөс көрт тор, мыйысь тані артмөдө ытшкысян.

Ывла вылын кык ёрт сувтисны.

– Йывъяссө бура зудъяв. Чертө тшөтш, да и пурттө,– шуис Ирьянко.

– Чер да пурт менам век лэчыдось, а ньов йывъяссө ёсьта,– эскөдіс Тикө.– А мый сідз тōждысян?

– Кōин вермас паныд воны...

– Кōиныд өні пōт,– серөктіс Тикө.– Айыдлы коді висьталіс, мый ме мезді Кыз Кулысь куканьсө?

– Кельчи Юр айка. Сійө воліс могөн айө дорө.

– А-а...

– Петам шонді чужигөн. Лэччы вадорө көлуйнад. Эн манитчы. Ёридз катыд дыр ковмас чирскыны. Рытөдзыс колө воөдчыны.

– Менам ставыс дась, Ирьянко. А Чангыр талун нин нетшкысө туйө. Пон сьөлөмнас кылө. Никсө, трасичаыд. Тэрмөдлө.

– Понъясыд ылысь кылөны.

– Видзөдлам, мый кылө Чангыр.

И кык ёрт янсалисны.

Туйө петан кыз уджсө лои эштөдөма, өні ставыс ас саяс. Тикөос кыкис, Чангырөс моз, өдйөджык петны туйө. Но, Ирьянко... Кōин пō вермас паныд воны... Висьталас өд. А мый көть и паныд воас? Чангыр ас кадө казялас нель кока ушкуйникөс, а ми сійөс ёсь йыла ньовъяссөн раммөдам...

Гуся мөвп эм Тикөлөн: лоны Емдін карын ньоввуужысь медся инмысь лыйсьысөн. Та могысь быд вежон сійө ветлө кар сайө да лыйлө ылісянь пожөм пу вожө өшөдөм пасө. Дерт, и Чангырөс сьөрсьыс босьтлө.

Ошало пасыс Тикөлөн вөсньыд гез йылын – тайө пөвтор, кытчө серпасалөма: өтиладорас – урөс, мөдарладорас – туланөс. Кинас йөткыштас пассө, а сөсся котөртө ылөджык и зільө веськавны өтарө-мөдарө бовъялысь пөв торйө. Серпасалөм ур да тулан быттьө пуысь пуө чеччалөны и колө наө веськавны. Бовъялан пөвйыс бөрся сідзи жө өтарө-мөдарө Тикө новлөдлө киас чабыртөм ньоввужсө, и стрөка корсьө, медым эськө быть веськавны.

Ошйысьны, гашкө и, водз на, но Тикө төдө: ас коддьөм зонкаяс пөвстын инмөмлун сертияс оз уналы сетчы. Вермас лоны, и Ирьянкоысь на оз лөкджыка вөдитчы ньоввужнас, мед көть и ёртыс быдса арөсөн ыджыдджык сыысь.

Вот эськө айыслысь ош паса ньоввужсө кө аддзыны! Гашкө, эз и нуны сійөс ушкуйникъяс сьөрсьыныс, налөн өд и биөн лыйланъяс эмөсь: ачыс шковгө-луйө көрт гумйысь, оз ков мый вынсьыд зэвтчыны. И ылөджык пө судзө. Со и колө корсьны паса ньоввужсө, пармаысь ли, кытыськө ли. Айыс Тикөлөн, Турөб Яраш, вөлі Емдіннын нималана лыйсьысь. Гор өксай, висьталөны, өнөдз гаравлө

сы йылысь. Тикö сэтшöмөн жö кöсийö лоны. Сы вöсна и котралö кар сайö, öтарö-мöдарö бовйöдлан пасö лыйлö и лунысь-лун пыр бурджыка инмö.

Мый йылысь Ирьянко эз висьтав ёртыслы

Ас мөвпъяснас тыр, Ирьянко дыр видзöдiс ылыстчысь ёртланьыс. Сылы неуна яндзим лои сыысь, мый öтитор сайöдiс Тикöысь. Тшöктiс ньöв йывъяссö зудъявны, шуис, кöин вермас паныд воны. Шмонитгсор и шуис. А тадзсö öд и збыльысь вермас лоны... Бөръя лунъясö Ёридз катыдын гөгөрвотом лоомторъяс йылысь сёрнитöны: вөр керкаясö пыралöны, лэчъяс-налькъяс дзугöны, понъяс кутiсны вошавны и весиг кывтыдса öти вöралысь абу воöма гортас. Водзтi татшöм лекторъяс йылысь эз кывсы.

Со и Кельчи Юр айка волiс могөн айыс дорö да öти сайын норасис понмыс вошöм кузя. Мöс видзан лунöдзыс ветлöма Ёридз вожö вөр керкасö видлыны, кодi юсяныс чомкост сайын кымын вöрас пыдынджык сулалö. Понмыс увтöма-увтöма кöнкö ылын, а сэсся и ланьтöма. И бöрсö абу воöма.

Айыс кывзiс, но ёна пыдди эз пукты Кельчи Юрлысь норасьöмсö, сöмын бöрынджык öлöдыштiс Ирьянкоöс, мед видзчысясндыжык туяс да кык войколысь дыр эз ветлыны.

«Гашкö, сөрöм ставыс, – мөвпалiс Ирьянко да та вöсна и висьтасьны Тикöлы эз кут. Ыджыд мамыс дырйи торъя нин – повзьöдан сийöс да оз лэдз Тикöös. – А мый сэн вöчсьö збыльысь – видзöдлам!»

Тикöлөн асья вöt

Тайö войсö Тикö этша и узис: сöмын вöйтчас унмö – бара нин кутшöмкö вöt садьмöдöма. Öшинь сайын посни тусьөн зэрис, сылөн шыыс унмовсьöдö, а вöтыс садьмöдö.

Бөръя вötас, асьядорыс нин, Теренсай Шева пöч вötлысис аслас крука бедь вылö мыджсьöмөн. Тикö котöртiс сыысь, но, бергöдчас да, лезь юрсиа пöчö бара нин матын. И горзö:

– Кыз Куöс ви! Кыз Куöс ви! Он кö, асьтö джагварта!

И шеныштö юр весьтас бедь крукнас. А Тикö сыысь öддзöмөн котöртö.

Водзын тшем сук вөр сувтiс. Тикö чеччалö чардбиөн пöрöдöм съод пуяс вомөн, сунлö чуткасьысь коз пу лапъяс костö и личöдö ловсö: пышйис. Но дзик орччөн лёкысь мурзалöмөн матысмö сы-

лань ыджыд ош... Морт чужома! А чужомыс Теренсай Шева почлөн! Лов шыыс весиг вошліс Тикөлөн, сэтшөма повзис. И киас нинөм абу! Ош лёкысь равостіс и тайкө уськөдчас – өти здукөн тапльөдлас и косялас.

Тикө бара уськөдчис пышйыны и аддзө – водзын джуджыд кыркөтш, паськыд ю берег дор, но ваыс көнкө улын, муртса тыдыштө. Шевкнитіс кияснас Тикө и лэбны мөдіс ю вомөныс. Бергөдіс юрсө, аддзө: ош юрпөвтчис да пөри ыджыд бордъяса съөд кырнышө, сөмын чужомыс бара Теренсай Шева почлөн. И сёрниыс сылөн. И кывъясыс сылөн:

– Кыз Куөс ви! Кыз Куөс ви! Он кө, асьтө джагварта!

И өдйө мөдіс суөдны. Вот-вот чукля нырнас крукалас кокөдыс. Тикө увлань сетчис, дзурс суніс ваө и кутіс варччыны. Сунлас и варччө, сунлас и варччө. Кырныш воштыны кутіс сійөс син водзсыс.

Сэки съөд лэбач юрпөвтчис сынөдас и пөри ыджыдысь-ыджыд сирө. Уйө Тикө бөрся да вомсө восьталө:

– Кыз Куөс ви! Кыз Куөс ви! Он кө, асьтө джагварта!

И вот-вот тшапнитас кокөдыс. Тикө аддзө: ляпкыдінын чери бөжа ань сынасьө. Юрсиыс кузь, шылыд, югъялө. Тикө кинас шлачөдө ваө, горзө:

– Отсав, чери бөжа ань, мезды сирсыыс! Ме бурөн мынтыся! Сө збыль, веськыда висьтала...

Чери бөжа ань дзэбис сынансө да суніс ваө. Сир горөдіс лёк горшөн, швачөбтис вына бөжнас ваө. Сэсся ланьтис. Вошис...

Тикө восьтис синъяссө. Быдсямаыс вөтад усьлө. А кодарө сійөс колө гөгөрвоны – оз төд. Ыджыд мамлысь юасыны некор нин.

Өшинь сайын дугдывтөг буситис-зэрис, но асья рөмыдыс вочасөн кутіс кизьөрмыны. Со нин енэжтасланьын дзаркнитис кыа, сідзкө енэжыс сыланьын восьса.

И Тикө сувтис. Ыджыд мам сөмын на небыда шкоргис-узис, но өдйө паляліс:

– Мый нө, сувтан нин? Колө-ө мыйкө нөшта пуктыны? Нянь-ыд тырмас-ө?

– Тырмас, ыджыд мам, узь. Менам ставыс төрытсыянь дась. Пөсводзө тэчи. Пасьтасы и муна, – лөня вочавидзис Тикө, мед не садь-мөдны Кыйваөс, и кутіс тэрыба пасьтасыны.

Кыйва та дырйи эз садьмы. «Но и бур. Гашкө, вөтъяс жө аддзө, ме дорысь бурджыкъясөс, – мөвпаліс чойыс йылысь Тикө. – Шуас жө, тиянкөд пө муна. Мед гортын сөй аканьяснас ворсө да отсасьө, мый вермө, ыджыд мамлы». Сөй аканьяссө вөчаліс Тикө. Киаөсь-кокаөсь, весиг чужөмныс төдчө. Керка горъяс косьтис-сотіс, а паськөмсө Кыйва ачыс нин лөсьөдліс. Дерт, ыджыд мам отсөгөн.

А Тикө нөшта и Кыйва аканьяслы чом вөчис асланыс керка до-



рын. Емдінын уналон акань чомъясыс сулалісны, пытшкас, видзодлан да, быдса овмөс: ворсан дозмук, паньяс, печканъяс, вурсянкысян көлуй, дөра торъяс, чачаяс – мыйсө он аддзы! Ставсө ворсөм вылө, дерт, лөсьөдөма.

Ыджыд мам век жө сувтіс, пу бекарө рок лөдіс, кисьтіс сэтчө йөв, тшөктіс Тикөлы быть панявны. А кузь туй водзвылад оз сөйссы. Но эз кут дөзмөдны ыджыд мамсө – өдйө сөйис, сөсса юр кышөдсө киас босьтіс и кутчысис өдзөс вугйө:

– Но, ме мөді, ыджыд мам. Чангырөс на колө вердыштны.

Ыджыд мам пуксис узьланін дорышас, пунктис кисө ки вылас.

– Гылыд туй тіянлы! А Чангырөс ме вердышти нин, тэнад узигкості. Бергалан вөлі, вөт видзөдан, эг кут пальөдны.

Кор и сувтлөма! Тикө сы мындаысь палявліс и нинөм эз казав. Верстьө морт моз кызөктыштис кабырас и петіс ывла вылө. Чангыр виччысис нин сійөс, нимкодя бергаліс сы гөгөр и төкөтьө кывмөн дженьыдика увтышталіс. Вежөра пон, сійө быттө төдіс, мый кадыс шонді серти водз на, и йөзыслөн эм на позянлун лунся сьөкыд уджъясөдз шойчыштны.

Восьса өдзөс дорын Тикө көмасис кучик көмкотө, кышаліс ассьыс лазсө, черыс кылана өшаліс козьянын, мышкас. Лазйыс кокни и лөсьыд – руд нойысь, а морөссө да пельпомъяссө эжөма кучикөн, зепъясас унатор төрөдөма, мый вермас ковмыны кузь туяд. Юрас – гындрөм нойысь юр кышөд. Тасмаө пысалөм пуртөсын лэчыд пурт, нюлысын – бура ёсьтөм ньөвъяс, ньөввужйыс ас бердас. Мый колө, ставыс эм.

Тикө өшөдіс мышкас сямөд пестер, но бөр пунктис сійөс кок улас, мынтөдіс көрталөм нин калябечсө, восьтіс вевтсө да кыскис сэтгысь нянь көрыш:

– На, Чангыр!

Сэсся бөр волысасис и чөвтис синъяссө керка өдзөслань – сәни сулаліс ыджыд мамыс. Тикө җна бура пуктыліс ыджыд мамсө, но колльөдчөмъяс эз радейтлы. Өвтыштис сылы кинас, чукөстис понсө да мөдөдчис аслас мунан туйөд.

Ыджыд мамыс, кылө, шуыштис: «Җн мед видзас биысь-ваысь». Чөвтис пернапас. Сэсся, мөвпыштис да, кыпөдіс кияссө вывлань, отсөг кевмыны ас еңъяссянь. Но тайөс Тикө эз нин аддзыв – сійө гырыся восьлаліс Чангыр понмыс бөрся Җмва юлань, көні көсийс виччысьны Ирьянко җртыс, но, мунігмозыс, век на бергөдліс юрас асья вөтсө.

Медводдза виччысьтөмтор

Сідзи и эм: Ирьянко ноксис вадор лыа вылө кымыньтөм пыж дорын, а орччөн куйліс туйө лөсьөдөм көлуйыс. Тыдаліс, мый сөмын на воөма.

Җажаа увтөмөн Чангыр ылісянь чолөмаліс сійөс да өти здукөн уйыштис пыж дінөдзыс. Исыштис пестерсө Ирьянколысь, нопсө. Зәр тусьяс кадысь кадө серөдісны на ва вывсө, но асыввывланьыс вөлі восьса, и кымөръяс костті сәсянь дзарснитлывліс асья шонді. Ыркйөдлыштис юсяньыс збодермөдысь төвру.

– Чолөм, Ирьянко, – медводзөн шысасис Тикө. – Зэрыс оз дөзмөд туяным?

– Чолөм, Тикө, – вочавидзис җртыс. – Чайта, мый оз, рытыс лыс-ваа вөлі. А сэсся өд, пөрысь йөз шулөны, зэригөн петны туйө мед-ся на лөсялө. Мукөдыс зэрсө и виччысьөны, медым туйыс лои шуда. Мый нө, бергөдам, буди?

Зонкаяс кокниа гатшөдісны пыжсө да лэдзисны сійөс ваө.

– Җн тіян пыжныд, лөсьыд, – ошкыштис Тикө. – А ваыс содөма, – казяліс сійө, – чериыд озджык кут сөйны.

– Тэчам көлуйнымөс пыжас, – кежөдіс сөрни визьсө Ирьянко. – Колө тэрмасьны. Ыджыд ванас Җридзті кокниджык лоө катны.

Җртъяс кутісны тэчсьыны.

– Чангыр, пыжө! – индіс кинас орччөн бергалысь понлы Тикө.

– О-о! – горөдіс Ирьянко, Тикөлысь пестерсө пыжө пуктөм бөрын, – җна и сьөкыд. Ставыс сөян-юан?

– Да. Ыджыд мам шулө: лун кежлө мунан, сөянтө босьт кык лун кежлө.

– Сідз, – ньылыда довкнитис юрнас җртыс. Сійө явө кутіс асьсө ыджыдджык туйө и, дерт, Тикө эз мун талы паныд.

Җыяс гөвкйөдлісны ва вылө лэдзөм пыжсө и өдөба пальскөб-тылісны доръясас. Ньөти нюжмасьтөг мунысьяс сөвтисны-сюяліс-

ны пыжō став кōлуйнысō, сōлисны асьныс, тойыштчисны пельснаныс и – туйō! Тювкōс пыжныс ва катыд муніс кокниа, ойдō. Ирьянко бōжаліс, а Тикō пуксис сынны. Шуисны вежласьны. Чангыр – водзō видзōдысь пыдди. Кутчысисны таладорса вадор пōлōныс.

– Понтōг оломыд вōрад – абу олом. Быттьō синтōм-пельтōм да, содтōд и, гажтōм, – индіс синнас Чангыр вылō Ирьянко.

– Менам о́д сійō нель синма, – ошйысискодь Тикō да, водзлань сетчōмōн, петкōдліс Чангырлōн сингъяс весьтас пемыд пасгъяс вылō.

– Тōда, Чангыр сюсь пон. А миян Лыско зэв на том, мед горт гōгōр бергалыштас. Айō таво ачыс кōсйō пармаō ветлыны ськōд, велōдны. А тэ пō тшыкōдан медводдзавысь ськōд ветлігад. Мōдарō пō кутас велавны. Но и мед. Ыджыд-ō пон нэмыс?

– Шуōны, дас арōса – пōрысь пон. Но дас витōдзыс кымын, кывлан, олоны.

– Сідз, Чангыр? – шмонитōмōн юалис Ирьянко.

«Ув-ув!» – юрсō бергōдіс да сōгласа увтыштіс Чангыр.

Ёртгъяс долыда серōктісны.

Бōрō кольōны Емдін карса олысьяслōн паськыд видзгъяс. Регьд Емва чукыльтас, и карыс вошас син водзысь. Гōгōртан кōджыслōн некымын ним, зонкаяслы сійō тōдса Лōньби нимōн. Тані гожōмбыд видзōны вōвгъясōс, и рыггъяснас век бипур югзгъō – тайō видзысьясыс шьд-рок пуōны да, дерт, пузьōдōны пакула сора ва. Зонкаяс кōсйōны жō вайны гортаныс пемыдгōрд рōма кыз пу шмакгъяссō. Ыджыд мамыс Тикōлōн єна нин радейтō чирйōм пакулаа пузьōдōм васō юны – дас кык висгъōм пō бурдōдō. И гырк пытшкōстō бура весалō. А Тикōлы чужва кажитчōджык либō кōдзыд ырōш, гожся лунō кō. Но мед. И пакулаыд колана ас инас. Быд во сійōс заптылōны. Тулыснас ьджыд мам ыстыліс и Теренсай Шева пōчлы некымын тор. Тикō нуис. Шеваыс пōчлōн сәки – абу йōй – чōв оліс...

Тикōлы асгъя вōтыс бара дум вылас уси да, сынīgмоз, висгътасис, мый юрас коли. Теренсай Шева пōчысь пышйōмсянь заводитіс, сōмын Кыз Куōс вины тшōктōм йывсьыс эз гарыш. Вōтлысис и ставыс, ризгъялыштісны, телепит лōма да.

– Мойд кодь вōтыд, – пасйис Ирьянко, – пōрис ошкō, сәсся кырнышō, сәсся сирō... – сійō вильыша видзōдліс Тикō вылō, – веськыда висгътав, а кытсюрō эз вазы, кор садьмин?

– Эз. Ас кадō мездісны да.

– Чери бōжа аныдкōд ваас уялōмыд да сійōн шуа.

– Ставыс лючки, – серōктыштіс Тикō, – сōмын уджйōза коли чери бōжа аныслы. Кōсйыси бурōн мынтысьны, а кызди тайōс вōчны – код тōдас.

– Гашкō, орччōн миянкōд ваас, виччысьō тәсянь воча козин.

– Орччөн лоны оз вермы. Чангыр эськө важөн нин казяліс да увтны мөдіс...

Эз удит Тикө шуны тайос, Чангыр бергөдіс юрсө и заводитіс зэв гораа увтны. Зонкаяс чуймөмнысла зөм ланьтисны – но тэныд и на! – дзик ва дорас сулаліс да чуксаліс найос кинас шенасьомөн...
Кыйва!

Нинөм он вөч – Ирьянко веськөдіс пыж нырсө нывкалань, а Тикө некымынысь йөткыштчис пелысьяснас, и регыд мысти пыж небыда тшукис вадор лыаас.

Еджыд дөра шабур, сос вом доръясас ыджыд мамысөн кыөм гөрд визьяса, кокъясас вөсныд көвъяса чаркиа, а юрас кокни чышъяна Кыйва кутис киас сера дөраысь вурөм неыджыд ноп да повзёмакодъ синъясөн видзөдіс пыжын пукалысь шөйөвошөм зонкаяслань.

Кыйва чөв оліс.

– Тэ нө... кор татчө удитін воны? – медводдзаөн торкис чөвлунсө Тикө. – Менам петігөн өд тэ узин на.

Нывка кыйкнитліс югыд синъяснас Ирьянколань.

– Эг ме, а тэ узин, кор ме петі.

– Ме этша узи, тэ эн сөр, Кыйва.

– А вот и узин, ныргорнад. Нөшта и шлюпкан да бергалан. Кутшөмкө вөт аддзан.

– Но өдзөсыс менам петігөн калича вөлі!

– Сійос ме кужа каличавны ортысяньыс. Ачыд велөдлін.

– А, этійө, – Тикө индіс чуньнас Кыйвалөн ноп вылө, – кор тэ сійос лөсьөдін?

– Косьтөм нянь да мыйсюрө нөшта. Төрыт лөсьөді. Пестерсяныд неылын посводзас пукті.

– Но өд тэ куйлін аслад шебрас улын, кор ме петі! – нинөм гөгөрвотөмысла горөдөмөн артмис Тикөлөн.

– Ме сэн эг куйлы.

– Эн вай шу, шебрасыс ветлөдліс. Төдчис, кызди тэ лолалан да вөрөшитчан – вөт жө, тыдалө, видзөдін.

– Эг ме вөрөшитчы.

– А коді нө?

– Нявийө.

– Ня-ви-йө?!

Кыйва шебрас улын, сэтчө гартыштөм көлуй костын, вөлөмкө, вөрөшитчөма кань. Сэссия юасян кывъясыс Тикөлөн бырисны. Чангырлөн нимкодъыс вомас эз төр – чеччаліс Кыйва гөгөр, нюліс кияссө да гажаа увтіс. Тикөлөн чужис нөшта өти юалөм.

– Чангыр кызди видзөдіс тэнад мунөм вылө?

– Чуньос вом дорө топөді и Чангыр эз мөд увтны – менө гөгөрво-

ис. Весиг колльодыштис, но ме регыд сійос бөр ысті. Менсьым сійо век кывзысьліс.

Ваыс польскөдчис катласьыс пыж гөгөрыс. Мыйкө колө вөлі вөчны: бергөдчыны либө мунны водзө.

– Унаоннад гажтөм оз босьт, – вөлисти пырис сёрниө таөдз чөв олысь Ирьянко. – Кыдзи артмис, мед сідзи и лоө. Вай ноптө, Кыйва, пыжас пуктам. Мөдім. Шонді лэччандорөдзыс миянлы колө воөдчыны вөр керкаөдз... Кыдз тэ, Тикө?

Мөдыс сөмын кинас шеныштис – өнітө мый нин вөчан?

Пуксялісны пыжө. Өні нельөнөсь нин лоины. Водзө мөдісны Емва ю паныд. Ирьянко пуксис сынны, а Тикө – бөжавны.

– Ыджыд мам кутас шогавны, – кылө шуис Тикө. – Сійө өд сэтшөма корис тэнө кольччыны, Кыйва. А тэ асныралін да пыдди эн пукты корөмсө. Мый өні лоө?

Ирьянко видзөдліс Кыйва вылө. Мый өні вочавидзас вокыслы вильыш нывка? Али и та вылө сылөн дась воча кыв?

Но Кыйва та пөрйө чөв оліс. А Тикө эз өвсьы.

– Чөв олан. Нинөм шунытө да, дерт. Эновтін ыджыд мамнымөс өтнассө. Өні, кытчөдз огө воөй бөр, майшасьны кутас да шогавны. И кысь сылы төдны, кытчө усйысин-мунін?

Емваыс некымын чукыль нин вөчис. Дзикөдз саяліс Лөньби көдж. Өні юыс юковтис нэмөвөйся парма-ягсө. Гыяссө юковтөмөн пыж искөвтис пыр водзө и водзө.

Медбөрти Кыйва шыасис.

– Теренсай пөч менө чукөстис локтигам. Горөдіс, мед ме сувті.

– Но и мый? Сэсья...

– Ме эг гөгөрво: мун пө му вежөмсьыс ылөджык. Тэрмасян кө и – мездысян. И мыйкө Кыз Ку айка йылысь. Ме збыльысь эг гөгөрво. Сэсья вөтліс, котөрт пө, колясны мунысьясыд. А ме, шуө, ыджыд мамыд дорө ветла. Пышйөмыд, шуө, төда. Сьөлөмсө инөда.

– Теренсай Шева пөч мыйкө аддзө водзысь. Өлөдө, но оз висьтась. И вөтыд гөгөрвотөм, – шуис Ирьянко.

– Сійө пыр висьталө, мый он виччысь, – ропкыштис Тикө.

– Туналан сямьыс сылөн эм, – пасйис Ирьянко. – Гор өксай пө весиг ськөд варовитлө. А мый йылысь варовитны Теренсай Шева пөчкөд? Шуөмсө төд вылө босьтны и сөмын.

– Сідзкө нө өні миянлы бергөдчыны? – дөзмискодь Тикө.

Воча кыв пыдди Ирьянко сюся видзөдліс ёртыс вылө. Шуанторйыс вөлі, но чөв оліс. Бөрынджык вочавидзис:

– Бергөдчыны оз ков. Мөдім кө, воөдчам нин.

Пармаын синъяс

Ёридз ю вомö воодчисны регыдөн. Шондi корсюрö нюмъевт-лыштлiс кымөръяс сайысь, но эз нин гождя моз лышкыда, гашкö, мед йöз босьтiсны тöд вылö: водзын – швачкакылан кöдзыдъяс и сы кежлö колö дасьтысьны.

Аддзисны нейдждыд куръя, кежисны. Танi шуисны нуръясь-ыштны, шойччыштны, а сэсся ковмас ва паныд зiбъясьöмөн катны. Ёридз кузялаыс тырыс из, абу Емваыд, ковмас мырсьыштны.

Пыжсö тувкисны мичаджыкинö, кыскыштiсны лыа вылас – некытчö оз кылав.

Биасисны. Мöтыр керыштiсны и сатшкисны муас, öшöдiсны би весьтас ичöтик пöрт. Позис пуны косьтöм ыж яя шыд, но эновтчисны. Шуисны пуны рок – öдйöджык лöö и зэв пöтöс.

Шойччан кадсö кыпыда коллялiсны. Ва веркöсыс тыр арпи-янöн. Куръя шöрланьыс ваыс пемыд, сiдзкö, джудждыд сэнi. Ёртъяс вöйталiсны сама вугырнысö, табйыс пыр жö и ворсны кутiс, а сэсся и сунiс. Тикöлөн лов шыыс тасасьлiс нимкодъысла: босьтöма, кыскö асланьыс... Чангыр пöлынтьöма юрсö, ваас видзöдö и... э-эк! Сьökыд чери гораа сюль-сяльмунi и öти здукөн уйыштiс-воши пемыд ваас. Чангыр сöмын никöстiс нораа.

– Сын чери, – пасйис орччөн сулалысь Ирьянко да серöктiс. – Тайö чери бöжа аныдлы козин. Эн вунöд, ачыд öд кöсйысьлiн бурөн мынтысьны. Со и вештiн уджйöзтö.

– Мед инö, лои кö сiдз, – шыасис ас садяс воём Тикö. – Аныслы ли, вакульыслы ли.

Дерт, шондi пыриг-петiгөн чериыд сёйöджык, кодi та йылысь оз тöд, но öд рытсö танi он виччысь – туйыс кузь на. А неунатö позьö манитчыштны, со и Кыйва бипур дорсянь дэльöдчö.

– Тикö, петкöдлы ассъыд сямтö. Ог öд верд рокнад, оз кö шед чериыд. Сiдзи и тöд, ог верд.

Кыйваöс тшöктiсны пусыны – кövъясис кö мудерасьöмөн, нинöм ичöt туйö пуксыны.

А чери мöдiс шедны, быд чöвтöмөн босьтö – посни, гырысь. Ирьянко вешйис бокö, көнi изъяс костас визуладжык и ва пыдöсыс бура тыдалö. Комъясöс кыскалö. Зонкаяслөн вугыръясыс ёсьöсь: босьтас кö чериыд – быть шедас. Сöмын, дерт, кыскынысö колö кужны. Торъя нин, ыджыд черитö.

Сэсся бипур дорын нуръясисны. Нимкодъ лолыдлы ю дорад – ваысь и биысь некор он дöзмы. Гөгөр сильгöны лэбачъяс, матысса вöрыс шувгö, сьылö ассъыс помасьлытöм сыланкывсö.

– Со, Чангырным черисö жö кыйны пырöма ваас, – чуньнас петкöдлiс Кыйва.

– Черийд сылы веськодъ, – Ирьянко видзөдліс вывлань. – Зэр водзын понмыд пырө ваас. Колө мянлы петны туйө.

– А ме виччыштны вөлі көсья, – шуис Кыйва. – Бур яг водзаным тыдалө, пувъя яг. И абу ылын.

Эз кывзысьны сылысь зонкаяс. Тэрыба сөвтчисны, кусөдісны бипурсө и мөдөдчисны пыжнаныс водзө, Ёридз ю катыдлань. Ва паныдтө пыжыд ачыс оз кат, ковмис – кыткө сынны, кыткө – зібъясьомөн йөткасьны. Кыйваөс пуксьөдісны бөжавны, но оз на артмы сылөн кызди колө – пыжныс весиг мөдарө нырнас бергөдчывлас либө крукасяс вауwsа изйө да муртса оз пөр.

– Утка пиян куталан, он куж бөжавнытө, – дивитөмпырысь донъялісны Кыйвалысь уджсө зонкаяс, кодъяс лайкнитчылөмөн йөткыштчылісны век водзө и водзө. Медбөрын воисны өти кывйө.

– Абу тайө тэнад удж, лок пуксьы шөрас, а ми кызкө-мыйкө асьным зібъяснас и веськөдлам.

Нывка пуксис Чангыркөд орччөн, коді дыр нин видзөдіс вадорса вөрлань да кадысь кадө эргыштліс, эз гораа, но бура кывмөн.

– Йөраөс кылө, – пасйис Ирьянко.

– Либө ручөс, – содтіс Тикө.

– Либө көчөс, – шуис Кыйва.

– Чужмөрөс...

– Туланөс...

– Визяордаөс...

– Низьөс...

– Ошкөс...

Но ни ош, ни тулан, ни руч – некод лыддьөдланасьыс эз шөйт матігөгөрын: пуяс сайсянь ва паныд катысь пыж бөрся сюся видзөдіс верзьөма морт. Сійө дыркөд колльөдіс синъяснас варовмөм челядьбөс, а сәсся кокъяснас тувкыштіс вөwsө да саяліс сук вөрас.

Войнас вөр керкаын

Воисны вөр керкаө пемдандорыс. Катісны дыр. Тикө мудзөмысла ылө водзө эз нин видзөд – йөткасис, джуджыдінъясын сынны пуксьыліс, и быд чукуль сайысь виччысис туй пом. Кымын водзө, сымын этшаджык сёрниа лои Ирьянко. Сійө видзөдіс водзө и ас гөгөрыс, кывзысис шыясө да чөвтывліс синъяссө Чангыр вылө. Пон кутіс асьсө лөня.

Коркө-некоркө, джуджыд кыркөтш водзын, Ирьянко зібнас веськөдіс пыжсө вадорса бадъяс сайө, аслас гуся озынлань, да сэтчө и көртыштіс. Юрьяс весьтын, вылын, сулаліс тшем вөр. Гөгөр чөвлөнъ, матігөгөрын, ю таладорас и мөдарас, кутш ни катш эз кыв.

Вөр керкаыс пожом пуяс сайысь кызкө виччысьтөг мыччы-

сис – эз вөв и со нин орччөн сулалө. Неуна ылынджык тыдовтчис тшамъя – муас сүйөм сувтса керъяс вылын нейджыд пу чом. Тшамъяын вөралысыяс видзёны ассыныс кыйдөссө гортас нутөдз, да и мый көть пукты – некутшөм нель кока оз вөрөд, сы вөсна мый оз судз.

Ирьянко босьтис киас чер да некымыныс клёнгыштис чер тыш-наас вөр керка пельөсө – тайө дорйысян пас. Олысыяслы төд вылө. Мед керкаыскөд тшөтш өнисянь и найөс дорйө. Тадзи жө и Тикө вөчлис ас керка дорас Емдінын, Теренсай Шева пөч мунөм бөрын – олысысө корис дорйыны шева лэдзөмысь. Тайө – Емдінын, а парма-ягад и олысыяд, и вөрпөльыд, и гөнапөльыд – коді сөмын абу. Он пукты пыдди кодөскө, и узьнытө оз сетны, и вөралөмтө вермасны дзугны, куш киөн гортад воан.

Керкаас, дерт, пемыд, би ни ва. Ломтисны гор, мед олан дукыс поздысис. Регыд лов гажөдысь тшын мөдіс пуркйыны-кайны и разавны керка весьтын.

Лөсьыд лои! Бара бипуртор лөсьөдісны – он кө нуръясь водөм водзвылын, пытшъяс вильөдасны тшыг кынөм вылад. Ичөтик пызан вылө, ывлаас, тэчалісны сөян-юан. Кодлөн мый эм. Сөйиг-мозыс и Чангырөс вердісны. Пон куйліс пызан дорас, корскүрө торгөдліс сувтса пельяссө, но эз вөрзъыв куйланінсыс. И мед. Лөнь, сідзкө. А мыйысь повны ас вөрад? Рыж сьөлөмаястө парма оз радейт. Полөмлы сетчан – тэ вошөм морт. Сэссия и вөрпөль серам выв лэптас, ассыс бубаяссө паныд лэдзас. Трактясны найө польсытө садь быртөдз.

Бипурыд кыскө варовитны. Идрасьөм бөрын сөрнийө воисны олысыяс йылысь – кытысь найө чужисны?

Ирьянко кывлөма важ айкаясянь, мый өнія олысыяс нэмысянь вөліны Войпөльлөн кесйылөсьясөн¹, но өтув кутісны сылы паныд мунны, та вөсна Войпөль вөтлаліс найөс му вылө. Важ Енлөн вөвлөм кесйылөсьяс нелямын лун чөж да нелямын вой чөж гылалісны вывсянь да усини, коді вөрө, коді ваө, коді керка вылө, коді пывсян вылө. Керка вылө усысь лои олысыяөн. Асныра да скөр.

– А ме кывлі мөд ног, – шуис Тикө. – Öнія олысыяс вөліны Зарни Аньлөн отсасысьясөн. Зарни Аньөс новлөдліс эзысь вөв зарни доддын. Вөлөма сійө Шонді нылөн, медъена отсасьлөма му вөдитысьяслы. Быдсөн радейтөмны сійөс. Весиг зумыш Войпөль сөмын Зарни Аньлысь и кывзысьлөма. Но локтис Эжва Перымө Чернеч Степө – роч Енмө пыртысь, и пыр жө кутіс лөкөдны йөз водзын Зарни Аньсө. Лои мунны Зарни Аньлы Ыджыд Из² сайө, а отсасысьяслы тшөктис кольчыны да видзны йөзлысь овмөссө. Найө лоины олысыясөн. И өнөдз олөны йөзыскөд орччөн.

¹ К е с й ы л ө с – слуга.

² Ы д ж ы д И з – Урал.



– Олысяяс мяняс адзёны, а ми найос огё, – пырис сёрнио Кыйва да чөвтис пернапас, кызди велёдліс ыджыд мамыс.

– А нөшта висьталёны, – шуис Ирьянко, – олысяяс видзёны керкасё, көні асьныс олёны, неминучаясысь, и та дырйи оз век лөсявны мукөд олысяяскөд. Найё өд кутшөмөсь? Тэ кө еджыд юрсиа – и олысяйд тэнад керкаын сэтшөм жё, а мян олысяным, артмё, съод юрсиа и, гашкё, ставнас съод.

– Найё волысьёны өтамөдныскөд? – юалис Кыйва. – Лөсялөны?

– Оз. Со мый висьталёны Пинь Туй пөль йылысь. Сійос өд төданныд. Кодос и ош тапльөдлөма, и көин курччавлөма, и өш люкавлөма. Быд пемөсысь сылы мыйкө да лолөма. И со – коркө вугыртлөма сійө гожеся шондї водзын аслас сод вылын, но регыд бөр садьмөма – ыджыд зыкөн кык кань тышкасьёны сысянь неылын. Пинь Туй пөль лыяс налы кузь роскөн. И буретш сійө жё здукас пөльлы мыш кузяис кодкө зырйён лөсыштас. Видзөдлас гөгөр – некод оз тыдав. Вөлөмкө да, кык олыся пөрөмаөсь кань: өтиис – пөль керкаысь, мөдыс – кыськө воом. Аслас олысяис и скөрмөма пөльыс вылө, сы вөсна мый сылы вөлөм и веськалөма пөльлөн кузь роскыс. Во быд сэся пөльлөн мышкыс висьөма.

– Олысяыдкөд лөсявны колө, – төдчөдїс Тикө. – Сыкөд он кө лөсяв, и овмөсыд, висьталёны, вермас дзыкөдз киссьыны.

Кыйва топөдїс водз чуньсө вом дорас.

– Ланьтөй... Öнї сёрнитанныд быдсямасө, а олыся кывзө да кодарө на бергөдас кывлөмторсө...

Вөр керкаас челядь пырисны сап пемыдөн нин. Кыськө төв ныр кыптис, сэся зэрмис бара посни тусьөн. Со и имитис Чангырлөн Ёридз ваад пыралөмыс. Збыльысь кылө вөлөм поводдятө. Сійос лэдзисны узьны ичөтик посводзө. Öдзөссө каличалисны. Вочасөн синьяс велалисны пемыдас, и сартасө эз биасьны. Шоныд, лөсьыд. И номьяс та кадө абуөсь нин. Оз матө воштыны асланыс дөзмөдчана дзизгөмөн.

– Аски водз сувтам, – очсөдлөмөн шуис Ирьянко, – шондї петиг-

кежлө. Лэччылам ком кыйны. Пызан саяд комтө ме дась сёйны сёос дорвыв.

– Эн сөр, – дивитыштіс очсөдлөмөн жө Кыйва.

– Өти сайын вөр пөтка вылө лэчъяс тэчалам.

– Оз кө шед?

– Мокой сыкөд. Пөткатөгыс олам. Чери кыям, вотчам.

Ирьянко явө шмонитіс, но Кыйва пуктіс нин асьсө месань туйө.

– Колө кыйны, – шуис сійө. – Сы ылнаө локтім да. Ме төда кывъяс, шуала, мый колө и, гашкө, унджык кыянныд.

– Кодлы шуалан, вөрпөльыслы? – эз вермы кутчысьны Тикө. – Али роч Енлы?

– Енмөс эн лөгөд, вөрпөльөс эн эльт! – вомалис сійөс чойыс.

Сэсся ланьтісны. Тикө эз и көсйи ни лөгөдны Енмөс, ни эльтны вөрпөльөс. Мед олө парма аслас лөнь, йөзлы тыдавтөм олөмөн. И медым видзө лөк войтырысь, кодъяс эськө гузьөбөн ылькнитісны Эжва Перымса озыр муяс вылө, эз кө вөвны тайө лыдтөм-тшөттөм дорйысьясыс – дзескыда сулалысь джуджыд пуясыс.

Да и тыдавтөм выныс пармалөн мянөс кутшөмакө, гашкө, тшөтш видзө. Тайө и Войпөльыс да Яг-Мортыс, Вөрсаыс да Васаыс, а сідзжө и йөзкост сёрниын олысь Көрт Айка, Зук, Тув Ныр Як, Паляйка, Вежайка, Меляйка – ок, унаөнөсь! И быдөнлөн аслас торъялун – кодкө вывті ён, кодкө вывті скөр, кодкө вывті сюсь.

Вөр керка пытшкын и сы гөгөр пуксис пельө пыран лөнь. Весиг пармаыс дугдіс шувгыны, быттьө узьө, но, Тикө төдіс, и войнас пармаыслөн аслас олөм: мыйкө, гашкө, и унмовсис, а мыйкө и садьмис.

Ва вылын зібъясьөмысь Тикө ёна мудзис, но мыйлакө эз узьсы. Унмыс воши. И оз төд – мыйла. Аски өд водз сувтны колө, татчө жуйвидзны-куйлыны эз воны. «Узь, узь, – аслыс тшөктө. – Гашкө, вой сьөмөсыс нин да. Дзурс пемыд керкаын и ортсын. Кыйва, кылө, узьө, Ирьянко...».

Виччысьтөг ывлаысь кыліс кутшөмкө гөгөрвотөм шы, и Чангыр сійө жө здукө заводитіс эравны. Ирьянко пыр и пуксис – узьтөм улө лэдзчысьлөма либө узьө кокни унмөн. Кыйва шнипыртіс, эз и вөрзъы весиг.

Ёртъяс кыв шутөг босьтісны черъяс да матыстчисны өдзөс дорө. Ирьянко восьтіс каличсө, чужйис өдзөсас и, черсө чургөдөмөн, звирк чеччыштіс ортсө. Тикө – сы бөрся, а Чангыр на костті утыштіс войся пемыдас. Сулыштісны. Некоді шы оз сет. Чангыр увтыштіс гораа гоз-мөдысь насянь неылын и воис бөр. Найөс өні гөгөрбок кытшаліс сө синма-пеля войся сьөдыс.

– Код вылө нө увтин, Чангыр? – юалис Тикө да малыштіс понсө.

Чангыр сөмын видзөдіс өта-мөдныс вылө да мөвкйис бөжнас, быттьө көсйис шуны: «Увті кө нин, сідзкө, мыйкө да вөлі».



Ирьянко ѳгнасѳн кытшовтѳс вѳр керка гѳгѳр, бара тутш-тотш клѳнѳбталѳс пельѳсъясѳ, а сѳсся сулыштѳсны нѳшта неуна, сюся кывзысѳгмос, и пырисны бѳр. Куимнанныс.

Пырѳм мысѳт зонкаяс аддзисны, мый Кыйва сувтѳма да новлѳдлѳ пельѳсысѳ пельѳсѳ джынвыйѳ югзысѳ на ѳгыр. Зонкаяс сувтѳсны сы водзын.

– Манилѳсысѳ, – гѳгѳрвоѳдѳс Кыйва. – Сѳйѳ войся тѳв нырыскѳд лѳбовтлѳс татчѳ. Ме тѳда.

Эз кутны вензыны сѳкѳд. Бара игнасисны. Водалѳсны. Сѳмын Ирьянко, кылѳ, вомгорулас броткыштѳс:

– Тадзнад и ас вуджѳрысѳ повны кутам. Керканым войдѳр эз нимаवлы лѳк ногѳн. Бубуляяс ылѳтѳ кытшовтлѳсны. Манилѳяс эз дѳзмѳдчывны. И парма ловъяс тшѳтш. Некор.

Тѳкѳ куйлѳс гатшѳн, киясѳ юр улас сѳйѳмѳн. Быдтор вермас лоны вѳрад, торѳн нин вой шѳр войын. Та вѳсна сѳйѳ эз вомав чѳйсѳ, видзѳдѳс сѳѳд йирклань, а синъяс водзас вуджрасисны лун чѳжся серпасъяс: пыжѳн кывтѳмыс, зѳбъясѳмыс, ва вылын таблѳн дѳбѳдчѳмыс... Вочасѳн и сѳйѳс шымыртѳс ониш. Тѳкѳ бергѳдчис бок выв и кутшѳмкѳ здукѳ сѳйѳс небыда личкис унмыс.

Вѳгнас айыслысѳ ош паса нѳввужсѳ кѳас кутлѳс – лыйис сыысѳ и нѳвѳйыс зѳв гораа лѳбис да сатшкысис руд гѳна кѳинѳ, кодѳ лои морт чужѳма. Тѳкѳ тѳдѳс сѳйѳс – гырысѳ пиньяс, сылы воча жеръялѳс... Кыз Ку айка! Морт чужѳма кѳин чѳрѳстѳс: «А-а-а! Теренсай Шева пѳчѳд велѳдѳс тѳнѳ» – Кыскис сатшѳм нѳвсѳ кинас (кѳяс лоины) и чѳвтѳс сѳйѳс бѳр Тѳкѳлань. Со нин сатшас Тѳкѳлы аслас нѳвѳйыс. Лѳбѳ и лѳбѳ. Дзик нин дѳнас. И сѳки Чангыр кысѳкѳ мыччысѳ, усѳкѳдчѳ лѳбысѳ нѳввлань да удѳтѳ тшаккыны сѳйѳс ѳсѳ пиньяснас Тѳкѳ водзысѳ. Сѳсся шыбитѳ муѳ да гораа заводѳтѳ увтны.

Ас парма-ягын

Чангыр и збылысѳ увтѳс пѳдѳа ѳдзѳс дорын. Тѳкѳ восьтѳс синъясѳ и шы сертиыс гѳгѳрвоис, мый пон вѳйысѳ ѳвла вылѳ.

Асъя шондѳ дзуввѳдзис нин енѳжтасланьын, ѳвла югыдыс бура тѳдчис и ѳшинь гадь пырыс. Сѳдзкѳ, поводдяяс вежсис бурланѳ. Челядь кыпыда чолѳмалѳсны асывсѳ – эз кѳнкѳ, а Ёридз ю дорын. Некод танѳ оз ыджыдав, оз тшѳкты, оз инды – быдторѳын асьныс: мый кѳсѳйѳны, сѳйѳс и кутасны вѳчны.

Гѳгѳр джуджыд парма-яг, кѳнѳ и пемѳс-пѳткаыд, и тшак-вотѳсѳд. Кый, вот, ѳкты! И сы мында, мыйта колѳ. Медым Емдѳнѳ воѳм бѳрын верстѳѳ войтыр ошкѳмѳн индѳсны на вылѳ: «Со, мѳян

вөр кырнышгъяс да ва каляяс. Восьлалёны пöль-пöчгъяс туйöд и миян важ коми енгъяс индалёны налы, кытчö-мый мунны да кытысь-мый босьтны».

Но босьтнытö колö на кужны. Таö Эжва Перымын челядьöс велöдöны ичöтсыангыс. Муртса сувтасны кок йылö, дзуггъясöн нин ноксьöны. Медводдза лымсянь кыйöны жонгъясöс, кöнсыкайгъясöс, войкытгъяс пышкайгъясöс.

Неуна быдмыштасны, и коз выв кальсы да пожöм выв кальсы вылö дзуггъяс лöсьöдöны, кыйöны найöс некымын сёөдз. Гортаныс сэгъяс косьтöны и яйыс зэв на бура лöсьлö вöлöга вöчны. Челядьöс ошкöны, а налы нимкодъ.

Сэгъяс водзö быдмыштасны, нюжаласны-ёнмасны и со, зонкагъяс восьлалёны нин айгъясныс бöрся асланыс чöс туйгъяс. Кыйдöсыс – дозмöр, тар, сёлa, ур.

А нöшта водзö – и велаласны кöчöс, туланöс, ручöс, сьöдбöжöс кыйны. Сэн сэгъяс и дасьöсь лöоны том йöз зэлöдны ньöввужнысö кöинлы паныд да петны и ошлы паныд. И Ен мед видзас сыгыс, мый кодкö казялас том вöралысь сингъясысь повзёмлун. Пармагъяс лöо сылы мöд гортөн, кöни и лэбув вöчас, и би чуктöдас, и понсö да асьсö вердас.

Чери кыйöм да тшак-вотöс чукöртöм йылысь и шуны ёнасö нинöм. Емдинын вугыр-шатгöн лэчöны ю дорö сийö кадсянь, кор велалёны нянь сёйны да гач новлыны.

Кыйвалён ангъуйыс öнисянь нин тöдчис. Медводз сийö тыртис ваон сямöдысь вöчöм мыссян доз, кодi öшалис вөр керка дорын, öшöдiс орччөн ки чышкöд да тшöктiс зонкагъяслы пыр жö мыссыны. Насысь водз – тадзи кывлис – сылы мыссыны оз позь: вöралöмыс вермас не артмыны. Сэгъяс ывлаын пестöм би вылын шонтiс-лöсьöдiс сёян да корис пуксыны пызан сайö.

Челядь эз вунöдны вошйöдны сёйтöдзгыс мöдар югыдö мунöм чужанвужнысö да корны насынь отсöг пармаын олiгөн.

Вөр керка гөгöр гажaa джива-джавакылисны песни лэбачгъяс, кок улын дзирдалисны эзысь лысва мольгъяс, а Ёридз ю пöлөн гөвкъялис на кокни ру.

Ёртгъяс уна эз сёрнитны. Тöрытгъяс кыйöм чериысь юква сёйöм бöрын лыгъссö эз шыблавны кытчöсюрö, а чукöртiсны öтилаö, мед унджык чери шедас мöдысь.

Сэгъяс пасытасисны туйö. Лаз мышкö, козгъянö, чергъяснысö сюйисны, кучик нюлысö сюялисны ёсь ньöвгъяс, нопгъясö тэчалисны тойисгъяс, пусян пöрт, вотчан дозгъяс, мукöд кöлуй. Дерт, и нургъясантор босьтисны – нянь, шыдöс, чери да косьтöм ыж яй. Би чуктöдан кöлуй кыкнанныслөн ас бердас. Гортö нуöм вылö вотчыны шуисны аски, та вöсна и пестернысö эз босьтны. Гортгысь босьтöм кöлуйсыс мыйкö коли вөр керкаас, мыйкö – пыжас.

Пуксылысны, здук кежлө кыпөдлісны кокъяснысө, сувтісны и мөдөдчисны сьод сук вөрыслы воча. Ни өтчыдысь эз бергөдны юрнысө кольём вөр керкалань – оз позь. И бергөдчыны, мый көть вунөма, оз жө позь. Өні сөмын водзө колө мунны-восьлавны. Ирьянко шуис кайны Ёридз пөлөн өти чомкост – сыланьын дорччысь Би Кабырлөн чөс туйясыс.

Чожа восьлалөны. Чангыр ризьялө неуна водзын, сетчө шуйгавылө, веськыдвылө. Юыс ылысмылө и орччөн дзирдыштлө. Ваыс югьялө-визувтө. Лөсьыд. И кыпыда лолоавсьө.

Бөрыс вежласис – көнкө нюмъяліс, көнкө зумышмыліс. Гөгөртисны нейджыд нюр, вуджисны еджыд ялаа сөстөм яг, пырисны кыддза раскө и тані Чангыр гораа мөдіс увтны: туйсө мунысьяслысь вуджис, гырысья чеччалөмөн, руд көч.

– Ак, тэ... – көсийс ёрччыштны Тикө, но Кыйва тракнитіс сокөдыс да дивитана видзөдліс воыс вылө. Дерт, найө төдісны, мый көчлөн туйсө вуджөмыс мунысьяслы нинөм бурсө оз вай, мөдарө, вермас на и лёк вайны, но Кыйва та кежлө вөлі водзвыв дась. А ёрччыны вөрын оз позь. Регыд кутісны вуджны ловпу рас. Кыйва ородіс матыса пуысь вөсньыд вож, чегис сійөс шөри да шыбитіс кимльөскивыв.

Пырисны сорласа вөрө. Кок увсянь дзик лыйыштіс-пышійс, а сәсся тэрыба кавшасис джуджыд пу вылө визяорда. Чангыр уськөдчыліс увтөмөн, но Тикөлөн горөдөмыс бергөдіс сійөс.

И бара кызд пу раскынөсь. Шылыыд, югыд кызьяса рас. Кыйвакөд, гашкө, өттшөтшьяяс. Сәтшөм жө вөсньыдикөсь и сідзи жө юрнысө вылын кутөны. Дзирдыштіс пуяс костын вөрса сөдз ёль. Ирьянко адзис вугья чибльөг, гумовтіс васө да мыччис Кыйвалы.

– Ак и чөскыд! – чуймис Кыйва.

Видлісны вөрса васө и зонкаяс, чибльөгсө пуктісны бөр, кытысь босьтісны, и эз вунөдны чөвтны визув ёляс нянь чепөль – чөскыд васьыс аттьөалисны. Быдөн тадз вөчөны. Ёльыдлы өд бурис лөсялө жө. Со кутшөм гажаа сөльгө-котөртө. Нимкодь сылы, бурө пуктөны да...

– Гөрд гоб! – горөдіс Кыйва, неуна водзө муныштөм бөрын. – Сәтшөм топыд, мича. Сідзи и вөзйысьө, мед босьтім.

– Өти кока порсь, – шмонитыштіс Ирьянко.

А водзын сярвидзис быдса котыр, и отар-мөдар тыдовтчисны. Но на вөсна эз сувтны: вотны кө нин, бөр туй вылын. Өні наөн мый кутан вөчны? Сөмын матө воан.

Пырисны коз пуа вөрө. Гөгөр пемдіс. Шонді югөрьясыс оз вермыны писькөдчыны сук парма пытшкас. Сәсся восьыштіс. Тані уна пу сотөма-чирсийөма гымньөв, гырысь сәрапомьяс чурвидзөны. Сьөдөсь. Вөрыс важ. Өткымын пуыс вужнас гыпкысьөма, вом-



өналө туйсө. Пув дзуяс сярвид-
зöны. Буретш воомны. Пев
пом ыдждаось.

– Бöрынджык тані вот-
чыштам, – шуис пырмунигмоз
Ирьянко. – Пувйыс тані юмов,
чöскыд.

Петисны вөр дорö. Воссис
неыджыд эрд. Чангыр кутіс тэ-
рыба исасыны, эралö и мусö
зілө парсыштны водз кокъ-
яснас.

– Ош сит руалö, – казяліс
Тикö. – А со и ош кок туйя-
сыс. Сöмын на мунöма. Гашкö,
аддзö мяннös.

– Вермас лоны, – гөгөрбок
видзöдліс Ирьянко. – Мед мунö
аслас туйод и ми асланымöд.
Ошкыд абу йöй – вешгъяс. И
пöт öні сійö.

Сідзи и эм: ошкөд адд-
зысьлөм эз ло. Гашкö и,
унаönös да сы вöсна. Дзик
нинöмла öні татшөм ад-
дзысьлөмыс. Том вöралысьяс
писькөдчöны водзлань, ош та-
пиктö кутшөмкö аслас могөн.
Матыстчылісны – ылыстчис-
ны. Парма-ягыс, майбыр,
паськыд – тöрасны.

Кыйва повзъыштискодъ да
унаысь юрсö бергөдліс бөрлань,
мед эз уськөдчы виччысьтөг.
Мыйкö ассьыс вомгорулас шу-
алис. Но Чангыр ланьтис, и ош
йылысь регыд вунöдісны.

Эз и казявны – асылыс
луно пöри. Кокъясын кутіс

мудзөм кывны. Коркö и тыдовтчис Ёридз юлөн югыд ваыс. Петі-
сны вадорö. Гажаин. Вöсньыд визьөн нюжалö вадор лыаыс.

– Шойчыштам төкөтбö, – шуис Ирьянко. – Регыд сэсса и воам
нин.

Некод кыв эз шу паныд. Вылынджык вадор лыасынь гылаліс-

ны кодi кытчö. Чангыр котралыштiс бөрö-водзö да сувтiс орччөн, вөр-валён шыясас кывзысьömөн. Син водзын мелiа сёлöдчис-визувтiс Ёридз ю, сöстöм ваас ворсöдчис гырысь да посни чери.

– Гашкö, ошкыд чери кыйны муно вöли, – мөвп сетiс Тикö.

– Вермас лоны, – вочавидзис ёртыс. – Сийö вөрöдiс турун сi, явö вöйтчöма аслас мөвпъясö.

– Чериыс со мыйта, тайкö оз чеччыштны васыс. Комтö позьö и татысь уна кыйны, – кинас индiс да вöзйис Кыйва.

– Кыям на. Неуна и муныштам. Комыд миянысь оз пышйы, – пасйис Ирьянко.

– Вöрса пöткаыс уна жö, – кылö шуис Тикö. – Кокъяс улын сiдзи и жбыръялöны.

– Енъяс кö отсаласны, и пöткасö кыям, – видзчысьömөн кöсйис Ирьянко. Да содтiс. – Ракаяс сераласны, куш киён кö бөр воам. Айö мöдысь сэсся оз лэдз.

– А миянöс айным оз нин кут, – ышловзис Кыйва.

Ирьянколы эз ло лöсьыд, айсö гарыштöмыс тадзи бергöдчис да. Вунли сылён, мый ёртъясылён абу ни ай, ни мам.

– Ушкуйникъяслы пом воис, найö сэсся некор нин Эжва Перымö оз писькöдчыны асланыс зиякылысь кöрт дөрöмъяснаныс, – сёрни кöрталан думөн крапкис-шуис Ирьянко.

– Бубаыс али мый найöс сёйис? – юалис Кыйва.

– Мöскуа пö ньылыштöма оланiнсö ушкуйникъяслысь, айö тадз шуö, – стöчмöдiс Ирьянко.

– Мöскуаыд, чайтан, оз кут пондыны, венiс кö нин весиг ушкуйникъясöс, – эскытöма шуис Тикö. – Ушкуйникъясыд öд со вооны да бөр муноны, а этийöяс...

– Мед сöмын эз дзескöдны-а... Найö öд, мöскуасаясыд, и дорйöны на миянöс йöграясысь. Иона епископыд мый висьталö – йöграяслөн Асыка öксы медся ёна полö роч ратникъясысь.

– Гашкö, и сiдз, Ирьянко, а тэ висьтав, мыйла вайöм Енлөн вичкояс зымвидзöны Емдiн шöрын, а миян енъяслы кевмысянiнъяссö лои дзебны парма пытшкö? Оз-ö мый вöли позь öтлаын видзны? Кöсьян – татчö пыр, кöсьян – сэтчö. А öни, казяласны кыськö гуся кевмысянiнсö и сийö жö лунас медалöм йöз пазöдасны.

– Кык ош öти гуын...

– Сийö и эм – ёнджык ошкыс вöтлiс.

– Айö шуö, Мöскуаыс пö ачыс тотараяс улын. Мый шуасны сылы, сiдзи и вöчö.

– Ушкуйникъяс ыджыдалiгөн тотараясыд вöлины жö.

– А тэ паныд роч Енлы?

– Ньöти абу. Ыджыд мам миян быд лун юрбитö. И со, Кыйва тшöтш... Но некодöс оз ков дзескöдны.

– Ог тöд, мый Роч муас вöчсьö, – сетчис Ирьянко. – Ми öд ась-

ным вынаёсь жё, шуны кё нин. Бурён тась ушкуйникъяс некор эз мунлыны. Суйсясны кё нёшта, вётлам. Йограясёс и. Найё од, юр вундысьясуд, весиг Емдинаным пыравлёмаёсь. А öни оз лэдзны. И емдинса вежа морт Иона епископ отсалас дорйисьны – и вежа кывнас, и отсөг корас, ратникъясёс.

– Öнитö, дерт, оз лэдзны.

– А мый нёшта айö шуö... Биджид Перымын эм пö Микал öксай, выныс сылөн ой-ой-ой. Гор öксайкөд найö ёртасьöны. И öтмоза комиён сёрнитöны. Öтлааласны кё выннысö, некод оз вен.

Сюсь вежöра Ирьянко радейтлис бергавны верстьö йöз гөгөр, кывзысьны налөн сёрниö, велөдчыны колана оланногас. Ачыс нин корсюрö айыскөд дорччылис, и верстьö йöз эз вөтливны сийöс ас дорсьыныс, дözмыд номийöс моз. Уджалисны дорччанинас и Рочысь некымын воём морт – кужысь да уджач войтыр, та вöсна и видз-öдласыс рочьяс вылө сылөн торъялисны кутшöмакö Тикөлөн видз-öдлас серти. Медшөр Енмөн Ирьянколөн вöли көрт дорын удж, став мукöдыс, гашкө и, тöдчана жö, но көнкө ылынджык. Зонка ассьыс олөмсö олö. Кыдзи и Тикö. Но олөмыд, вөлөм, абу сöмын сийö, мый аддзан ас гөгөрсуд.

Кольөм төв помланьыс нин кык ёрт рытйысисны Ивö Чуд пöль ордын. Дыр мойдис налы Ивö Чуд пöль, а бöрыннас петкөдлис паськыд пөвтор, кодi вöли дорала тыр кутшöмкö пасьясөн, быттьö ракаяс косьмысь гөптын кок туйяссö колялёмаёсь. Нинөм он гөгөрво. Мый позьö гөгөрвоны рака кок туйясысь?

– Шыпас куд тайö, – татшнитис кос чуньяснас Ивö Чуд пöль. – Кутанныд кö сийöс тöдны, воссяс син водзаныд став еньюгыдыс – тыдаланаыс и тыдавтöмыс. Кöсьяд таö велапны?

Кык ёрт бура тöдисны пармаын артмөм шыпасьяс, кужлисны шуны кольөм кок туйяс серти, кутшöм пемöс да кодарö мунис. А Ивö Чуд пöльлөн паськыд пөв вылын рака кок туйясыс нинөм йылысь сэки эз висьтапны.

Но тöдисны ёртьяс и сы йылысь, мый Благовещеннö вичко бердын вежа – айкаяс велөдöны лыддьыны ен нога небөгьяс. Сэтчö ёртьяс эз веськапны да ёнасö эз и суйсьыны, öд дасьтисны сэнi вичколы колана йöзöс. Та вöсна, велөдчыны босьттöдзыс, ай-мамъяскөд та кузя водзвыв сёрнитлисны.

А Ивö Чуд пöль босьтчис велөдны найöс да карса нёшта некымын зонкаöс.

– Со тайö «ан», тайö «бур», а тайö, – пöль петкөдлис кусыня визь вылö, – «сий». Тадзи шыпасьясыс шусьöны. Ме тiянöс велөда, – шуис пöль, – став шыпасьясас, а сэссия, – сийö кыпöдис вылö водз чуньсö, – ми кутам лыддьысьны. Эм менам айсянь на кольөм небөг. Сийöс восьтыны öни водз на, а позяс сöмын сэки, кор кутан-

ныд кужны йитны шыпасъяссö гижöда сёрниö. И лоад тöдысь мортөн. Тайö зэв ыджыдтор, зонкаяс.

– Тöдысьөн лоам? – эз гөгөрво сэки Тикö.

– Оно тöдысьөн, а тöдысь мортөн. Тöдысь мортыд вынйöраджык тöдысь серти.

– И сэки весиг Теренсай Шева пöч нинöм оз вермы вöчны?

Ивö Чуд пöль сöмын серöктыштис да шеныштис сарөг кинас.

Тадзи заводитчис велöдчöмныс, а төвбыдөн челядь велалисны йитлыны Ивö Чуд пöльысь шыпасъяссö кывъясö. И сэки пöль восьтис на водзын ассыс видзан небөгсö.

...Шойччöмысь челядьöс орöдис Чангырлөн увтöмыс. Пон мыччисыс ылынджык сулалысь пуяс костысь и öти здукөн лои орччөн.

– Мыйыськö шызьöма, – малыштис понсö Кыйва.

– Пемöс-пöткаыс шызьöдöны, – тöдöмөн шуис Ирьянко. – Мөдiм! И ёртъяс мөдöдчисны водзö.

Шемöсмöдана аддзöмтор, шемöсмöдана воштöм...

Регыд найö воисны мөд мичаинö. Синъяс водзын юыс öддзöмөн визувтис изйысь изйö, югыд сöстöм – быд лыа чир позьö аддзыны, дерт, и вуджрасысь комъяссö тшöтш. Визувджыкинъясас найö жуöмөн-жуисны.

Мыш сайын шувгис сьöд парма, вылын юра веж козьяс тайкö оз воськовтны юас.

Пестисны бипур.

– Медводз дöра – гөрöдöсь, медводз лыйöм – сьöд рака, – тэрыба шуис Ирьянко, и – ёртъяс чöвталисны вугыръяснысö ваö. Самыс – нидзув, пучöй гагъяс, быдсяма чери ылөг – сьöрсьыныс. Морт комөн öттшöтш кыкисны и пыр жö кыйöм черияссö шыбитисны бөр ваö – кыйсысьяссянь козин татчöс Васалы, мед бурмис сьöлöмыс да сетис унджык чери. Вермис, дерт, и ачыс кыйны – ваас öд уялö, но козиныд кодлы нö оз кажитчы.

Сэсса лэпталисны ком чери ки мудзтöдзныс. Весиг Кыйва босьтчылис кыйсян уджö. И сийö кыскалис эз этпа. Шедöм черисö нывка эз шыблава кызсюрö, а мелiа шуасьöмөн лöдис сямöд тойисö.

Тадзи важысянь нин пыртöма Емдiнын и став Эжва Перым пасьталаыс: быд кыйдöслөн доныс ыджыд, чери либö вөр пöтка, ур либö кутшöмкö гырысьджык пемöс – кедзовтан кыв шуны оз позь и кызсюрö вöдитчыны сiдзжö. Оз позь и ворсны-дурны шедöм кыйдöсөн, ошйысьны, ковтöмтор висътавыны. Та йылысь быд «зырымбедь» тöдис нин и сэк, кор медводдзаысь босьтлис киас шатин либö дзуг. Видлы торкны пöльяссянь воём индöдъяссö, сэки нинöм

оз кут шедны и петя йоз серам туйо. А мукод кыйсьысьыс – тайо зэв важысянь нин локто – весиг шуалас: «...Эн дозмы немтор выло, съола (тар, дозмор), либо сир (сын, еді), сидз нин тай артмис да. Мый шедас, сійо и буро пунктана, да эн авал йой моз – эн шызьод вөр-васо да йозсо».

Вуграсисны, китчодз эз дышод. Тойисьяс тырисны. Сэсся отсоголасон овсисны – тырмымон талун кежло. Аттьо енъяслы, аттьо татчос Васалы! Коло на кыйом черисо керны да нуны вөр керкаодз, а од туйыс абу дженъыд. Аски бара на татчо воласны.

Водзо выло шуисны тадзи: Кыйва кольчылас, керас, мыйта вермас, черисо, а Ирьянко да Тико кытшовтасны лэч туйясти, оз дыр – ылөджыксо Ирьянко отнас ветлас. А Тико бор локтас Ёридз ю дорө, бара на, гашко, чөвтлас вугырсо вао, а сэн сэсся и Ирьянко матысмас. Чангырсө косьылысны кольны Кыйвакод, но нывка кинас модис шенасыны, босьтой по Чангырсө сьорсьыныд – понлы коло вöрын лоны. Бидур эм, и меным тырмас, би дорас гажтом оз босьт. Соьмын кос увьяссо унджык чукортöй.

Тадзи и вöчисны. Луныс мича лои, төвру кокниа ыркйодлыштö, парма уна ног варовитö, и быд шы ичотысянь тодса, ас.

Мөдөдчисны кык ерт, пасйоны-индалоны, коді мый аддзо. Лэч туй – шусьо тадзи, азбыль вылас некутшом туй абу, но быд вöралысь некор оз кеж аслас мунан туйысь, оз сорсьы, оз вош. Көни лыддьо коланаон, асьыс лөсас-пасьяс кольо.

Ирьянко лөсьодало-дзөбө лэчьяс, а Тико отсасьо да вöрса шыясас кывзысьо. Зонкаяс ньөжйө сёрнитоны ас костаныс и восьлавны зильоны шытог. Найо быдтор кылöны-аддзöны, а найос – тадзи чайтоны кыкнанныс – ёнасö оз. Дерт, төвру кө наладорсянь польто, бокö чөпөсьясны и руч, и тулан, и көч. Но од съод вөр шöрыд – абу восьса эрд, муртса төвруыд чужас, ылөдз оз мун, регыд и вынтөммас. Чангыр матигөтөр ризьяло-котралö, ковтог оз увт, а кылас мыйкө ныриснас и видзөдлас ертъяслань – коло оз шызьодны чөвлунсö.

Коркө и окота лөи Тикöлы видлыны асьыс морттуйсö. Шыасьліс да торьялышти ертсьыс, петкөдліс Чангырлы, мый öні позьо корсьысьны. Дыр эз ювмы виччысьны – гажаа увтөмон пон вөтліс нин веськыда Тикö выло руд көчөс. Куыс – нинөм, абу на кад көчөс кыйны ку пондыс, но яйыс чөскыд. Да и Кыйва өна радейтö көч яйтö. Тикö зөлоді ньөввужсö, лов шысö кутыштис и – ёсь ньөв шутөвтөмон сатшис котортысь көчö. «Аттьö, Чангыр, көч кокьяссö – тэныд, мед нөшта на тэрыбөн лоин». Пуктис кыйдөссө ногыяс да воис ертыс динö. Ирьянко казяліс ноп съоктаммөмсö, ошкана довкнитис юрнас.

Сэсся мыйкө венлэсьөмкодь артмис – Ирьянко уськөдіс аслас ньөвйөн пожом ув выльысь пашкыр бөжа мича куа урөс, Тикö –

недыр мысти – өти бөрся мөдөс уськөдiс кык урөс. Ылалiсны. Ра- залiсны. Чангыр отсасьö то өтиыслы, то мөдыслы. Дерт, Тикө тшөктө: «Мун, ветлы Ирьянко дорө!» Чангыр и тайөс гөгөрвоө. Уджалө сьөлөмсаяныс. Вежөра пон. Төдө: тайө кутшөмакө ворсөм. Увтөмнас вөтлө өртгьяс ньөв улө увйысь увйө лэбалысь пельк вөра- са пемөсьяссө. Морт сьөлаөн нин уськөдiсны. Зильөны лыд серти- ыс не сетчыны өта-мөдныслы. Гажа. Лөсьыд. Полөм ни мудзөм оз кывны.

Лун шөр кад кежлө вөрыс дзык лөнис. Шы ни гор. И пон тшөтш лангiс. Жуялiс, тыдалө. Тырмас пө сөсся тiянлы, кыкыд вылө вывтi уна лоө котравны. Чөв олө көнкө водзын, веж пася козгьяс сайын. Тикө шутөвтiс өтчыд, мөдысь... И виччысьтөг коз пу сай- ысь Чангыр лыйыштiс-петiс. Пиньясас – кузь ньөв. Воис, лэдзис ньөвсө муас да дженьыдика увтыштiс.

Тикө кыпөдiс Чангырөн аддзөмторсө, бергөдлыштiс киас да чукөстiс өртсө. Кыкөн нин кутiсны видлавны кианыс аддзөм ньөвсө и кыв эз сюр, мый шуны. Быд лыйөм бөрын өртгьяс корсисны да босьтлiсны ассьыныс ньөвнысө бөр. Мый аддзөма Чангыр, абу налөн. Абу весиг и емдiнсаяслөн. Ыргөн йыла да куим дора ньөвнас танi некод оз вөдитчы. Ньөв йылас косьмөм вир.

– Тэ кытысь тайөс аддзин, Чангыр? – шөйөвошөмөн юалiс Тикө.

Пон бара увтыштiс да чепөсийс сылань, кытысь сөмын на воис. Төдчис – нуөдө. Видзөдө өртгьяслань, быттьө корө ас бөрсяыс мун- ны. Зонкаяс уськөдчисны пон бөрся. Чангыр эз бөрйи нуөдан туйсө, төвзис веськыда, корсюрө зонкаяслань бергөдчылөмөн. Ковмис пись- көдчыны чуткасяна увгьяс косттi, вуджны порөм пуяс вомөн, но муанан туйыс вөлөм абу и кузь.

Регыд мысти найө сувтiсны кыз пу рас пытшкын куйлысь пон шой водзө. Төдчис, кытысь Чангыр нетшыштiс сатшкысьөм ньөвсө. Тикөлы син водзас сувтiс войся вөтыс, көнi Чангыр вайис Тикөлы Кыз Ку айкаөн чөвтөм ньөв. Со кутшөм ногөн имитiс вөтыс! Но кодi виөма понсө? Мыйла? Ньөв сертиыс, абу татчөс морт. Ёртгьяс чөв усинны.

– Тикө, понмыс тайө Кельчи Юр айкалөн. Ме төдi, – чөв олыштөм бөрын шуис Ирьянко. – Бур пон вөли. Кельчи Юр айка өна шогалiс. Тэрыб нимыс. Вошөма буретш мөс видзан лун вөйдөр. Тасянь Кельчи Юр айкалөн вөраланiныс абу ылын. Сөмын ю мөда- рас...

Тикө кывзiс өртсө да чөв олiс. И мый татчө шуны? Мыйсюрө вочасөн быттьө вөссис: Кельчи Юр волөма мөгөн дорччысь Би Ка- быр айка дорө, висьталөма кукань мездөм йылысь, а өттшөтш и ассьыс понсө воштөм йылысь. Та вөсна Ирьянко и öзйис ветлыны Ёридз ю катыдө. Айыс, тыдалө, өна пыдди эз пукты Кельчи Юр- лысь висьтасьөмсө, мөд ног эськө эз и лэдз писө. Ирьянко радейтө



быдторйын пуктысьны ас вылас. А мыйла корис ёртсö тшöтш ветлыны ылыс пармаö? Öтлаöннад гажаджык. Со и артмö...

– Та йылысь тэ тöдін? – юалис Тикö да индiс кинас поншой вылö.

– Та йылысь, дерт, эг.

– А понсö кытысь тöдан?

– Сійö öд миян Бусколөн мамыс. Кельчи Юр айка шуö, Тэрыбöй пö татчöс вöрсö вуджигөн лы ни ку воши, а ме чайта, Тикö, Тэрыбыд абу сэтшöм пон, медым лы ни ку вошны. Сыкöд ош вылö ветлывлiсны и, висьталöны, ачыс пö уськöдчö ошкыс вылö. Повтöм вöли пон. А лоöмторйыс дзык виччысьтöм.

– Коді нö эськö лёксö вöчöма?

– Ог тöд. Ки-коксö абу кольöма.

– Но ньöвйыс со...

– Сійö абу татчöс.

– Тикö, ме ногөн, тайö ньöвнас миянлы öнi колö бергöдчыны гортö. Кыдз позьö öдйöджык. Петкöдлам сійöс верстьö йöзлы, а, гашкö и, Гор öксайöдз воöдчам. Гөгөрвоан? Емдiн гөгөртасын бергалöны кортöм йöз. Кодарö найö туй кутöны? Мый налы татысь колö?..

И, мыжа морт моз юрсö лэдзöмөн, Ирьянко висьтасис Тикöлы гөгөрвотöм лоöмторьяс йылысь танi, Ёридз ю катыдас. Висьталiс поньяс вошöм йылысь и Емдiн катыдса вöралысь вошöм йылысь тшöтш. Да, юөрьяссö ёна пыдди эз пуктыв, айыс моз жö, но лои телепит тöдмавны. Корис Тикöс, а Кыйва... Ирьянко эз чайт, мый Кыйва накөд тшöтш мунас. Водзвыв эз шызьöд Тикöс сы вöсна, мый, гашкö, сөрöм

тайо ставис: чайтис – ветласны, чери кыясны да воасны гортанис бөр. Ыджыд мамыд дырйи пö эг кут повзёддыны, а сэссия и Кый-ва дырйи чөв олі...

Тикö мөвпыштис Ёридз ю дорын öтнасөн кольём чойыс йылысь.

– Чангыр, ньөв моз лэбышт Кыйва дорö! Кылан? Кый-ва до-рö! – и кинас индис понлы, кодарö сылы колö тövззыны-лэбны.

Пон бытгö гөгөрвоис. Люг-легвöчис бöжнас, ярскöба увгыштис и öти здукөн воши син водзысь. Зонкаяс котөрөн мөдöдчисны сы бөрся.

Сьөлöмнас кылис Тикö, мый кодöнкö лэдзём ньөвйысь кулём понмыс Кельчи Юр айкалөн унатор вермис эськö восьтыны. А неминуча кö? Ирьянко шуö, оз нин пö воны Эжва Перымö ушкуйникъяс... Тайö наян войтырсö некутшөм öлөдөмөн он кут. Мөскуа улö, гашкö и, сюрины, но эз раммыны. Кöинлөн гöныс оз вежсы. Гусьөн, вермас лоны, бара писькөдчöны Эжва Перым шөрö. Эмөсь ушкуйникъяслөн сюсь йöз – водзын мунысьяс. Найö абу унаөнöсь, шуам, морт кык-куим, верзёмаөсь. Зурасисны кöнкö тані Тэрыб вылö, дözмисны сылөн гораа увтöмысь, со и чергөдөмаөсь. Водзö. Мыйла лэдзём ньөвсö абу босьтöмаөсь сьöрсьыныс? Öд тöдöны – кадысь водз эрдöдчыны вермасны. Воча кыв вöйысьö татшөм: пон ёна доймис сьö веськалём ньөвсьыс, но эз кув пыр жö, а пышйис-орöдчис верзёма сүöдысьяс. Понмыс Кельчи Юр айкалөн, со шуöны, сюсь да повтём. Саялис воöмаяслөн син водзсьыныс, юсö вуджис, но вештысис олёмнас. Весьшөрö Кельчи Юр айка Ёридз ю мөдарладорас корсис да чуксалис понсö – кулём выйöдз доймём Тэрыб эз нин вермы воча шыасьны. А верзёма йöз ылын горалысь морт вылö эз воны – абу на налөн кадыс. Зурасисны кö, сэки, дерт, эськö мыйкö вöчисны. Кызди Емдін катыдса вöралысьыскöд, коді вошöма. Верзёмаяс мыйкö дыра кежлö бара вошисны вöрас...

Татшөм серпас воссьылис Тикö синъяс водзын.

Ирьянко, орччөн котөртигмоз, мөвпалис тадзи кымын жö. И водзö на: кортём войтыр вермасны вуззысьыны Емдін вылö вель ыджыд котырөн, виччысьтөг. Бурсö насянь виччысьны нинём – збойджыкъяссö виасны, сэссия кватлаласны нуны позяна эмбур, а мый оз вермыны босьтны сьöрсьыныс, жугöдасны-сотасны, бусö пöртасны. Содтöд, и йöзсö весьöпöртасны-нөйтасны, нуöдасны аскöдныс бөр волытём вылö. Тотараяслы вузаласны. Тадзи вöвлывлі. Та вöсна Ирьянко нинём бурсö эз виччысь вöрын пон шой да ньөв аддзöмысь. Сійö тэрмасис, мый вермис, медым вевъявны аддзём ньөв йывсьыс юөртны нелючки сутöдз.

Öдйö! Öдйö! Öдйö!

Кашкигтыр воөдчисны Ёридз ю дорöдз, кöні колисны Кыйваöс. Пестылём бипурныс ваймöма нин, чусалöма, сöмын көнсюрö

гөгöрыс везъясис на нэриник тшынтор, кос ув помъясыс югзисны на.

Но кусом бипурыд мый... Зонкаяс водзын воссис шуштөм серпас: Кыйва некөн матигөгөр эз тыдав, кольом көлуйсө кодкө путкылялома, пөрөдөм тойисъяс бердын туплясис чери – керөмаыс и кертөмыс...

Верзёма морт

Зонкаяс кутчысисны асланыс ньөввужйö, топөдисны певъя-водз чунь костас ёсь ньөвнысö и сувтисны воча мыш, гөгөр зэв сюся видзөдөмөн. Чөв-лөнъ. Сөмын сяльгö-визувтö Ёридз ю, гыясыс дзирдыштлөны-ворсөны и веськодъ налы, көть мый вөчсьö вадор пөлөныс.

Мый лоёма? Некөн оз тыдав и Кыйва дорö ыстөм Чангыр. Көни сйö? Гашкө, ёсь йыла ньөв вичмис, кызди и Кельчи Юр ай-калөн Тэрыблы...

– Йöгралөн тайö уджыс, найö век гусьөн пурöны, – жугыля тöдчөдис Ирьянко.

Тикö тайö кывъяссыс шемöсмис, көсйытөг личөдис ньөввужсö. Эз эскыссы, мый вермис лоны медся лёкыс... Йöгра? Кытысь? Кутшөм йöгра? Кызди найö лысьтисны нырнысö сюйны Емдин гөгортасөдз? И Тикö скөрмис.

– Колö суөдны, аддзыны!.. Кыйватөг Емдинö ме ог мун! Кута корсьны сэтчөдз, кытчөдз ог аддзы... Чан-гыр! Чан-гыр! Чан-гыр! – горөдис сйö, кияссö вом дорас гөгрөстөмөн.

Весьшөрö. Шыч ни рач Ёридз ю отарас и мөдарас. Быттö и вöрыс ланьтис виччысьтөм неминучасыс. Нöшта некымынысь горөдис Тикö – некутшөм воча шы.

– Тырмас горзыны, горш косявны, – чырыптис ловнас усьөм ёртсö Ирьянко, медым ёртыс öйдөджык воис ас сядяс. Сйö ачыс на эз тöд, мый колö вөчны, кодарö мунны корсьны Кыйваöс. Но кылис сёлөмнас – колö мөд руö воны.

Дыркодь чөв олисны.

Тикö эз дөзмы öлөдөмсыс. Сйö и ачыс бура төдис: куш авалөмөн-горзөмөн нинөм он шедөд. Зонка нöшта отчыд сюсь синъясөн видзөдлис путкылялөм көлуй вылас, тойисысь киссьөм чериыс вылө, и кыв ворыс воссис.

– Ирьянко, видзөдлы, кок туйясыс сөмын Кыйвалөн да Чангырлөн.

– Да, сэсся некодлөн кок туй пас оз тыдав – ни вөлалөн, ни подалөн, ни ошлөн, ни көинлөн.

– Сідзкё, вермас лоны тадз – дышдодма миянös виччысьны, дözмöма да пырöма вөрö вотчыны.

– Локтіганым, ме кывлі, кызди вежыс петіс гырысь пувыйс вылö. Но, а мыйла шыблалöма көлуйсö?

Та вылö воча кыв Тикөлөн эз сюр. Эз жö öд ачыс Кыйва чужьяв дözмöмысла тойисьяссö!

Ёртьяс бара ланьтісны. Найö эз лысьтны кодарöкö воськовтны, энóвтны кусöм бипурсö – öд сöмын сійö и йитіс öні вошöм Кыйвакöд. Воськовтан ю пöлөн либö вөрланьыс – и орас медбөрья йитöдыс на костын.

Тикö мый вермис, видіс асьсö Кыйваös Ёридз ю дорын энóвтöмысь. Абу на öд и тыр арлыда чойыс, позьö шуны, кага на. А мый öні висьталас ыджыд мамлы? И ачыс кызди кутас овны аслас тайö мыжнас? Дерт, Кыйва асныралöмөн öтлаасис туяс накöд, лои со ки көртöдөн, но öні кыв оз сюр видны-лөкöдны сійös таысь. Корсьны, корсьны – тшöктіс сьölöмыс, но вежöрыс эз лэдз и воськов воськовтны. Да и кодарö мунан? Кытысь корсян?

Тöv ни ру гөгөр. Быттьö му пырыс мунісны Кыйва да и понныс тшötш.

– Тайö ме мыжа,– шуасьны кутіс Ирьянко.– Эськö пукалінныд гортаныд, шог энö тöдöй.

– Мый нин жугöдны асьтö,– шеныштіс кинас Тикö,– неминучайд и гортад вермас суны, кор он виччысь. Енъяс кө лэдзасны.

– Ме мыжа,– выльысь шуис Ирьянко.– Кыскис менö татчö Кельчи Юр айкалөн вошöм понмыс. Кутшöмкö вын тойлыны мöдіс – ветлы, тöдмав, тайö абу бурысь...

– Бөрö видзöдны нинöмла,– орöдіс ёртсö Тикö.– Миянлы эськö колö öні тэрмасьмөн мунны Емдінö, медым петкöдлыны аддзöм ньövсö... А со лöб сулавны тані да виччысьны. Гашкö нö, янсöдчыны?.. Тэ мун, а ме кольчча.

Ирьянко некымынысь бергöдлыштіс юрнас.

– Тайö абу петан туй. Öтлаын воим, öтлаын и тась мунам. Ме öтнамөн весиг ог вөрзья, сідзи и тöд.

– Позяс Емдінас отсög котыртны, паськыджыка корсьны... ♣

– Сідзи, дерт, эськö да... Энóвтнысö тэнö абу лөсьыд. *

– Мый либö вöчны? – жугыля ышловзис Тикö.

Но – енъяс вөлöмаöсь на: кывтыдладорсян, көні тшем вöрыс топöдчöма дзик Ёридз ю дорас, кывны кутіс увтöм шы и, гырыся чеччалöмөн, мыгчысис Чангыр. Недыр мысти петіс вөрсьыс и Кыйва.

– Но тэ и бычуйка!.. – сöмын и артмис Тикөлөн, кор Кыйва матысмис зонкаяслань.

– А ме вотчи...

– Ак, сійö вотчис! – скöра нерыштіс чойсö Тикö.– Сійö вотчис, и сёрнитны сэссия нинöм йылысь! А ми тані огö тöдöй, мый вöчны, кытысь корсьны...



– Мый тэкөд? Көин вотос али мый вомад веськалис? Ме вотчи, а Чангыр адзис да корис петны. Ме и гөгөрвои, мый ті воинныд.

– Весьопөртін, шөйтан көнкө. Колө вөлі виччысьны сәні, кытчө колисны. Тани өд абу Емдіныд, – эз на көдзав да броткис Тикө, но сьөлөмыс личалыштис.

А Кыйва дузmunic.

– Асьныд ті шөйтад. Ме нин мудзи черисө керны, а ті век на абуөсь. Со и вотчыштi. Төвсө чужъявны али мый татчө воим? Аддзылід кө, пувыйс мыйта! И чунь пом кодь гырысь... А тиян нө көн озыр кыйдөсnyд?

Ирьянко чөла кывзис чоя-вокалысь тур-бармунөмсө да малалис нимкодя бергалысь Чангырөс. Сьөлөм вылысь өти из уси. Но бара мөдiс майшөдлыны вөрысь аддзөм ньөвыйс.

– Ми и збыльысь повзылим, – шуис Ирьянко Кыйвалы. – Öти-кө, оштө со аддзылим, а мөд-кө... ылі вөрад мыйыс оз овлы... – Сийө видзөдліс Тикө вылө.

– Но, а кодi пыблалөма тойиссьыс черисө? – юалис чойыслысь Тикө кыйдөссө чукөртигмос.

– Ме ог төд.

Тикө гөгөрвоис.

– Чангырлөн тайө уджыс. Чожа исасьөма да тэрмасьөмысла дзугөма лючкия тэчөмсө. Кыйваөс туялігмос. Повзьөма жө, ты-далө. Кыв кутөмсө өд төдө асьыс, мый көть и пон.

Ставыс лад вылө пуксис. Сөйыштисны и петисны тэрмасьөмөн туйө. Кыйвалы висьталисны дженьыда, мый талун кежлө уджъяс эштөдөма лои, лэчъяс-дзугъяс чөс туй кузяла тэчөма, весиг мый-такө кыйны мойвиис, а өни колө вөр керкаө мунны бөр. Сән сәсья тыдовтчас, мый водзө вөчны...

– Вотчыны, дерт, – төд вылө уськөдіс Кыйва, – асьныд көйы-
синныд, вотчам пө.

– Мед и сідз, – ньылыда шуис Ирьянко, – но өні колө тэрмась-
ны, сьод кымөръяс со зырөны, вермас здук мысти шливөбтыны-
зэрмыны.

Поводьяис и збыльыс бара заводитіс торксьыны. Сьökыд руа
кымөръяс вевтисны енэжсө, юр вesityтти кывтөны, тайкө оз кру-
касьны пу туганъясө.

Босьталісны көлуйнысө, шутөвтисны Чангырлы и сьорсьөн-
бөрсьөн мөдөдчисны вөр керкалань. Сюрөм ньөв йывсьыс Кыйва-
лы зонкаяс кыв ни джын эз шуны. Мунысьяс бара кыткө ылысмы-
лісны Ёридз юсянь, кыткө бөр матысмылісны, вуджисны дзажа-
кылан яла яг, сюрлісны кузь нитшка коз пу вөрө, вольалісны
төдса нин кыз пу расті.

Дерт, мунігмозыс, зонкаяс дзөръялісны өтарө-мөдарө и быд
төдтөм шыыс надзмөдлісны воськовнысө. Но Чангыр кутіс асьсө
лөня, котраліс, исасис и синнас колльөдліс лэбачьясөс, жбыръяліс-
ны кө найө матігөгөрын.

Вөр керкалань мунысьяс юраныс бергөдлісны быдөн асьыс.
Ирьянколы өні пыр өнджыка воссис, мый Емдінсянь неылын,
кывтыдланьыс, шөйтөны йөграяс. Аддзөм ньөвйыс абу емдін-
салөн. Сэсся некодлы тан лоны. Ушкуйникьяс, кор вооны, гөгөр
паськыда шызьөдоны. А тайө воысьясыс дзебсясьоны, полөны
йөзасьны (понсө найө, дерт, эз көйыны вины, но увтөмнас сійө
ёна нин дөзмөдіс да вермис эрдөдны пармаын гуся ветлөдлөмсө).
Мый таыс петө? Ньөввужьяса төдтөм йөз – водзын мунысьяс,
туялысьяс. На бөрся, вермас лоны, матысмө ыджыд вын, мый-
ыс и колө видзчысьны. Тайө абу вужтөм-нимтөм шышьяс, а
чорыд кион котыртөм вын. Гашкө, ачыс Асыка вайөдө йөгра-
ясөс Емдін дорө? – Ирьянко весиг сыркмунліс татшөм
мөвпсьыс. – Енъяс мед видзасны! Но, сідз ли, тадз ли, а колө
тэрмасьны-мунны, воөдчыны вөр керкаөдз, сы пыр жө сөвны
пыжө и кывтны Ёридз ю ньылыд. Сэсся Емва ю ньылыд. Емдінө
воөм мысыт петкөдлыны айөлы сюрөмторсө. Верстыө морт ад-
дзас кыз-мый вөчны. Дерт, висьталас Гор өксылы, и Емдін лө
дась өлөдны кортөм войтырөс. Тадзи кымын мөвпаліс Ирьян-
ко.

Тикөлы Ирьянколөн полөмъясыс вөліны ылынджыкөсь: өти-
кө, Кыйвалөн воөм бөрын сьөлөм вылас личаліс, а, мөд-кө, аддзөм
ньөвйыс сійөс мыйлакө ёна эз повзьөд – аслас эм ньөввуж и колө
сөмын вевъявны водзджык лыіны (ковмас кө). Та вөсна сійө сюся
кывзысис вөрса шыясө, да и Чангыр асьыс могьяссө бура төдіс. А
увтліс сійө эз өткодя: мортөс ныриснас кылас – увтас өти ног, вөрса
пемөсөс кылас – увтас мөд ног нин, ур либө пөтка вылө петас – на

вылө бара жö аслас увтанног. Морт вылө ылісянь увтöм-эргöмнас Чангыр гөгөрвоана век петкөдліс, ас морт мунö али тöдтöм. Зэв вежөра пон. Сыкөд да повны мыйыськө! Öнi пон кутіс асьсö чöла, посни пемöс-пөтка вылө эз увт туй чөжыс, сöмын сувтовкерлас да видзөдлас том вöралысьяс вылө.

Кыйва ёна эз жуглы юрсö, мыйла зонкаяс лунся мудзöм бöрын вöсьлалöны сэтшöм öдөн. Сідзкө, тадз колö. Татшöм ыліас Кыйва некор на эз волы, сы вöсна и эз лысьт дöзмöдчыны ковтöм юасьö-мьясөн. А мудзис кö ачыс... Видлы норасьны. Мед эз лок да-й, некод сійöс эз кыскы татчö. Сійö тöдіс, мый буретш тадзи и шуас Тикö, кодi, дерт, видзөдлывліс и чойыс вылө, мед эськө эз жö дзикөдз усь эбөссьяс.

Казьтылісны чоя-вока, дерт, и ыджыд мамсö. Неуна такöдіс Тикöс Теренсай Шева пöчөлөн Кыйвалы кöсйысьöмыс – висьтавны ыджыд мамлы Кыйвалөн аслас вокыскөд да сылөн ёртыскөд Ёридз ю катыдö мунöм йылысь. Но висьталас-ö Теренсай Шева пöч, а висьталас кö, то кызди? Оз-ö мöдарö артмы, и такалöм пыдди ыджыд мам весьöпöрас да шызьöдас Емдінсö кузяла и пасьтала. Гор öксайöдз воодчас. Корсьны петасны.

Но кызди кöть эн майшась тані, а колö медвойдөр воодчыны вөр керкаөдз.

Зэрис тусьөн-тусьөн, поводдяыс быттьö виччысис, кор мунысьяс воодчасны вевтулөдз. Сэки и позяс сьвкнитны лышкыдджыка. Паныд кутісны воны öнтая тшак быдманінтьяс да пув дзуюс. Эз и сувтлыны. Кыйва ас кежсьяс кевмис да корис вылыс вывсянь шондіа поводдя: «Роч Енмöй, коми ентьясöй, разöдöй юр весьтысь кымөръяссö. Тi öд быдтор верманныд. Дерт, ме грека, мый энөвті ыджыд мамöс, но öд ме сійöс ёна-ёна радейта и сэсся некор нин юасьтөг ог мун гортысь. Ме збыльысь висьтала. А зэригад сьökыд вöсьлавнытö, мый кöть и Тикö босьтіс менсьым став көлуйöс. Зэв жö нин туйыс кузы!»

Ирьянко быттьö кыліс Кыйвалысь мудзöмсö.

– Матысмам, ёртъяс, со тöдса пуяс нин паныдасьлöны! – збодера горөдіс сійö.– Тані быд пу менö ичöтысянь тöдö.

Ирьянко муніс водзвылын. Сы бöрся вöсьлаліс Кыйва, а сэсся и Тикö. Чангыр ризъяліс, кызди кöсйис – пышйылас водзланьö, бөр воас, бергалыштас и бара нин со вошöма. Дугдывтөг исасьö, сувтса пельяссö чошкөдöмөн. Кывзысьö парма олөмас.

Регыд вөр керка мыччыяс. Кышөдчасны джуджыд слуда вылө, öнi сэсся дзик ю пölöныс нин кутасны мунны, сысянь оз нин ылысьмыны. Здук кежлö дзарснитіс кымөръяс сайысь шонді. И Кыйва пыр жö аттьöалис енъяссö. Буждöм кыркөтш улын вольквидзис-дзирдаліс Ёридз ю.

И виччысьтөг Чангыр джөм сувтис да кутис эравны. Сійö видзөдис юланьыс. Мунысьяс сылань жö бергөдисны юрнысö, и сьöлөмныс виччысьтөмысла ыркмуни: Ёридз ю мөдарладорсянь налань видзөдис верзьöма морт.

– Тайö, йöгра, – вашнитис Ирьянко.





УРАЙ-ПАУЛЬ

Асыка



АСЫКА, ЙӨГРАЯСЛӨН ЫДЖЫДАЛЫСЬЫС, асывсянь-ыс эз вөв ас паскалльö вылын – сылөн ёнтис-висис пиньыс. Төдысь-шаман, кизьөр тошка Иуси, кусьыс петмөн вөзйис чукрасьысь өксылы бурдөдчан турунъясысь зелья бөрся зелья, йөктис-котраліс, гольөдчана бубенө кос кабырнас кучкалөмөн, горзис мыйкө асьыс, но – весьшөрө. Асыка нора видзөдіс сы вылө: коть этійö кузь пожөмас кавшась да равзы парма тырнас дойысла. «Воа гортө да вөтла ас дорысь Иуси-шаманөс, выныс сылөн бырөма», – мөвпаліс ас кежсьыс Асыка.

Пемдандорыс нин сійө чукөртис асьыс отсасьысьясөс – Из таладорса да Из сайса ичөт өксыясөс. Воалісны вочасөн, сы вөсна мый йөграяс сувтисны пожөм ягын котырөн-котырөн. Унаөн гусьөн броткисны – тавой эз тшөктыны ни бипур өзтыны, ни вөрзьыны индөминсьыс. Сулалісны тшыгөсь, скөрөсь.

Векуш вома (пинь висьөмысла), Асыка ваджгылясис-ветлөдліс торья котыръясөн юрнуөдысьяс водзын, бука кымөса, чужөм пась-талаыс разалөма чуқыр-макыр.

Сылы висьталісны, мый воисны ставөн, кодөс корөма. Ыджыд өксы водзө ляпкыд пызан вылө сувтөдісны йөграясельыс Зарни Енмөс, нимыс кодлөн Сорни Най. Сійө кужө аддзыны ылө водзө, отсалө венны вир кисьтана тышъясын, та вөсна и новлөдлөны сійөс йөграяс сьөрсьыныс.

Асыка, юр вундысь аслас котыръяскөд, бөрья вояс чөжөн пась-кыда гижлаліс Урал-Из кыкнанладорсө. Йөграяслөн весьөпөртан

ловъя гыясысь топавлісны съёлъмъясыс медся повтѳмъяслѳн. Кок йылысь усъкѳдан тѳв ныр моз виччысьтѳг и яра усъласисны йѳграяс Вятка, Эжва да весиг Ыджыд Перым вылѳ. Ёсьтѳм ыргѳн ньѳвъясыс налѳн лѳблисны и Из сайса тотараяслѳн Чимги-Тура¹ кар шѳрѳдз. Сѳтчѳс мудер ханъяс сѳсся сувтѳдісны ас водзаныс мог – асланъѳдны оластѳм войтырѳс, и тайѳ налѳн вочасѳн артмис. Бѳрынджык тотара да йѳгра ѳтувъя вынъясѳн петісны роч казак Тимофей Ермаклѳн пушкаяса да пищальяса котырлы паныд.

Но тотараясысь кындзи, некодкѳд сѳсся лѳсялѳм эз артмы. Асыка лои быдѳнлы бырлытѳм грѳзѳн: талун ѳтилаясь съѳкыдпырысь вѳтласны, а аски мѳдлаѳ нин сѳйсѳѳма аслас отыръяскѳд² – виѳ, сотѳ, мырддѳѳ, начкѳ, пышйѳдѳ. Биа ньѳв моз лѳбыштасны-воасны, вѳчасны съѳд уджнысѳ и усйысьѳны бѳр – мудера, вѳтѳдысьясысь туй помнысѳ дзебѳмѳн.

Ёна лѳгасис инас ѳшйытѳм йѳгра вылѳ и Мѳскуа³. И вѳлі мыйысь. Сѳкся кадѳ Мѳскуа княжество, Зарни Ордаса тотара-монголъясысь мынтѳдчѳмкѳд ѳттшѳтш, заводитіс пасъкѳдчыны орчча да ылысджык муяс тшѳт весьтѳ. И вынѳн, и Ен ѳсѳгѳн. Но эз век лючки артмыв. Перымса медводдза епископ Степан кувсьѳм бѳрын Емдінѳ воѳм епископ Питиримѳс, Асыка шуѳм серти, йѳгра котыр бытшлалісны шыпуртъясѳн веськыда вичкоас уна йѳз дырйи. Кымын мортлысь сѳки ловсѳ босътісны «владычен карын», кодкѳ ѳмѳй кужас шуны. Буретш сѳки и уси Гор ѳксайлѳн айыс – Бурай. Ассыныс съѳд уджсѳ вѳчѳм бѳрын йѳграяс тѳрмасъѳмѳн вешйисны асыввывлань, сѳѳдны найѳс эз вермыны. Тайѳ вѳлі дас квайт во сайын, Асыка том на вѳлі и шыпуртнас шенасис медся збоа. Вежа Питиримѳс виѳмнас Асыка ѳлѳдіс Мѳскуаѳс, мед роч эскѳмѳ, Эжва Перым бѳрын, эз кыскыны и йѳгра войтырѳс. Сюсь Асыка гѳгѳрвоис: лолад пырасны, а сѳсся и чорыд кабырѳ ѳдйѳ сюран.

Мѳскуаса великѳй князь Иван III мынтіс на Зарни Ордалы быд вося юр усъкѳдан вот, но Роч мулѳн и сѳки нин тырмылісны вынъясыс йѳграясѳс мѳрччанаджыка чирыштѳм вылѳ.

И со, 1465 воын, Иван III ыстіс Иван Скряба воеводаѳс «Югра» муясѳ. Вир кисьтана тышъяс бѳрын Скряба киѳ сюрисны йѳграяслѳн юрнуѳдысьяс – Калба да Тѳчик, но найѳс лѳдзисны сѳсся бѳр, став «Югра» нимсянь быд вося ыджыд вот кѳсйысьѳмаѳсь мынтыны да, сыысь. Содтѳд, и не усъласьны кѳть нин рытиввывлань.

Та бѳрын нѳшта кык во мысти, 1467 воын, и Ыджыд Перым, вяткасяскѳд сѳрнитчѳмѳн, босътчис ѳлѳдны дѳзмѳдчысь йѳгра котыръясѳс. Асыка, коді век пырѳдчыліс тыш шѳрас, вирѳдз доймис сѳѳ шеныштѳм шыпурт улын да ачыс сюри Ыджыд Перымса

¹ Ё н і – Тюмень кар.

² О т ы р – багатыр.

³ М ѳ с к у а – Москва карлѳн сѳкся шуанног.

Микал өксай йөз киө. Но сылы мойвиис сәки пышпыны (вяткаса войтырөс кызкө ылөдлөма – найө босьтчылөмаөсь видзны повзөдчан нима йөграбс асланыс дзескыднын).

Гортас воөдчөм бөрын Асыка паськыда кывмөн сетис кыв бон-бус жугөдны Ыджыд Перымса каръяс сы выйөдз, медем весиг сэтчөс челядыслөн челядөс – ловъя морт кө коляс – йирмөг босьтлис сылөн нимысь, сылөн кутны позьтөм ярлунысь.

Но Ыджыд Перымкөд тыш ылө петтөдз колө на өна дасьтысьны – чукөртны ыльысь ыджыд вын, велөдны томуловөс айясылөн кодь повтөмлунө, велөдны венны көть кодөс – перымсаясөс, рочьясөс, яраньясөс, тотараөс. Та могысь и вайөдис гусьөн том отырьясөс Эжва Перымө. Мед велаласны киссяна вир динө, мед велаласны колявны ас бөрсяыс би да шом, и мед некодлөн оз вөрзья сьөлөмыс татчөс йөзлөн нораа бөрдөм-горзөмысь.

Дерт, тайөс колө вөчны өдийө, мед жугөдны Эжва Перымса Гор өксайлысь тышка вынъяссө и мед емдинса Иона епископ эз удит корны отсөг ылө роч ратникьясөс, өд сы сайын – Мөскуа. Панны восьса тыш рочьяскөд Асыка эз на көсйы. «Воас кад, пета и на ылө, – асьсө эскөдис Асыка, – а өни водзджык на. Медводз колө перымсаялысь сювсө лэдзны – вывти нин ылын юраөсь. Раммөда!»

Босьтис сьөрсьыс Асыка Эжва Перымө том отырьяскөд тшөтш и асьыс дас квайт арөса Юмшан писө. Сетис сылы некымын дас морта котыр, кодэ петкөдлис нин асьыс шемөсмөдана ярлунсө уна вир кистананын. Йөгра-көиньяс! Тадз шулисны на йылысь Асыка гөгөрын. Йөгра-көиньяс сюйсылысны быд тышө да видзисны асьыныс синмөс моз тшөтш и Асыкалысь писө. Юмшан өдийө велалис кутны асьсө юрнуөдысь туйын, вөли айыс кодь тэрыб да өзьяна, сирөд мыр кодь. Талун сийө дасьтысис аслас йөгра-көиньяскөд отсавны чөвтны айыс кок улө Эжва Перымса медшөр кар – Емдин...

И со, ыджыд өксы сувтис Сорни Най Зарни Ен дөрө. Гөгөр пожөма яг. Сөрнитис Асыка ярскөба, быд шуөмөн быттьө шыпуртөн шеныштө Емдин шөрас нин. Сөрнитигас тыдалис – пиньясыс сямөмаөсь и ставыс вужынь-вежынь, горш гольганыс ветлөдлө улө-ылө. И ярсьыс-яр. Ачыс йөгра-көин.

Сөрниыс өна эз нюжав.

Со:

– Вой шөр кадө, ай курөг чуксасьөмкөд тшөтш, карө пырасны медся сюсьяс, медся тэрыбьяс. Найө писькөдасны туй, карпытшса пемыдас разаласны да өзталасны ёраса бияс¹. Емдин өзьяс, и сэтчөс олысьясыс шөйөвошасны.

Биөн ыпъялан керкаясысь чеччаласны унзеля йөз. Кыптас ыджыд зык – лимзөм, омлялөм. Миянлы тайө и колө.

¹ Ё р а с а б и – факел.



Зык шөрас, өзъяна югыдас, пырам ми – шыясөн да шыпуртъясөн: бытшлавны, керавны, нөйтны, биас сотны. Ловйөн кольны некодос оз ков – ни ичөтос, ни верстьоос, ни порьсыос. Бырөдны ставнысө отитог. Казяла небыд сьолөмаос – клысьйөдла пөттөдз со тайө кыза гартлөм орснас¹. Ті менө төданныд. Небыд сьолөмаыс абу отыр, а нямөд.

Водзө. Сотчыс карын дыр лоны он вермы. Мыйөн кутасны кывны сямөд буксан шыяс, колө пыр жө петны кар сайө, кытысь пырим. Асья югдөм бөрын Емдинө пырам выльысь. Миян синъяс водзын воссясны гырысь шом чукөръяс – тайө ставыс, мый коляс Емдин карысь. Но вермасны на паныдасыны миянысь дзесыльөм йөз да разалөм гортса пода. Найөс кутавны. Мөдасны кө ловйөн кольөм емдинсаяс водзсасыны – петкөдлөй нөшта отчыдысь, кодъяс ті.

Синъясыс ыджыд йөгралөн дзирдыштлісны. Чукөртчөм йөграюрнуөдысьяс чөла кывзісны.

– Тіянөс, – ветлөдліс улө-вылө Асыкалөн горш гольганыс, – виччысьөны озыр козинъясөн Пелым, Сосьва, Лозьва вожъясын, Из таладорас и мөдарас. Ті ваянныд гортаныд и ассыныд горалысь нимъяс. Кутанныд ылөдз нимавны. Тіянөс виччысьөны пөль-пөчъясныд, ай-мамъясныд, чой-вокъясныд. Мыйөн воанныд на дорө, тіян сайын. Верманныд, дерт, воны и няр баяён, сэки тіян вылын мөдасны серавны Эжвасянь Обь юөдз. И тіян вылын, и тіян ай-мамныд вылын. И бергөдчас тіянысь Зарни Ен Сорни Най.

Мый нөшта... Водзвыв ыстылөм отыръяс висьталөны: Емдинын миянөс оз виччысьны. Кар гөгөрыс лөнь. Видзөны сійөс этша

¹ О р с – плеть.

вынөн. Войяс öнi пемыдöсь нин. Матысмам карыслы мышкас, вöрладорсяныыс, кытысянь миянöс оз виччысьны.

Кыв кöрталöм: карсö пузувтны-сотны öтчыд уськöдчылöмөн. Ставыс!

Асыка нюжöдiс кияссö вывлань да горöдiс:

– Миянкöд Зарни Ен Сорни Най!

Йöгра-юрнуöдысьяс горöдiсны сы бöрся:

– Миянкöд Зарни Ен Сорни Най!

Асыка мöдысь нюжöдiс вывлань кияссö.

– Миянкöд Торум!¹

Воча равöстiсны:

– Миянкöд Торум!

– Сетам ёрд кыв²: Енъяс нимөн венам. Мед лоö сiдз!

– Мед лоö сiдз!

– Вис³ миян Енъяслы!

– Вис! Вис! Вис!

Вайöдiсны вöлöс. Асыка ачыс босьтiс кияс шыпурт, матыстчис вöв дорö да ыджыд вынөн бытшкис сьөлöмас. Вöв нетшыштчис, но кык-куим вöськов бöрын гыпкысис-уси. Гөгöр шызисны. Матыстчис Иуси-шаман да, кевман-коран кывъяс шуалöмөн, мавтыштiс пöсь вирнас Сорни Най Зарни Енмöс, а сэссия тайö жö вирнас вöчалiс пасьяс Асыкалөн да став чукöртчöмаяслөн чужöм банъясö.

Асыка тэрмасис. Иуси-шаман пöсь вира дозмукөн кияс мунiс йöгра-юрнуöдысьяскöд вöрын сулалысь отыръяс дорö, медым сетны налы енъяссиянь ыджыд вын да повтöмлун.

Асыка кольöдiс ас бердас Юмшан писö – кöсйис шуны кыв-мöд и сылы, öтнаслы. Но сёрнитны налы эз сетны. Кутiсны кывны горзöм шыяс:

– Саран кум!⁴ Саран кум! Саран кум!

Асыка дорö вайöдiсны садь быртöдзыс повзьюм, дзикöдз шöйöвошöм мортöс. Сийö ставнас тiралiс да эз вермы шуны кыв ни джын. Лои тракйöдлыштны.

– Кодi тэ? Кытысь? – стрöга юалiс Асыка.

Вайöдöм морт усьöм гөлöсөн вочавидзис:

– Ме Кыз Ку. Емдiнысь.

¹ Торум – медыджыд Енмыс йöграяслөн, кодi пö артмöдöма став ен югыдсö.

² Ёрд кыв – клятва.

³ Вис – жертва.

⁴ Саран кум – коми морт (йöгра ног).

Вылө ләптысян – улө усян

...А өд буретш талун на Кыз Ку лои кар видзсыяс лыдын. Сійөс медводдзаяс (о, кутшөм шуд!) Гор өксаи индiс ыджыдөн емдiнсаяс котырө, кодi кыв кутiс кар видзөм вöсна вөрладорсян-ыс. Кар видзсыяс сулалiсны ортсыса дорйысян визыын. Емваладорсян ыркйөдлiс васөд төвруөн, но рытланьыс төвруыс воши.

Кар видзны петысыяслы тавой тшөктiсны лоны торъя сюсьөн – емдiнса вөралысыяс казаявлөмаөсь төдтөм йөзөс. Дерт, ветлысь-мунысьыд век эм, но öнiя кадө татшөм юөр пель пыр нуны – аслыд лөк вöчны.

Пемыд рытыс пырис нин карө аслас чөв-лөнён. Котырас – пөрнөй йөз, ставныс бур вөралысыяс, и найө зiлисны не ылавны ковтөм сёрниясөн – сюся дзоргисны водзө и, пельяссө чошкөдөмөн, кывзыисны быд шыө.

Кыз Ку збоялiс, зiлис быд ногыс петкөдлыны асьсө нинөмысь повтөм мортөн. Ветлөдлыштiс йөз костас, ворсыштiс кучик пуртөсө скойөм ыджыд доньыс судзөдөм шыпуртнас и быттьө веськодпырысь юөртiс, мый ветлас водзын сьөдалысь вөрланьыс бөр-водз, ачыс видзөдлас-донъялас ставсө, мед виччысьтөмтор эз ло. Недыр мысти локтас бөр. Ветлас өтнасөн. Сы пыдди ыджыднас котырын кольлас Чер Тыш Як.

И мунiс. Некод кыв эз шу паныд.

Войся видзсыяслөн могыс вөли ас кадө казаявны карлань матысмысь төдтөм йөзөс и, мыччысясны кө татшөмъясыс, лэбув кутысь сюръяө өшөдөм көртө пу воропа көртөн швачөдөмөн юөртны та йылысь карыслы. А сөнi татшөм юөр бөрас пыр жө модасны бовгыны карса гырысь жыннiяныяс, и быдөн сувталасны сэтчө, кытчө налы водзвыв нин вөли индөма. Карсө гөгөртiс джуджыд мудөд, кузялаыс ёсь йыла керъясысь ён потшөсөн, а мудөд водзас, кузялаыс жө, сьөдөн лөсталiс лягейясөн да быдсяма гагнас тыр пемыд, няйт ва...

Кыз Ку бротсьөдiс-мунiс вөrsa сьөдыслы паныд и мый вермис видiс асьсө. Сийө ас ку пытшкас эз төр. «Некод эз өд тойлы, а со на – колө кок песны, асьтө петкөдлыны, ышнясьны, – ас кежсьыс броткис сийө. – Госөй йөйтөдлө... А збыльысь кө воча ныр зурася йөгракөд, ушкуйниккөд либө кутшөмкө шышкөд? Öд швач пемыд лои. Со, висьталöны, Асыка бара петöма шөйтны аслас юр вундысь араваөн, та вöсна и войся видзысь лыдсө содтiсны кык пөв. Кельчи Юр, шуöны, мыйкө төдө – Ёридз ю катыдын довъялөма и понсө асьыс воштöма. Дерт, мый эськө сылысь и кывзыны. Куканьөс менсьым тайкө абу воштöма. Вомсө вöсьтöма ракаяс вылө. Ульнас

эськө вильөдi, эз кө аддзы менсьым пемөсөс эсийö зырымбедьыс...
Яраш пи Тикöбыс...

Кыз Ку виччысьтöг сконъясис мыйкө и мисьтöма ёрччöмөн
бруткысис-уси. А кор сьöкыда сувтiс, чур-чермунис аддзöм серпассь-
ыс: ськөд орччөн сулалiсны мугов чужöма йöз и синнысö тувъялöмөн
чöла видзöдiсны сы вылö. Кыз Ку чепöсийс бөрвыв, но туйсö потшис
том морт (йöгра?!) и öдöбсьöмөн вурыштiс пель вужьяс. Кыз Ку
тiмбыльтчис-уси, весиг авöстны эз удит.. Көдкө чужийс сылы. Ки эз
мыччыны. Ачыс кызкө-мыйкө сувтiс. Йöграяс (өнi тыдалiс нин,
кодьяс сулалiсны сы гөгөр) шпыннылисны и мыйкө гөлчитiсны ас
костаныс. Сэсся öтпырйö ланьтiсны да нуöдiсны аскöдныс.

...Асыка, синъяссö читкыртöмөн, видзöдiс сы водзö вайöдöм
паськыд ныра, дзугсьöм юрси-тошка морт вылö. Енъяс кылöмаöсь
сылысь кевмöмсö! Йöграяслөн ыджыдалысь кыв шутöг бергöдлiс
киас озыра мичмöдöм шыпурт, кодöс кыскисны кучик пуртöсысь
тайö джаджъя кынöмаыслысь. Паськөм сертиыс и пыктöм чужöм
сертиыс тыдалiс – вайöдöмаöсь абу кутшöмкө шөр олысьöс. И бур,
мый садьтöг повзьöма. Век на со тiралö.

Асыка тувкыштiс мышкас Юмшанлы да индiс чуньнас тiрзыйс
Кыз Ку вылö:

– Емдiнса саран кум!

КЫК ИЗКИ КОСТЫН

Кыз Куысь пычкисны ставсö, мый сийö вермис эрдöдны-сетны.
Чургöдöм ёсь шыясөн мышкас сийöс кытшовтöдiсны Емдiн гөгөр.
Кыз Ку индалiс, көнi сулалöны карсö видзыйсяс, кымынөн, кор да
кысянь налы вермас воны отсöг, ыджыд-ö и кутшöм кад чöжөн.
Вывтi дыр юасьны Асыка эз тшöкты, сылы тырмымөн вöли тöдмав-
ны ортсыса видзан визьсö. Чашвартны-орöдны тайö визьсö, кы-
сянь озджык виччысьны, повтöм отырьяслы оз ло сьöкыд, но, а
кар пытшкас сэсся быдөн ас збойлун сертиыс петкөдчас – сэтчö
лои тырвийö велöдöма.

Кыз Ку висьтасис, дерт, неокотапырысь. Век на бергалiс юрас:
вот али вемöс тайö? Сийö виччысис, мый регыдөн садьмас ас шо-
ныд керкаас, а сылөн гөгрöс чужöма пусьысь-пöжасьысь Лола Голи
чуксалö нин чöскыд сёяна пызан дорö. Сёяс-юас Кыз Ку, а ортсын
сы вылö уджалысьясыс виччысьöны асья нарадитöм. Быд во ме-
далö йöзöс Кыз Ку вöдитны паськыд видз-му, кер пöрöдны да вай-
ны, чери кыйны, вöравны, вузасьны матiгөгöрын сы нимсянь и
сылы вылö – уджыд тырыс, öд уна дорад век унджык колö...

Но эз садьмы Кыз Ку – абу тайö вөлöм вöт, а вемöс. Козья вөр
вуджигөн (гөгөртiсны ылитiджык, мед эз казавны кар видзыйсяс)

чепөсйыліс өтиладорө, мөдладорө, но быд пөрийө зурасьліс паныда чургөдөм ёсь йыла шыө. Вирөдз нин дойдлісны. Сэсся эбөстөммис да раммис.

Вой сьөмөсланьыс нин вайөдісны асланыс котыр сулаланінөдз, көні ыджыднас ас пыддиыс колис паськыд пельпомьяса, сөнійөра Чер Тыш Якөс и кысянь вөчис медводдза воськов мустөм йөграяслань. Тайө сулаланін йывсьыс висьтасьны жө ковмис – пычкөмөн пычкисны.

Өтар-мөдарсянь кык шы костын видзөдіс Кыз Ку пемыдас, көні ас йөз, көні мезд и көні воысь-во содысь озырлуныс виччысьө сійөс. Йөграяс индісны кок улас туплясьысь кер вылө, тшөктісны кыпөдны да кыскыны сійөс му кузяыс ас йөзлань, отсөг вылө чуксалөмөн. И бара доймытөдз бытшкисны ёсь шыөн мышкас. Кыз Ку ойөстіс да гораа чукөстіс өртьяссө быттьөкө отсөг вылө.

Матыстчисны кымынкө морт. Йөграяс өти здукөн кытшалісны найөс. И сэки жө, лэбувса сюръя дорө, көні өшаліс юөр сетан көрт, чепөсйысны мугов чужөма йөз, лэчыд шыпуртьясөн кианыс. И сэн, и тан пансис вир кисьтана дженьыдик кось.

Виччысьтөмысла да Кыз Куөн ылөдөмыс вөсна емдінсаяслөн водзасьөмыс эз артмы. Найө усины өти бөрся мөд. Мытшасисны йөгра котыр сөмын Чер Тыш Якө. Ёна нин доймалөм гөгөрбок, сійө шенасис аслас тышкасян черөн йөграяс кытшын. Сэсся черыс воши кытчөкө пөсь вира гудырас и бара выль дой сотыштіс мышкас. Чер Тыш Як зэлөдіс асьыс медбөрья вынъяссө да латшкөбтіс киас сюрөм пу воропа көртөн сы дорө сибалөм йөграёс. Здук кежлө водзас некод эз ло. Чер Тыш Як уськөдчис өшалысь көрта сюръялань. Көртас көртөн удитіс ковөбтыны өтчыд, мөдысь, коймөдысь...

– Бов! Бов! Бов!

И уси, вирөн ойдіс пыдіөдз яяс сатшкөм шыпуртысь. И лолыс петі...

Быть лои Асыкалы индылөм кадысь водзджык панны тыш емдінсаяскөд. Эз на чукөртчыны ставөн, гузьөбөн-гузьөбөн петалісны пожөма ягысь отырьяс асланыс юрнуөдысьяскөд, но мөмьявныс вөлі некор: воин – пыр тышө.





– Водзё! Водзё! – тэрмөдліс Асыка. Сьёлөмыс эз ло инас. И таысь лөглун шымыртіс юр-сяньыс кокөдзис. – Явё петны сэк, кор абу на тырвыйё дасьось! – Гуысь петом ош кодь, скорысь мурзөмөн, чеччышталөмөн, матыстчис Кыз Ку дорё да некымынысь дорыв клыснитіс сійөс коскытшсьыс кыскөм дженьыдик кыз воропа орсөн. Сайкалыштөм бөрын Асыка корис кинас отырөс, коді век ветлөдліс орччөн, индіс синъяснас Кыз Ку вылө и мыйкө шуис сы йылысь.

Шыясөн тувкөдөмөн, Кыз Куөс кытчөкө кутісны нүөдны. Эбөсысь усьөм нин, кузя ветлөдлөмысь, шыясөн дойдалөмысь, орсөн нөйтөмысь, сійө вөсылаліс кык том йөгра костын пошиктөмөн, сьөкыда.

Регыд мысти муна туйыс кутіс лэччөдны и вөславыны лои неуна кокниджык. Водзын паськыд ва гөп тыдовтчис. «Вөйтны менө көсйөны тайө кык сьөд жужалыс, – гөгөрвоис Кыз Ку. – Вөйтны! Менө! Кодөс весиг Ыджыд Перымын төдөны! Этійө лезь юрсиа гөгульясис көсйөны менө вөйтны!»

Морөс пытшкас пузласис лөглун. Быри дойыс, быри мудзлуныс. Гусьөн кынъявны-видзөдны мөдіс, корсьны петан туй джаг гөрөдөн гөррдзасьөм неминучасьыс.

Колльөдысьяс мөда-мөд вежмөн тырлы-мырлы гөлчитісны ас костаныс. Мый йылысь найө? Дерт, сы йылысь, код йылысь сэсся. Но со – өтиыс сконйыштчис кокувса тыдавтөм вутшкө и пласькысис-уси. Дженьыдик шыпурт мыні кисьыс да веськаліс дзик кок улас Кыз Кулы. Мөдыс, буракө, эз казав саран кумлань лэбыштөм шыпуртсө и копыртчис ёртыс весьтын, кисө мыччис.

Сьёлөмыс Кыз Кулөн чеччавны мөдіс, эз кут төрны морөс кудьяс. Өні! Өні! Сэсся татшөм здукыд мөдысь оз ло. Өні! Өні! Өні!

Пөсьө весиг шыбитіс Кыз Куөс. Сійө син лапнитлөм дыраысь өдйөджык кватитіс кок увсьыс шыпуртсө, чеччыштіс копыртчөм йөгра дорё да кыкнан кинас мый вынсьыс сапкөбтіс-бытшкис мегыра мышкас. Йөгра апнитіс вомнас сынөдсө да сьөкыда уси ёртыс вылө. Өти здукөн кыскис вирөсь шыпуртсө да тэрмасьөмөн мөдіс бытшйөдлыны улын куйлысьсө, коді сөмын и вермыліс кыпөдчыв-

ны пидзѳсчань вылас, а сѳссия, ѳртислѳн да ас вирнас ойдѳм, лизгы-сис-уси некор сувтлытѳм вылѳ нин.

Кыз Ку вѳчис воськов бѳрѳ и вѳлисти казялис, мый сылы лавнысѳ оз тырмы сынѳдыс. Лоѳмаыс петкѳдчис син водзас лѳксъис-лѳк вѳтѳн. Тадз эз вермы лоны! Тадз оз овлы! Пѳсь вывсыйс ѳнѳ сѳссия быттьѳ кѳдзыд ваѳн кисътисны. Йирмѳг кутис босътны. Водзѳ мый? Кытчѳ? Гырдыс ляскысѳма киас. Тѳрыба чышкис нет-шыштѳм китыр турунѳн.


Нѳджъялѳ синъяснас Кыз Ку, емдѳнса нималана олысь. Вѳвлѳм олысь. ѳнѳ колѳ усыйсѳны-пышыйны. Кодарѳ? ѳд веськалис кык изки костѳ, и сѳн, и тан кывзыны некод оз кут – тотшкасны пырысътѳм-пыр: ас йѳзѳс вузалѳс и йѳграяслысь ловнысѳ босътис.

Ылысь кутисны шыяс кывны, и Кыз Ку юртѳг-садътѳг чепѳсийс сыйн виѳм йѳграяслань. ѳтисѳ и мѳдсѳ кыкисе ваѳдзыс да йѳткалис сѳтчѳ. Вильдѳс да ачыс тайкѳ эз бузмун на бѳрся. Сувтис – тѳралѳ повзѳѳмысла и кынмѳмысла тшѳтш. Шыпуртсѳ весиг эз гѳгѳрво перыйны, сѳдзи и коли йѳграѳ сатшкѳмѳн. Сувтис и усъкѳдчис ризѳдны-котѳртны, кытчѳдз эз воѳдчы егырѳдз. Вѳйласъны мѳдис. Аслас куканыйс кѳнкѳ тан жѳ зыбучинас веськавлѳс. «Йѳграяс эз вермыны вѳйтны, да ачим мырдѳн пыра», – броткыштѳс Кыз Ку. Кокъясыс кѳтасисны. Ёрчыштѳс мисътѳма ас кежсыйс. Эз лысът гораасѳ. Пондѳс видны асѳсѳ: «Мѳвпав! Мѳвпав! Тадзнад ылѳ он мун».

И дзик быттьѳ пель бокас колскѳбтисны. Весиг шатовмунѳс Кыз Ку. Тайѳ гораа мѳдисны бруна-бронакывны Емдѳн карса медся гырысь жыннѳнъясыс.

– Був-бов! Був-бов! Був-бов!

Тѳдса шыяс. Найѳ чуксалѳны емдѳнсаясѳс петны кортѳм воысъяслы паныд, кодъяс бара суйѳны нырнысѳ йѳз йѳрѳ. Унаысь нин тадз лолѳ. Эз этша вир киссыв Емдѳн гѳгѳртасын, а со бара на гырысь жыннѳнъяс чуксалѳны выль тыш вылѳ. Колѳ водзасъсны. Мѳд ног оз позь, ѳд вермас кусны олѳмыс Емва ю вожын, а танѳ вужъясыс коми йѳзлѳн пыдынѳсь. Гашкѳ, унаѳн усясны, гашкѳ, вывтѳ унаѳн, но эм важысянън нин танѳ овмѳдчѳм войтырыслѳн пѳль-пѳчъяссянън йиджѳм вын, кодѳ ышѳдѳ дорыйсѳны да венны.



– Був-бов! Був-бов! Був-бов!

Кыз Ку дыркодь кывзысис тѳдса шыясѳ. Шѳрѳвыйѳ вошѳм морт, сийѳ ваджъялис ѳтарѳ-мѳдарѳ. Мѳвпалис. Сѳсся бергѳдчис мышкѳн Емдѳнлань да чѳпѳсйис войся гудырас.

Ёридз ю катыдын сийѳ жѳ луннас...



...Челядь да верзьѳма кѳстын сяльгис векныдик визув ю. Чангырѳс лѳньѳдтѳм лѳи – щѳтъяс сувтѳдѳмѳн увтѳс и увтѳс. Аддзысян здукас челядь повзисны: кын-ѳ кос сулалѳны. И верзьѳма морт Ёридз мѳдарладорас сулалѳ, син арыштѳма, виччысьѳ быттѳ мыйкѳ. Код тѳдѳ, мый сылѳн юрас. Но со, йѳгра тракнитѳс асланьыс дом повѳдсѳ и ляпкыд тушаа вѳв ньѳжйѳ мѳдѳс вѳсѳлавны валань. А Чангыр лѳкысь увтѳ и увтѳ. И сѳки, водзѳ мый вѳчны, быттѳ вѳссис. Полѳмлунныс неуна бѳрыньтчис.

Ёртъяс кыв шутѳг, ѳттшѳтш бѳсѳтѳсны кианыс ньѳввужъяснысѳ, кыскисны нюлѳссыныс морт ѳти ньѳвийѳн и сатшкысисны синнаныс ловъя паслань. Сувтѳсны пожѳм пуяс сайѳ, медым вѳча лыйѳмысь дзѳбсьыны. Тшѳктѳсны и Кыйвалы дзѳбсьыны матыса кыз пожѳм

сайѳ. А вѳлыс ваас нин пырѳ. Кык ньѳв кыйѳдѳны ѳсьтѳм йивъяснас матысмысь ловъя пассѳ, но ылынкодъ на, тѳрмасьны нинѳмла – ѳни сийѳ, тѳрмасьѳмыд, вермас сувтны морт олѳм дѳн.

– Тикѳ! Ирьянко! – кылис Кыйвалѳн горѳдѳм.

Зонкаяс бергѳдѳсны юрнысѳ да дзык усины сьѳлѳмнаныс: Кыйва сулалис кыз-кыз пожѳм пу сайын сѳтшѳм нѳр, вѳсньыдик вадор

бадь кодь, и кевмысяна синъясөн видзөдіс на вылө, а векныдик чужомодыс исковтісны синва мольяс.

– Мый тэныд? – сөмын и артмис Тикөлөн.

– Онө вермөй ті мортос вины, скөрмөданныд сөмын, и йөграыс миянөс асьнымөс татшвартас.

Кыйва... Сылы эськө вөччөдөм аканьясөн на ворсны, кысіль Нявийөс малавны. Нывкаясыдлөн, дерт, синваыс дорын – дась мыгчысьны коть кор, но өні тышө пырны көсийөмыс зонкаяслөн чиніс. Кыйва да йөгра... Некодз оз лөсявны тайө кык кывйыс. А кутшөм петан туй эм? Ставсьыс ыджыд лои Кыйва вөсна төжд.

– Эськө вөрпөл моз кө тыдавтөмөн лоны, – ёртыс вылө видзөдөмөн шуис Тикө.

– Та вылө гозйөдчан лягей лыяс колөны, – ульскөмөн, синва пырыс, юөртіс кыськө кывлөмтор Кыйва.

– Лягей лыяс... – аслысмос броткыштіс Тикө.

Ирьянко чөв оліс и сюся видзөдіс джуджыд кыркөтш улө.

– Тикө, видзөд, – гораа вашнитіс сійө ёртыслы да синъяснас индіс верзьөма вылө.

Кыркөтш улын лоины вежсьөмъяс – юсө вуджыс йөгра сувтөдіс вөвсө и, юрсө чатөртөмөн, кутіс видзөдны вывлань, көні йөрмөм көин-пияс моз видзөдісны ас водзаныс том емдінсаяс.

Да өд Чангыр некодз оз ланьт! Тикө весиг дугдіс нин өлөдны сійөс – весьшөрө! Омөльясыс вежөмаөсь кө нин-а! Гашкө, увтөм вөснаыс буретш и веськөдіс йөгра асьыс вөвсө валаныс, а өні со видзөдө буждысь джуджыд кыркөтш йылө. Веськыдасө он сибав – тайө гөгөрвоана. Челядь тайөс аддзөны жө. Медым сибавны на дорөдз, колө ылітікодь кытшовтны – кыркөтшыс, ва нбылыд кө мунны, вөр керкаөдзыс нюжалө. Но верзьөмаыдлы кытшовтны дыр али мый! Эм мөд туй. Ю катыдланьыс йөгра мыйлакө оз видзөд, а кытшовтны кө сәті, өна матынджык лөө.

И со, йөгра вөрзис. Видзөдлывлө кыркөтш йылө и вөтлө вөвсө дзав лыа вывті алькөс вадор пөлөныс. Сәні ляпкыд, корсюрө вөлыс резыштлө васө кокъяснас, мунө өддзөмөн. Кыскө йөграөс вөр керкалань. Регыд мысти саяліс. Чангыр, дугдывтөг скөра увтөмөн, уськөдчис суөдны верзьөмаөс, сөмын ю таладортіыс. Өлөдны некор нин. Вот-вот вөлаыс мыгчысыс на водзын, кыркөтш йылас.

Шы ни төв пуксис. Увтөмыс ылысмис и кусі. Медся гораа кутіс кывны лэбачьяслөн сьылөмыс.

И зонкаяс быттө садьмисны. Кватлалісны тэрыба көлуйнысө да котөрөн мөдөдчисны Ёридз ю катыдлань. Неылын тасянь юыс мегыр моз чукультө. Гирилюки лэччалісны вадорө, кыркөтшыс тані өна ляпкыдджык, уськөдчисны ваө. Ёридз ю абу джуджыд, сөмын зөв визув. Кыйваөс кыкнанладорсянь сойбордөдыс босьтісны и тэрмасьөмөн вуджисны. Сәсся веськыда

– Був-бов! Був-бов! Був-бов!

Кыз Ку дыркодь кывзысис тӧдса шыясӧ. Шӧрӧвыйӧ вошӧм морт, сійӧ ваджъялис ӧтарӧ-мӧдарӧ. Мӧвпалис. Сӧсса бергӧдчис мышкӧн Емдінлань да чепӧсийс войся гудырас.

Ёридз ю катыдын сійӧ жӧ луннас...



...Челядь да верзьӧма костын сяльгис векныдик визув ю. Чангырӧс лӧньӧдтӧм лои – щӧтьяс сувтӧдӧмӧн увтис и увтис. Аддзысян здукас челядь повзисны: кын-ӧ кос сулалӧны. И верзьӧма морт Ёридз мӧдарладорас сулалӧ, син арыштӧма, виччысьӧ быттӧ мыйкӧ. Код тӧдӧ, мый сылӧн юрас. Но со, йӧгра тракнитис асланьыс дом поводсӧ и ляпкыд тушаа вӧв ньӧжйӧ мӧдис восьлавны валань. А Чангыр лӧкысь увтӧ и увтӧ. И сӧки, водзӧ мый вӧчны, быттӧ воссис. Полӧмлунныс неуна бӧрынӧччис.

Ёртъяс кыв шутӧг, ӧттшӧтш босьтисны кианыс ньӧввужъяснысӧ, кыскисны нӧлӧссыныс морт ӧти ньӧвйӧн и сатшкысисны синнаныс ловъя паслань. Сувтисны пожӧм пуяс сайӧ, медым воча лыйӧмысь дзессыны. Тшӧктисны и Кыйвалы дзессыны матыса кыз пожӧм

сайӧ. А вӧлыс ваас нин пырӧ. Кык ньӧв кыйӧдӧны ёсьтӧм йивъяснас матысмысь ловъя пассӧ, но ылынокдь на, тӧрмасьны нинӧмла – ӧнӧ сійӧ, тӧрмасӧмыд, вермас сувтны морт олӧм дон.

– Тикӧ! Ирьянко! – кылис Кыйвалӧн горӧдӧм.

Зонкаяс бергӧдисны юрнысӧ да дзик усьны сьӧлӧмнаныс: Кыйва сулалис кыз-кыз пожӧм пу сайын сӧтшӧм нӧр, вӧсньыдик вадор

бадь кодъ, и кевмысяна сингъясөн видзөдіс на вылө, а векныдик чужомөдыс исковтисны синва мольяс.

– Мый тэныд? – сөмын и артмис Тикөлөн.

– Онө вермөй ті мортос вины, скөрмөданныд сөмын, и йөграыс мяннөс асьнымос татшвартас.

Кыйва... Сылы эськө вөччөдөм аканьясөн на ворсны, кысіль Нявийос малавны. Нывкаясыдлөн, дерт, синваыс дорын – дась мыччысьны коть кор, но өні тышө пырны көсйөмыс зонкаяслөн чиніс. Кыйва да йөгра... Некеыз оз лөсявны тайө кык кывйыс. А кутшөм петан туй эм? Ставсьыс ыджыд лои Кыйва вөсна төжд.

– Эськө вөрпөлъ моз кө тыдавтөмөн лоны, – ёртыс вылө видзөдөмөн шуис Тикө.

– Та вылө гозйөдчан лягей лыяс колөны, – ульскөмөн, синва пырыс, юөртис кыськө кывлөмтор Кыйва.

– Лягей лыяс... – аслысмоз броткыштис Тикө.

Ирьянко чөв оліс и сюся видзөдіс джуджыд кыркөтш улө.

– Тикө, видзөд, – гораа вапнитис сійө ёртыслы да сингъяснас индіс верзёма вылө.

Кыркөтш улын лоины вежсьөмгъяс – юсө вуджысь йөгра сувтөдіс вөвсө и, юрсө чатөртөмөн, кутис видзөдны вывлань, көні йөрмөм көин-пияс моз видзөдісны ас водзаныс том емдінсяяс.

Да өд Чангыр некеыз оз ланьт! Тикө весиг дугдіс нин өлөдны сійөс – весьшөрө! Омөल्याсыс вежөмаөсь кө нин-а! Гапкө, увтөм вөснаыс буретш и веськөдіс йөгра асьыс вөвсө валаныс, а өні со видзөдө буждысь джуджыд кыркөтш йылө. Веськыдасө он сибав – тайө гөгөрвоана. Челядь тайөс аддзөны жө. Медым сибавны на дорөдз, колө ылітیکодь кытшовтны – кыркөтшыс, ва нылыд кө мунны, вөр керкаөдзыс нюжалө. Но верзёмаыдлы кытшовтны дыр али мый! Эм мөд туй. Ю катыдланьыс йөгра мыйлакө оз видзөд, а кытшовтны кө сәті, өна матынджык лоө.

И со, йөгра вөрзис. Видзөдлывлө кыркөтш йылө и вөтлө вөвсө дзав лыа вывті алькөс вадор пөлөныс. Сәні ляпкыд, корскюрө вөлыс резыштлө васө кокъяснас, мунө өддзөмөн. Кыскө йөграөс вөр керкалань. Регыд мысти саяліс. Чангыр, дугдывтөг скөра увтөмөн, уськөдчис суөдны верзёмаөс, сөмын ю таладортыс. Өлөдны некор нин. Вот-вот вөлаыс мыччысяс на водзын, кыркөтш йылас.

Шы ни төв пуксис. Увтөмыс ылысмис и кусі. Медся гораа кутис кывны лөбачьяслөн сьылөмыс.

И зонкаяс быттө садьмисны. Кватлалісны тэрыба көлуйнысө да котөрөн мөдөдчисны Ёридз ю катыдлань. Неылын тасянь юыс мегыр моз чукультө. Гирилюки лөччалісны вадорө, кыркөтшыс тані өна ляпкыдджык, уськөдчисны ваө. Ёридз ю абу джуджыд, сөмын зөв визув. Кыйваөс кыкнанладорсянь сойбордөдыс босьтисны и тэрмасьөмөн вуджисны. Сәсся веськыда

вöрас пырисны. Видзöдлісны бöрлань – некод абу. Кадыс эськö и этша на коли, но здук-мöд мысти верзьöма йöгра вермас ты-довтчыны. Йöграйд понтöм, корсяс-корсяс найöс да, гашкö и, эновтчас. Вöрыс паськыд и, кымын водзö, сымын сьöкыд сылы лоö аддзыны. Чангыр кö оз вайöд йöграöс сьöрсьыс. Но вежöра пон тадзи оз жö öд вöч!

Тикö эз юась, кытчö найöс нуöдö Ирьянко. Сійö ас кежсьыс пензис: тöрыт на мöдöдчисны Ёридз ю катыдö ком кыйны, а талун со лоö йöграысь пышйыны. Сы öдйö ставыс мöдар гуг бергöдчис! Висьтавыны кö та йылысь Емдiнын, сэнi шызясны и кок вылö весьсö сувтöдасны. Кыдз нö? Дзик ныр улын шöйтö йöгра, а карын шыч ни рач. Сöмын тай Емдiнö мунöм пыдди лоö на усйысьны мöдарö. И еньяс на мед видзасны лючки воны!

Кыйва чöв оліс туй чöжыс. Сійö öдйö гөгөрвоис, кытчö-мый. Тшöтш и тэрыба чепöсйöмсö ком кыянінысь. Зэрысь повзьöмаöсь... Сідз мед и висьталісны, йöгра пö шöйтö Ёридз ю катыдын. Мый серти кö гөгөрвоöмаöсь. Дерт, та йылысь колö юöртны верстьö йöзлы. А Тикö мудзöма – асьыс и сылысь колуйсö кыскö. Чангырным, йöюкыд, кытчöкö вошис и.

Чангырыс Тикö юрысь эз жö петав. Мыйла кывзысьтöг да нöшта и гораа увтöмөн йöгра бöрсяыс вöтчис? Кельчи Юр айкалөн Тэрыб моз кö веськалас ёсь нöв улö, сэки казялас. А мый казялас? Виасны да оз ло. Збойлунсö ли мый нин тадзи петкöдлö?.. Но öд Чангыр – вöралан пон. Кыдз нö сідз? Вöралысьсö асьыс эновтис...

И виччысьтöг мыйкö бытгö воссис, гөгөрвоана лои Тикöлы Чангырлөн асныралöмыс. Дерт жö! Чангыр босьтчис нуöдны йöграöс ас бöрсяыс, медым тайö кык кока пемöссö кутны ылынджык том вöралысьсясянь. Таöдз век матыстліс нöв судзан ылнаöдз пемöспöткаöс, а öнi, мöдарö, зіліс нуöдны кыдз позьö ылöджык.

Сьöлөм вылас мöдысь талун личалис Тикöлөн. Медводдзаысьсö Ёридз ю дорö Кыйвалөн вöрысь петöм бöрын, а мöдысьсö öнi, Чангырлөн гөгөрвоана вошöм бöрын. Вежöра понмыд шоча ылавлö. И туйсö налань аддзас, а оз кö, тövзяс веськыда гортлань. Öд Ёридз юсö вуджим, вермас воштыны кок туйнымöс. Да и вöчис сійö асьыс уджсö, вештис на дорысь верзьöма йöграöс. Код тöдас, мый сылөн юрас вöлі.

Ирьянко сувтис.

– Ми сы пыднаö нин пырим вöрас, мый йöграйд понтöгыд миянöс некор оз аддзы. Кöть и корсяс жуявтöдзыс. Тан кöнкö Кельчи Юр айкалөн вөр керкаыс сулалö. Колö миянлы сэнi рыгтя рöмыдсö виччысьны.

– Со, ёль жборгö-визувтö, – казяліс Тикö. – Гашкö, вылынджык, ёль пöлöныс.

– Лөсялө, – чөв олыштөм бөрын шуис Ирьянко, и куимнаныс мөдисны водзё.

А регыд и збыльысь зурасисны Кельчи Юрлөн вөр керкаас. Рытъя рөмыдөдзыс эз нин дыр коль виччысьнысө, и шуисны пукыштны би пестытөг. Да и тшынсө казявны вермасны. Вөр пась-талаыс, гашкө, оз өти йөгра шөйт.

Личөдчисны. Нуръясьыштисны. Пукыштисны чөла вөр керка-дорса лабич вылын. Ва көмкотнысө увъяс вылө өшөдисны.

– Рөмдыштас да, мунам куръяын дзёбөм пыжным дорө, – шуис Ирьянко.

– А казяліс кө сійөс йөграйд? – майшасьыштис Тикө.

– Сэн видзөдлам. Пыжтөг миянлы некыз оз позь. Войнас воам Емдіно.

– Пыжыд вадорсянныд и войнас тыдалө.

– Ёридз нылыдыс өдйө кывтам, а петам Емва вылө – позьө шуны, гортынөсь нин. Пыжыс миян өдзлөс, – эскөдана шуис Ир-ьянко. – Дерт, эськө бурджык, Чангырыд кө тані вөлі.

– Сійө, ме чайта, йөграөс новлөдлө вөрөдыс.

– Йөграөс? А збыль өд! И ме тадзи мөвпыштлі өнтай. Мед сөмын Кельчи Юр айкалөн понмыс моз оз сибөд ас дорас матө.

– Кыдз кужас ся...

– Чангыр миянөс быть аддзас! – гораа асьыс шуис Кыйва. – Емдіно вотөдз на.

– Кыдз кужас, – мөдысь артмис Тикөлөн, – колө сөмын өдйөджык юөртны гортын, мый ми тані казялім.

– Ми казялім, и миянөс казялісны, – курыда шмонитыштис Ир-ьянко. – Öні со рөмыдсө лоө виччысьны. Мөдысь, Кыйва, дзик нин босьт сьорсьыд лягей лыастө. Кыдзи öні эськө шогмис – казявтөг уйыштны гортөдз. Босьтан?

– Босьта! – збоа көйысис Кыйва.

Тикө ас кежсьыс и нимкодясискодь, өд аски Емдінын на йы-лысь кыштас бур нога сёрни: некод эз казяв шөйтысь йөграөс, а кык ёрт – Тикө Ирьянкокөд – казялісны да ас кадө юөртисны. Та йылысь и Гор өксай кутас төдны. Йөгра йылысь налөн юөрныс воас өксайөдз. Мөд ног оз вермы лоны. Кыйваөс тшөтш гарыштас-ны, мед көть и пышйис гусьон ыджыд мамыс дорысь. Öдйөджык воөдчыны эськө! Сөмын тай кадыс кыссьө зөв ньөжйө.

Но тадзи жө мөвпалө, вөлөм, и ёртыс.

– Мый нө, гашкө, мөдөдчылам? – Ирьянко юалана синъясөн видзөдліс чоя-вока вылө.

– Шуан вөлі ачыд, рөмыднас пө... – заводитліс Тикө.

– А! Быдөнысь кө повны, нинөмла и овны, – кинас шеныштис Ирьянко. – Ас му вылынөсь на, ас вөр керка дорынөсь и.

– Кыйөдас кө бара вөлаыс? – Кыйва паськөдіс синъяссө.

– Йӱграйд ачыс полӱ. Шыш моз ветлӱдлӱ. Мед эгӱ эрдӱдӱй. Ӑнӱ, дерт, сӱӱ ылын нин. Мунам! Да и рӱмдӱ со.

Ирьянко мӱдӱс лӱсӱдчыны петны бӱр туйӱ.

– Мунам кӱ и мунам, сӱмын видзчысӱмӱн, тӱрмасӱтӱг, – довкнитӱс юрнас Тикӱ.

Кыйва эз шу паныд кыв ни джын.

Куимнаныс кӱмасисны-пасьтасисны. Кӱлуйнысӱ босьталӱсны.

– Косьтысям гортаным. Асьядорыс воам, – шуис Ирьянко.

И петӱсны бӱр туйӱ. Ирьянко бара вӱсълалӱс водзас. Шуисны ӱта-мӱдыс кольччыштны – тадзнас сюсьджыка позьӱ кывзыс-ны вӱрса шыясас, он ылав сӱрниясӱн, а сӱсся бӱрынджык муныс-сӱд и мыйкӱ вӱчны удитас, аддзас кӱ водзас лӱм кутшӱмкӱ нелючки. Кыйвалы шуисны кутчысӱны матынджык Тикӱ дорӱ.

Воӱдчисны Ирьянко айлӱн вӱр керка вӱсътӱдз лючки-бура. Сувтӱсны керкаыслы паныд, кодӱ ӱнӱ лои ю мӱдарас. Нӱрыссянныс сӱӱ тыдалӱс ки пыдӱс ылын моз – лок да пыр, ломтыс, косьтыс. Но...

– Ой, ӱдзӱсыс вӱсся, – вашнитӱс повзӱмӱн Кыйва.

Зонкаяс нинӱм эз шуны, сӱмын видзӱдлӱсны ӱта-мӱд ыланыс. Пырны оз позь – налькӱн вермас лоны та пӱрӱӱ Ёридз юдорса вӱр керкаыс.

Сулыштӱсны чӱла вадор бадьяс пытшкын. Видзӱдӱсны, кывзисны. Некод оз вуджрась.

Курьяын дзебӱм пыжныс тасянь эз тыдав. Эм-ӱ, абу – код тӱдас.

– Танӱ сайӱдчӱй, эӱ петӱй, а ме вуджа ю мӱдарас, кӱлуйтӱг, – тӱкӱтӱ кывмӱн шуис Ирьянко.

– Вуджны кӱ, неуна улӱтӱджык колӱ, ю чукыль саяс. И ме тӱкӱд тшӱтш, – вӱзйис Тикӱ.

– Тӱныд колӱ кольччыны танӱ.

– А кыз нӱ...

– Кывзы. Гапкӱ и, некод абу. А кыйӱдчӱ кӱ, менӱ аддзиг, бытӱ петас. Ме уськӱдча бӱр, юланыс, а тӱ сӱки ачыд тӱдан, мый вӱчны. Ньӱвнад ю мӱдарӱдзыс судзан. Гӱгӱрвоин?

– Гӱгӱрвои, Ирьянко.

– Тӱ бура сайӱдчы да видзӱд ме бӱрся. Кыйва мед вӱрланыс бӱрынтчас.

– Оз-ӱ ло бурджык, Ирьянко, виччысълам кӱ пемыдсӱ? – бара юалӱс Тикӱ.

– Вӱлӱ, дерт, эськӱ бурджык, но миян кадыс сы ывлӱ абу, – орӱдӱс ӱртыс.

Век на чӱв-лӱнь кутчысис. Парма шыяс – на дорӱ велалӱмаӱс – отсалӱсны венны лов пытшкын чужыс полӱмсӱ да майшасьӱмсӱ. Ирьянко вӱськыда шуӱ – мед пӱ йӱгра полӱ быд вуджӱрыс, сылы



татчос вөр-ваис тодтом, гогөрвотом, а емдінсаяс асланыс вөрүн гор-
тасось.

Тикө зэв сюся видзөдіс, кызди Ирьянко бөрйис вуджанін – та-
сянь ю чукылыс тыдыштө, кызди өдйө да шытөг вуджис юсө и
дзевсис-воши ю мөдарас нин. Шы ни төв. Лэбачьяс юр весьтын
лэбалоны, асланыс олөмөн олөны, некутшөм шызьөм на серти оз
тодчы. Пыр кадея лөнь, нинөм торьяис.

Артмө тадзи: йөгра либө мунөма татысь кытчөкө, дзыкөдз вылө,
либө корсьө найөс мөдлаись – Чангыр увтөм шы бөрся вөтчө.
Матигөгөрын сийө абу. Та йылысь и вөр-ваис со висьталө...

Ирьянко өні, колө лоны, курьяөдзыс воөдчис. Пыж дорас ноксьө.
Тэрмасьө. А тані кадыс сувтөма.

– Öти, кык, куим, нель, вит, квайт, – лыддьө здукьяссө Тикө, –
сизим, көкьямыс, өкмыс, дас...

– Мый тэ өтнадөн броткөдчан, Тикө, – кыліс мыш сайсянь шы-
асьөм.

Виччысьтөмысла Тикө черөбтіс. Бергөдіс юрсө, а орччөн Кый-
ва сулалө.

– А тэ... кытчө вөлі шуөма тэныд мунны?

– Гажтөм өтнамлы, Тикө. Орччөн тэкөд сулышта, некод жө
абу-а.

– Абу, абу... А локтас кө? Йөграыд өд өти здукөн вур-вар вөчас.

– Оз лок.

– Но, инө...

Мөдарладорса курьяись бырс петіс дыр виччысяна пыжныс.
Зібйөн йөткасьөмөн, Ирьянко матысмис чоя-вока дінө.

– Шыблалой кӧлуйнытӧ пыжас, – тӑрыба шуис сийӧ, зибнас пыжсӧ кутӧгмос.

Тӑчисны. Пуксялисны. Йӧткиштчисны ю шӧрланьыс. Визулис чожа кватитис пыжсӧ. Ирьянко бӧжалӧ, Тикӧ пельсыясӧн уджалӧ. Тшукӧны изъясӧ: тун-тан! Чукуль бӧрся чукуль. Бара тун-тан! Тикӧ видзӧдлывлӧ кокъяс улас – эз-ӧ нин розяв пыжныс. Ирьянко кинас шеныштӧ, сын пӧ, нинӧм оз ло. Водзӧ! Водзӧ! Водзӧ!

Матысмӧ паськыд Емва, и таысь сьӧлӧмъяс долыдмӧны. Рӧмыдыс чусмӧдӧма ывласӧ. Рӧмдӧ.

– Муним нӧльӧн, а бӧр воам куимӧн, – жугыля пасйис Кыйва.

– Вошис тай, лы ни ку, – содтис Ирьянко.

Тикӧ пельсадьсӧ¹ зӧлӧдӧма, видзӧдлывлӧ ӧтар-мӧдарса пемдысь вӧрланьыс, абу окота пырны сӧрниас. Мунисны Ёридз катыдӧ ӧти могӧн, воӧны бӧр гусьӧн, тӑрмасьӧмӧн, мӧд ногӧн. Мед эськӧ некод эз аддзы найӧс, да ӧдйӧджык воисны асланыс юӧрӧн Емдинӧ. Чангыр йылысь ӧнӧ сьӧкыд мыйкӧ шуны. Абу и абу.

Ёридз ю дугдӧс чукльӧдлыны, паськалис, джудждаммис, лӧнис. Водзын воссис паськыд Емва. Шуисны кутчысьны Емва дорланяс да вадор пӧлӧныс и кывтны. Коли, чурки-буди, бӧрӧ визув ваа Ёридз, быри и ӧнтая полӧмныс.

Аддзысьлытӧдз, Ёридз ю! Аттьӧ кӧть нин сыысь, мый эн сет йӧгра кийӧ да аслад визулӧн отсалӧн ӧдйӧджык петны Емва вылӧ. Ӑ нитӧ, позьӧ шуны, гортынӧсь нин.

Мый лоӧ йӧграыскӧд? Сийӧс, тӧдӧмысь, кутасны. Сюсь понъясӧн аски и туяласны. Юасясны, кытысь да кодарӧ мунӧ. Мый корсьӧ Емдин гӧгӧртасын? Гапкӧ, вошӧма. Абу эськӧ вошӧм морт кодъ да – повзьӧдчӧ, дзебсясьӧ. Нинӧм! Аски ставсӧ тӧдмаласны. Матысянь позяс сы вылӧ видзӧдлыны, инмӧдчыны позяс, весиг юавны, мый юрас кутис, кор пон увтӧм шы улӧ уськӧдчис гӧгӧртны джуджыд кыркӧтшсӧ...

Пельсыясӧ кутчысьӧмӧн, Тикӧ ӧдӧбсьӧ и ӧдӧбсьӧ, пыжныс сидз нин тувӧ-мунӧ ва нылыдыс, матысмӧ гортныс, но кутшӧмкӧ здукӧ пельсыясыс ӧттшӧттш польскысисны ваӧ – ылӧкодъ нин кольӧм Ёридз юладорсянь кылис понлӧн увтӧм шы... Чангыр? Тикӧ сувтис пыжас да мый эм выныс горӧдис:

– Чан-гыр! Чан-гыр!

Сьӧлӧмыс зонкалӧн сылис и йӧктис. Сийӧ дась вӧли чеччыштны ваас да варчыны Чангырлань Ёридз ю вомӧдз. Но Ирьянко бӧжалан пельсынас бергӧдис пыж нырсӧ да горӧдис ӧртыслы:

– Тикӧ, сын!

Кыйва тшӧттш сувтис да кекӧначис. Йӧгра? Кӧнӧ сийӧ? Абу! А

¹ Пельсадь – внимание.

Чангыр – со: увтö гораа да чеччалö вадорас. Аддзис! Суөдiс! Кыйва нимкодъысла пондiс сьывны:

Та-ра-ра, та-ра-ра,
Ягö кайлiм вотöсла.
Джив, джив, дживанöй,
Сё зарниöй Чангырöй!

Код тöдас – öнi лöсьöдiс али коркö водзджык нин.

Пон уськöдчис ваö и мöдiс варччыны матысмысь пыжлань. Аддзысьöмныс лои гажа да кыпыд. Пыжас нин Чангыр пыркнитчис, öтчид-мöдысь, резыштитiс ставнысö ванас, но челядь сöмын сералис-ны да зiлисны малыштны, кутлыны ассьыныс нель кока бур өртсö.

Тикöлы петкöдчис, мый Чангыр быттö виччысьö ошкöм, атть-öалöм. Тöдчö: вöчöма кутшöмкö ыджыд удж. Тадзи сийö век видзöдiс Тикöлы синмас, кор сы отсöгөн шедлис кöч, дозмöр либö тар...

«Йöграос вөр пасьталаыс новлöдлöма, увтöмнас нуөдöма сийöс миянсянь ылöджык, – бара мöвпыштитiс Тикö. – Со и виччысьö ошкöм».

Разис калябечö гартлöм кöвтор, восьтитiс пестерсö да кыскис сэтись нянь кöрыш.

– Тайö тэныд, Чангыр, сей, – мелiа шуис сийö понлы.

Нянь кöрыш аслас пестерысь мыччис Чангырлы и Ирьянко.

– Емдiнын, воам да, вомтö чöскöда бурджыка, – кöсийысис сийö. – Тэ миянös мездiн.

ТШЫНЫСЬ да биö

Дзувкös пыж öдöба кывтитiс Емва ю ньылыд. Гирликтiсны пельсьяс, рытъя рöмыдыс кытшалiс гөгöрбок. Пыжын пукалысьяс воштитiсны кыв-ворнысö – мудзöмаөсь лунтырнад, ёна лои котравны-ветлöдлыны, да и верзöма йöграыс ловнысö эбös быртöдз шызьöдiс.

Ю шöрас быглясисны гырысь гыяс, вадорланьыс визулыс лөнъджык вöли, но бöжалысьыс нуөдiс пыжсö визув нырас. Век на вержитчис синъяс водзын Ёридз ю мöдарладорсянь дзоргысь верзöма йöграыс. Көнi сийö öнi? Гашкö, век на кыйöдчö, стрöка корсьö, мед водзös босьтны сийös лунся кокорнитöмысь. Йöграйд мыйö босьтчас – быть вöчас, помöдзыс вайöдас. Но и емдiнсаыд – тöвйылöм гут, куш киөн сийös этша на босьтан. Та вöсна и кутчысисны Емва шöрланысджык. Тövзьöны. Регыд и Емдiнö воасны.

Ылын водзын, сукмöм рöмыдас, петкöдчис Лөнъби кöдж. Некутшöм би тасянь оз тыдав. Гожöмпомся войыс паськыда шевкнитöма ассьыс сьод бордьяссö. Кöджöдзыс абу матын, сынысь да

бѡжалысь некымынысь вежсыыласны, а сэсса и паськыд морѡса кѡджсѡ гѡгѡртны на колѡ.

Бѡжавны пуксис Тикѡ. Колѡ лючки кутны пыжсѡ, медым кокни вѡлі сынны и пыжсѡ эз новлѡдлы.

Ирьянокѡд Ёридз йылѡ ветлѡмыс чужтис уна мѡвп. Медводзаысь аслас олѡмын сійѡ паныдасис морткѡд, коді вермис суѡдны да вийны. Мыйысь? Ѳд Тикѡ некодлы лѡк эз вѡчлы. Мыйкѡ либѡ юкѡ найѡс?

Емдінса вѡралысьяс ветывлісны Емва пѡлѡн и Эжва пѡлѡн уна-уна чомкост сайѡ, висьтавлѡны сѡтчѡс озыр вѡр-ва йылысь, кодсюрѡ сэсса, ѡксайлысь юасьѡмѡн, чужанвужнаныс сетчѡны кажитчанаинас. Воѡны найѡ овтѡминъясѡ, некодѡс оз дзескѡдны. Кодкѡ оліс кѡ, емдінсаяс эськѡ эз и скойсьыны. Мѡдарѡ, йѡграяс со скойсьѡны, ушкуйникъяс писькѡдчылѡны – вир кисьтѡны йѡзлысь, кодьяс кѡсийѡны овны парма шѡрын ас кѡсийѡм да позянлунъяс серти. Сідзкѡ, колѡ лоны дасьѡн дорйыны ас оланінъяс.

Тикѡ видзѡдѡ водзлань да ассыс мѡвпалѡ. Регыд бара ньѡввужйысь пасѡ лыйсьѡмьяс. Емдінын татшѡм лыйсьѡмьясѡ котырглѡны быд во кыкысь – тулыснас да арнас. Тикѡ ошкана петкѡдліс асьсѡ тулысын, но ѡні сылѡн мог – ас тшѡтшьяяс пѡвстын лоны медбур лыйсьысьѡн. Тикѡлѡн кѡсийѡмыс ыджыд и та йылысь некодлы оз висьтав, весиг Ирьянколы. Но дасьтысьѡ и тѡдѡ, мый тайѡ ыджыд могыс олѡмѡ пѡртана.

Бара вежсисны. Ирьянко пуксис бѡжавны, Тикѡ – сынны. Войса пемыдыс топыда нин шымыртѡма ывласѡ.

Лѡньби кѡдж весьтын Чангыр мѡдіс эргыны. Сэсса скѡра увтыштіс водзлань чепѡсийѡмѡн. Джуджыд турун-бадья вадорас мыччысис морт, коді шенасис кинас да корис пыжаясѡс ас дорас.

Зонкаяс тшук кезлѡ падмисны. Тикѡ кыпѡдіс пелысьясѡ, пыж мѡдіс кывтны визулыскѡд.

Вадорса бадьяс костас сулалысь морт шенасис кинас чѡв олѡмѡн, быттѡ поліс мыйыськѡ, но кор пыжаяс лоины сы весьтын, налань сюся да дыр чѡла видзѡдѡм бѡрын, шыасис:

– Матысмѡй! Матысмѡй, Ен могысьѡн! Талань, талань!

– Да тайѡ Кыз Ку айка! – шензяна горѡдыштіс Тикѡ. Куканьсѡ вѡйѡмысь мездѡм бѡрын Кыз Ку айкаѡс сійѡ эз на аддзыв. – Лѡньби кѡджын ѡтнасѡн мый сійѡ вѡчѡ?

Пон ѡтырыш эраліс да увтышталіс. Некутшѡм нимкодьясьѡм ас морткѡд аддзысьѡмысь эз тѡдчы.

– Матысмѡй, ме тані гегді нин сулавнысѡ.

Лун кѡ вѡлі, матысмисны эськѡ пырысьтѡм-пыр, но ѡні некыдз эз эскыссы, мый насянь неылын сулалѡ да чуксасьѡ Кыз Ку айка, Емдінын нималана, озыр морт. Сыкѡд унаѡн зілісны лѡсявны. Но – тані ѡтнасѡн, войнас...

– Абу сьолём серти меным тайё,– лөня шуис Тикё.– Гашкё, ортыс пөрөма Кыз Куё.

– Ортыс петкөдчө морт кулём бөрын,– шыасис Кыйва,– сэки пөртчө изйё, либё пуё, либё пөткаё...

– Гортас воёдчө, миян моз,– разөдис падмылёмсё Ирьянко, но содтис. – А мый вөчө Лөньби көджас... Ме ог жө төд.

– Висьталас, пуксяс да,– сетчис бурыслы Тикё да мөдис сынны. Ирьянко веськөдис пыж нырсё найөс виччысьысь Кыз Ку айкалань.

– Вадорас кыскыштөй пыжнытё. Тані джуджыд,– тшөктис Кыз Ку.

Зонкаяс петисны пыжсьыс да заводитисны кыскыны сйёс ультсалём сөйтисыс. Кыз Ку кутчысис пыж дорышө. Медым кокньөдны уджсё, Кыйва петис пыжсьыс да корис ас бердас Чангырөс. Пон век на абу бурасьөма, но төдса морт вылө усьласьны эз кут. Век жө, абу өнтая верзьөма йөграйд.

А Кыз Ку айка матысяньыс быттьө гажа юра либё висяна. Көдзлалё синъяснас, видзөдө бугжыля, вомсё векрыштөма, а киясыс тіралөны. Сатшкис нырө чорыд ньылём дукыс. «Көдлөн ньылём дукыс чорыд, сйё лөк морт», – воис юрас Тикёлы ыджыд мамсяньыс коркөя кывлөмтор.

Пыжнысө васьыс кыскөм бөрын Кыз Ку веськөдчис да шыасис Ирьянко дорө:

– Абу кө сьөкыд, Би Кабыр пи, эстөн менам ноптор куйлө да он-ө вай татчө...

Сэсса со мый лои. Ирьянко воськовтис пемыдас, а Кыз Ку виччысьтөг вынөн тойыштис Тикёөс, пыжсө бөр йөткыштис ваө и тәрмасьөмөн кавшасис сэтчө. Здук-мөд мунис сідз, кызд водзвыв артыштілөма Кыз Ку. Гораа пошкигтыр, сйё шняпкысис пыж лабич вылө да кутис корсьны пелысьяссө, медым ылыстчыны Лөньби көджын кольём челядьсянь.

Тойыштөмысь Тикё тутис нильөг сөй вылө. Виччысьтөмысла сылы и юрас эз во дорйысьны да көть нин кызкө видзчысьны лөка уськөдчөмсьыс. Но лоөмаыс воссис син водзас. Тикё сувтис. Быдсямаыс овліс зонпоснияс костын Емдінын: и венласьлісны, и зыкөдз да тышөдз волісны, но некор сйёс верстьө морт вежа печикөн эз печиктыв, непөштө тадзи лөкысь тойыштіны вадор няйтас.

Зонка ярмис. Тыдаліс нин, кутшөм көсйөмыс Кыз Ку айкалөн. Мыйкө ори пытпкас и ас олөмас медводдзаысь гораа омөльтис верстьө мортөс:

– Урөс! Зывөк чужөм! Тэ мый вөчан? Ноко, пыжсө бөр косөд, абу сйё тэнад!

И звирк чеччыштис пыжлань. Гумовтис васө косьмытөм на

көмтәясас, но пыжө кыпөдчис и кутіс тракйыны базъян кынөма мустөм мортөс. Сән жө орччөн лои Чангыр, коді Кыз Ку вылө уськөдчис көин вылө моз: кутіс эралігтыр чашйыны-косявны да пөрөдны кок йывсьыс.

Кыз Ку, өні ачыс нин виччысьтөмысла шай-паймуніс, былбөдіс синтјассө – тадзнад верман и гыр вывсянь мыр вылө веськавны. Сьөкыд лов шыыс сөмын кылө. Сэссия и воссис мисьтөм вомыс выль дойсьыс:

– Ак тә, кутю! Кык жель костө босьтантор! Да ме тәнө тойөс моз...

Ярмис, пузис Емдін кар дорйысьяслөн вөвлөм юрнуөдысь. Мый вынсьыс шматкис Тикөс сьөд ваас. Зонка юрнас суніс Емва гыясө. Пиня-гыжъя жө эськө да, сөмын тай вын этшнаныс вывті нин торъялөны.

Мыйөн Тикө тумбыльтчис пыжсьыс ваас, Чангыр эновтіс Кыз Куөс да уськөдчис ваө Тикө бөрся.

А Кыз Куөс дзыкөдз шемөсмөдіс ки-кокөдыс визувтысь пөсь вирыс. Сійө кватитіс пелыс помтјассө да заводитіс кызсюрө сынны.

– Оти лунөн вои нинөм туйө, – броткис сійө аслыс. – Тайө абу вөт, а вемөс. Колө ылөджык кывтны Емдінсянь. Код төдас, коді өні сәні ыджыдалө – йөграяс али... миян. А коді мияныс? Со этийө зырымбедьясыс? Найө төрыт, гашкө и, миян на вөліны, а талун абу. Талун ме вошөм морт. Ентјас, энө эновтөй менө! Ме бур! Ме көсья овны! Овны! Овны!

Мырддөм пыж ылысмис, лои муртса тыдаланаөн и регыд воши ваа-енэжакотса рөмыдас.

Тайө ставыс зөв өдйө артмис. Кыйва эз удит весиг повзъыны. Тикө да Чангыр пыжын дженъыдика водзсасьөм бөрын со нин петісны васьыс вильыд сөй вылө. Ирьянко гөгөрвотөма видзөдіс чоя-вока вылө. Некутшөм ноп сылы, дерт, эз сюр. Челядь сулалісны да чөв олісны. Найө эз көсйыны и эз вермыны эскыны сьө, мый лои. Этадзи ылөдлыны!

– Скокорнитіс зывөк чужөмыд! – акнитіс Ирьянко. Сійө висьтавтөг аддзис лоөмторсө.

– Шедлан на менам кипод улө, лөк дука яйпач¹, – скөраліс Тикө, ас вылас паськөмсө пыдзралігмоз.

Мый өні вөчны? Кык өрт дасьөсь вөліны Ёридз ю дорын водзсасьны ыджыд ошлы, уськөдчис кө быттьө сәки на вылө. Найө дасьөсь вөліны водзсасьны верзьөма йөгралы. А сетчисны кокниа, и кодлы – Кыз Кулы! Но өд ылөдліс яндысьтөг ас морт. Водзвыв төдісны кө, мый Кыз Ку (айкаөн эз нин гаравны) йөграысь на лөк, сибөдчисны али мый эськө Лөньби көджлань. Кывтісны и кывтісны, морт нөвйөн на лэдзисны эськө мустөм мыгөрланьыс.

¹ Я й п а ч – вывті кыз морт.

А мый сыкөд лои, Кыз Куыскөд? Быттьо пышйо кодыськө. Кыззи өнi Емдiнас локтас? Мый кутас шуны? Кыззи налы синмас видзөдлас? Весьөпөрөм морт кодь талун сийө. Нинөм он вермы гөгөрвоны.

Мунны эськө колө, но – ньөввужьясыс, кыйдөсныс, колуйныс... Ставыс коли Кыз Куөн мырддьом пыжын. Мый аски висьтавыны Емдiнын? Йөгракөд паныдасьом йылысь, дерт, а Кыз Ку йылысь? Эскасны-ө налы, кор висьталасны. Дивөсьыс дивө: петисны пыжөн, кыйисны, а бөр вооны кушөн. Кыз Ку мырддис...

Тадзи сулалөны, пензёны, шогалөны. Мый сэсся? Мөдөдчисны гортлань. Тикө пыдзралөма паськөмсө, йөжгылясьө-мунө. Вочасөн матысмөны Емдiнлань. Ылын водзын кутисны шыяс кывны. Чангыр торгөдiс пельяссө. Кутшөм виччысьтөмтор нөшта?

– Емдiнса ыджыд жыннян бувгө, – төдмалiс Ирьянко. – Мый-вынсыс лөсийны.

Восьлалысьяс зэв бура төдiсны, кыззи тайөс колө гөгөрвоны. Емдiн шызөма. Ыджыд жыннян чуксалө карса йөзөс петны тыш вылө. Уськөдчисны өттшөтш шыясланьыс. А синводзса енэжтасыс, содтөд, югзис дзувк биөн. Дзик нин гөгөрвотөмтор вөчсьө талун Емва ю дорын.

Кыйва ёна мудзөма. Со тэныд и тшак вотөм. Чангыр мелiасьө сы дорө, отсавны зильө, бергалө, ышөдө, но өд понйыд абу вөв – ас вылас оз сөлөд. Никөстлө, нюлыштө кияссө, водзө нуөдө, быттьо көсийо шуны: Нөшта неуна, нөшта, миянөс шойччөг виччысьө, чөскыд нур да ас керка-карта.

Мыйкө дыра тадз восьлалiсны, сэсся Чангыр син водзын вежсис, скөравны кутiс.

Мунысьяс гөгөрвотөма видзөдлiсны сы вылө. Тикө отарө-мөдарө бергөдлiс юрнас да малыштiс понсө.

– Мый бара аддзин, Чангыр?

А Чангыр восьсөн нин скөралiс. Щөтьсө сувтөдөма, пыксьө, водзө оз мун.

Неыджыд вөртор коли вуджны, сэсся кыпөдчасны вылө, и сэтысянь воссяс налөн муса Емдiнныс, кодi өнi ылисянь югзьө оти ыджыд биөн. Бара кө-а велөдчөны кар видзысьяс, кыззи бурджыка венны войся тышын. Жыннянъяс со весиг шыалөны. Гор өксай котыртлө татшөм велөдчөмсө виччысьтөг. Сэки и челядь петавлөны ывла вылө да видзөдөны ылисянь верстьө йөзлысь ворсөмсө. Öнi, гашкө, велөдчөны жө венны ушкуйникъясөс либө йөграөс войся тышын. А найө со ылынөсь, кольө натөг татшөм гажа ворсөмыс! Челядь Емдiнын ворслөны жө ушкуйникъяскөд либө йөгракөд тышысь. Кар сайын, дерт. И век венөны кортөм лөк войтырөс.

Йөгракөд паныдасьлөм да Кыз Кукөд лоөмтор бөрын челядь восьлалiсны видзчысьөмөнджык. Пон вылө видзөдөмөн, сувтiсны,

мөдiсны кывзысьны. Чангыр асьсө тешкодя кутiс: тшөк ланьтiс и, челядь вылө синъяссө сувтөдөмөн, заводитiс бөрынтьчыны матыса вөрлань. Тикө вомсө восьтiс шензьөмысла. Но Кыйва, сюсь синмапеля, гораа мөдiс вашкөдны:

– Тикө! Ирьянко! Эстчө видзөдлөй!

Емдiнладорсянь ылын мыччысисны вуджөръяс: öти, мөд, коймөд, нельөд, сэсса и лыддынысө лои нинөмла – чуньыд оз тырмы. Вуджөръясыс мунап нырсө кутiсны буретш налань. Öти здукөн куимнаныс чепөсийсны Чангыр бөрся вөрлань. Öни пон эз нин увт, кызди Ёридз ю дорын йөгракөд паньдасигөн, а сөмын чөла кыскис челядьөс пыдөджык вөрас.

Вуджөръяс пыр öтарө матысмисны. Войся пемыдсыс петалисны выльяс и выльяс. Заводитiсны кывны сёрни шыясыс. Сёрнитөны оз коми ног.

– Йөграяс! – öттшөтш артмис Тикөлөн да Ирьянколөн.

Мый лоөма Емдiнын

Көнi сьорсьөн-бөрсөн, көнi чукөрөн, восьлалiсны Асыкалөн повтөм отыръяс. Пансьөм тышас йөграяслөн ыджыдалысь ёна доймис и öни, öтарө-мөдарө катласьөмөн, чөла пукалiс сылы вайөдөм вөв вылын. Сы бөрся кыссисны көра дадьяс да вуж додьясөн вөлаяс – медся колана көлуйсө кыскисны Асыкалысь, йөгра котыръясөн юрнуөдысьяслысь да öткымын озырджык отырлысь. Джуджыд турасъяс личкисны, и вуж додьясыс сьөкыда лайкьялiсны вөвьяслөн быд воськолысь...

Асыка чөв олiс. Скөрмөмыслы пом ни пыдөс эз тыдав... Кось артмис Емдiнын – нимкодь видзөдны. Шыясөн бытшлалiсны, черьясөн керасисны, а шыпуртъяс дзирдыштлiсны ичөтик гимньөвьяс моз. Öзйис сьөлөмыс и Асыкалөн – суйсис сэтчө, көнi медся яра шырисны-бытшлалiсны öта-мөднысө йөгра-көинъяс да емдiнсяяс. Асыка быттө кодзис. Садьсө воштөмөн, ассыс ёр кывъяс горзөмөн, сийө уськөдчис вир кисьтанiн шөрас. Со көнi олөмыс! Со көнi збыль гажыс! Вөсныд, ёсь шыпуртыс швичкакылис шуйгавылө, веськыдвылө, дзирдалөмөн бергалiс быттө ыджыд төв дырйи швырган. Том морт моз йөгра-өксы скокьялiс бөрө, водзө, зiлис кызд позьө унджыкөс судзөдны, уськөдны, помавны.

Гөгөр горзөм, чарзөм, көртөн көртө гольскөм.

– «Öни и мияндырыс», – став кольөм пиньяснас жерьялiс Асыка. Пинь висьөм йывсьыс сийө пыр жө и вунөдiс – косьыс лои медся кужысь бурдөдысьөн.

Йөгра-көинъяс, кодъяс орччөн дом йыв понъяс моз нетшкысисны водзө, индiсны сылань, көнi артмөм мөд татшөм вир кись-

тан гөрөд. Ассыы сямлунсө да збойлунсө сәні петкөдліс кутшөмкө емдінса отыр. Пельк, вөраса, ён, сійө сапкөбтыліс аслас кузь шыпуртөн Асыка моз жө нем жалиттөг, и йөграяс емдінса тайө мортыс водзын гылалісны өти бөрся мөд.

– Емдінса Гор өксай! – горөдіс Асыкалы пеляс ыджыд мыгөра йөгра-көин.

Кыкнан перымыс вылө лөг кутөм вөсна Асыка ас йывсыыс вунөдіс, өти мог сайөдіс ставсө – судзөдны шыпуртөн емдінса өксайөс. Тайөн позяс ошйысыны сәсса нәм чөж.

– Водзө! – горөдіс сійө да звирк чеччыштіс өта-мөдөс виысь орчча йөз чукөрө. Неуна и мөвкйис шыпуртнас – кыліс пель бокас швунькнитөм шы, син водзас пемдіс и вир-йисө сотны кутіс. Быттьө пуан ваөн койыштісны. Пөсь лои юрсянь кокөдз. «Тайө менам вирөй ылькйөдлө», – гөгөрвоис Асыка.

Ыджыд йөграөс петкөдісны тышкасянінысь. Ковмис петны Емдінысь и мукөдыслы. Воштөмгяс лоины гырысьсөсь. Гор өксай юрнуөдөм улын емдінсаяс панісны воча кось: сувтөдісны йөграясөс быдлаын, кытчө найө вермисны писькөдчыны и, вочасөн, мөдісны асьныс зырны – мудөдсайса ва гөптө. Водзө петісны ньөввужйысь лыйсысыяс. Ёраса би помысь Емдінын йөграяс вермисны өзтыны сөмын кык-куим керка, мукөдлаас биылы эз сетны паськавны – күсөдісны, но и сотчан керкаясыс кивыв лоины медсяө емдінсаяслы. Ньөввужйысь лыйсысысыяслы бура тыдалісны йөграяслөн мыгөрьясыс, а мудөдсайса ва гөптысь позьө вөлі найөс тәрмасытөг лыйлыны ньөжмыд вөраса чөжъясөс¹ моз.

Мездіс пикө воөм йөгра-көиньясөс юрнуөдысь Айурт аслас отырьяскөд. Доймалөм Асыка тшөктіс сылы тэрыба пырны тыш мунанінсяныыс ылынджык, кар мөдарланяс. Таөдз Айуртлөн араваыс сулаліс бокин, тышө эз пырав и виччысис ыджыд өксысянь тшөктөм. Кор татшөм тшөктөмыс воис, Айурт аслас отырьяскөд вуджис васө водзвыв лөсьөдөм кыз потшьяс вывті, кавшасис джуджыд мудөд вылө, некымынлагі жугөдіс ёсь йыла керьясысь топыд потшөссө да пырис Емдінө. Тасянь вөлі зэв матын медся джуджыд мыльк вылын сулалысь Благовещенньө вичкөөдз, кодөс вөлі кытшөвтөдөма жө ён потшөсөн да мудөдалөма гөгөр.

Мудзтөм на отырьяс пурк-парккерисны емдінсаяслысь некымын морта чера-пурта котыр, но таладорсянь көртө көртөн швачөдөм шы вылө кутісны өдийө чукөрмыны карса йөз.



¹ Ч ө ж – утка рөд.

Брун вачкөбтис Благовещенньо вичколөн ыджыд жыннян, корис отсөг вылө содтөд йөзөс. Орчча мылык вылын тринь шыасис Михайлө Аркангел вичколөн дзояджык жыннян. Вичкоясгөгөрсә топыд потшөсьяс сайын чукөрмисны аняяс, посни челядь да пöрысь пöль-пöчьяс, кодъяс асьнысö сьöкыда нин новлөдлисны. А став мукöдыс сувтисны йöгралы паныд.

Емдінсаяс кутисны зырны суйсьөм йöграясөс бөр мудөд саяс. Айурт аслас отыръяскөд бöрынтьчис сідз жö тэрыба, кызди и пырис. Сийö эз и мөвпав тышкасьны карас (выныс та вылө эз тырмы), а сөмын пöртис олөмө Асыкалысь тшөктөмсö – мыйкө дыра кежлө кыпöдны зык-шум тышкасьысьяс мыш сайын. Кань маласөн пырны, а сэсся кань маласөн жö и петны бөр.

Айуртлөн Емдінö бөр-водз кежлө пыралөмыс отсаліс став йöграыслы кызмырдөн ордчыны найөс зырысь емдінсаясысь. Нуөдісны сьöрсыныс доймалөм өртъяснысö. Петкөдісны и усьөмаясөс, кодъясөс вермисны петкөдны. Найөс сэсся дзөбисны карсайса вöрын, и енъюгыд артмөдысь Торум босьтис ас бердас усьөмаяслысь ловъяссö.

...Асыка, дом поводсö кисьыс лэдзөмөн, зумгырвидзис паськыд бокъяса раминик вөв вылын. Буретш рамлун вöснаыс и бөрйисны сылы тайö вөвсö. Быд воськов вöлыслөн, көть и восьлаліс зэв небыда, сетөбтыліс дояинъясас. Дойыс тойліс ойзыны, горзыны, но эз весь сийөс шулыны сизим вожа сьөлөмаөн – зілис не кывзысьны ёнасö аслас дойясö.

Асыкалөн дойыс со: йöгра-юрнуөдысьяс ылыстөны сылысь повтөм отыръясөс тышкасянінысь ылөджык. Озыр Емдін сулалө вөрзөддытөм, кумъясыс эмбурөн тырөмаөсь, картаясныс тырөсь быд сикас подаөн. Тотараяслы вузалөм вылө оз нуөдны весиг öти емдінсаөс...

Отыръяс унаөн чотöны, киясныс лётмунөмаөсь, юрнысö öшөдөмаөсь. Дерт, тшөкты налы уськөдчыны выльысь – петасны емдінса лыйсьысьяслы паныд восьса морөсөн, повтөг, и дасьөсь лоöны усьны медбөръя тышас ставөн öтитөг. Но тайөс вöчны оз позь. Öнi найö ловъяөн колöны Асыкалы. Шойчасны, юасны вöрса ёльясысь вын сетысь ва, пөттөдз сөясны сылы чери, пөтка яй, көр яй, выль вын-эбөс чөжасны и лоöны дасьөсь бергөдны сьылдзирсö көть кодлысь.

Таса өдзөс люкалісны? Нинөм. Кад коляс – лөкыс вунө. Тайяслөн öнi доныс ыджыд – понмыд беддялөмтө дыр юрас кутö.

А öнi – гортö! Кыдз позьö öдйөджык гортö! Регыд – ошлы сийөм гаж став оланінъясын, а сэсся... Эм пöрысь юрас öти гуся мөвп...

Йӱгра босьтӱ водзӱс

Сьӱд мыгӱръяс вочасӱн матысмӱны Емва ю дорӱ. Чужӱмъясыс оз тыдавны пемыдас, но пельясӱдз воӱ йӱграяслӱн ас костаныс сӱрнийыс. Лов шысӱ кутӱмӱн видзӱдӱны челядь сьӱрсьӱн-бӱрсьӱн люзгысь аравалань.

– Емдӱн дорсянь довгӱны, – вашнитӱс Ирьянко. – Абу кыпыдӱсь. Бура жвучкӱмаӱсь миян.

– Сы ыджда нелючки лоӱма миян ветлӱгкостӱ. Кыдзи сӱн ыджыд мамным? – шогалӱс Кыйва.

– Лӱнбӱй, – чырыштӱс найӱс Тикӱ. Сӱйӱ малалӱс Чангырӱс, такӱдӱс, мед эськӱ эз шыась, но пон и сӱдз быттӱ гӱгӱрвоис ставсӱ да чӱв олӱс.

Дзик на дортӱ павксӱдӱс-мунӱс мукӱдсьыс торӱӱн кутчысьысь ыджыдкодъ котыр. Дорсаясыс плӱть лоины. Восьлалысь йӱз шӱрас паськыд бокъяса вӱв вылын пукалӱс кос мыгӱра пӱль. Тикӱ колльӱдӱс синъяснас верзӱӱма пӱльсӱ. «Йӱграяслӱн кодкӱ ыджыдъяс лыдысь», – мӱвпыштӱс сӱйӱ.

Сӱсся бара дыр люзгысны ӱтка йӱз, и медбӱрын матыстчис котыр, кӱнӱ вӱлӱны том йӱграяс – гораӱсь, збойӱсь. Кодскорӱ весиг шыпуртнас на ворсӱдчис.

Войся ыркыдсьыс да кӱдзыд му вылын ӱти ног дыр куткыр-видзӱмсьыс Тикӱӱс заводитӱс йирмӱг босьтны. Да и паськӱмыс ва. Но сӱйӱ кутчысис. «Регыд Емдӱнӱ, – такӱдлӱс сӱйӱс асьсӱ, – сӱнӱ шоньд, бур. Паськӱмӱс вежа, ыджыд мам пакулаа ва пузьюдас. Маӱн юа». Тикӱ и мӱвпыштны эз лысьт, мый Емдӱнын вермис лоны ыджыд лӱктор со тайӱ восьлалысь йӱграясыс вӱсна...

А войся ыркыдыс вӱлӱм йиджӱма абу сӱмын сыӱ. Тикӱ черӱбтӱс, кор орччӱн сыкӱд Кыйва виччысьтӱг гораа несӱыштӱс. Виччысьтӱӱмысла и Чангыр кыкысь дорывыв увтыштӱс ылӱдз кывмӱн. Ирьянколӱн синъясыс гӱгрӱсмисны, видзӱдӱ Тикӱ вылӱ, а Тикӱ – сы вылӱ. Мыйӱн тайӱ помасьяс, ӱд йӱграяс найӱс кылӱсны, дерт...

Сӱдзи и эм: луныд – синма, а войыд – пеля. Некымынӱн йӱграясысь сувтӱсны, ас костаныс дженъыда сӱрнитыштӱсны, а сӱсся мӱдӱдчисны веськыда налань. Кыйва повзьюм синъясӱн видзӱдӱс матыстчысьяс вылӱ, вомсӱ ки пыдӱснас тупкӱма. Чангыр ланьтӱс и сӱдзжӱ чӱла сатшкысис синъяснас матыстчысь йӱгра чукӱр вылӱ. А найӱ, йӱграясыс, перьялӱсны шыпуртъяссӱ и, ӱсь йывъяссӱ ас водзаныс чургӱдӱмӱн, воськов бӱрся воськов, матысмисны челядь дзебсянӱнлань.

Колӱ вӱлӱ мыйкӱ вӱчны. ӱнӱ жӱ. Сӱсся сӱр лоӱ. Ирьянко век на чӱв олӱс. Кыйва садъ быртӱдзыс повзьюма, вӱрзынысӱ оз лысьт,

мыйкө вомгорулас тэрыба вашкөдө и видзөдө йөграяс вылө. Нөшта здук-мөд, и сюрасны на киө. Ставныс. Вир кисьтана тышын венөм йөграяс нем жалиттөг бытшкаласны и шырасны посниөдз на киө веськалөм емдінсаясөс. Мый көть и абу верстьө йөз. Водзөс босьтасны да-й ставыс. Налы веськодь. Мый көсьясны, сийө и вөчасны. Ошйысьны на кутасны нөшта өтчид вир кисьтөмөн.

Гөгөр вой, пемыд. Вөр-ваыс чөв олө, быттьө повзьөма жө.

– Ирьянко,– шыөдчис ёртыс дорө Тикө,– кывзы да вөч сідз, кызд ме шуа. Кыйваөс нуөдан татысь...

– Тикө...

– Гортө, ыджыд мам дорөдз. Кылан?

– Тикө, ме тиянөс нуөді, ме и...

– Да кывзы тэ, Ирьянко, вензынысө кадыс абу нин,– Тикө весиг скөрмыштіс. – И мөд туй абу. Гөгөрвоан? Ми разгысям өтарө-мөдарө. Тэ мунан Кыйвакөд Емдінлань, а ме видла Чангыркөд ылөдлыны йөграясөс. Ставыс! Сэсья некор!

И Тикө сувтіс.

– Чангыр, увт! Гораа увт! Мөдім! Ме бөрся!

Зонка чепөсийс дзебсянінысь, Емдінсянь мөдарө нырвизьөн. Чангыр, гораа увтөмөн, уськөдчис сы бөрся, а Тикө дугдывтөг горзіс:

– Чангыр, ме бөрся! Чангыр, эн кольччы! Увт! Увт!

А Чангыр эз и кольччы. Зонка да пон котөртисны быттьө орды-сыгмоз. Тикө чуксасис, а Чангыр сылы воча увтіс и увтіс. Бөрлань эз видзөдлы, но кывны кутіс – на бөрся вөтчөны.

– Со и бур, со и самасисны,– долыдпырысь пасйис ас кежсьыс Тикө.

Сийө мөвпаліс воөдчыны Емва дорөдз, а сэн уськөдчыны ваө. Тикө бура кужис варччыны, юсө ворсігмоз вуджлө. Öні абу на сэтшөм көдзыд, медым ки-коксө войтөв кыкис. Паськөмсьыс ваас нин мездысяс. Вуджасны Чангыркөд мөдарладорас. Йөграйд ваас оз уськөдчы. Оз, дерт. Чангыр тадзи өти йөграөс ылөдіс нин.

Водзын, пемыдас, дзирдыштис Емва. Но – суөдісны. Йөграясось өти, медся тэрыбыс, бөрсянь сконйыштис, и Тикө пласьт уси. Сы вылө уськөдчисны ура пу вылө моз.

Дыр котөртөмсьыс пыдіа кашкөмөн йөграяс – ставныс томось, ёнөсь – заводитисны Тикөөс нөйтны-чужьявны. Чангыр дугдывтөг увтіс и уськөдчыліс, коді матөджык веськалө. Латшкөс тушаа йөграшпуртөн киас кыйөдчыны кутіс сы брся, но пон эз лэдз ас дорас – эралөмөн чеччыштліс, бөрыньтчыліс, стрөка корсис, мед и сийөс курччыны.

Тикөлы жаль лои понмыс.

– Чангыр, мун гортө! Мун корсь Кыйваөс! Мун! – горөдіс сийө понлы.

Йөграяслы дышөдіс ноксьыны емдінса зонкакөд. Му вылын

куйлысь Тикöлы горш дорас öта-мöд вежмөн, гөлчитöмөн, инм-öдiсны шыпуртъяс, кöдзыд ёсь йывъясыс öнi сутшкыясны öтпырйö.

– Пом воис, – шога мöвпыштiс Тикö.

И кунис синъяссö.

Овлö, öтсöг воас, кысянь ОН ВИЧЧЫСЬ

Кылис ёся горöдöм шы, и йöграяс öттшöтш ланьтiсны. Чангыр весиг эз кут кывны. «Виисны Чангырöс», – югнитiс юрас Тикöлөн и сийö восьтiс синсö.

Йöграяс вешйöмаöсь сы дорысь, бöрынтьчöмаöсь воськов-мöд ылнаö, а сы водзын сулалiс истан ныра йöгра-зонка, мугыд чужöма, кузь сьöд юрсиа, арлыд сертиыс, гашкö, неуна ыджыдджык Тикöысь. Сёрнитiс сийö тэрыба да скöра. Некодлысь нинöм эз кывзы, мöдарö, йöграяс кывзiсны сийöс чöла да сöмын юръяснаныс довкйöдлiсны.

Йöгра-зонка петкöдлiс кинас, медым Тикö сувтiс. Кодкö кватитiс куйлысь Тикöос чорыд кабырнас, но бара кылис скöра горöдöм, и сийöс пыр жö лэдзисны.

Тикö кыпöдчис тэрмасьтöг и видзöдлiс гөгөр, оз-ö косыштны пель бокас да мый виччысьны водзö. Вывтырыс сылөн ёнтiс чужьялöмъяссыс, торйөн нин сойясыс висисны – найөн зiлис тупкысьны йöгра кокъясысь.

Но öнi сийöс эз вөрöдны.

Йöгра-зонка чургöдiс сылань водз чуньсö.

– Саран кум?

Тикö чöv олiс.

Сэки йöгра-зонка матыстчис Тикö дорö, синсö тувьялöмөн видзöдiс дыр, сэсся чуньяснас чепöльтiс сылысь щöкасö кöрт чепöльтöсөн моз да серöктiс гылыда.

– Саран кум!

Мыйкö ярскöба шуис сы гөгөр сулалысь йöграяслы, тувкыштiс неыджыд кабырнас Тикöлы морöсас и вошис бөр войся пемыдас. Орччөн сыкöд ветлöдлiсны кык ён йöгра.

Тикö оз нин тöд, кор сийö медаь бөръяысь бöрдлiс, но öнi дольсьялiс синва, и сийö, дойсö венöмөн, сос помнас чышкалыштiс сийöс. Риксöм-бöрдöмöдз эз лэдзчысь.

Йöграяс тойыштiсны Тикöос тодмышкöдыс да нуöдiсны асланыс мунысь котырлань. Туй чöжныс найö желькисны-вензисны

ас костаныс, но вөрөдны емдінса зонкаос эз лысьтны. Мыйкө кутіс найос.

Дерт, Тикө и мөвпыштны эз куж, мый нуөдісны сійос, кор-сюрө, тувкалөмөн да тодмышкалөмөн, йөгра-көинъяс, Асыкалөн медся повтөм отыръясыс, а дзувъялан есь синъяса йөгра зонмыс вөлі Асыкалөн Юмшан пиыс.

Тикөос вайөдны ас котырө ловъяөн да дзоньвидзаөн тшөктіс буретш сійө, Юмшан, том йөгра-көинъяслөн есь кыла збой ыджы-далыс.

Емдінсянь пыр ылөджык и ылөджык

Асыка тэрмөдліс кызд позьө өдйөджык мунны асыввывлань. Сувтлытөг вуджисны Ёридз ю да мукөд посни юяс, а сэсся вуд-жисны и Емвасө – пыжъясөн да водзвыв лөсьөдөм пуръяс вылын. И – водзө. Куим лун нин туйынөсь и куимнан лун чөжыс емдінса Гор өксай вөтчис на бөрся – усъласис бөжын мунысьяс ылө, а войяснас дөзмөдчис весиг шөрын мунысьяслы, кодъяс кутісны ась-нысө личөдөмөн, сы вөсна мый водзын и бөрын вөліны сюсь син-ма-пеля йөз.

Дерт, ыджыд өксы вермис и бергөдчывны аслас став вынъясөн вөтөдысьяслань чужөмөн да өлөдыштны емдінсаясөс, нө сійө лыд-дис, мый тайө котырнас став верманасө лои вөчөма нин и Эжва вожын тышкасьны велөдөм том отыръяссө өні колө видзны водзө лоан тышъяс кежлө. «Юрөн-лолөн пудъясьны өні Эжва Перымын нинөмла, – шуис аслыс Асыка, – колө воөдчыны Эжва ю йылө, а сэсся вуджны Ыджыд Из¹ сайө да сетчыны Пелымлань, Сосьва-лань... Мукөд гуся мөвпъяс сайөдісны сы син водзысь Емва ю до-рын вир кисьтөмсө, и өні асыввывлань тэрыба мунөмсө позьө нин вөлі шуны пышйөмөн.

Водзө, водзө, водзө! – тэрмөдліс Асыка. Сөмын «водзөсө» өні колө вөлі гөгөрвоны мөдарө: бөрө, бөрө, бөрө – мунны, пышйыны, усйысьны, орөдчыны дөзмыд емдінсаясыс.

Отыръяс броткисны сысыс, мый озыр Емдін кар эз усь и лоө воөдчыны гортланьыс куш киөн. Броткисны, дерт, гусьөн – Асы-каыс найө ставные полісны, өд Ыджыд Из кыкнанладорас сысыс нималанаыс да вынаыс эз вөв: көсьяс – кыпөдас, көсьяс – уськө-дас. Асыка некод водзын эз копрась, весиг Мөскуа водзын, а тансө – нинөм и шуны. Сысыс кындзи коді сэсся вермас өтувтны став-нысө найос Сорни Най Зарни Ен гөгөр? Юмшан? Но сійө вывті на

¹ Ыджыд Из – Урал.



THE BATTLE OF BLOIS, 1171. THE KING OF FRANCE, PHILIP AUGUSTUS, IS SEEN IN THE FOREGROUND.

том, да и оласногыс айыслань жö мунö. Оз-ö ло лөкджык? Öнi нин некодлысь оз кывзысь – мый көсйö, сийöс и вöчö.

Та вöсна отыръяс помсянь помöдз восьлалисны чöла, быд шуöм кыв ыджыд йöгралысь пöртлисны олöмö бура и ас кадö. Емдiн дорын та пöрйö нелючки артмис – да, но Асыкалы йöз муясö ветлöмьяс векджык артмывлисны. Öнi оз жö позь шуны, мый найöс дзик нин венисны емдiнсаяс. Позис на лолыштны да мöдысь уськöдчыны. Но Асыка вешйис озыр да еннога кар дорысь...

Быдөн тöдисны: Асыка пыралис нин Емдiнас том дырйиис, пурьяс вылын воöдчис сэтчö Эжва катыдсянь. Бурпöт гажöдчис, уна вир кисьтис и, öти сайын, аслас ярмöм котыркöд кувтöдз бытшлалис Питирим епископöс дзик вичкö шöрас, кор сийö, епископыс, чуйдöдис овны емдiнсаясöс да сы гөгöрысь воöм йöзöс Крестос велöдöм серти.

Емдiнсаяс медбöрын век жö эновтчисны да дугдiсны дöзмöдчыны – Эжва катыдын найö абу нин гортанысöсь, мыччысьлöны танi шоча, и Асыка бура тöдис: Гор öксай йöз муö некор оз суйсьы. Весиг öнi.

Öтчыд, войланьыс...

Тикöос тувкыштiсны арлыда нин, ыджыд ныра йöгра дорö, кодлөн чурвидзис важөн сынавтöм, тöклясьöм кузь юрси костас сöмын öти пель. Мöдсö, көть кызди синнас эз корсь Тикö, эз аддзы. Тыдалö, воштöма. Йöгра петкöдлiс шöр чуньнас («сылөн и чуньясыс абу ставыс», – чуймис Тикö), мед зонка кутчысис сы бердын да ылö эз мун.

Тадзи восьлалисны лун бöрся лун, дженъыдик шойчöмъясөн да неуна нурьясьöмөн. Тайö зумыш видзöдласа йöграыс некутшöма эз кратайтчы сы вылын. Медводдза луннас сы бердö индöм бöрын Тикö полөмпырысь видзöдис зумыш, уна чукура чужöм вылас – код тöдас, мый юрас кутö эстшöм повзöдчысь сьöд вужляыс, но сэсся велалiс. Вöлөмкö да, бур сьöлöма: нурьясьлисны луннас кыкысь и быд пöрйö юксьывлiс сёяннас – мычывлiс зонкалы весиг гырысьджык яй торьяс; косьтöм көр яй, либö чери, кодöс бергöдлiс киас да гырысьджыксö жö мычывлiс. Йöгра кутчысис лөг песöмысь и скöра мурзыштльывлiс, пондылисны кө туйын ли, шойчигьясö ли, наян том йöграяс. Сысыс полiсны, и мöдысь сэсся эз матыстчывлыны. Дерт, корсюрö и ачыс дорышөн видзöдльывлiс Тикöлань, но öд гөгöрвоана – видзысьөн индöмаöсь, быть стрöжит.

Вешйöгьясыс вöлины кузьöсь, мудзтöданаöсь, шойчöмъясыс дженъыдöсь. Тикö ас синьяснас аддзис, кутшöм паськыд да уна пöлöс вöлөм муыс. Дзажакылисны кок улын еджыд ялаа ягьяс,

кольлісны бөрө мырпома нюръяс, чөдъя-пувъя расъяс, тшөтшкөсінъяс да слудаяс, пемыд коз пу вөръяс да югыд давъяс. Кыткө лөсьыд и кокни восьлавнытө, а кыткө и, чайтан да, ачыс Вөрпөлъыс коксө чегас, мунас кө таті. Вөрыслөн аслас олөм да гусяторъяс. Со, гымнөв лыйөма джуджыд өн пожөмө да дзавйөма сійөс, со нэмөвөйся коз пу пөрөма ыджыд төлысь, и вужъясыс чур-видзөны паськыда нетшыштөм мунас, а со косьмөм пу ылісянъ кажитчө ловьяөн и быттө восьлалө тэныд воча. Мыйсө он аддзы помтөм-дортөм вөръясөд писькөдчигөн.

Отчыд, войланьыс, сувтісны эзысь килля кыз пу раскө. Нелыны сальөдчис туруна ель. Пестісны бипуръяс, нуръясисны и дзаткысисны коді кытчө.

Тикө, кокъяссө сюркнялөмөн, куткырвидзис аслас видзысьыскөд орчөн да, важ бур олөмсө казтылөмөн, чөла видзөдіс ломалысь би вылө. Медматыса бипур гөгөр вөлтөшитчисны на мугов чужөма йөз, но и найө вочасөн лөнисны.

А Тикө асьыс шог шогаліс. Сійө ловнас кыліс, мый Ирьянко да Кыйва воөдчисны Емдінөдз и висьтасисны накөд лоөмтор йылысь. Ёридз ю катыдын өтка йөгракөд аддзысьлөмыслөн өні, дерт, некутшөм төдчанлун эз нин ло. Со кутшөм ыджыд нелючки лоөма да – быдса арава лыдтөм-тшөттөм вувзысьлөма. Йөграяс бөрся вөтчөмыс серти Тикө гөгөрвоис: тшөтш и сы вөсна төждысьбөмөн емдінсаяс вөтлысисны та дырасө и весит корсюрө тышө пырлісны. Но өні чөв-лөнъ пуксис. Вель ылөдз мунөмысла емдінсаяслы лои быть кольчыны да эновтчыны Тикөс мездан мөвпысь.

Мый өні вөчө Кыйва? Ыджыд мам, төдөмысь, медся өна шогалө. Ирьянко асьсө мыжаөн лыддө. А Тикө тадзи оз чайт – ёртыс нуөдіс чойсө йөграяс дорысь и таысь сылы ыджыдысь-ыджыд аттө. Бур, мый кывзисис, эськө кутшөм лектор артмис. Тикө сыркмунліс быдсөн. А Чангыр... Виисны Чангырөс йөграяс, сөтыштісны шыпуртөн и ставыс. Эновтны сійөс пон эз вермы, зонка төдіс. Коньөр...

Пукалө Тикө и видзөдө, кыззи биыс нетшкысьө вылө да кыззи вежласьө быд здукөн. «Биыс ловья, – чайтө Тикө, – та вөсна и бурө пуктана, вежа. Биас оз позь сьөласьны – сьөлыштан кө, лөкыс ас вывтөд мунас. Оз позь ёрчыны би вылө, севравны, биөн оз позь ворсны». Зонка чөвтис бипурө вөсньыдик кос резюв, вердыштис бисө. А биыс быттө тайөс и виччысис – өти здукөн югыда нюв-нявмуніс, и коли кос резювсьыс сөмын вөсньыдик сьөд шомыс. Эз вежөрнас, а сьөлөмнас Тикө гөгөрвоис, мый би оз вермы лоны ни йөгралөн, ни емдінсалөн – сійө став еньюгыдыслөн. Енъяс чужтісны бисө, и сөмын найө вермасны кусөдны сійөс быдлаысь. Сэки и «би» кывйыс оз ло. И олөмыс

оз ло. И Тикö оз ло. Гегдас помтöм кöдзыдас. Со мыйла колö бурö пуктыны бисö...

Тикö здук кежлö вугыргіс. Бара ыджыд мамыс юрас воис. Вермас лоны, пыравліс сійö козинөн сьöрсые Теренсай Шева пöч ордö Тикö йылысь юасьны. Шеваыс öд быдтор йылысь тöдö. Козин вылад шеваыс, дерт, висьтасис чилзан шынас Тикөлөн йöгра киö шедöм йылысь. И тайö збыль. Сöмын сöрис шеваыс Кыз Куöс виöм йылысь. Ачыс кокорнитіс-ылöдліс пыжын кывтысьясöс. Да и ньöввуж кö вöлі Тикö киын, эз эськö лысьт – тадзи весиг öні чайтö – лэдзны ёсь ньöвсö сылөн пеж куас. Век жö емдінса.

И та вылын мөвпгьясыс орисны Тикөлөн. Бара восьса енэж улын войсö коллялас. Косув ни лэбув. Этійö йöгра-зонкаыс öнөдз эз на мыгчысьлы, а öд не кö сійö...

Орччөн пель пöла йöгра – видзысьыс сылөн – сутшкысис ныр вылас и гораа шкорнитліс. Шоныд бипур дорад унмыс личкöма. Мудзöмаöсь йöграясыд да гөгөр со ныргорөн сургöны-узьöны. Бипурьяс налөн пес содтавтöг ваймöны вочасөн.

Ивö Чуд пöль висьталö, узьöны пö оз сöмын йöз, но и быдмөгьяс – корьясыс вой пуксигөн эбөстөммöны да усурмöны, дзоридзьясыс, эмöсь кö найö, пöдлассьöны да öшөдöны юрнысö. Тайö абу мойд, тайö збыль. Тикö вöлі ачыс кöсийö казавны быдмөгьяслысь унмовсьöмсö, но кызкö эз слöймыв тайöс вöчны. А öнитö – кутшöм нин дзоридз...

А мыйла кутшöм? Тикö видзöдліс ас гөгöрыс: бипур колясьяс муртса югзыштöны, кык-куим воськов ылнаын насынь сап пемд нин. Унджыкыс сы ни садь узьöны, көнскюрö сöмын ас костаныс век на нума-намакылöны. Дерт, көнкö довъялöны сувтанінсö видзысьяс, шыпуртаöсь, ньöввужьяс сьöрсыныс, но öд öтырыш век пемдö и пемдö...

Оз, оз вермы Тикö энöвтчыны бипур дорас чужöм мөвпысь – пышйыны татысь. Войнас корсьны оз кутны, а асылöдзыс мунас судзны позьтöм ылаөдз.

Таөдз сійöс онишыс босьтліс жö и сутш кежлö ныровмунліс некымынысь, но тавой пышйöм йылысь мөвп чужöм бöрын паляліс, збодермис да кутіс синйыны гөгөр. Дыркодь тадзи пукаліс, пессö дугдіс содтавны бипурас и быыс ньöжйöникөн чусмис, югзяна колины сöмын öгырьясыс.

«Петны колö сёрөнджык, мед нин узысьяссö сьöкыдджыка личкас унмыс», – шуис аслыс Тикö. Сійö мудеритны заводитіс, узьöм улö сетчис. Пель пöла йöгра вочасөн нёровтчис и пöри, öні червидзис вольсалöм көр ку вылын да ун йывсьыс мыйкö броткышталіс, весиг горөдлывліс. Он гөгөрвö: узьö нисьö олö, мыйкö тай шуалö-а. Дыр видзöдіс сы вылö Тикö и аддзис: узьö,

кыз унмөн узьö и öнi кöть дзоньöн кольöм пель бокас сет – оз садьмы.

Коркö и кыпöдчыштiс неуна. Лазьыс, чернас тшöтш, коли пыжын, чöвтлiс ас вывсьыс, медым кокниджык вöли сынны. Пыр новлан паськöм кежсьыс и колис. Пуртыс абу жö – аддзисны да мырддисны йöграяс кутöминсьыс нуöдiгөн. А пуртыд эськö и колö. Чер да ёсь ньöвьяса ньöввуж кö абуось сьöрсьыд, вöрад гажтöм босьтас. Но, а пуртыд кö нин абу – сэк нинöм туйын лоан. Сэки и кöч вермас люкавны.

Гораа узьысь йöгралөн паськыд пуртöсысь чурвидзö пурт вороп. Зэв матын Тикöсянь. Орччөн. Китö нюжодан кö – судзан. Но Тикöлы вежöрас ичöтдырсяньыс тувьялöма вöли öлöдöм: сизимысь кор, а эн гу. И öнi сийö ыдьясис. Сувтiс и дыр педзис. Сэсся ышловзис да шынь-шынь инмöдчис веськыд кинас пурт воропö, а шуйганас небыда кутчысис пуртöсö.

Сьöлöмыс Тикöлөн чеччалiс, но бöрыньтчыны вöли сёр нин. Лов шысö кутöмөн ньöжйö-ньöжйö кыскис пуртсö. Йöгра эз вөрззы. Öнi позьö и усйысьны татысь. Тикö кывзысьыштiс, гөгөр видзöдлiс – чöскыд узян унмыс пөрöдöма йöграясöс ставнысö öтитöг. Нюжмасьны оз позь. Сийö вöчис воськов узьысь йöграсянь. Сулыштiс. Водзын, бöрын, гөгөр нинöм эз вежсьы. Мöд воськов вöчис, коймöдöс... и ёна видзчысьöмөн кутiс вочасөн ылыстчыны биपुर колясьясянь.

Сэсся уськöдчис котöртны.

Енъяслы козинтöг кевмысьöм

Тикö дыр котöртiс кытчö синмыс видзöдö, мед сöмын судзтöм ылнаын лоны йöгра котыр сувтанiнсянь. Важөн нин коли бөрö узьысь йöграясөн тырöм паськыд кыз пу раскыс. Тикö сувтлытöг вуджис тшöкыд козья вөр, писькöдчис, сутшкасьысь коз лапьяссö вешталöмөн, сэсся пырис сись кодь шылъыд пожöмьяса джуджыд ягö.

Танi сувтовкерис. Дыр котöртöмсьыс кисьыс-коксьыс уси. Эбöстöма топöдчис паныд воём пожöм бердö. Ивö Чуд пöльлөн висьталöм серти, пожöмсянь мортлы йиджö вын, та вöсна эз и тэрмась ордчыны сы шөрö веськалöм пусьыс. Пöль серти, быд пулөн, кыззи и мортлөн, эм лов. И тайö пожöмыслөн, код дорö öнi топöдчис, эм жö. Тикö бөрйис медся бур кывьяссö, медым аттьöавны пожöм пусö отсöгсьыс.

Көнкö юр весьтас матын шыасис кök. Тикö гоньгöдiс юрсö, пу туганыс качöдчöма пыдöстöм енэжлань. Югдытöдзыс ылын на, но со – вöрса лэбачьясьысь кök медводдзаён чолöмалö чужысь асывсö.

Кор асылыс оз на и тӧдчы. Сэсся сы бӧрын садьмас пыста, сизь заводитас котшкӧдчыны, и шондӧ петӧгас нин вӧр пасьталаыс ӧттшӧтш шыасясны пышкайяс.

Кузь пожӧмъяс дзуртышталӧсны, мыйкӧ зӧлисны висьтавны, но Тикӧ налысь сӧрнисӧ эз гӧгӧрво. Вӧрсӧ Тикӧ ичӧтдырсянныс бурӧ пуктыліс, ӧд сійӧ вердӧ, пасьтӧдӧ, оланін сетӧ мортлы. Тыдавтӧм вӧрпӧль, дерт, кӧнкӧ тан жӧ шӧйтӧ-ветлӧдлӧ. Вӧрпӧль аддзӧ Тикӧӧс, а Тикӧ вӧрпӧльӧс – оз. Вӧрпӧльыдлы лӧсьыд: сійӧ вермӧ лоны – ас кӧсйӧм серти – тӧвруӧн, пуӧн, пемӧсӧн, лӧбачӧн, вермас и мортӧ пӧрны, кӧсьяс кӧ, а сэсся син водзсьыд вермас вошны. Татшӧмторсӧ емдінса вӧралысьяс казьявлӧмаӧсь. Вӧрпӧльлӧн позянлуныс дзевсьыны, вошны, пӧрны мыйӧкӧ – уна, а мортлӧн некутшӧм абу. Вот эськӧ Кыйваӧн гарыштӧм лягей лыяссӧ кӧ судзӧдны, медым тыдавтӧмӧн лоны гортӧ мунигчӧж.

Лоӧмасыс унатор вӧлі сьӧкыд гӧгӧрвоны Тикӧлы: мыйла Кыз Ку ылӧдлӧмӧн да наяна мырддис налысь пыжсӧ, ӧд позьӧ вӧлі вӧзйысьны да ӧтлаын воӧдчыны Емдінӧдз? Кытчӧ нуӧдісны сійӧс, Тикӧӧс, йӧграяс? Кодарӧ асьныс муӧны? Мый лои Емдінын и кутшӧм би сыладорсянь тыдалӧс? А Чангыр? Мый сыкӧд лои? Виисны али дойдалӧсны сӧмын?

Тикӧ ышловзис да мӧдӧдчис водзӧ. Кадыс ӧдйӧ лӧбис. Со нин дзаркнитӧс кыа, а сэсся и шондӧлӧн зарни везьясыс югнитӧсны пуяс костыс. Пожӧм пу дорын сулыштӧм бӧрын эбӧсыс сылӧн и збылысь быттӧ содіс. Тикӧ вӧсьлалӧс сідз, медым шондӧдыс видзӧдіс сылы мышкас, татшӧм ногӧн сійӧ чайтӧс петны кӧнкӧ Емва вылӧ.

Парма-ягыс унаысь на вежсьыліс. Ӑтчыд бара коз пуа вӧрӧ пырис и танӧ аддзис важ коми енъяслы кевмысянін. Татшӧм кевмысянінъясыс Емдін гӧгӧрса парма-вӧръясын войдӧр, висьталӧны, вӧлі уна, но найӧс епископъяс бырӧдалӧсны, сы вӧсна мый роч Енмыс пӧ некутшӧм мукӧд енъяскӧд оз лӧсяв. Кевмысянінъяссӧ сэсся ылӧджык дзевлалӧсны да воływлісны сэтчӧ гусьӧн. Йӧзлӧн волӧмыс тӧдчис кольӧм козинъяс серти: пу енъяс вылын и бердас важ куяскӧд орчӧн вӧліны и выльӧн на вайӧм сьӧдбӧж, тулан да весиг низь куяс.

Кевмысянін шӧрын сулалӧс медыджыд Ен – Войпӧль. Тикӧ сувтӧс сы водзӧ. Некытчӧ эз инмӧдчы – оз позь тайӧс вӧчны.

Кутӧс корны отсӧг. Кывъясыс сьӧлӧмсянныс петӧсны, ӧна корис отсавны воӧдчыны гортӧдзыс.

«...Став коми йӧзӧс видзысь да дорйысь вынйӧра Войпӧль, – кевмис Тикӧ, – век ме кутчыси миян пӧльяс велӧдӧмӧ – копраси шондӧлы, билы, валы, изьяслы, пармаса пуяслы. Вӧралӧ кӧ, некор ӧсь ньӧв менсьым эз тӧдлыны ни юсь, ни сюзь, ни тури. Кужлі аттьӧавны вӧрсӧ и васӧ налӧн лышкыдлунысь. Кора тӧнӧ, ыджыд вежӧра Войпӧль, став комияслӧн Енсьыс-Енмӧс, отсав, петкӧдлы медся дженьыд туйсӧ муса Емдінӧ, ас йӧз дорӧ...».

«Колё эськё козин кольны да менам нинёмыс абу, – мөвпыштис Тикё. – Пурт сёмын сьорысь, но сытөг нё мый кутан вёчны пармаад? Абу, дерт, лёсьыд... И Кыз Кулысь куканьсё мездём бёрын кёсийсылі енъяслы унакодь, а кёсийсьёмөн и коли... Гортё воём бёрын вешта уджйёзъясёс. Мед сёмын отсаласны».

Тикё копыртчис улөдз Войпёльлы да мукөд дзольджык енъяслы, ышловзис и петис кевмысянинсьыс ортёс. Вөр пасьталаыс дживакылісны лэбачьяс. Юр весьтын довидзисны өтка кымөрьяс. Кынёмыс кутис сюмавны Тикөлөн. «Эк, эськё ид пызя пёсь рокыд кё өні, гос тыра гуранөн шёрас! Паньыштан роксё, вөйтлан паньтё гос пытшкас, а сэсся вомад – чёскыдыс! Либё ком черирысь юква... Да кётъ нин кутшём черирысь!».

Медым вынсьыс дзик не усьны, Тикё тэпөдіс мунігмозыс чөд да чөдлач. Мукөдлаас унасьыс-уна сярвидзис, но ылавны оз позь, өд йёграяс матынёсь на, а Емдін зэв на ылын.

Понёляин вежсьыліс давьён, увтасінъяс – нёрысьясөн, пожёма яг – васөд егырөн, лём пуа ді – джуджыд, пашкыр сус пу раскөн. Воча ыджыд из паныдасис, мышкыс гөпта, а сәні ва чукөрмөма неважёнся зэръясысь. Юыштіс васө. Бара жё бур. Тикё кывліс: коді гөпта из вы-



лысь васө юас, сылөн сьёлёмыс из кодь лоө, оз кут нинёмысь повны.

Асья шонді улын йёграясысь мездмёмөн чолёмалісны Тикёос долыда дзольгысь ёльяс. Налысь сёрнисө Тикё гөгөрвоис:

«Дзулькйөн дзольгысь дзоля ёль

Ватөг некодос оз коль».

Өтилаын петис гора шыа борган¹ вылө. Дыркодь нимкодясис усьысь ва нырнас, вунөдліс весиг, көні сійё да кытысь локтё.

Водзё мөдөдчис. Петис паськыд видз вылө. Пөльтис небыдик лун төвмам төв, кызд сійёс шулёны Емдінын. Вылын шуньгисныкывтісны еджыд кымөрьяс, вөр-ваыс нюмъяліс Тикёлы...

Но – Тикё эз эскы аслас синъяслы: матысса сьордысь сылы паныд петис верзьёма морт. Тикөлөн долыс тасасьліс горшас. Кас-

¹ Б о р г а н – усьысь ва, водопад.

титчө кө нин-а? Вөв вылын пукалысь мортыслөн мыгöрыс кажитчис зэв тöдсаөн. Дыр жуглыны юр эз ковмы – веськыда сылань тэрмасьтөг матысмис йöгра-морт, кодысь куимөн – Ирьянко, Кыйва да сийö ачыс – пышйисны некымын лун сайын Ёридз ю катыдын. «Век жö сүөдiс сьöд вужляйд, – сöмын и вермис мөвпыштны зонка. И нöшта мөвпыштiс: Козинтөг кевмысьöм эз во Ён пельясöдз».

Сэсся юр весьтас шутөвтiс кузь пома сьöкыд орс и сотыштiс вывтырсö юрсянь кокöдз.

Эгатаей йöгракөд орчөн

Мышка ныра пель пöла йöгра гир-гир серöктiс, кор верзьöма йöгра вайöдiс сы водзö Тикöс да мыччис сылы пуртсö. Мукöд йöграыс туйын нин вöлины. Зонка виччысис медся лөксö. «Виясны öнi кыв шутөг, либö сера чачаö вöчасны», – жугыль сьöлөмөн чайтiс Тикö. Но артмис дзик мөдарö – серам улö сюри. И мый тайö сьöд кутшыс пиньсö жерйöдлö. Бомыс шердын пасьта. Тикö педзис сы син водзын, видзöдiс синкым увтiыс да чөв олис. Ассьыс виччысис. Нимкодысла али мый сералö? Кыйöдiсны, кутiсны и öнi вермас вöчны, мый көсьяс. Морт виöмыд пель пöла йöграйдлы номйöс шлачкөм кодь.

На дортi восьлалiсны йöграяс öткөн и чукөрөн, некод эз сувтлы, эз крукась на дорö.

Медбöрын йöгра ланьтiс, мыйкö шуис ас ногыс верзьöмалы, кинас ытiс ас дорсьыс да суйыштiс пуртсö пуртöсас. Сэсся тапнитiс Тикöс мышкас.

– Саран кум, тэ збой зонка, вежöра зонка, – шуис йöгра комиөн. – Ме ас нэм чöж тышкася тiян йöзкөд да тöдышта Эжва Перым и Ыджыд Перым кывъяс. Найö торъялöны öта-мөдсьыс сiдзи жö, кыдзи со этийö кык чикышыс, – йöгра петкөдлiс шөр чуньнас кык лэбысь чикыш вылö да бара гир-гир серöктiс. – Веськавлi, ог соссьы, саран кумъяс киö. Öти тышын ёна доймыли. Ой, ёна! Оли во, бурдi и пышйи. Тотараяс эськö эз видзны доймöм йöграöс. Да! А саран кумъяс видзисны. Тэнö кыдзи шуöны?

– Тикö.

– А ме Эгатаей. Тiян шуöны – Эгатаей айка. И тэ сiдзи шу, – йöгра кызöктыштiс, сэсся разис сьöрсьыс новлöдлан мыш нопсö, суйлис пытшкас кисö да мыччис Тикöлы кос яй тор. – Тэ тшыг. На – сөй.

Тикö тöдiс: сөянсö быд йöгралы сетöны некымын лун кежлö көр дадьяс вылысь. Но сетöны-ö сы пай вылö? Öдвакö...

– Аттьö, ...Эгатея айка.

– Сей, сей. Тэ гораджыка сёрнит, а то ме – аддзан – öти пеля и сьöкыда кыла.

– Аттьö!

– Вот-вот. Пурт менсьым тэ босьтін, а сёян эн босьт. Пышйи-гад. Дыр-дыр сулалін, а сёсса кутчысин пуртöсö и перйин менсьым пуртöс. Хе-хе... Ньöжйö, полöмөн...

– А тэ... а тэ аддзылін, Эгатея айка?

– Ме ставсö аддзи и видзчыси сöмын, мед менö эн ви. Но тэ сувтін, и ме тэнö эг кут. Сöмын ысті Ешнек отырöс тэ бөрся. Висьталі сылы, мед саран зонка сьöлөм бурмытöдзыс пышйö-мунö, а сёсса, кор нин мудзас, мед бергöдас бөр, – пель пöла йöгра барагылыда серöктіс. – Ті öд, саран йöз, мый юрад кутанныд – быть сійöс вöчад. Тöда саран войтырсö. Со и лэдзи пышйыны. Эн кө талун, эськö аски пышйин. Но öні колö мунны Ыдждыд Из сайö. Мöдысь пышгьян – виясны. Ме вия. Унаöн аддзисны ассьыныс нэм пом Эгатея кыись: ярангьяс, тотараяс, вяткасаяс, ті – кыкнан перымса йöз. Верми эськö и тэнö помавны, но мыйлакö тэ ковмин Асыка пилы – Юмшанлы. А ме, Эгатея, сылөн вер¹.

Недыр мысти Эгатея да Тикö сöльнитчисны вöсьлалысь йöгра-яскöд. Мунісны öні ставöн тэрмасьтöг – некод нин эз дöзмöдчы, эз усьлась. Сувтлывлісны вой кежлö кутшöмкö ичöтик ю бердö, шойчöдлісны ки-кокнысö, а лöз тöдчигөн чеччылісны и – бара туйö.

Шоныд бипур дорын пукалігьясö Утка-поз кодзувьяс серти Тикö ас кежсьыс пасйыліс, мый мунöны вöськыда йöгра позлань, асыввылö. Мунан туй нырвизьыс и шондї серти тыдаліс, но ылынö на, ни шондї, ни кодзувьяс тайöс эз висьтавны. Тикöлы чайтсис: му туган йылöдзыс нин матысмöны.

Эгатея айка видзис сійöс дом йылын моз: ылысмыны кутас кодарöкö – пыр и горöдöм шы кылö ас бөрсяыс. Да нöшта и ас ногыс. Мый көсйö шуны – он гөгөрво. А орччөн вöсьлалігмоз, кузя чöv олөм бöрын индыліс кадысь кадö öттор-мöдтор вылö:

– «Торн», – и паськыда нуöдліс кинас ас гөгöрыс. А гөгөр пыльквидзис ытшкытöм видз. Эгатея нетпыштліс ки тыр турун и бара шуліс: «Торн». «Турун, – гөгөрволіс Тикö. – Йöгра ногөн».

Коз пуа вөрöд писькöдчигөн шпоркнитласны на водзын сьöлаяс. Эгатея индö:

– Шула.

Кöм вылö индö:

– Кюта.

Тикö гөгөрвотöма видзöдö йöгра вылö:

– Кöті?

– Да, да! Кюта!

¹ В е р – раб (важ кыв).

Тикö чуймö. И збыльсы, йöгра да коми кывъясыс быттьö нерöны öта-мöднысö: торн – турун, шула – сьöла, кюта – кöтi. ЭгатеЙ эз тэрмась вуджöдны вежöртасъяссö коми шуанног вылö – ас ногыс велöдны кöсйö.

Ыджыд мамыс корсюрö шульвлis: «Шоглы кö сетчан, унджык шог чöжан». Тадзсö, дерт, ёнджыка асьсö такöдлis, кор сартаса би дорын казтылisсны мамсö, айсö. Вунöдны некодöс оз позь, но колö и водзö ай-мамлысь туйсö талаявны. Быд лун мыйкö выльöс вöзйö. Öдйö вежласьö олöмыс: бурсö лёкыс вежö и мöдарö...

Со и öнi – мунöны, мунöны кытчöкö. Видзöдлас Тикö енэжтасланьыс и кажитчö – дзик нин му дорышас воисны, а век на водзлань восьлалöны. А мый сэн, водзас? Тайöс Тикö оз тöд. Шензьö сöмын: сы мында овтöм му, и йöзыс оз тёрны – зырласöны öта-мöд вылас, вир кисьтöны, а öд бурөн кö – позис эськö и орчöн овны да волысьны ёрта-ёрт дорö. Со, ЭгатеЙ айка – тайö пель пöла зумыш йöграыс талун матысаджык мустöм Кыз Куысь, кöть и бөръяыс емдiнса, сiдзкö быттьö ас. А кутшöм сйö ас, кор буретш сы вöсна и сюри йöграяс киö да öнi восьлалö, гашкö, некор бөр вольтöм вылö.

Тадз мөвпалis Тикö. Аския лун йивсьыс сйö немтор эз тöд. Но öдвакö и сыкöд орчöн восьлалась ЭгатеЙ аддзис сэкся олöмсьыс ылöджык емдiнса зонкаысь. Да, шуны кö нин, эз и кöсйи аддзыны. Сйö зiлис овны талунъя лунöн. Эз юась некодлысь нинöм и ачыс висьтасьны эз тэрмась. Тикö казялis, мый ЭгатеЙ айка öтдортчö мукöд йöграысь, оз сибöд найöс ас дорас и оз зиль сибöдчыны. Быттьö ыджыд гусятор кутö ас пытшкас.

ЭгатеЙлөн гусятор

Дерт, кытысь тöдны Тикöлы, мый вöвлi коркö пель пöла йöгралөн дзик мöд сикас олöм. Сылы бөрынджык висьталасны, а öнi сöмын помтöм-дортöм ен югыдсö артмöдысь Торум Ен тöдiс, кымын яранлысь, тотаринлысь, перымсалысь, вяткасалысь, мöскуасалысь, ушкуйниклысь босьтiс ловсö вир кисьтана тышъясын ас-лас яр отыръяскöд ЭгатеЙ. Ачыс Асыка повлis сылөн ылöдз нима-лана ярлунысь и ыстылis ЭгатеЙöс сэтчö, кытысь сьöкыд вöлi бөр воны ловйөн. А ЭгатеЙöс со видзлöмаöсь уна во чöж дорвыв и Торум Ен и Сорни Най.

Эм мый казтывны сылы. Эм. Ылöдз гöгыльтчывлisсны Ыджыд Из сайса кын му кузя яранъяслөн юръясныс ёсь шыпуртөн шеныштöмысь; садь быртöдзыс авзöмөн, пышйылisсны сук гузьöбөн тотараяс сэтысь, көн мыгчысьлis вöв вирөн мавтöм чужöма, гырысь сьöд синъяса ЭгатеЙ – кык пöвста йöлöгаөн разавлis сылөн

пель чунодан горөдөмыс; перымса вель уна войтыр вуджисны мөдар югыдас шемөсмөдан скөрлунөн тырөм йөграысь; вылө пуксьысь Новгородын сы нимөн повзьөдлісны кывзысьтөм посни челядьөс – йөгра муясөдз воөдчылөм ушкуйникъяс пыртлөмабсь Эгатеи нимсө медся шуштөм мойдъясө...

Но – скөрмисны мыйыськө Эгатеи вылө йөгра енъяс...

Быдмис сылөн Пелым юдорса ыджыд чомыйн айыслөн кодьгырысь съөд синъяса, мичасьыс-мича Лули нима ныв. Мамыс сылөн, Эгатеилөн гөтырыс, водз кувсис. Сы вөсна, гашкө и, ёна радейтліс айыс асьыс өтка нывсө. Сійөс видзлісны, лелькуйтлісны медалөм анъяс. Медся чөскыда вердлісны, медся бура пасьтөдлісны. Мыйсө сөмын эз вайлы Лулилы айыс ылі йөз муясысь: дона изъясөн пысавлөм сикөтшъяс, зарни чунькытшъяс, пөртмалан дзирда исергаяс, уна пөлөс серөн мичмөдөм коскытшъяс, бисерөн, зарни да эзысь сунисөн вурөм аддзывлытөм на тані паськөм. Медся кужысь вурсьысьяс еджыд көр куысь вурлісны сылы малича да пими, пыр вөліны ки улас низь, тулан, анча да мукөд пемөслөн дона куясыс, а мыйта – некод эз лыддьыв, сы вөсна мый этша коді төдліс сы ыджда лыдпассө...

Коркө-некоркө бара пансис тыш Ыджыд Перымкөд. Асыка ылөдз инмана мог сэки ас водзас эз сувтөдлы – матысмисны Изкар бердө, шызьөдісны сэтчөс олысьяссө и рытланьыс сійө жө луннас гырысь воштөмъястөг усьысисны бөр.

Бөрынтьчигас нин отыръяс киө веськаліс Ыджыд Перымса Микал өксайлөн чужанвуж лыдысь өти ёнакодь доймалөм том морт. Медся водзын тышкасис. Медся збоя, но отыръяс кытшалісны, дойдалісны шыпуртъяснас, том морт и пласьт уси му вылас.

Өти перымсаөн унджык-этшаджык... Көсийсны ловсө босьтны пырысьтөм-пыр, помавны да и ставыс, но Асыка, кызди и век, аснравны кутіс – тшөктіс том мортсө съөрысь босьтны да нуөдны. Ковмас пө Микаллөн тайө мортыс, бурдас кө. Вермас лоны коланаөн перымсаяскөд сөрнитчөмъяс дырйи либө нөшта коркө. И тшөктіс быть нуөдны, быть бурдөдны.

Пелым вожө воөм бөрын перымса доймалөм мортлы сетісны овны да бурдөдчыны шоньид мань-колө¹ – човальөн², көр куясөн джоджас и гөгөрас. Волывліс Арси дорө – тадзи шулісны доймалөм том мортөс – пөрысь пөч, йөграяслөн төдысь, коді мыськавліс доймөминьяссө челядь кудзөн, төбліс небыд рузумөн, юктавліс уна сикас турун ваөн, тшынөдліс мань-кол пытшкөссө өзтөм туся пу тшынөн и та дырйи өдйө-өдйө шуаліс сылы өтрасыслы гөгөрвоана кывъяс. Тайө пөчыс и вердліс Арсиөс – көр яя шыдөн, татчөс чөскыд чериөн, небыд байдөг яйөн. Ачыс Асыка көсийысис бура мынтысь-

¹ Мань-кол – муас джынвийө скойөм ичөтик керка (йөгра ногөн).

² Човаль – йөграяслөн пач, сулалө пельөсын.



ны, та вѳсна и зѳлис, кызд кужис да вермис. Асыка ыджыд йѳгралысь тшѳктѳм колѳ вѳчны сьѳлѳмсянь, ѳд сы сайын Торум да Сорни Най енъяс сулалѳны, а наысь мѳвпъястѳ он дзеб – ставсѳ аддзѳны, кылѳны, тѳдѳны.

Тѳдысь пѳчѳкѳд ѳтчыд лѳччис векныдик поскѳд манъ-колѳ серамбана чужѳма, мича сьѳд синъяса Лули. Сийѳ бергалыштѳс дзескыд манъ-колын куйлысь Арси дорын и регыд петѳс бѳр. Но мѳд луннас бара локтѳс. Лули отсасис вердны, юктавны, тѳбны доймѳминъяссѳ.

Коли лун бѳрся лун. Шанъ, лѳсьыд ныв вылѳ эз ѳтчыдысь чѳвтлы синъяссѳ бурдысь Арси. Том морт вочасѳн вынсялѳс, заводѳтѳс ветлѳдлыны, унджык кадсѳ кутѳс коллявны ывла вылын и век видзѳдѳс енѳжтасланъ, кѳнѳ ылын-ылын виччысис сийѳс, кузяла и пасътала муртавны позьтѳм, вынйѳра, пасъкыда нималана Ыджыд Перым. Арси ѳна гажтѳмтчис ас чужан муысь, ас йѳзысь, и сьѳлѳмыс лунысь-лун пыр ѳнджыка кыскис веж гылан пармаланысь.

Но ѳттшѳтш ѳзйис сьѳлѳмыс Арсилѳн и дзольган серама Лули дорѳ. Мусмис и Арси мича йѳгра нывлы. Мый вѳчны?

И со, арся сьѳд войясысь ѳтиѳ вошины Эгатейлѳн медся тѳрыб кѳръясыс. Медся бур, вангынг сун¹ дадьяснас. Медся муса Лули нылыскѳд. Медся мустѳм перымса том морткѳд.

Ачыс, Эгатеѳ, сѳки вѳтлысис дѳзмѳдчысь яранъяс бѳрся Йиа саридз бердын, а кор воис гортас да сылы висъталѳсны лоѳмтор йывсысь, ярмис ѳсь шыясѳн дойдалѳм ош моз. Сийѳ пыбласис ѳтарѳмѳдарѳ, бут-бат кысѳтѳс манъ-колсѳ, кѳнѳ бурдѳдчис мустѳмсыс-мустѳм, саклин² юрсиа еджыд морт, бѳрдѳс, увгис, равзѳс некодысь яндысьтѳг, а сѳсся некымын морткѳд ѳти войѳ воши ачыс.

Дыр сы йылысь эз кывсы. Сѳмын ветлѳдлѳсны сѳрнияс кутшѳмкѳ йѳймѳм йѳгра йылысь, кодѳ вѳрса туйяс вылын сувтѳдалѳ вѳляясѳс, торйѳн нин, доддъѳн кѳ мунѳны, пыжаяс бѳрся кыйѳдчис, весиг гырысь каръясѳ пыравлѳс. И ѳртъясыс сыкѳд ветлѳдлѳсны. Воѳмаѳсь Изкарѳ – беддъѳн-зорйѳн сѳтысь вѳтлѳмаѳсь. Пок-

¹ В а н г ы н г с у н – зѳв кокни (йѳгра ногѳн).

² С я к л и н – кудриа (йѳгра ногѳн).

чаысь ѳдва кокнысѳ нуѳмаѳсь, а Чердѳнын сюсь перымсаяс кыйѳѳ-ѳмаѳсь да быть лоѳма пырны тышѳ. Ёртѳясыс ставныс ѳтитѳг усины дженъыдик, ярскѳб тышас, а юрсянь кокѳдз доймалѳм Эгатеѳ сюри перымсаяс киѳ. Кытѳѳкѳ нуисны. Эз вины. Мѳдарѳ – бурдѳѳисны. Эгатеѳ бытѳѳѳ раммис, кывзысис быдѳнлысь, вѳчлѳс, мый тшѳктылісны, но, мыйѳн неуна бурдыштѳс, ѳнмыштѳс, ѳти войѳ босѳтѳс да пышѳис. Вуджис помтѳм-дортѳм парма-ягѳяс, паськыд нурѳяс, Ыджыд Из вуджис...

Эгатеѳ мыччысис Пелым ю дорын виччысьтѳг, мышкас и водзас шыпуртѳн визѳѳѳдлѳм вурьсыяса, перымсаяслы кольѳма бѳрын висѳталѳмѳяс серти, ассыс ѳти пельсѳ да чуньсѳ и, дерт, сѳлѳмсьыс торѳѳдны позьтѳм Лули нывсѳ, кодѳс сѳдзи эз и аддзы.

Зумыш лои Эгатеѳ, некодкѳд оз сѳрнит, некодкѳд оз ѳртась, ас олѳмѳн олѳ, ассыс шог шогалѳ. Асыка аддзис кутшѳмкѳ помка и став отырѳяс водзын мездѳс сѳѳѳс юрнуѳѳѳмысь. Эгатеѳ чужанвужсьыс аддзис кодѳскѳ мѳдѳс да Сорни Най нимѳн индѳс ѳксыавны.



И Эгатеѳ кусѳ. Ветлѳдлѳс на отырѳяскѳд ѳѳз муясѳ, но ѳна ковтѳг тышѳ эз сѳѳсыв. Шыпуртѳсѳ киас шоча босѳтлѳс. Новлѳдлѳс сѳѳрсьыс сѳмын вѳралан пуртѳсѳ. Буретш сѳѳѳс и кыскис гусьѳн пуртѳссьыс Тикѳ. Сюсь вежѳра ѳѳгра сетѳс зонкалы позянлун морѳс тырнас апыштны енувса сынѳдсѳ. Сѳмын ыстѳс сы бѳрся Ешшек отырѳс и тшѳктѳс кутны да вайѳдны бѳр, нѳ коркѳ лун шѳр бѳрас нин Эжва Перымса зонка вылѳ сѳѳѳ мыйлакѳ лѳг эз кут. А мыйла, и ачыс эз тѳд...

Со и – орчѳѳн восьлалѳны арлыда, гѳгѳр доймалѳм ѳѳгра, кодѳ унатор нин аддзыліс да олѳмсьыс водзѳ вылѳ нинѳм бурсѳ эз виччысь, и Емдѳн карысь Эжва Перымса зонка, кодѳ олѳмсьыс ѳтша на мый аддзыліс, но кыліс сѳлѳмнас – водзын быдѳсямаыс виччысьѳ сѳѳѳс, быдторѳыс, сы лыдын, гашкѳ и, бурыс.

Ыджыд из сайѳ воѳм бѳрын

Сѳѳкыд и мѳвпыштны, мый уна-уна ѳѳзлы инмысь лоѳмторѳяс вермѳны чужны ѳти мортлѳн юрын. Шуас мыйкѳ, и олѳм гыыс вѳрзьѳдас вель ыджыд котырѳясѳс, кодѳяс и синнас эз аддзывны налысь быдлунся оланног торкысьсѳ. Юав Эжва, Кама, Вятка юясбердса сѳкся олысьяслысь, кодысь найѳ медся ѳна полѳны-родѳны, и воча кывѳѳн лоѳ – Асыка.

Но збѳй Асыкалѳн вѳліны и аслас тѳждѳяс. Сы кадѳ нимавлѳсны Новгород да Мѳскуа, Ыджыд Перым да Эжва Перым, а лунвылын да асыввылын, Тура, Тобол, Иртыш юяс пѳлѳн, асланыс содысь вынѳн ѳна вышшитчысь тотараяс. Вермисны кѳ, найѳ эськѳ важѳн нин топѳдѳсны Асыкаѳс, но ѳѳграясѳс топѳдысь, тыдалѳ, эз на чуж.



Вөліны нөшта и войвывса ярангъяс, кодгъяс гыён-гыён воливлісны Йиа саридз дорсянь и дөзмөдчывлісны медводз йөграяслы. Унаысь найөс пуркөшитліс Асыка, но кольліс некымын во – и бара воча чужом паныдасьлісны. Ярангъяслы паныд Асыка ыстывліс олөмаджык отыргъясөс, кодгъяслы сьөкыд нин вөлі ылі муясөдз кузь туй вуджны. Найө и пыкисны Асыкалысь нэмөвөйся вуж муясөсө войвывладорсянь.

Біджыд Из сайө воом бөрын Асыка колис Юмшан писө Конда юдорса Урай-Паульө, пөлясныслөн важ оланінө. Туй помөн лои Урай-Пауль, дерт, и татчөс отыргъяслы. А ачыс Асыка сетчис войвывлань, көні Сосьва ю вожын йөграяс чөжисны вын ыджыд тыш былө.

Унаөн, Емдінсянь воысьяс лыдысь, колины Біджыд Из таладорас, Эжва да Печера катыдгъясын, асланыс чужанвужныскөд. Накөд янсөдчигөн Асыка чорыда өлөдіс, медым вөліны тырвийө дасьөсь, ковмасны кө. А ковмасны регыд.

Сосьва ю вожлань мөдөдчигөн Асыка босьтіс сьөрсые и Эгатеи отырөс.

Тикө – йөгра позйын

Урай... Тикө велалөма нин тайө нимас. Ас костаныс йөграяс тадз шуоны, а тыр нимыс Урай-Пауль. Му пуксьөмеяныс олөны тані йөграяс. Орччөн – Конда ю. Матигөгөрсa тыясысь кыйөны уна чери. Кузь төвбыд кежлө тырмымөн. Небыд көр яй да чөскыд чери быд пасан вылын... Тадзи пызаныс йөгра кыв вылын шусьө. Пасангъяс ляпкыдикөсь. Чомйын пукалөны сы гөгөр кокгъяс сюркнялөмөн. Матигөгөрсa вөргъясын тырыс вотөс да тшак. Вотөссө окотапырысь чукөртөны да сөйөны, а тшак былө некод оз весиг видзөд. Тайө пө көргъяслөн сөян. Оз и вотны. Тешкодь.

Урай-Пауль тилльөн-толльөн пуксьөма югыд Конда ю бокин. Муө суйөм керкаяс, мань-когъяс, неуна му веркөссяныс и тыдалөны. Тайө – төвса оланінгъяс йөгралөн. Орччөн – өти либө кык чом. Джуджыдөсь. Уна дас көр ку муно өти чом былө: ветымын, квайтымын, сизимдас... Чомгъясын олөны тулыссянь сөр арөдз – тайө гожся оланін. Урай-Паульын чомгъяс чурвидзөны ылөдз, мыйта синмыд судзө.

Йөз лыдыс тані чинлө и содлө. Мукөддырйиыс и джынйиыс оз кольлы: ветлөны асланыс көргъяскөд, мунлөны орчча и ылі муясө збойлун петкөдлыны – видзөны шыпуртгъяссө сямөмысь. Олөмаджыкгъяс вөралөны, татчөс зөв ныриса, кузь гөна понгъясныскөд, либө чери кыйны мунлөны асланыс кокныдик, дзувкөс пыжгъяс вылын. Дженьыд пыжныслөн и нимыс дженьыд – хон. Эгатеисянь


нин Тикö велалыштіс мыйтакö йöгра кывйö, а Урай-Паульын төднысö ковмис быть. И öдйö велаліс.

Юмшан, Асыкалön пиыс, инас эз öпшыв и вöлі, кыздз шуисны эськö Емдінын, зэв дженьыд вожа – пыр и скöрмö, абу кö мыйкö сы серги.

Юмшан оліс джуджыд, мича чомйын, ёрн-кольын, кызди сійöс йöгра костын шуöны, а Тикöлы важ куясысь вöчыштисны орчöн ичöтик чомтор. Вöлі Юмшан, кызди и Ирьянко, арöсөн кымын ыджыдджык Тикöысь. Могсö Эжва Перымса зонкалы Юмшан индіс дженьыда: вöчны мый тшöктас...

Олöмыс Тикöлön лои гы ва вылын пельстöг кывтöм кодъ: шыблалö улö-вылö и нуö код төдас кытчö.

Талун сійö ноксис муувса төвся керкаын, мань-колын: улъ сөйөн мавтіс керка пельöсын лöсьöдöм пач – човаль. Некрымынысь ломтыліс нин. Дасьтö локтан төв кежлö. Тані лоö төвся оланіныс Юмшанлön. Кöні ачыс кутас төвйыны – Тикö оз төд. Аския лун йылысь оз юась. Гортсьыс гажтöм. Ставыс тані абу ас, гөгөрвотöм, виччысьтöм, весьöпöртана, и Тикö быттьö катша ни рака – некодлы ковтöм, йöграяс костын нимтöм саран кум...



– Нан ты юва¹, саран кум! – кыліс ортысн Юмшанлön лэчыд гөлöс.

Тикö петіс ортсö, мыськыштіс сөйöсь кияссö керкадорса ичöтик пельсаын да мөдöдчис сійöс чукöстысь Юмшанлань, коді сулаліс пöрысь йöграяс костын и кывзіс налысь сёрнисö. Пöльяс öтамöд вежмön висьтасисны, а ыджыд öксы пи довкйöдліс юрнас да чуньяснас ворсöдчис пуртöсö скойöм кузь ыджыд пуртön: кыскыштас – бөр скойö, кыскыштас – бөр скойö. И кывзö гораа висьтасьöмсö. Пöльяс вылö тешкодъ видзöднысö: некутшöм ныр ув си-тош, а сьöд юрсиньсö кыöма вöсньыдик кузь бöжъясö. Öткымынлön коскöдзыс усьö. «Мыйкö пансьö», – мөвпыштіс Тикö.

И збылысь. Неылын сулалісны том да пöрысь аньяс, кианыс, кодлön мый – чуман, тойис, сепыс², куд. Кытчöкö öтчукөрөн мун-

¹ Нан ты юва – лок татчö! (йöгра ног).

² Сепыс – мешöк (важ кыв).

ны лосьодчоны. Тикö синнас лапнитны эз удит – киас суйсны шондi водзын косьтöм чери тыра сьöкыд чуман.

– Шег ям!¹ – шуис сылань видзöдлöм бöрын Юмшан да кинас петкöдлiс мунны. Урайын ыджыднас колис сийö.

Гузьöбөн мөдöдчисны вөрлань. Туйын сёрнитiсны этша. Тикö сы выйö нин гөгөрвöис йöгра кывсö, мый сёрни сертиыс тöдмалiс пыр жö – муноны шойна вылö, мөдар югыдö вуджём чужанвужныслы копыртчыны, корны водзö вылö бурсийм.

Шойнасö йöграяс дзевисны пожöма югыд вöрын. Татчöс чöвлуныс кызкö йиджис пытшкөсöдзид. Воöмаяс разалiсны быдөн асланыс пельöсö. А шойнаыс торьялiс емдiнсаысь. Быд гу вылын танi вöчöма ичотик керка сяма, кык-куим керйысь. Öтиладорсянь вöчöма розь, кытчö сюялöны кулём мортлы сёян-юан. Гувывса керка вевтсьыс позьö аддзыны уна сикас көлуй, кодi йитчöма кулёмаяскöд: көр дадь, важ пыж, киссьöм гымга, лампа, ньöввуж, сямöд куд, пельса, малича коляс, налькьяс, пелысьяс... Ловья дырйиыс йöз быдторсö кужлöмаöсь вöчны. Некутшöм гу весьтын сувтса-вомöна пу пас эз тыдав.

Юмшан аслас чужанвуж гуяс дорын пестiс бипур, разöдiс вайём сёян-юансö керка розьясö и дыр сулалiс чöла. Вом дорьясыс сöмын вöрыштiсны. Тадзи жö и Емдiнын ыджыд мам сулавлiс рыт и асыв вежа пельöс водзын, чöвталiс пернапасьяс, а вом дорьясыс вöрыштiсны Енлы ас кежся шыödчан кывьяс шуалöмысь.

Тикö виччысьöмөн чöла сулалiс некымын воськов сайын да видзöдiс Юмшан вылö, мукöд йöз вылö. Чöвтлiс синьяссö вывлань, көнi помасьлытöг люньгисны-кывтiсны рудов кымөрьяс. «Лоны эськö кымөрөн да тадзи жö кывтны-кывтны вылiтi. Некутшöм йöгра оз судзöд, – мөвпалiс зонка. – Сэки весиг верзьöма Ешнек эськö эз суöd, кодöс Эгатея айка ыстöма ме бöрся. А Юмшанöс вылiсянь эськö дэльöдi, мед вöтчö колöкö аслас отырьясыскöд».

Тикö лэдзис синьяссö увлань. Пожём увьяс вылын сэн и тан öшалiсны көр сюрьяс. Öтиясöс выльөн на öшöдöмаöсь, мөдьяс кадсьыс пемдöмаöсь нин. «Мыйлакö со найö, сюрьясыс, колöны жö, – мөвпалiс Тикö. – А öд йöгра сэтшöм жö йöз, кызди и емдiнсаяс. Нимкодьясьöны, шогсьöны и унджыкыс олöны асланыс удж помысь: видзöны, кыйöны, öктöны, судзöдöны, лосьöдöны, вöчöны... Но и олiсны мед эськö, тышкасьнысö нö йöз муясын мыйла? Мыйла быть вир кисьтны колö? Емдiнöдз нö кутшöм налы мог? Ми йöграясöс огö вөрöдöй, и миянös мед оз. Олöй, видзöй ассыныд көрьяс-нытö (и миянös велöдöй видзны), кыйöй чöскыд чери, вöралöй, вотöй чöd, пув, мырпом, турипув – ылö мунны оз ков, гөгөр сяр-видзö. Тшак оз сёйны... Но и мед. Сытöг сёяныс тырмö парма – вöрас. Öтитор гөгөрвоана: тышкасьны дзык нинöмла. Со, ичотик

¹ Шег ям! – Бур! (йöгра ногөн).

йӱгра пи кодлӱнкӱ тапикасьӱ – сконйыштчас, усьӱ и бӱрдӱ. Бурӱдны колӱ. Кага, кага и эм. Татшӱмъясыд быдлаын ӱткодя бӱрдлӱны».

Юмшан сулыштӱс нӱшта мыйтакӱ, а сӱсся нӱӱжйӱ мӱдӱдчис Урайлань. Кык отыр матысмисны пуяс сайысь да босытчисны колльӱдны, но Юмшан кинас сувтӱдӱс найӱс и мӱдӱдчис водзӱ ӱтнасӱн. Тикӱ восылалӱс Юмшан бӱрся, ылӱ эз кольччы, ӱна матӱ эз матыстчы. Кок улас дзажакылис еджыд кӱр нитш...

Кык матысмылысь отырсьыс ӱтиыс вӱли Ешнек, кодӱ паныдасис ӱридз ю дорын вӱр керкалань матыстчигӱн. Сйӱӱ жӱ и ӱгатей тшӱктӱмӱн кыйӱдӱс да бергӱдӱс Тикӱӱс войся бипур дорысь пышйылигӱн. ӱни Ешнек сюся видзӱдӱс Тикӱ бӱрся и тӱдчис – видзӱдласнас некутшӱм буртор емдӱнса зонкалы эз кӱсийсь. Мӱдарӱ...

Нӱӱввуужйысь лыйсьӱмъяс

Водз асылын Тикӱӱс садьмӱдӱс бубенӱ кучкалӱм шы. Иуси шаман – сйӱӱс Асыка эз босыт аскӱдыс Сосьва вожӱ – ветлӱдӱс чомъяс дортӱ и мый вынсьыс швачӱдӱс бубенӱ. И горзӱс мыйкӱ. Медся сюсь вежӱра йӱгра эськӱ эз гӱгӱрво, мый шуалӱ, горшкӱ косялӱ, пӱрысь шаман. Но – кор шыасьӱ бубен, сӱки и Асыка ланьтлӱ. Та йылысь тӱдӱс быд йӱгра.

Тикӱ пешкыльтӱс чом петанинын ӱшалысь кусӱ да сувтӱс Юмшан чом дорӱ. А Асыка пи ачыс петӱ нин. Чуньяснас тшӱлкнуитис-петкӱдӱс, мед Тикӱ мунас сы бӱрся, и мӱдӱдчис Пелым ю дорӱ, кытчӱ чукӱртчисны урай-паульса йӱграяс – том и пӱрысь.

Гӱгӱр ӱти кыв медся ӱна горалис: «Тулыглап!» Нӱшта кылис: «Маколойка екев»!, «Уй тан»! Но вежӱртасыс ӱти: опшы сйӱм гаж. А мӱд ногӱ шуӱны ылысь воӱм йӱграяс, кӱнӱ сӱрнийс торьялӱ татчӱс йӱграяслӱн серти. Йӱграӱн ӱта-мӱдсӱ, дерт, некод оз шу – асьнысӱ манчиӱн шуӱны. А кӱсийӱны кӱ стӱчмӱдны, кодӱ кытысь, шулӱны и юяс ним серти: пелым кум манчи, сыгва кум манчи, тахы кум манчи...

Чукӱртчӱмаяс горзӱны кодӱ мый, но гажыс ӱти – «Тулыглап». Опшы сйӱм гаж. Ю дорсянь неылын лӱсьӱдӱсны чом, ыджыд бипур пестӱсны, сулалӱны юлань чужӱмӱн.

– Саран хон! Каюк!¹ – кылисны горзӱм шыяс, а Иуси шаман бара швачӱбтӱс бубенӱ.

Пелым катыдсянь тыдовтчис ыджыд, сьӱклӱс пыж. Регыд пыж косӱс йӱз чукӱр дорӱ, и майӱгъясӱн пыкӱм сюмӱд вевт улысь петӱсны кык вӱралысь. Йӱз кытшалӱсны пыжсӱ и гораа авалӱмӱн сьӱкыда кыскисны сӱтысь кузь гӱна ыджыд ошкӱс.

– Тулыглап!

¹ Саран хон! Каюк! – Ыджыд пыж! Зӱв ыджына пыж! (йӱгра ногӱн).

– Маколойка екев!

– Уй таи!

Йоз пызисны: горзёны, сералёны, йоктёны, резёны óta-модсё ваон. Став тайё гажнас веськөдліс Иуси шаман. Юмшан вылө кадысь кадө видзөдлывлөмөн, шаман улөдз копыртчис ош водзын да тшөктіс пыртны сійөс чомйө.

Ош дорын кутісны ноксыны йөгра-вөралысьяс, ставныс топыда кыём кузь юрси бөжаөсь, киясас – емъясөн чутөдөм съөд рөма серпасьяс.

А чом гөгөртасын заводитчис венласьөм: коді медся вына, коді медся тэрыб, коді медся инмысь.

Ньөввужйысь лыйсысьяс вөліны бөрйөмаяс лыдысь. На пытшкын ыджыдаліс Юмшан. Сійө кутіс кияс ассыс ньөввужсө, а ньөв тыра нюлыссө новлөдліс бөрсыйс Тикө. Ньөввужйөн кияс сулаліс и Ешнек, коді кутіс Тикөс йөграяс дорысь пышйигөн.

Гажөдіс чукөртчөмаясөс том отыр – Анемгур. Тикө төдмаліс, мый буретш сылөн айыс кыйөдөма да чергөдөма чомйө пыртөм ошкөс. Ай ошкөс.

Сатшкисны муө майөг, йылас – кужөмөн вөчөм ур. Пас пыдди. Дзик ловъя кодь.

Шутөвтисны-лэбисны медводдза ёсь ньөвьяс. Пасыс сулаліс ылын и кодсюрө эз веськавны. Найө пыр жө и дугдісны венласьнысө. Юмшанлөн ньөвйыс веськаліс пас шөрас. Прөстмөм йөз перьялісны пасө сатшөм ньөвьяссө да вайлісны найөс кольөм лыйсысьяслы.

Кок уланыс пуктісны из – сы сайө вуджны оз позь. Анемгур вөчис воськов бөрө изсяныс и ньөжйө зэлөдіс ньөввужсө, но личөдіс да бергөдчис Юмшанлань.

– Юмшан, а тэ эн на юөрт, кызди пасьян венысьсө.

– Зарни воропа пурт да зарнийөн мичмөдөм пуртөс.

– Та дон сулалө венласьны, – довкнитіс юрнас Анемгур да выльысь зэлөдіс ньөввужсө. Дзик пас шөрас сатшис сылөн ёсь ньөвйыс. Кызди и Юмшанлөн.

Асыка пи ыстіс Тикөс аслас чомйө гарыштілөм зарни воропа пуртысла. Тикө унаысь аддзыліс тайө пуртсө и весиг кияс босьтіс. Пуртыс и збыльысь мича вөлі – киад он вермы дыр кутны, быттё сотө. Чуймөдана югыд серьяса, сійө небыда дзирдыштіс өтарө-мөдарө бергөдлігөн.

Тикө матыстчис вайөмторнас Юмшан дорө. Том ыджыдалысь син пөлөн видзөдліс сы вылө и, мыйыськө дөзмөма, равөстіс:

– Пуртсө му вылө кушөн эн пукты. Сэні эм анча ку. Вай!

Ковмис мөдысь котөртлыны Тикөлы.

Вольсалісны анча кусө му вылө. Пуктісны сы вылө пуртөса пуртсө. Мича!

Этшаон колины лыйсьысьяс пиысь тайо венас: Юмшан, Анемгур, Ешнек да нощта кыкөн – ылысь воом йограяс, кодъяс «Тулыглап» пыдди горзисны «Маколойка екев» да «Уй тан». Абу татчосъяс.

И бара шыасис Анемгур.

– Юмшан, мед видлас лыйны и Эжва Перымса зонка. Кыдзи сійос?..

– Тикö.

– Мед и видлö. Öд «Тулыглап» – ошлы сиöm гаж. Талун ставсö позбö. Торум Ен миян вылö оз кут скöравны, став гажсö кö сиам сылөн енэжвивса вöвлöм пиыслы. А?

– Кыдз шуад...

– Тшöкты сетны Эжва Перымса саран кумлы нбöввуж. Сійö, чайта, оз падмöд миян костын венласьöмсö. Али полан, Юмшан?..

Юмшан кызöктыштис да зэв неокотапырысь мыччис Тикöлы прöстмöм нбöввуж. Мед эз шуны, мый полö. А этиö, Агай вöралысьсылөн пиыс, мыйкö вывтiасьö нин. Ышмöма. Айыс ошсö кыйис да.

– Вот тайö миян збой Юмшан ног, – ошкис Юмшанöс збой сёрниа Анемгур да тшöктис Тикöлы: Лый!

Сьöлöмыс чеччавны пондiс Тикöлөн. Бара сылөн киас нбöввуж и абу кутшöмкö, а Асыка пи кийсь. Бур нбöввуж – тöдчис. Кыскис нюлössьыс öти нбöv, кутшöм сюри ки улас, да сувтiс, кыдзи век сувтлö нбöввужийсь лыйигөн. Пасыс ылын, но веськалан ылнаын. Гөгöр гигзисны-сералисны, кодкö изтор шыбитiс сылань, но Юмшан öзъяна синъясөн видзöдлiс йöзыс вылö и лёкысь ышмыны пырысь-пыр дугдiсны. Көть и сёрни-серам эз кус.

– Лый! – стрöга тшöктис сійö Тикöлы.

Видзöдö пасланьыс Тикö, а син водзас – Емдiн карбердса пожöм пу вожö öшöдöм аслас пасыс. Сэтчö воывлiсны Чангыр понмыскöд. Көсйö вöли лоны Емдiнын нбöввужийсь медся инмалысь лыйсьысьөн. Эз со артмы – веськалiс йöгрöяс киö, и öнi найö ськöд ворсöдчöны, кыдзи көсйöны. Изйөн со весиг шыбласьöны и эн лысьт паньд мыйкö шуны.

Сьöлöмыс Тикöлөн лөнъыштис. Колö петкöдлыны, мый вылö сямма... Сійö читкыртiс синъяссö, зэлöдiс нбöввужсö, эз ёна – тырмымөн, и кокниа личöдiс чуньяссö. Ёсь нбöv гораа сатшкысис пасас.

Йöз шызисны: кольöм вит морт дорö содiс квайтöд, но сійö саран кум, Юмшанлөн вер, кесйылös. Кыдзи тайös донъявны?


А венласьöм мунiс водзö. Квайтнаньыс лыйисны пасö, и квайтнаньыс веськалiсны. Некод эз сетчы. Некод эз пет юрсö öшöдöмөн видзöдысьяс дорö.

Öтсöгласөн шуисны сьöктöдны венласьöмсö. Лыйсян эрд по-

мас, Пелым юлань матынджык, сулаліс чом ыджда из. Шуисны из сайодзыс ылыстны ур паса майогсө. И муас оз сатшкыны, а морт кыподас. Кык повста съокыд: и ылынджык, и пасыс морт киясын лоо – абу муад сатшкөмыд. Дзөрны кутас.

Кык йогра, воюмаяс лыдысь, лыйисны и эз веськавны. Вешйисны бокө, зарниа воропа пурт выло шогпырысь видзөдөмон. Кутшөм ошйысянтор эськө вөлі: Юмшан киясь мича серъяса дона пуртсө босьтөмыс, да кысь...

Мукөдлөн лыйөмыс артмис. Колины Юмшан, Ешнек, Анемгур да Тикө...



И нөшта на съөктөдісны венласьөмсө. Адзисны пон куысь вурөм кузь пельяса юр кышөд. Коланаинад өдйө тай сюрис. Новлөм юр кышөд, важ. Из сайын сулалысь морт качөдас сійөс и выло-улө лэбигас колө удитны веськавны. Татшөм мог.

Ньөввужсө зэвтис Юмшан. Юр кышөд-пас здук кежлө качлігкості нюжмасыны некор. Веськаліс. Тыр

синмөн видзөдліс ас гөгөрыс и воськов-мөд вешйис бокө.

Зэвтис ньөввужсө Анемгур. Лыян пас качис выло и уси бөр вөралысь пилөн сатшкысьөм ньөвйөн.

А Ешнеклөн эз артмы. Ньөвйыс сылөн сөрмыштіс неуна и шутөвтис вылітіджык чөвтөм пассаень. Кымөртчис чужөмыс, довгис сулалысь йөзлань. «Тайө тэныд пышйигам мена кутөмысь», – мөвпыштис мыйлакө Тикө. Эз көйы да мөвпыштчис тадзи.

Тикө сувтіс сы местаө. Вешъялан пассө сійө ачыс вөчлывліс Емдінын: өшөдліс пожөм пу вожйө вөсныд гез йылын повтор, кытчө кыкнанладорсяныс серпасавліс вөрса пемөсьясөс, йөткыштліс өнджыка, сэсса котөртліс ылөджык и зіліс веськавны отарө-мөдарө бовъялысь повторйө. Но сэки поэь вөлі стрөка корсьны некымынысь, кыйөдны да лыйны, кор лөсялөджык. А өні сылы сетөны сөмын өти здук: пасыс качлас и бөр усьө – синтө лапнитны он удит. Отарө-мөдарө оз довъяв. Уси – и ставыс. Тэ ворссин. Ставөн өд тайөс и виччысьөны. Öти морт оз сюр, коді эськө вөлі Тикө дор. Видзөдөны, весиг кыйөм ош йылысь вунөдісны. Унджыкыс Юмшан дор, эмөсь, гашкө и, Анемгур дор. Но Тикө дор тані некод абу.

– Коми енъяс, ыджыд мам, Ивө Чуд Пөль, отсалөй! – кевмысис Тикө.

А видзөдласыс ыджыд из весьтө сатшкысьөма. Мый өні сылы

анчаыд, низыд, ручыд!
 Чашйом-розыодом юр кышодыс
 Тиколы они донадзык медмича
 куа пемосьясысь. Оз на аддзы
 пассо, но ловнас йитчюма нин
 сыход. Сорсыны лыйигад не-
 кызд оз позы. Мед корко
 модысь, но не они... Не они... Не
 они...

Качодисны вывлань кузь
 пельясодыс пон ку, кодос онтай
 на позыо воли шуны юр
 кышодон. Они сийо лыян пас. И
 они сийо дзык пыр жо усяс...
 Быттьо кодко веськодлис Тико
 киясон. Пасыс лэбо выло, а усь-
 ны заводиттодз тшук сувтло –
 ни улло, ни выло. Сидзко неуна
 улоджык колло босытны, медым
 отлаасисны ньовыйс да пасыс.

Шутевтис-лэбис личодом
 чуньяс костысь мынтодом ньов.
 Кыийс пассо. И нободис ыджыд
 из саяс ыло. Тико весиг эбо-
 оммис.

Видзодлис гогор – йограяс
 синнысо чашнитюмаось, пельо
 пыран лонь пуксис. Сэссия вор-
 модчисны, ота-мод вежмон гор-
 зыны кутисны, кинаныс шенась-
 оны.


Матыстчис Юмшан.

– А те волом инмалысь
 лыйсысь.

Тиколон ыркмунлис
 сьолюмыс. Оз тод, мый
 вочавидзны. Пуктис ньоввужо
 зарниа воропа пурт диню да
 вешийс ылоджык. Кодзалис вен-
 ласьюмыс дорю. Нинюм сэссия сылы оз ков. Тырмас.

Но Анемгур оз инась некызди. Водзо ыззьодло.

– Юмшан! Эн логась, но мича пурттю ми огю вермой юкны
 куим пелью. Колло помавны венласьюмсо.



Асыка пи видзөдліс сы вылө букыша, но воча нинөм эз шу. Гөгөр йөз. Сөмын сөгласа докнитіс юрнас – колө помавны.

А гөгөр шызисны, коді мый вөзйө. Медбөрын шуисны тадзи: ёсь нбөвъясөн косявлөм юр кышөд шойсө качөдасны вылө-вылө, и куимнаныс өттшөтш лыясны нбөввужъясысь асланыс водзвыв пасйөм нбөвъясөн.

Пассө чөвтни босьтчис Ешнек. Из торъяс сюяліс, медым вылөджык качөдны. Венласьны заводиттөдз матыстчыліс Тикө дорө, гусьөн мыччөдліс ныр улөдзыс кабырсө да шуис быттё кытчөкө бокө:

– Юмшан өксы век вөлі медся инмысь лыйсьысьөн. И өні лоас... дерт, косьян кө ловйөн кольны. Гөгөрвоин? Пель саяд сюркняв тайос, саран кум...

И муніс эрдвывса ыджыд из сайө. Дзевсис-саяліс.

Тикө колльөдіс сійөс синнас. Ай кок пөв, сійө абу велалөма ни овны йөз мывкыдөн, ни кодыськө тірзыны-повны. Дерт, өні артмө мыйкө лолөн-юрөн пудъясьөм кодь... Но и мый? Ас дорас шыасис: «А гашкө, тайө здук вөснаыс и чужлін тэ, емдінса Турөб Яраш Тикө?»

Юмшан видзөдіс излань и Тикөланы эз бергөдчыв. Төдчис: аслас төждъяс юрас жуоны.

Анемгур нангис вомгорулас кутшөмкө йөгра сылан. Эз дзев: мый лоө водзө – өнісянь сылы дзик веськодь. Петіс инмалысьяс лыдө и тайө сылы тырмымөн. Нөшта унджык шедөдан – аслыд лөк вөчан. Мыйла Анемгурлы лоны сюсьджыкөн Юмшанысь? Нинөмла. Кола кужны ас кадө сувтны...

Куимнаныслөн кианыс нбөввуж. Босьтісны морт нбөвйөн. Шуйга кианыс – нбөввуж, веськыд кианыс – нбөв. Сувталісны, кодлы кыдзи бурджык, вожгөдісны кокъяснысө. Дасьөсь.

Уна дас горөдөм шы улө изъясөн сьөктөдөм юр кышөд качис вылө. Ешнек чөвтіс сійөс некымынысь бергөдлөм бөрын. Куим нбөв өттшөтш шутөвтисны-лэбисны пон куысь вөчөм шевъялысь пельяса юр кышөдпаслань...

Сэтысь кыкисны сөмын өти нбөв – Тикөлысь. Юмшан сы вылө весиг тыр синмөн эз видзөдлы, сөмын кышөдіс мусьыс анча кунас тшөтш зарниа воропа пуртсө, зургис сылы киас да чуньнас петкөдліс, мед пыр жө татысь муніс-весасис.

Тикө тадзи и вөчис. Сөмын пуртсө анча кунас пыртіс Юмшан чомйө.

Сэсса аслас ичөтик чомйын босьтчис быдлунся вөчан уджө: гөгөр югвидзисны помөдз вөлавтөм сов видзанінъяс, паньяс, мутөйяс – татчөс йөгра-аньяслы...

Бырс пырис Юмшан. Киас чабыртөма гартыштөм анча кусө. Шыбитіс Тикөлы кок улас.

– Тайо тэнад. Тадз вөлі шуома. Ме ассым кывйос ог вудж. А өні шыбит мугйястө. Урай-Паульын «Тулыглап» – ошлы сиом гаж. Медся ыджыдъясыс талун Иуси шаман да Анемгурлөн айыс – Агай. Быдөнлы колө лоны накөд. Быдөнлы! И петис чомйысь.

Тикө чөла воськовтис сы бөрся...

Йограяс гажөдчөны

Вит вой чөж горалис Урай-Паульын ошлы сиом гаж. Рытсаянь асылөдз сөйсисны-юисны, йөктисны-ссылисны. Коддзөдан маа сур тыра тойис ветлөддлс кийсы киө. Ыджыд бипур вылын зальзис сөд пөртйын көр яй. Черид – уль, пуома и пражитөма. Сийос вундалөны, чеплялөны, пөсь юквасө юоны джуджыд дора тасьтиясысь. Дона совсө дыр видзтисны, но талун лышкыда пукталөны быдлаө, и быдөнөс сөсся юктөдө. Таысь нимкодъ: гаж кө – мед гаж вөлі, юаныс – коддзөдана, сөяныс – сола. Сэн и тан йөгра аныс чурскөны-юоны вомтө сотысь пакулаа юмов ва.

Витнан войсө юргисны шога-нора и долыд, помасьлытөм кузь сыланкывъяс. Заводитласны гажөдчыны-йөктыны, сөсся чужан-вужсө казтыласны: кодкө тышын усьөма, кодкө вөйөма, кодөскө ош косялөма, а кодкө и сідз вошөма помтөм-дортөм вөръясас: лы ни ку. Шөгө усьлөны, но палялөны да бара гажө сетчөны. Мый вөчан – олөмыс ставнас гудыр-гадыр. Бурис и лөкыс сорласьөма.

Гажсө сиөма ошлы, а ош нимсө некод оз лысьт гаравны. Весиг Анемгурлөн айыс, шуда киа вөралысь Агай, унаысь йөзаддза кайтлс:

– Эн лөгась ме вылө, кузь гөна пөль. Эг ме тэнө көйы кыйны, да сідз тай артмис. Эн лөгась...

И улөдз-улөдз копыртчылө.

Ошлысь кусө кулисны медся нималана вөралысьяс, ставныс кузь юрсиаөсь. Тикө төдмалс бөрынджык: кузь юрсисө йөграяс оз тшөтшөдны, сы вөсна мый лолыс мортлөн олө юрсиас – отсалө тышкасигөн, дорйө тшыкөдчысысь.

А ошкыс вель ыджыд. «Татшөм ошкыдлы сюран кө, весьөпө-ран авөстөмсьяс да и таплөдлас өти здукөн», – мөвпыштис Тикө.

Нөввужъясысь лыйсьөмъяс бөрын сылань, казялис, индалисны чуньөн и некод восьсөн эз вөрөд: Юмшанөс венысь быттьө быдмис на син водзын, лои пыдди пуктанаөнджык.

Ош яйсө суйисны пуны пөртъясө, а сьөлөмсө, пуртөн пасйыштөм бөрын, пуисны торйөн. Сийос ичөтикаөн видлс Юмшан, а сөсся урайпаульса вөралысьяс. Сьөлөмсө пасйөм бөрын ош оз нин ловзы, а сөйыштөмнас выныс ошлөн вуджө мортлы. «Емд-

інын ош кывсö сійöс кыйöм бöрын оз жö гаравны, и сьöлöмсö пасійоны öткодья», – бара казяліс Тикö.

Татчöс олысьяслөн чайтöм серти, коркö, зэв нин важөн, ош вöвлöма мортөн и олöма енэжас, но Торум Ен лөгасьöма мыйыськö да ыстöма сійöс му вылö и пöртöма ошкö.

Бипуръяс гөгөр унаөн йöктісны чужöмнысö тупкөмөн – чышь-янъясөн, роза сямöд торъясөн. Лолыс ошлөн коли на ловъя, – чайтлісны йöз. – Мöдысь коркö аддзас вöрын, тöдмалас, и сәки гортад он нин во.

Быд вой позьö вöлі аддзыны кутшöмкö виль серпас: йöктöмъясөн петкөдлісны, кызд ош öмидз сөйö, а сәсся ваö пырö, кызди вöралысьяс йöраөс кыйöны, кызди көръясöс көинъясысь дорйöны, мудер ручöс кызди туялöны, пыжөн кывтöны, азыласөн гырысь чери кыйöны... Мыйсö сөмын эз петкөдлыны! И ваөн резны öта-мöднысö эз дугдывны.

Витöд вой помланьыс кусі гажыс, и йöз разöдчисны быдөн асланыс чомйö. Ош яйтö видлісны, коді көсйис. Ставсö куртисны сөйисны, нинöм эз коль.

Виль кыа дзаркнитіс-петіс. Бара лун пуксьö гажа вой бöрын. Мый сійö аскöдыс ваяс? Эз весьшөрö котыртны ошлы сіöм гажсö. Йöз-личöдчылісны, а воас виль лун, и налы дась нин код тöдас кутшöм мог. Аски не аски, но регыд быть мыйкö лоас – тайöс быдөн сьöлöмнас кылö.

Асыка пилы козин

Сулаліс «Сукур этпос» тöлысь, емдінсаяс ногөн – «Кöч»¹. Тайö кадö йöграяс пасійоны асьыныс виль во воөм.

Öти ыркыд асылö Урай-Паульö виччысьтөг пырис Асыка, Сосьва ю вожын чукөртöм аслас нинöмысь повтöм отыргьяскöд. Дерт, виччысьтөг унджыкыслы, но Юмшан тöдіс та йылысь и унаысь кайліс джуджыд нöрыс йылö, медым гөгөртны синнас лöзалысь енэжтассö: оз-ö нин воны...

Веськыд ки пöлөн Асыкалы вöлі Айурт, коді нимавліс Ыджыд Из кыкнанладорас аслас сюсьлунөн да шудөн. Емдінын буретш сійö, Айурт, войяс уськөдчылöмнас сетіс позянлун вешйыны венöм йöграяслы кар сайö.

Öні йöгра-көинъяс ветлöмаөсь веськыда Чимги-Тураö, тотара-яслөн Тюмень ханствоса юркарö.

Тюмень ханство кутчысис торйөн Сибырса ханствоысь да зілис аслас вынъясөн паськөдчыны рытыввывлань и рытыв-войывывлань, но сылөн туй вылын зымвидзис-сулаліс збой Асыка, коді нөйтліс

¹ «К ö ч» – сентябрь.

нин тотараясөс. Бөръя кадас Чимги-Тура дась нин вөлі паськөдчыны Пелым юдз да йөртны Асыкаөс Сосьва вожө. Мед сәни пукалө да кын көр лы вильөдө. А Тюмень ханстволөн лоө нөшта өти улус.

Но Асыка пыдди эз пуктыв тотараяслысь ыло инмана могъяссө – ачыс лөсьөдчис веськөдны лөня оломсьыс позялөм ки-коксө да бара дзобөдыштны найөс. И вөчны тайөс буретш выль во пук-сигөн. Бур пас пыдди.

Тура да Тавда юяс костын уна оланіныс тотараяслөн, но Чимги-Тура кар – налөн медся пыдди пуктанаыс, юркарныс. Колскөб-тан сыө, сыркмунлас став ханствоыс, кузяла и пасьтала.

Шуисны вир кисьтана тышө не пырны, а повзьөдны садь быртөдзныс да локны бөр.

Сөрниясысь кывсис: Ыджыд Ен Торум да Сорни-Най абу энов-төмаөсь Асыкалысь отыръяссө – ставныс бөр воисны дзоньвидзаөн. Мый эз артмы Емдінын, артмис Чимги-Тураын.

Еджыд гын юр кышөда пода тотараяс эз виччысьны войся карө йөграясөс, водзасисны асланыс чукля шыпуртъясөн кыздсюрө, өнджыка чарзісны-горзісны да тайөн содтөд лөдсалисны унзиль йөзлысь шөйөвошөмсө. Төдөмысь, Атай мирза сетіс стрөг индөд пысавны есь шыяс вылө карө пырөм йөграяссө да и найөс, коді лэдзис тайө уль яй сөйысьяссө Тюмень ханстволөн юркарас. Пысавлыны сылы паныд мунысьяссө есь шыяс вылө уна йөз син водзын – радейтана видзөдантор Атай мирзалы, но оластөм йөграяс ныр увсьыс кужисны усйысьны.

Чимги-Тураө ветлысьяс воисны Пелым вожө эз куш киөн – өктөмаөсь тышкасян көлуй, а сідзжө зарни, эзысь, уна рөма биөн пөртмасысь дона изъяс. Юмшанлы айыс козьналіс тотараяслысь мырддьөм кокныдик югъялысь шыпурт, дженьыд воропа чер, вөсньыд укладөн өнмөдөм ыло лыян нөввууж, мукөдтор...

Но бурмис сьөлөмыс Юмшанлөн эз тайө козинъясьсыс – сылы вичмис айсянныс мичаа серпасалөм пуртөсын зарниа воропа пурт. Буретш сэтшөм, кутшөмөс шыбитіс Асыка пи Тикөлы кок улас.

Өткодь пуртъяс: Юмшанлөн да сылөн кесйылөс – Эжва Перымса зонкалөн. Өткодьөсь, но веськалісны на киө эз өткодя...

Да, радейтіс озыра мичмөдөм пуртъяссө Юмшан!

Урай-Паульын төв

А сәсся, кызкө төдлытөг өдйө, пуксис төв. Асыв-войвывсянь шывыгысь сьөкыд руд кымөръяс быттө крукачисны Ыджыд Из туганъясө, бергөдчисны бөр и став лымсө уськөдісны Урай-Паульын олысьяс вылө. Вевттысисны еджыд эшкынөн Пелым ю берег

доръяс, гөгөр кам кынтис, мыччысис наридз, а сэсса сувтисны швач-какылан кӱдзыдъяс и тулысӱдз дорисны юсӱ.

Ковмис кыза пасътасыны и дугдывтӱг ломтыны човальяс. Тикӱлы зургисны ныр улас киссӱм ку парка, неблюйысь вурӱм кузь-кузь пельяса юр кышӱд, кодӱ туйис сӱмын лыйсян пас вылӱ, да важ кӱмкот, кӱр куысь жӱ. Овны позьӱ, лыддыны кӱ олӱмнас йӱгра костын ӱтпертаса лун-вой коллялӱмсӱ.

Асыка отыръясыскӱд бара сетчис Сосъвалань. Юмшанӱс и та пӱрйӱ кольӱдис Урай-Паульын. Шуӱма – гожӱм пуксъйтӱдзыс. А сэсса... Но мый лӱӱ сэсса, Юмшан некодлы, дерт, эз восьты, а сӱмын, нюмъялӱгмоз, ворсӱдчис зарни воропа аслас выль пуртнас.

Некымынысь Асыка пи ветлис вӱравны, мукӱдъяскӱд тшӱтш босътлис сӱрсыыс и Тикӱӱс. Зонка бара петкӱдлис асьсӱ инмысь лыйсысыӱн и сюсь вӱралысыӱн... Недыр мысти Юмшан пыртис сӱйӱс асьсӱ видзысыяс лыдӱ, мыйысь Ешнек кутис содтӱд лӱгавны Тикӱ вылӱ.

Кӱдзыдъяс пуксъм бӱрын Юмшан вуджис му керкаӱ, мань-колӱ, да шмонитыштис Тикӱлы кывмӱн:

– Кутам овны ӱтлаын Ильта мувунъяскӱд.

– Найӱ кодъяс? – эз гӱгӱрво Тикӱ.

– Ильта мувунъясыс? Муувса ичӱтик пӱльяс.

– Олысяяс?

– Гашкӱ, тӱян и олысяяс, а миян Ильта мувунъяс. Накӱд колӱ лӱсявны, козинъяс серти, мед эз лӱгавны накӱд орчӱн овмӱдчӱмысь. Тадзисӱ Ильта мувунъяс йылысь шуӱма.

Тикӱ ломтис човальсӱ лун и вой. Тӱдис тайӱ уджсӱ, и Юмшан та кузя некор сы вылӱ эз элясылы. Узьланӱнсӱ Тикӱлы ӱксы пи вичмӱдис ӱдзӱсланьыс, ачыс узьлис пыдӱланыс, човальдорса вежӱс сайын – узьланӱнсӱ сылысь вӱлӱ гӱгӱртӱма кӱр куясӱн. Тшыныс човальсыыс ставнас петлис ортсӱ и позьӱ вӱлӱ пукавны мань-колын и ломтысигас. «Тадзи кокниа позьӱ вӱчны и Емдӱнын, – шензис Тикӱ. – И Кельчи Юр айка оз ков».

Тикӱлӱн быдлунъя тӱждлунӱн вӱлӱны пес да ва. Луннас Юмшан вошласис Урай-Паульын, сӱйӱс бура дӱзӱритлисны, но и Тикӱ тшыгла эз виньгыртлы – сылӱн вӱлӱ аслас пай ыджыд чомйын, кӱнӱ дасътисны сӱян-юан. Дерт, сӱйлӱс, мый кольӱсны. И ставсыыс медбӱрын. Зиль Тикӱ и пусысысь-пӱжасысысяслы отсасис быд лун, йӱгра-аньяслы лои нин пӱшти ас мортӱн.

– Кутшӱм козин сетлӱны Ильта мувунлы, Юмшан ӱксы? – куалис сӱйӱ ӱти рытӱ, кор Юмшан нюжӱдчис аслас узьланӱнын шоньдӱн ымралысь човаль бердын.

Юмшанӱс куалӱмыс эз шензӱд.

– Эм джуджыд кыдз пу Урай-Пауль сайын. Нӱрыс йылын. Гӱгӱр ылӱдз тыдалӱ. Колӱ кыдз пусяньыс матын кодйыны гу,

шыбитны сэтчө көрт деньга да бөр мунас тыртны. Ильта мувун небзяс и кутас орччөн овны лөня.

– Өні муыс лым шебрас улын, кын...

– Сідз. Төвнас мөд ног вөчөны. Колө пузьөдны човаль вылын ва да көрт деньгасө чөвтни сэтчө. Кор ваыс көдзалас, босьтны сійөс, деньгасө, да суйны джоджувса гуө. На! – горөдіс Юмшан да шыбитіс Тикөлы некымын ыргөн деньга. – Тотараяслөн тайө, найө шуөны – тенга. Но мед – туяс.

Сэсса ланьтіс, тшөктіс ланьтны и Тикөлы, да регыд мысти мөдіс кывны гораа шкоргөм шы.

Аскинас нин Тикө суйис ваын пузьөдлөм деньгсө джоджын кодйөм гуө. Бурөсө сійө виччысис и Ильта мувунсянь. А мый олысыяс мань-кол пытшкас эм, Тикө казяліс...

Өтчыд, сөр рытын, сійө восьлаліс му керкаланьыс нбөръясөн төдчөдөм ордымті. Идрасян уджыс вердчан чомйын манитіс, пемыд нин вөлі, да и төлысыс дзебсьөма кымөр сайө. Төлыс лёкыс ува-авакыліс, пуркөситіс кос лымсө, сьвкйис чужөмас, зілис тыртны ордымсө, дзебны сійөс, но Тикө кутчысис сатшкалөм пасъясас да пөшти эз вөйлась. Керкаланьыс матыстчигөн нин төв нырыс тайкө эз пөрөд кок йивсыс, но век жө лои коскөдзис лымйын – кок увсыс воштіс ордымсө. А бушковсыс кыптөм лым бус гартовтчис еджыд сюръяө да швачөбтіс пыран өдзөсас. Здук мысти өдзөсыс гурйив воссис. И клоп пөдлассис бөр...

Тайө пензбөдіс Тикөөс. Бергалан пу каличыс восьса, сідзкө Юмшан керка пытшкас. Пырис – пемыд, ыркыд, човальыс кусны нин пондөма. И некод абу. Корсис кималасөн сямөдтор, торйөдліс посни лестукъяс вылө да суйис найөс өгыръяс костас. Выліас чагторъяс тэчаліс и казяліс – кыис тіралө. Тикө эз лыдды асьсө полысь рөдысь, но орччөн тані ыджыдаліс тыдавтөм вын, йөграяслөн олыся. Төдөмысь, олысыяс вөлі ылысь воөм Тикөлы паныд. Он на төд, кызди водзө вылө олысыяс пондас асьсө кутны. Өдзөссө, дерт жө, сійө восьтыліс. Тикө видзөдліс ас гөгөрыс да юрсө суйис човаль горланьыс, пөлялыштіс дзувъялысь өгыръяс костас. Сямөд лестукъясыс гартчисны. Наө кутчысис би. Тикө бөрйис да тэчис посныдджык пессө. И ставнас сыркмунлі виччысьтөм шысы:

– Ма-ана таята-а!¹

Али вержитчис? Но мөдысь кыліс:

– Ма-ана таята-а-а-а!

А сэсса некымынысь дорыв:


– Ма-ана! Ма-ана! Ма-ана!

Шыыс кыліс быттбө тшын петан розьсыс. Тикө лыйыштіс-петіс ортсө. Чөв-лөнь, сөмын увтышталісны понъяс. Некод эз тыдав төвса пемыдас. Мупытшса керкаысь пуркйөдліс тшын. Ловзис

¹ М а н а т а я т а ! – Мун татысы! (йөгра ногөн).

човальыс. «Тайо ыргө төлыс тшын петанінас, а ме повзи гачтөм пөтей моз, – яндзимпырысь мөвпыштис Тикө. – Төлыс ыргө, а мейым сёрни шы вержитчө. Тадзнад и аслад вуджорысь весьөпöран. Ракаяс сэраласны вак-вакөн».

Мыйкө дыра йөжгыласис бушкала ывлаас, öтарö-мөдарö синсö чөвтліс, а сэсся пырис бөр. Сувтсөн тэчаліс пессö човаляс. Урай-Паулын тадзи ломтысьöны. Гораа ыркнитіс биыс, и дзик нин пель водзас кыліс:



– Уз-зем! Уз-зем! Уз-зем!¹

...Тикө повзёмсö ордйис – уйыштис пос кузяыс ывлань и тангысис керкаö пырысь Юмшанкөд.

– Мый тэнö, той курччис? – броткыштис Юмшан. – Мый-ла пемыд?

– А ме... тшын розьсö видзöдлыны пета вöлі, – сюрис шуны Тикöлы. – Тшынöдöкодь човальыс, мися, лымнас, гашкö, тырöма.

– Ёна и бушкала, пөрöдö төлыс, – керка пытшкөсас нин,

пөрччысигмоз, шуис Юмшан. Тöлыс омлялö, морт моз сёрнитö. Скөр!

Тикö нинöм эз вочавидз та вылö, биасис сартасö да мөдіс öшлыны Юмшанлысь вылыс паськөмсö. Сійö эз лысьт видзöдны Асыка пилян, коді чөв оліс да кадысь кадö сöмын мудера шпыньмунліс...

Ильта мувун вочасөн дугдіс дөзмөдчыны. Корсюрö омлөвтліс на тшын розяс, но Тикö дугдіс пыдди пуктыны шыяссö. «Деньга сеті, мый нöшта сылы колö, – ачыс дөзмыштискодь нин Тикö. – Ме öд эг ас вöляысь татчö лок. Ыджыд вына кö, нуас мед колökö бөр Емдінö. Аттьö сöмын шуа. А оз кö вермы нуны, мед оз и ыждав».

Агай Айкалөн мойд

Кадыс кыссис зэв нёжйö. Дженьыдöсь вöліны лунъяс, но войясыс вывті кузьöсь. Кажитчис: төлыс оз помасьлы некор, век кутас сөпыльтны-усьны лым, чеплясян кöдзыдыс матö воштас, и яраньясянь воом вой төв оз дугды жвучкыны-сотны. Войысь-вой Урай-Пауль бердын мисьтöма омлялісны тшыг кöинъяс. Найöс кыйлісны, а бырöдны эз вермыны. Висьталöны, ёна рöдмöмабсь.

И век жö ас туйвизьöд олöмыс муніс, эз сувтлы. Ошлы сійөм

¹ Узем – кулём, смерть (йöгра ногөн).

гаж дырйи сувтөдөм чомсө эз разьны төв пуксьөм бөрас, а лосьөдісны чом пытшкас – шөрас – нейджыд човаль и татчө во- лывлісны том йөз рытйысьны, кывнысө песны.

Корка-некоркө өтчыд, рытланьыс, пырис сэтчө и Тикө. Сулыштис здук и чөла куткыртчис чом бердланьыс, көні прөстджык вөлі. Некод юрсө эз кыпөдлы.

Югзьыс човаль гөгөр пукалісны том йөграяс. Сёрнитисны өттор-мөдтөр йылыс, гарыштлісны Чимги-Тураө отыръяслөн ветлөм йылыс, вайөмторъяссө казтылісны. Тышын мырддьөмыд абу гусясьөм.

Сэсса чөв усины. Водзын – йөз муө выль ветлөмъяс, выль тышъя- яс. Чомйын пукалысьяс пиысь быдөн ветласны. Но оз быдөн воны гортаныс бөр. Чимги-Тураын енъяс отсалісны, а мукөдлаын, овлө, найө мыйыськө лөгасясны, и сэки повтөм отыръяслөн сөмын ловъя- сныс качөны енэжлань, а му выв олөмыс налөн та вылын эштөма.

Пукаліс том йөз пөвстын и вөралыс Агай, Анемгурлөн айыс. Уна ошкөс чергөдөма, низьөс и вөрканьөс кыйөма лыдтөг-тшөттөг, мыйсө эз аддзыв, мыйсө эз кывлы.

Кутисны корны висьталыштны сыкөд вөвлөмторъяс йылыс либө важ олөмсьыс мыйкө. Агай малыштис сарөг кинас сьөд көсасө, ской- ыштис човальө некымын кос ув да заводитис висьтасьны. Ыждавны эз кут. Оз нин өтчыдыс таdzi висьтась. И пыр мыйкө выльөс.

– Колө бурө пуктыны ассыным енъясөс, – заводитис висьтась- ны вөралыс Агай. – Найө тыдавтөм ён киён дорйөны мянөс, се- төны пөтөса йирянінъяс көръяслы, му пырыс сөдзөдөмөн лэдзөны сөстөм ва да тырмымөн чукөртөны черияслы көрым, вайөдөны вөралыс водзө небыд яя пөткаөс, дона куа пемөсьясөс. Бергөд- чам кө асланым енъясыс, найө бергөдчасны мяяныс. Сэки пом воас манчи войтырлы, йывмам и бырам дзикөдз. Со, кывзөй...

Тикө сюся видзөдіс вөралыс Агай вылө. Зонка пукаліс югыд човаль дорын йөзкөд, кодъяс мыйтакө велалөмаөсь нин сы дорө. Тикө эз төд, мый Агайлөн мойдыс талун оз помась. Мойд помсө сійө төдмалас сөрөнджык. И оз нин Агайсянь.

Тикө, пельсө чошкөдөмөн, кывзис, и окота вөлі, мед мойдыс кыссис дыр-дыр, и шоньд сетыс човальыс мед гажөдіс ловсө, и көдзыд ывлаыс мед вөлі көнкө чом саяс, ылын. Öттшөтшъяс ко- стын, аслыс нюмъялөмөн, кывзис айсө Анемгур. Төдчис, мый кыв- лөма мойдсө, гашкө, абу нин өтчыдыс, но йөз пөвстад и важыс быттьө выльыс вөссьө.

Со, кывзөй...

Оліс-выліс Конда ю катыдын Нимьян – ыджыд юралыс. Сэтчөс вөръяс вөліны озырөсь дона куа пемөсьясөн, а юяс – чөскыд, гөса чериён. Кыйлісны уна: тырмывліс во гөгөр и аслыныс, сэтчөс олы- сьяслы, и сы вылө, медем ньөбны ылі муясыс мича дозмук, чуй-



мөдан рөмөн пөртмасъыс сикөтшъяс сё югыд изйысь, дона паскъом и, дерт, йемтенысь¹ вөчөм шыпуртъяс да уна мукөдтор. Тыр-бура олісны йөз Конда ю вожын.

И ачыс, Нимьян, вөлөма вежөра юралысьөн, ылөдз нимавлөма аслас вынйөрөн да мичлунөн. Но этша коді төдліс, сөмын, гашкө, медматыссяясыс, Нимьянлысь дзевбөм гусятор: кымөс вылас сылөн дзирдаліс кодзув, а балябөжас югзис төлысь. Конда ювожса олысьяс та йылысь эз төдны, сы вөсна мый Нимьян пыр новліс низь куысь вурөм юр кышөд – поліс йөзсө шемөсө уськөдны.

Олісны – шог эз төдны. Но мөдісны усыласьны Нимьян муяс вылө вольной роч котыръяс. И кутісны мырддявны, мый син уланыс усьө, медводз, дерт, дона куяс. Роч муысь воөм йөз копрасисны асланыс енлы. Найө ньөти эз пуктыны пыдди татчөс енъяссө. И Нимьян дөзмис важ енъясыс вылө сыысь, мый найө оз вермыны дорйыны воысьясыс не сөмын мусө да йөзсө, но и асьнысө: рочъяс быд ногыс лөкөдлісны Конда ювожса олысьяслысь енъяссө, и таысь рочъясөс чардби эз сот, весиг ки ни кок налөн эз косьмы.

Сэки мөвп чужис: выль эскөмө сетчыны, и медым эськө пыртіс выль эскөмас эз кодкө, а ачыс роч князь. Но дон босьттөг код нө сійөс пыртас выль эскөмө!

Нимьяныд вөлөма бур вөралысьөн. Өтчыд, дыр ветлөдлөм бөрын, көнкө съөд вөр шөрысь казялөма руч поз, ручпиянөн. Видзөдө, а ручпиян пөвстысь өтилөн куыс дзирдалө зарни дзирдөн да сэтшөм югыда, мый синтө ёрө. Сійөс и кыйис Нимьян. Ачыс чайтө, тайө пө роч Ен отсаліс кыйны зарни дзирда ручсө, Роч муө көсйө нуны да.

Сэсса и туйө петіс дона козиннас. Төлысь муніс, мөдөс, а коймөд вылас воөдчис роч князь оланінөдз. Вольөдөм еджыд изйысь ыджыдысь-ыджыд чом, югыд, шылъыд, а пытшкас йиркыс юр вестын сэтшөм джуджыд – көр вөтлан харейөн он судз. Бердышъяса видзысьяс висьталісны роч князьлы, йөгра юралысь пө воөма, вөйысьө аддзысьлыны. Миянөс, манчиясөс, өд йөграөн быдлаын шуоны. Мед пө пырас. Нимьян пырис, копыртчис муөдзыс князь водзын, но юр кышөдсө оз пөрччы. Князьыд кокнас кам! Коді пө тэ, кытысь воин, кутшөм могөн и мыйла он пөрччы юр кышөдтө, ме водзын өд быдөн пөрччөны. Нимьян вочавидзис тадз: Ме – йөграяслөн юралысь, миян ногөн кө, манчияслөн, и вои тэ дорө могөн, а юр кышөд ог пөрччы, мед не повзьөдны тэнө. Князьыд вочавидзө: Абу, шуө, ме полысь рөдысь – верман пөрччыны юр кышөдтө. Ме вөсна, шуө, тэ эн пов.

Нимьян татшөм кывъяс бөрад босьтіс киас юр кышөдсө, и князьлөн ыджыд чом пытшкыс лои югыдсьыс-югыдөн. Гөгөрвоис князь: тайө мортыс абу мукөдыс кодъ, сійө зэв аслысьяма, мөд

¹ Йемтен – емдон, сталь (йөгра ногөн).

татшөмьд, гашкө и, абу ен югыд пасьталаыс. И меліджык лои. Медся чөскыд сөян-юаннас Нимьянөс вердіс-юкталіс. Сэссия и могсө юаліс. Меным, – вочавидзис Нимьян, – комын вит арөс, но өнөдз абу на пыртөма тіян эскөмө. Ме эськө көсйи, мед тэ лоин менам вежайөн. Мый нө, – вочавидзө князь, – тайөс позьө вөчны, тайөс пө абу сьөкыд вөчнытө.


Сэки Нимьян босьтис киас сьөрсьыс вайөм тубрассө, разис сійөс да паськөдіс князь водзын зарниөн дзирдалан руч кусө. Тайө тэд козин мясянь, – шуис и мыччис паськөдөм руч кусө кыкнан ки-нас. Мөдыдлы өна нимкодь лои, босьтис козинсө да юаліс: А кутшөм воча козин тэ эськө көсйин мясянь? Нимьян асланьыс зэв сюсь вөлі, тадзи шуө: Кабыр ыджда куим зарни тор, позьө кө. Мыйла нө оз позь, – воча кыв кылө, – позьө. И вайисны кабыр ыджда куим зарни тор. Зарниыд өд сьөкыд. Öтиөс босьтис киас Нимьян, суйис аслас тубрасө, а кык кольөм зарни торьяссө мыччис бөр. Тайө, шуө, мед лоө козин мясянь бура вердөмысь-юкталөмысь. Со өд кутшөм вөлөма вежөра да сюсь.

Роч князь пыртөма Нимьянөс и өти сайын гөтралөма, сетөма сы сайө мичаник баяр нылөс. Көлысьыс гажая мунөма, некымын лун, а сэссия Нимьян аслас том гөтырыскөд петөма бөр туйө, Ыджыд Из сайө. Туяд том ань өна шогсьыны пондөма, став олөмөй пө менам коляс зыбуч нюрьяс сайын, сьөд пемыд вөрьяс шөрын, опгьяс да көиньяс пөвстын. Мый, шуас, татшөм олөмсьыс? И мог ас водзас сувтөдас: көть мый, а мездьсыны мустөммыны заводитөм верөссьыс. Юкталас өтчыд кутшөмкө зелляөн, мыйысь Нимьянлөн лолыс петө. А гөтырыс бергөдчас ас роч муас. Висьмис пө да кулі верөсөй. Кулі кө и кулі – нинөм он вөч. Роч Енмыд со абу жө отсалөма.

И гортас Нимьянлөн – неминуча. Яраньяс да тотара төдмалөмаөсь, мый Конда ю котырысь сійө мунөма кытчөкө ылө да сәні кувсьөма. Тайөс кывлөм бөрын уськөдчөмаөсь да сәтчөс олысьяссө – кодөс виөмаөсь, кодөс – аскөдныс нуөдөмаөсь. Пузувтөмаөсь ставсө. А мый кольөма, Роч муысь воөм ушкуйникьяс помөдзыс нин пазөдөмаөсь. Öні Конда ю катыдын некод оз ов. Со мый артмө, кор өтдорган ассыд важ еньястө. Энө корсьөй бурсө кыськө ылысь: көні олан – сәні и колан. Тадзи шулөмаөсь миян важся пөль-пөчьяс. Сюркнялөй пель саяныд тайөс.

Тикө тічвидзис-пукаліс йөз мыш сайын. Човальыс ваймыны нин пондөма, ыркыд войыс суйис ывласьыс чом пытшкө. Тикө мөвпаліс ассьыс. И йөграяс йылысь тшөтш. Абу найө ставныс лөкөсь, эмөсь на пиын и бур йөз. Сөмын кутшөмкө вын со тангө йөграясөс емдінса-яскөд, да и мукөдыскөд. Нинөм тайө олөмас кокниа он гөгөрво.

Вөралысь Агай бергөдліс кос увйөн човальысь өгырьяссө да чөв оліс. Сійө эз ветлөдды йөз муясө, а лөня кыйсис Урай-Пауль гөгөрсө вөрьясын. Таө чуксаліс и том йөзөс. Том йөз сійөс кывзі-



сны, а вöчисны ассыныс. Но бурö пуктылысны. Сюсь вежöра Агай тöдiс, кор, мый да кытысь кыйны. Вöрын гусятор сылы эз вöв. Быд ловъя лов вылö ассыс кадпас сетöма. Шуам, некымын во дорывы бура шедлiс тулан либö кöч, а вöралысь öлöдö нин: локтан во тайö пемöсьясыс ёна чинасны. Оз эскыны: сы мында рöдмöма и öти воөн чинас – сөрöм! Олыштасны, и збыль – абу вöлöм сөрöма вöралысь Агай. Вописны кытчöкö тулан. Камгöны лун и вой шаманъяс гора бубен – весьшөрö: оз мыччысь тулан, и кок туйыс некөн абу. Кöч сiдзжö кытчöкö вопис. Пондöны юасьöмъясөн Агай дорö: Мый лои пемöсьясыскöд? Вöралысь вочавидзö: Важысянь пöль-пöчьяс казялöмаöсь – быд öкмыс во бöрын тулан, вöрканы, сюзь, варыш лыдыс ёна чинлö. Öнi буретш öкмысöд во, а локтан восянь лыдыс налөн бөр кутас содны. Кывзöны, увгöны, но воис кольö и йöз казялöны: збыльмöны кывъясыс Агайлөн. Туланъяс налькйö шедöны, и пон увтöм улö сюрöны...

Дзикöдз пемдiс. Том йöз кутiсны разöдчавны. Мунiс и вöралысь Агай.

– Паям ула!¹ – шуис Тикö кусысь човаль дорын кольччöм том йöграяслы да мöдöдчис узыны.

– Паям ула! – шуис кодкö бөрсянныс.

«Агай айкаöс ме эськö босьтi Емдiнö овны, – мыйлакö мöвпыштiс ас узанiнлань вöсьлалiгмоз Тикö. – Сийö абу мукöд йöграыс кодъ, вир кисьтны йöзлысь оз видзöд. И Анемгур мед айыскöд овмöдчас. Ме эськö Гор öксайлы на йылысь сöмын ошкана кывъяс висьталi».

Небыд сёлöмыс Тикöлөн. Зонка быттö вунöдiс нин, мый йöграяс вынөн вайöдiсны сийöс Ыджыд Из сайö. Ошлы сиöм гаж бöрын, ньöввужйысь лыйсьöмъяс бöрын, кодсюрö мöдiс шуны весиг Тикö отырөн, но унджыкыслы сийö век на «саран кум», Эжва Перымысь мырдөн вайöдöм морт. Йöгра пиысь öткымынъяс вöсьсөн бугжылясисны Тикö вылö, торйөн нин тышъясын доймалöм йöз.

А Юмшан? Сийö эз кут Тикöс дженъыд дом повод вылын – ыстывлiс кыйсыны мукöд йöгракöд, рытын петöмысь эз кут. Мукöдыскöд öтрöвняö, дерт, эз пуктыв, вермис горöдны дзик нинöм абуысь, чирыштны. Но – ошлы сиöм гаж бöрын – ёртöнджык кутiс лыддыны. Эз кесйылöсөн. Кылiс сыын аскоддьöм мортöс. И Тикö тайöс казялiс.

«Бушков» водзын

Воис тулыс. Дзажгис-кылалiс Пелым вылын йи. Мыччысисны лунвылын тöвйысь лэбачьяс. Ловзис вөр-ваыс, гажа лои. Лун югы-

¹ П а я м у л а ! – Аддзысьлытöдз! (йöгра ногөн).

дыс нюжаліс. Сэсса коркө и шоныд лунъяс пуксисны. Юмшан вуджис чумө, а сыкод орччөн сулалысь вушйом гөна аслас дзескыд оланінө пырис и Тикө.

Гожомланьыс матөджык Урай-Пауль вочасөн лои уна йөза. Тикө өні бура гөгөрвоис йөгра сёрнисө: йөз воалісны коръясөн да ва туйөд. Урай-Пауль сайын лун и вой кыліс гораа клёнөдчөм шы, и сук тшын эз быравлы сыланьысь. Тикө төдіс: тайө уджалөны урай-паульса дорччысьяс. «Эм, дерт, и налөн асланыс Би Кабыр», – эз өтчыдысь юрас волы Тикөлы.

Содіс төждыс Юмшанлөн – сійө сёрнитіс-ноксис воысьяскөд и аслас чомйө воывліс войнас нин. Пель йывнас кывліс Тикө, мый ачыс Асыка, Юмшанлөн айыс, сетөма индөд – дженьыдъя кадөн дорны унджык чер, шыпурт, шы, ньөв йыв, ёсь көрт тувъяса сьөкыд палич, состөм дөрөмъяс да юр кышөдъяс көртысь.

Пуксис гожся кад. Ваяс ямисны. Йөграяс костын өнісянь сөмын өти сёрни: Асыка панө выль ыджыд тыш. Но кодкөд?..

Ыджыд перымлы паныд!

Юөрыс та йылысь разаліс пельысь пельө Урай-Пауль пасьтала. Лоан тышыс серти тотараяс му вылө кежавлөм, весиг Емдін вылө уськөдчылөм, позис шуны нинөм вөчигмоз ворсөмөн.

Юмшан бергаліс отыръяс костын лун и вой. А Тикөлөн уджыс төдса: ветлы сэтчө, ветлы татчө, висьтав, юав, кор, юөрт... Асыка чукөртіс став кипод вынсө, та вөсна энөвтны ас чомъяссө мыйкө дыра кежлө, а, гашкө и, некор бөр вольтөм вылө, Урай-Паульын ковмис пөшти став верстыө йөзыслы. Весиг вөралысь Агайлы шуөма вөлі дасьтысьны та пөрийө ылі туйө. Олөмаджыкъяс лөсьөдісны көр дадыас и торйөдлісны ёнджык коръясөс – налы индісны нуны тыш вылө мунысь отыръяс бөрся сөян-юан, тышкасян да мукөд сикас колана көлуй.

Медводдза котыръяс мунісны Урай-Пауль пыр рытыв-лунвыв-лань пөшти сувтлытөг. Скөр Асыка быд мунысь котырлы индөма аслыс туй визь да мог, а сідзжө, кор да кытчө воны. Медводдза котыръяс бөрся сэсса лун и вой мөдісны люзыгыны быдсяма йөзыс – подаяс и көра додыасөн, өткөн и чукөрөн. Конда ю кузя кывтісны пыжаяс, быдсяма пыжыс мыччысьліс – ыджыд и ичөт, вевта и вевттөм. Кытысь мый вермисны чукөртны, ставыс өні тэрмасис сэтчө, кытчө индөма дзор юрсиа, ыджыд арлыдө нин воөдчөм, но некодлы сетчытөм оласа Асыка.

Өти асылө петісны туйө и урай-паульсаяс. Тикө кутчысис Юмшан бердын, кыдзи и вөлі сылы шуөма. Мыш саяс сьөкыд ноп личкис, көр куысь вурөма, да и став паськөмыс көр куысь – дже-

нныд ку парка, юр кышод, комыс. Нинөмөн оз торъяв мукод йогра-
ысь. Сувтовъяс вочлісны геждика – сөмын эбөстөма гылаласны
кутшөмкө косджыкинө, а бара нин тэрыб кокъяса юорник¹ лов
вылын ошалө, тэрмөдлө, өлөдө Асыка нимсянь.

Чорыд тыш вылө тэрмасысь отыръяс костын кывсис, мый
Асыка уна вис пуктөма енъяслы, шаманъяс вом шы быртөдзныс
кевмисны-корисны вермөм. Тотара мирзаяс, кодъяс көсйөны вөлі
босътны водзөс Чимги-Тураө пыралөмысь, сувтисны и сетисны по-
зянлун Асыкалы воодчыны Ыджыд Перымлөн муясөдз. «Йогра да
ханстволөн мог өні өткодь, – гөгөрвоисны Чимги-Тураын. – Ыд-
жыд Из лунвывсянь роч муясөдз паськөдчөм Ыджыд Перым чуж-



тыліс лөглун эз сөмын Асыка-
лысь. Тотара дасьось вөліны ве-
сиг отсөг сетны йограпы, мед
сөмын пазөдісны роч Ен эскөмө
сетчөм Микал өксайос. А мый
сэсса водзө вөчны, Микалос
путкыльтөм бөрын, сэн тыдов-
тчас...

Медводдза тышъяс пансис-
ны Перымса каръяс дорө вотөдз
на – йограпы туйсө потшисны
изкарса, покчаса, чердінса ылө
водзө петөм вынъяс. Найө
вөліны этша лыдабсь да та
вөсна сувтөдны Асыкалысь ара-

васө, дерт, эз вермыны. Но водзсасисны кужөмөн и чорыда. Тикө
шемөсмөмөн видзөдіс налөн шойяс вылө, чужөм сертиныс и паськөм
сертиныс вөліны дзык өткодьось емдінсакөд. «Мый нө тайө лоө, –
майшасис ас кежсьыс зонка. – Артмө, мый ме муна аскөдчөм вой-
тырлы паныд. Найө дорйөны ассыныс мунысө, йогра вылө оз усъ-
ласьны, мөдарө – йогра зырө Перым вылө».

Тикөлы эз лө лөсьыд сьөлөм вылас и, кымын водзө, сымын
өнджыка. Сэн и тан усьөм перымсаяс гөгөр туплясисны йограяс.
И налы өд эськө овны да овны. Сы мында йөзсө коді вомдзалис,
коді тойлө найөс өта-мөд выланыс? Асыка? Но өд сійө морт жө.
Кулас и оз ло. Збыль-ө мый ачыс синмөн адззытөм Торум чуйдөдө
йограос перымсакөд вир кисьтана кось вылө?

Тикө восьлаліс и зіліс видзөдны джуджыд пожөмъяс вылө, кыв-
зысьны зөрсө цыясө. Но – лэдзас синъяссө и бара адззө: йогра да
перымса куйлөны орччөн, өні найө нинөм нин оз вермыны вөчны
өта-мөдныслы, ни лөксө, ни бурсө.

Ас йывсьыс воис мөвп. Вөсьөпөртана мөвп. Өд тадзи жө и ачыс,

¹ Юорник – юөр вайысь морт, курьер.

Тикö, вермас сунгысыны васöд веж нитшка му вылас! Юрыд бергöдчö весиг... Кыдзи вермас лоны, мый нинöм нин оз кут кывны, аддзыны. Колясны визувтны юяс, шондi ассъыс зарни югöръяссö дась лоö койны сы мында жö, мыйта и войдöр. Йöз олöмын нинöм оз вежсы. А Тикö абу нин. Абу! Зонка чуймис: «И татшöмыс вермас лоны? И муыс оз вöрзы? И енэжыс оз пемды?»

Покча бердö воöм

Уна посни, но вир кисьтана тыш пыр йöграяс коркö-некоркö воöдчисны Покча кар бердö. Асыка тöдiс, мый Микал олö буретш Покчаын. Тайö нейджыд карсö босьтны кокниджык Чердiн да Изкар серти, а сэся и, перымса öксайöс венöм бöрын, мукöдлаас ловнаныс усясны. Дась ярлунöн и найöс лоö венöма, öти сайын.

Покча кар сулалiс Чердiнсянь, Ыджыд Перымлөн юркарсянь, матын, сöмын öти чомкост сайын. Джуджыд нöрыс йылын, видзöдö вывлань. Öтарсянныс визув Колва, а мöдарсянныс Покча ю, либö, кыз мöд ног шулöны, Кемзелка, кодi усьö Колваас. Артмö, мый Покча кар сулалö кöдж вылын, а кöдж венöрыс лэччö увлань и вуджö кар саяс сук веж егырö. Нюжалöма егырыс лöзалана ыл-наöдз. Татысянь Асыка и шуис кос кабырөн топöдны Микаллысь радейтана карсö.

Юмшан кутiс Тикöс ас бердас. Зонка сьölöмнас кылис, мый ковмас и сылы пырны ыджыд тышас. Воис йöграяскöд, накöд тшöтш кутас кавшасыны кар мыльк йылас. А перымсаяс... Тикö йылысь найö оз тöдны. Көнкö, дасьöсь нин важөн дорйысыны да венны кортöг воöм аравасö. Оз öд медводдзаясь паныдасыны йöграяскöд, тöдöны найöс воддза тышъяс серти. Тöдöны: Асыкасянь бурсö виччысыны нинöм.

Карбердса егырас и сувтiсны воысьяс. Луныс рытлань нин видзöдiс. Юмшан тшöктiс аслас йöгра-кöинъяслы вöчны лыс чомъяс, бипуръяс пестыны. Шуис, мый асылöдз нинöм оз ло. Ыстiс Покчалань видзöдысьясöс. Шуйгавыв и веськыдывыв кылисны черөн керасян шыяс – пöрöдiсны вöр, увйысисны, тшöтшöдалiсны. Мый тадзисö кералöны-вöчöны, Тикö эз тöд. Горалiсны ыджыдалысьяс, гөгöр тшынасис бипур дорö бипур, найöс тшöктiсны кызд унджык öзтыны, медым лыднас шемöсмöдны перымсаясöс.

Быттö гым-чарда зэрводзвывса бушков гартовтчис Колва да Покча юяс дорын, и тыдавтöм бус чирөн веськалiс сэтчö Тикö. Сылы гөгöрвотöм вöли уна йöзлөн жöдзöмыс, горзöмыс. Чуймöмөн видзöдiс сийö ас гөгöрыс и некутшöм му вежöм эз виччысь. Ковмас пö кавшасыны водзын доквидзысь этийö мыльк йылöдзыс да вынөн босьтны перымсаяслысь Покча кар. Та могысь колö – шуö-

ны – вины медбөръяөдз быд водзасьысь мортос, медым паньд сэсся некод ки эз лэпты ни кыв эз шу.

Карса олысьясысь весалом бөрын – тайос ёна төдчөдлісны ас кост сёрниасын йөгра-көинъяс – сэтысь верман босьтны аслыд юасьтөг ни висьтасьтөг мый син улад усьө. Асыка көйсьысьөма: лоө сетөма позянлун вайны көлуйсө вермана мында. Көръясөн, вөвъясөн, пыжъясөн и татчөс ловйөн кольөм йөзөс доддялөмөн. И кор нин карыс лоө дзык куш, сійөс колө бырөдны-сотны. Татшөм индөсө вайөдөма быд йөгра пельөдз.

Тикө куткырвидзис югзьысь ноддя дорын да рама видзөдіс шоньд сетысь биас. Мый йылысь талун мөвпавны? Торъя нинөм. Видзөдіс биыс вылө да виччысис, мый лоө водзө. Биыс шонтис и такөдіс. Би – би и эм. Быдлаын өткодь. И Емдінын татшөм жө.

Вермас шонтыны, вермас сотны, вермас гажөдны, вермас весьө-пөртны.

Вой шөр бөр. Очсөдлыны заводитис. Ёна лои бергалөма: керасис, кыскаліс ас вылас майөг, коз пу лап, отсаліс лыс чомъяс лөсьөдны. Сэсся тышкасян көлуйсө Юмшанлысь сылөн чом пытшкас тэчис торйөн-торйөн: ньөв тыра мичаа серөдөм нюлыссө да ньөввужсө, кучик да көрт кольчугаа состөм дөрөмъяссө, а сідзжө кийн ку-тан вывтыр сайөдсө.

Унаөн йөгра-көинъясысь босьтисны сьөрсьыныс кытанг нарап – дженьыд воропа, помас йөга, кызд пу нөш. Тышкасигөн сыөн кучкылісны либө шыбитлісны воча воысь мортлань. Өти шыбитөмөн мөдөдлісны паньд воысьсө мөдар югыдө, аслас енъясыс дорө. Быдсөн босьтисны тышкасян көлуйысь медбурсөджык – петіганьыс юралысьяс чуйдөдісны ыджыд тыш вылө.

Тикө лөсьөдіс аслыс шойччанінсө шоньд ноддя дорын: му вылас кызакодь тэчаліс коз пу лап и – мый лоан ло – водіс. Ку паркасө ас вылас чөвтис. Унмыс зэв нин матын вөлөм гөгралө. Вөтнас өти здукөн воөдчис Емва ю дорө. Видзөдө: Ирьянко, лазъя, мөдөдчөма вөрө. Шуө, сьөла пө кыйны муна. Таво сьөлаыс уна. Аслас понйөн. Айыс убөлитөма сетны. Лыско! Лыско!.. Оз шыась Тикөлы. А тэ мыйла татшөм аслыспөлөс лазъя? – юасьө Ирьянко. – Көр куысь. Татшөмъястө Емдінын оз вурны. И козьяныд со абу. Кытчө вөралан чертө сюян? – А менам тайө йөгра лаз, – воча-



видзё Тикё. – Менё од йёграяс Ыджыд Из сайё нуодисны. Ог төд, кызди бөр воодчыны гортё (вотнас воодчёма нин, но быттё төдө, мый тайё сомын вёт). Ыджыд мамой шогсьё-виччысьё, Кыйва чойой сідзжө... А ті кызди сэкисё воодчинныд? – Бура, – вочавидзё Ирьянко. – Йёграяс бурпёт эськё пуркёшитчисны, эз кё вётлыны найёс. Оні лөнъ. А Чангырыд тэнад бур пон. Куим кока. Гортнытё видзё... Мынёма сідзжө йёграясысь, – мөвпыштис Тикё. – Мед. Но мыйла куим кока? Сэтшөмөн пё Емдинё воис, – вочавидзё Ирьянко. И ылыстчыны мөдіс Тикё дорысь. Тикё кутчысис Ирьянко сойё. Босьт, – шуё, – менё, Ирьянко, аскөдыд сёла кыйны. Ме од инмысь. Ошлы сиём гаж дырйи тодан кызди веськалі. Медся инмысьё петі. Со и ньөввуж эм. Оти ньөв сомын, но тырмас. – Тэнад ньөвйид абу сёла вылө, – вочавидзё Ирьянко. – Тэнад ньөвйид Кыз Ку вылө. – И тэ Теренсай Шева пөч моз сёрнитан, – шензьыштис Тикё. Нөшта мыйкё көсйис на содтыны, но Ирьянко вошис сы син водзысь. Забеднө лои Тикёлы, ёртыс виччысьтөг вошис да. Чужөмөдыс, кылө, синва войт весиг лэччыны мөдіс. Көдзыд синва... А мыйла көдзыд?

Тикё восьтіс синъяссө да кимөдзнас чышкыштис вазьём чужөмсө: кымөртчөм енэжсянь шывгис-зэрис. Дженъыдик асья зэр, сійё вөтліс унсө зонкалысь.

Нодьяс зэрсыйс кусны заводитөма. Тикё вөрзьөдыштис вылыс пожөм кондасө, тэчалыштис биланыйс ки улас сюрөм увъяс да сувтіс. Лыс чомъяс дорті бөр да водз заръяліс-ветлөдліс Юмшан. Швичйөдліс муас орсөн. Бокынджык, ыджыд пөртйын, пуисны көрйяй. Чөскыд көрыс мөвкъяліс, кыскис ас дорас садъмалысь йёзөс. Юмшан дорө матысмыліс тэрыб кока юөрник, мыйкё висьталіс и муніс бөр. Юмшан горөдіс аслас йөзлы, мед нуръясисны да вөліны дасьёсь чегны сьылідзирсө перымсаяслысь. Сэсся чукөстіс Тикёөс.

Ас костаныс йёграяс сёрнитисны этша. Одійө дасьтысисны. Ставныс пасьтасьөмаөсь, коскытшнысө злөдөмаөсь, коді чера, коді шыпурта. Чужөмъяснысө мавталөмаөсь. Скөрөсь. Ызгысь араваыс быттё өти лов, и сьлөн өти көсйөм – водзө!

Тикё син водзын здук кежлө мыччысьліс Анемгур, довкнитис сылы юрнас, кутчысь пө, и эралысь йёграяс костас воши бөр.

Тыш

Көнкө ылын кыліс сьомөд буксан шы, сылы вочавидзис мөд татшөм жө шы, сэсся нөшта и нөшта, и вөрыс пасьтала тырис лов шызьөдан шыяснас. Шаманъяс швачөбтісны бубенө, корисны енъясөс отсавны тыш вылө петысьяслы – венны перымсаясөс. Юрөбтісны горөдөмъяс Торум да Сорни Най нимъяс кузя.

И вѳрзисны йѳграяс. Тырѳсь гѳгѳрвѳтѳм лѳглунѳн. Абу нин сѳтшѳмѳсь, кутшѳмѳн вѳліны ошлы сѳѳм «Тулыглап» гаж дырйи. Тѳрмасѳтѳг мѳдѳдчисны найѳ водзѳ, вывлань. Енѳжыс вѳссис, и зѳрны дугдѳс. Петѳс шѳндѳ. Гѳгѳр лѳи дзар югыд. Мыччысисны мыльк йылын перымсаяс. Тайѳ ѳзйѳдѳс йѳграясѳс, и, пель чунавтѳдз горзѳмѳн, найѳ ѳддзѳдѳсны ассыныс вѳсьлассѳ, шыпуртѳясѳн да черѳясѳн шенасигтыр.

Юмшан котырлы шуѳма вѳлі сулавны да виччысьны индѳд. Тикѳ пасѳталѳс ас вылас кѳрт кодѳ чорыд кучик дѳрѳм, лаз сѳяма, перымса нѳвѳьясысь дорйѳг. Юрас – кучик юр кышѳд, чорыд жѳ. Дженъыд шыпуртыс пуртѳсас, Урай-Паулын на сетѳсны, коскытшѳ пысалѳма. Нюлѳсын ѳсь нѳвѳьяс, киас нѳвѳвуж. Сыысь ковмас лылыны перымсаясѳс. Найѳ Тикѳлы тѳдтѳмѳсь, и некутшѳм лѳглун оз кут на дорѳ, но та йылысь кодѳ кутас юасыны? Торйѳн нин ѳнѳ...

Егырсыс ѳттшѳтш петѳсны... ветлѳдлан керкаяс. Тикѳ лыддис – вит. Топыда йитлѳмаѳсь кузь потшѳьясысь. Вевтѳмѳсь. И бѳрсяныс вѳсьсаѳсь. Тыдалѳ, кыдзи йѳграяс кутчысьѳмаѳсь керка пытшкѳсас и кыскѳны ассыныс вѳчѳмторсѳ вывлань. Пытшкас унаѳн тѳрѳмаѳсь, морт дас, гашкѳ, и унджык. Дерт, и видзѳдан розѳтор водзас ѳм, медым аддзыны мунан туйсѳ. Тикѳ вѳмсѳ вѳсьтѳмѳн видзѳдѳс тайѳ «кока керкаясыс» вылѳ. Со мый, вѳлѳм, котшкѳны-вѳчѳны войнас! Керка пытшкас вѳсьлалысь йѳграясѳ ѳнѳ некутшѳм нѳвѳйѳн он судз. Мудерѳсь йѳграяс, со мый юраныс воѳма!

Юмшан бердын йѳгра-кѳинѳяс нимкодѳпырысь гогочитѳсны, нетшкысисны тышѳ, но некод ѳз лысьт вѳрзѳыны тшѳктытѳг – лѳѳ кѳ кутшѳмкѳ неминуча Юмшанкѳд, юрныс налѳн лѳбас сѳйѳ жѳ луннас. Та йылысь бура тѳдѳс быдѳн. Сы вѳсна и видзѳдѳсны водзѳ, но и ѳз лѳдзлыны синнысѳ Асыка пиысь. Збоя тышкасыны да ѳттшѳтш видзны Юмшанѳс – татшѳм могыс йѳгра-кѳинѳяслѳн.

А Юмшан бѳрся видзѳдны сѳѳкыд: ачыс яр би кодѳ – тышкасигас скѳрмас да, матѳ эн сувт, ас не ас.

Туй джынсѳ кайисны «кока керкаяс». Найѳ ѳнѳ лоины ѳти визынынѳс вѳсьсѳн мунысь йѳграяскѳд. Мый лѳѳ водзѳ?

Покчасянѳ чѳв олісны. Но тадзи кыссис недыр. Нѳшта неуна вылынджыкѳсь лоины Асыкалѳн отырѳяс, и горув гѳгыльтчис ѳттшѳтш некымын ыджыдысь-ыджыд из. Весиг мыльк увсянѳ изѳьясыс повзѳѳдчисны асланыс ыджаѳн. Гуд-гуд-гуд!.. Кодѳ ѳз удит чеччыштны гѳгыльтчан туйсьыс, веськаліс из улас да, дерт нин, и авѳстны ѳз вевѳяв. Сѳтчѳ и пом воис. Мѳд пѳрйѳ кутѳсны гѳгыльтчавны изѳьяс вывсянѳ – ѳти из швачѳѳтѳс веськыда «кока керкаѳ». Керкаыс кратшмунѳ-киссис, кылісны горѳдѳм шыяс. Йѳграяс сѳв-сѳв разалѳсны, а мыйтакѳ коли куйлана. Мыльк вывсянѳ кылісны кыпыда горѳдѳмѳяс – перымсаяс явѳ нимкодѳясисны ас-

ланыс медводдза вермөмөн. Юмшан курччаліс вом дорсө да чөла видзөдіс сылань, көні вир кисьтісны сөмын өтиладорсянь.

А мыльк йылын чепөсйис енэжланьыс съод тшына гулыд би, и гөгыльтчисны увлань биөн ыпъялысь кыз керьяс. «Сирён мавтөмаось да өзтөмаось», – гөгөрвоис Тикө. Йөграяслөн бара лоины гырысь воштөмьяс. Өти кер гөгыльтчис «кока керка» нуысьяс кок улө, вөчөмторйыс киссис разі-пельө, а йөграяс авзөмөн чечышталісны коді кытчө. Да нөшта и сотчысь сирыс уналы паськөмас инмөма, ылісянь видзөдан да – би сюрьяяс котөртөны горув. Кутшөмнин сэн налы Покча!

Өткымынөн век жө воөдчисны мыльк йывлань, нөв судзан ылнаөдз. И «кока керкаяс» тшөтш, сөмын витеьыс куим коли. Шутөвтисны воча нөвьяс – лыд ни тшөт. Этшаөн воөдчисны карсө кытшалысь джуджыд мудөд бердөдз. Гылалісны, шыпуртъяссө да черьяссө киас кутөмөн. Авгөмөн. Перымсаясөс өрөмөн. Но «кока керкаяслы» перымсаяслөн нөвьяс нинөм лөксө эз вермыны вөчны. Сатшкысисны сайөдчан бердас и сөмын. Мудөд дорын йөграяс пөлынтьісны вайөмторнысө и на кузя, вомөна потшьяс вывтыс, кавшасисны и лоины кар дорйысьысьяскөд син на син. Бура мөвпалөмөн вөчөмаось тайө керкаяссө – воөдчисны, и лоины посьяс пыдди.

Зэр бөрын югыд шонді улын дзирдыштлісны черьяс да шыпуртъяс. Йөграяс косьөн вуджисны мудөдсө да вошины син водзысь. И пыр жө кутіс кыпөдчыны йөграяслөн мөд гы, коймөд... Уськөдчисны сылань, көні удайтчис пьськөдны пыранін Покча карө медводдза збой отырьяслы. Өні сөмын водзө!

Юмшан дорө сьөкыда кашкөмөн матыстчис кос чужөма юөрник, висьталіс мыйкө тэрыба и муніс бөр. Юмшан пыр жө кыскис шыпуртсө коскытшас пысалөм пуртөссьыс, чургөдіс вывлань да чукөстіс йөгра-көиньясөс петны тышө. Йөгра-көиньяс мөдөдчисны, садьтөг горзөмөн, – тадзи найө асьнысө ышөдісны вир кисьтана паныдасьөм водзвылын. Содтөд, егырас на быдсөн мавтісны чужөмьяснысө ылөдз тыдалана сьөда-гөрда визьясөн. Тадзи, чайтісны найө, еньясыс казяласныджык. И, дерт, перымсаясөс повзьөдлөм вөсна тшөтш.

Мыйта кад коли тыш пансьөмсяньыс – код төдас, но дженьыдик зэр бөрын муыс косьмыштөма нин. Йөгра-көиньяс топыд чукөрөн матысмисны кыззюрө туплясьысь шойяс дінөдз. Кодсюрө ловьяөсь на вөліны, легисны. На дорө егырсянь петісны көра додьяс, медем нуны доймалөмаяссө вөрас, көні виччысьөны шаманьяс да бурдөдчысьяс.

Тикө воши, сорлассис йөгра-көин котырас, но кодкө вынөн чабыртіс мышкөдыс – тайө вөлөм Ешнек – да тойыштіс восьлалысь Юмшан водзө. Горөдіс пеляс Тикөлы:



– Ло век Юмшан водзын,
воськов эн кеж!

Медым воськов не кежны,
ковмис кадысь кадö видзöд-
лывлыны бөрö.

Вуджисны джуджыд
мудöсö – некод эз паныдав.
Тышыс ылысмис карыслөн
дорса керкаяслань. Сэни вун-
далісны, бытшлалісны, керал-
існы öта-мöднысö йöграяс да
перымсаяс. А зыкыс! А горзö-
мыс! А ярлуныс йöзыслөн!
Тикö зілис лоны Юмшан вод-
зын, коді гырыся восьлаліс да
корсис тышö пыранін. Öтила-
ын йöграяс бöрынтьчыны за-
водитöмаось – перымсаяслы
отсöг воöма да найö лоöмаось
унджыкөнöсь. Сэтчö и веськ-
öдчис Юмшан аслас йöгра-
кöин котырыскöд. Матысмис-
ны и – збыльысь: кодсюрö
йöграясысь котöртісны нин
Юмшан котырлы паныд.
Швич-швич! Юмшан мый
вынсьыс кутіс пöвсавны орснас
бöрынтьчысыясöс. Найö сувта-

лісны, а сәсся, тыдалö, воисны ас саяныс.

– Водзö! Сöмын водзö! – горзіс Юмшан и регыд воча воысь кык
вын тангысисны. Гульс-гольс крестасины укладкöд уклад. Кöин-
йöграяс топыд чукөрөн нырсисны-пырсисны паныд котöртгысь пе-
рымсаяс пытшкö, гудралісны, шöйöвоштісны найöс и, дугдывтöг
горзöмөн, уськöдчисны водзлань. Путкыльтісны перымсаясöс пыр-
мунигмоз, гузьöбөн мöдöдчисны карса пурысьöд, юрнысö вылын
кутöмөн. На водзын некод эз тыдав. Олысьясыс, дерт, гөбöчьяса-
ныс дзесбялісны, тірзьöны-пукалöны көнкö, ныр оз мыгчыны, но и
ладнö – наöдз неуна бöрынджык мог лоö на.

Карыс тыртöм, горзыны некод водзын, и йöгра чукөр ланьтіс-
ны. Кодсюрö, öтлаасысьясыс лыдысь, заводитісны нин вошласьны
чöv-лөнь сулалысь керкаясын. Юмшан эськö и ырыштчывліс, но
вөтлысьны на бөрся эз кут. Карыс вөрзьöдлытöм, озыр. Сöмын шоб-
сьынысö водз на.

Тышкасян шыясыс көнкö бöрын колисны. Вуджисны восьса эрд,

быд кар шöрын татшöм эрдыс эм, бара керкаяс топыда сувтисны, а чорзöм лыаа паськыд пурысь нуöдiс мунысьясöс кытчöкö водзö. Тикöлөн юрыс мудзис бөрланьö бергöдчывл-öмгьясысь – сийö вöли Юмшан водзвылын ловъя сайöдөн. Мыйö вермас вайöдны тайö, Тикö тöдiс, но ньöти эз тöждысь асьсö видзыштны. Мый лоан – ло. А сьölöмнас кылис – абу бур водзын пуксьöм чöv-лөнныс. Карыс паськыд, йöзыд сэни уна, и быдөн зильöны дорйысьны, медым не веськавны юр вундысь араваыслы коклябөр улас. Дерт, покчасаяс тöдiсны, мый найöс виччысьö, йöграяс кө венасны. И со – чöv-лөнъ.

– Содтöй воськовнытö! – бара югъевтiс юръяс весьтын шыпуртыс Юмшанлөн. – Нöшта неуна и карыс миян!..

И шуан здукас гөгöрсянь лэбыштiсны йöгра чукөрö биа ньövъяс. Уси öтпырйö некымын морт. Тикö, быттö сылы ставыс тайö ньöти оз инмы, сингьяссö шарöдöмөн видзöдiс пласьт усьöм, тшынасысь паськöма, вирөн ойдöм йöграяс вылö. Найö ымзисны и пессисны лыаа му вылас.

Пурысьöдыс ылö эз и мунны. Лои сувтны. Йöгра-кöингьяс пыр жö тупкысисны вывтыр сайöдгьясөн. Но биа ньövъяс лэбисны и лэбисны дугдывтöг. «Ставыс мöдiс мöдпуткыль», – мövпыштiс Тикö. Лыйсьысьяс эз тыдавны, найö дзевсясисны керкаяс сайын, эмбур видзан кумгьяс сайын, быдлаын, кытчö позис сайöдчыны, и мыччысьлисны сöмын лыян здукас. Öни биа ньövъяс сьяккйисны и шуйгавывсянь, и веськыдывывсянь. Нöшта некымын морт уси.

Юмшан дорö тэрыба матыстчис Ешнек.

– Миянöс танi лыйласны сьöлаясöс моз, Юмшан! – горöдiс Ешнек. – Колö зэв öдйö бöрынштчыны.

– Сёр! Öни колö сöмын водзö! Найö матысянь лыйлöны, судзöдам! – чирöстiс Юмшан да чепöсйис водзö.



Йӱгра-кӱинъяс, ассыныс том юралысьӧс топыда гӱгӱртӱг, уськӱдчисны ськӱд эрд вывсынь матысджык керкаясланыс, медым тышсӧ нӱдны керкаяс костын, дзескыдӱнын, но биа нӱвӱйс сьвкнитӱс сы мында, мый гылалӱсны отыръяс – шог видзӱднысӧ. Таднад регыд некод оз коль ловӱӱн. Сэсся эз нин кутны юасыны Юмшанлысь, мый вӱчны, кодарӧ мунны, а босьтӱсны киняулӱдыс кыкнанладорсянь и кызмырдӱн кыскисны бӱрӧ. Юмшан пыкис, горзӱс, грӱзитӱс, весиг бӱрддзис, но йӱгра-кӱинъяс чӱла нӱдӱсны сӱйӧс бӱрӧ, кӱнӱ оз судзны перымсаяслӱн биа нӱвӱясыс.

Тикӱлы ӱнӱ колӱс лоны Юмшан мыш сайын. Сӱйӧ вӱчис воськов мӱд-коймӱд бӱрӱн, мыйлакӱ бара мӱвпыштӱс: «Ставыс мӱдӱс мӱдпуткыль...». И сконӱйыштчис куйлысь йӱграӱ. Муртса эз горӱд чеччигас: сы водзын вывлань чужӱмӱн куйлӱс Анемгур, вӱралысь Агайлӱн пиыс. Копыртчис сы весьтӧ. Анемгурлӱн синъясыс видзӱдӱсны на, и некутшӱм лӱглун наын эз тӱдчы, а сӱмын дой. Вӱралысь пи апыштӱс сынӱдсӧ, и синъясыс куньсисны. Вом дорас нин лолыс вӱлӱма.

Пидзӱсчаньӱн видзӱдӱс сы вылӧ Тикӱ – чужӱмас вир пас нин эз тӱдчы, кусӱма вирыс, кусӱма мортыс... Век сӱтшӱм сибыд, визув, шань оласа, сы вом-ворӱн он йӱрмы некытчӧ, ськӱд гажтӱм оз босьт. И со... Тикӱлы синва петтӱдзыс лои жаль Анемгурӱс, сӱйӧ вӱрӱдыштӱс кинас куйлысь отырӱс:

– Анемгур, сувт, Анемгур...

Но пӱрӱм пуыд ни тӱвру, ни шондӱ оз тӱд. Со и уклад кольчугаыс абу отсалӱма. Перымсаяслӱн биа ӱсь нӱвӱ косялӱма кӱрт дӱрӱмсӧ киняувсяныс дзик сьӱлӱм весьтас. Вирыс сӱнӱ удитӱма нин сӱрдмыны.

Тикӱ сувтӱс, видзӱдлӱс гӱгӱр. Перымсаяслӱн биа нӱвӱяс лӱбалӱсны ӱнӱ ылытчысь Юмшан котырлань. «Колӱ сӱдны», – чепӱсӱйс Тикӱ, уськӱдчис мунысьяс бӱрся, но гӱгӱрвотӱм ӱсь дой сотыштӱс сӱйӧс друг ставнас. Тикӱ лӱдзис кисьыс нӱвӱвужсӧ и сырк уси Анемгурсянь неылын. Биа нӱвӱяс лӱбалӱсны дугдывтӱг, и быдӱн мыйлакӱ зӱлис сатшкысьны сӱӱ – Тикӱӱ. Мыйла? Некодлы, дзик некодлы ме лӱксӧ эг вӱч. Ыджыд мам! Кыйва! Мамӱ! Айӱ! Мыйла мекӱд тадзи?

Муыс лои гӱрд, енӱжыс лои гӱрд, ставыс лои гӱрд.

И Тикӱ воштӱс садсӧ...

Перымсаяслӱн кытшысь петӱгӱн йӱгра-кӱинъяс босьтчисны асланыс нӱвӱвужъясӧ. Уна воча нӱвӱ лӱбис перымсаяслань. ӱлӱдыштӱс найӱс.

Пась усьӱм саран кумлань ылӱсянькодъ нин синъяссӧ читкыртӱмӱн видзӱдӱс личалӱм кузь нӱвӱвужӱӱн киас йӱгра-кӱин Ешнек. А таӱдз сӱйӧ сьӱкыда восьлалӱс-бӱрыньтчис лӱгӱн тырӱм

ёртъясыскөд, но некымынысь корсьліс стрөка чөвтлыны видзө-
длассө кольччөм Тикöлань. Медбöрын сувтіс да зэлöдіс
ньöввужсö.

Кöинъяс оз радейтны, кор торйöдчöны налөн котырысь.





ЧЕРДІН

Чердінса жыннѣяс



ОВ! БУМ! БОМ! МУЫСЛЫ ПОМ! – бовгис Чердінын ыджыд жыннѣян. Сы бѳрся шыалісны и ичѳтджык жыннѣянѣяс.

Виччысисны муыслы да олѳмыслы пом. Важ Библия гѳгѳрвоѳдысьяс разѳдісны шемѳсмѳдана юѳр му вылын олѳм помасьѳм да Страшной суд йылысь. «Енѣжыслѳн вынѣясыс вѳрзясны, – индылісны найѳ чуньнас вылѳ, – и енѣжыс ѣкмьылѳ гартыштчас».

– Мый сідзкѳ ѳні вѳчны? – юасисны Ен тѳдысьяслысь шѳйѳвошѳм йѳз.

– Кевмысьны вежа керкаясын да гортын. Прѳца корны Крискос Енлысь уна лыда мыжысь. Сѣки, гашкѳ, ловѣясным мездысясны.

И бовгис ыджыд жыннѣян:

– Бов! Бум! Бом!

– Бов! Бум! Бом!

Но Ыджыд Перымыд паськыд, и жыннѣян шыыс эз вермы разавны быд пельѳсѳдз. Унджык олысьыс лыддис ас кежсьыс весѳѳпѳртана туналѳмсѳ сѳрѳмѳн, ун йыв кѳтѳмѳн. Найѳ эз ѣновтчыны быд лунѣя тѳждѣясысь: вѳралісны пемѳс-пѳткаѳн озыр вѳрѣясын, видз-му вѳдитлісны, пода видзлісны, быдтысисны и важ моз кевмылісны-корисны Вой пѳльлысь да Зараньлысь водзѳ вылѳ пѳтѳса лѳнь олѳм.

Дас во на и коли сійо кадсяньыс, кор Иона, нельод епископ Перымса Степан бõрын, пыргіс Кростос Енлы эскомõ татчõс олысьясõс, на лыдын и перымса Микал õксайõс Евõ гõтырыскõд да налысь челядсьõ – Матейõс, айыс кодь õнi паськыд пельпомьяса, но мамыс кодь небыд оласа зонмõс, и Сяриньõс, кодi айыслысь босьтома сьõд синьяссõ да, содтõд, и инас õпшйтõм оласõ. Вõлõс додьявны-лэдзавны, ветлыны верзьомõн веськыда ли, боквыв пукалõмõн ли – ворсõм кодь сылы, мый кõtь и нывка. Ловья би да и сõмын.

Иона воліс Ыджыд Перымõ пыр жõ, мыйõн лои епископõн. Иона босьтчис уджõ перымсаясõс выль эскомõ пыртõмсянь. Недыр олiс тани. Чердiн карын манастырлы да выль эскомыслы подув пунктõм бõрын, сетчис бõр, Емдiнõ. Перымса Степан кадсянь буретш сәни и олiсны епископьяс.

Микал да Емдiнысь волõм епископ аддзысьлісны сәки медводдзаысь и медбõрьяысь.

Дас во со коли.

Унатор вежсис кольõм кад чõжнас.

Йõграясõс бара вõтлõма лои, зәв гырысь воштõмьясõн. Но и йõграяс дыр кутасны казътывны Покча дорын вир кисьтана тышсõ. Асыка гар бõжõн локтiс, люнь бõжõн мунiс.

Вõтлõма, да... А со ыджыд нимкодълун абу. Рытыввывсянь сәтшõм юõрьяс воõны, мый, збыльõсь кõ быттьõ найõ, йõграяскõд вир кисьтана тышыс кутас казътывсьыны челядь ворсõмõн. Кылõ сьõлõмнас Микал – помассьõ лõня олõмыс. Йõграяс заводитiсны, мукõдьяс сигõртасны. Сәки и лоõ му вежõмыд. Сәки и гартыштчас ёкмьылõ енәжыс Ыджыд Перым весьтын.

Но, мый лоан – ло! Водзвыв нинõм няргыны.

– Игнаш! Миня Игнаш!

Сылõн чукõстõм вылõ пырис том морт. Сувтiс да нюмъялõмõн кутiс виччысьыны, мый сылы тшõктасны-шуасны. Олiс Миня Игнаш õксай бердын, колльõдiс сійõс быдлаõ, вõчлiс мый тшõктасны да вõлi сюсь, весиг наян. Микаллы тайõ мортыс вõлi сьõлõм сертиыс, видлiс и дивитлiс эськõ мыйсюрõясысь, но кутiс ас бердас, сы вõсна мый Миня Игнаш гõгõрволiс сійõс кыв джынйысь да шуõмасõ вõчлiс – некытчõ крукасьны.

– Ме тани, ыджыд õксай!

– Кõнi миян атрапейным¹, кызди олõ-вылõ да бурдõ?

– А-а, Эжва Перымса зонкаыс?

– Да, сійõ.

– Вõлi лёк, õнi бурджык. Еника пõч висьталõ, сёйышталõ нин.

Регыд сувтас кок йылас.

– Бур. Сидзкõ воис Перымлы отсõг Эжваысь. Õнi пуж петкõдлам и йõграйдлы и... кодлысюрõ.

¹ Атрапей – трофей (важ ног шуõм).

– Кодкө нө нөшта зырө ми вылө, ыджыд өксай?

– Ме нинөм эг шу, Игнаш. Мун ветлы Эжва Перымса зонка дорө, висьтав Еника пөчлы, мый талун пырала.

– Ме öти здукөн, – сяркнитис-шуис Миня Игнаш да звирк петис ортсө.

Микал матыстчис öшинь дорө. Миса¹ пыр вуджрасисны посадса йөз. Кумач сорса ай курөг, код дорө эз лысытлы матыстчыны чердинса ни öти зонка, збоя горалис аслас «кикуруллю» чуксасьөмөн. Сы выйөдз вельмис, мый кадсө дугдис казавны – кор окота, сэки и чуксасьө рам курөгъяс пытшкын.

Дыр сулалис аслас дзөбөм думъясөн.

– Бов! Бум! Бом!

Гырысьсөсь Чердинын жыннъясыс. Ылөдз кылөны.

«Колө» виччысыны гырысь вежсьөмъяс, – ышловзис Микал, – төв нырыс тани нин». Оз-ө сийө лөсйы жыннъясас:

– Бов! Бум! Бом!

Еника пөч

Тикө восьтис синъяссө да чөла кутис кывзысыны ывлавывса бронакылан шыясө. Сийө велалис нин наө – шыясыс и вөтъясас пыравлисны и вемөс дырйиыс кылисны – көнкө вылын, енэжланяс. «Быттьө енъяс сёрнитөны», – мыйлакө мөвпыштис зонка.

Сийө виччысис йөгра сёрни, но гөгөр вөли чөв. И жыр пытшкыс абу йөграяслөн кодъ – югыд, сөстөм, кос. Содтөд, куйлис небыд шебрас улын и дерт, эз лыс вольпась вылын. Шоньд, лөссыд. Но куйлыны лун шөра лунө!.. Мыйла некод оз горөд: «Саран кум!».

Тикө чөвтис ас вывсьыс шебрас дорсө да чөпөсйис сувтны, но бара кылис дой веськыд пельпомас, и эбөстөма уськөдис юрсө юрлөс вылө. Кунис синъяссө.

И бара – кымынөдысь нин – сувтис син водзас йөграяслөн тышысь петөм. Пласьт усьөм Анемгур. Шутьлялысь ньөвъяс. Горзөм-котралөм. И виччысьтөм ёсь дой. Кодарсянь лэбис сыө ньөвйис? Кытчө вошины Юмшан да сылөн йөгра-көинъясыс?

Ньөжйө кадыс кольө Тикөлөн, лун бөрся лун: унмовсьлас да бара садьмас. И век синнас Юмшанөс корсьө да виччысьсө чукөстөм: «Саран кум!»

Но лөнь югыд жырйын, көни куйлө Тикө. Сөмын коръясөкө аддзө: пукалө неылын куйланінсяныс пөчө, öтырыш печкө, гыж пырыс лэдзө сөдз кудель. Чөрсыс шургө-кылө, пөчө вашкөдө мыйкө аслыс вомгорулас, а чужөмыс мелі и быд чукыр сылөн нюмъялө...

¹ М и с а – слюда, кодөс пуктылисны важөн стеклө пыдди.

Тикö бергöдчыштіс неуна. Печкан сайын пукалысь пöчö ка-
зяліс вөрзьöмсö. Чöвтіс уджсö.

– А со и садьмис миян зоночка. Öнi сёйыштны колö. Нöшта
выныд содас. А сэсса и сувтан... Но, но, но! Ог öд шу – öнi.

Тикö гыррдзавыласьліс, но пöчö тшöктіс водны, небыд кияснас
лöсьöдыштіс эшкынсö.

Тикö ньöти эз дöзмы. Пöчөлөн шуöмысь ли, сылөн небыд ки-
яссьыс ли, дойыс чиніс, и лов вылас кыпыдджык лои. Казьтыліс
мыйлакö ылі Емдінö да ассьыныс Нявийö каньсö. Лöсаятöм мöвп
юрас чужис: каньөн кө вöлі, эськö кургыны заводитіс. Сэтшöма
йиджöма висьтавны позьтöм лöсьыдыс.

– Тэ кодi?

– Ме Еника пöч, зоночка.

– А мыйла комиён сёрнитан?

Пöчö вач-вачкерис кияснас.

– Сё зарнийö! Тайö миян кыв. Мöд ног ме ог и куж. Микал
öксай сяммö рочасьны, а ме ог. Сöмын ас ног. И тэ со ми ног.

Да, тайö збыль. Тикö и чайтны эз куж, мый көнкö зэв ылын
Емдінсянь кылас ас сёрни. Ыджыд Перым... Кывліс сы йылысь.
Ивö Чуд пöль унаысь гаравліс, ме пö воодчывлі том дырйи
Чердінöдз, Изкарöдз, коркө пö и ті воланныд. Абу йöз му, мый
көть и ылын. И Тикö со воодчис. Йöгряс вайöдісны Чердін бердöдз.
Кöсйисны путкыльтны Ыджыд Перымсö, да гөгныс, тыдалö, орö-
ма. Енъяс отсалісны Тикöлы мездысьны йöгрясысь, сöмын тай
ыджыд донөн. Пельпомсö тöбöма, а доймöминыс, кылö, бурдны
заводитöма. Корсюрö лудны-гилявны нин пондылö. Сідзкö, бурдö.

Кольöм лунъяссö босьтчис казьтивны. Вöтөн ли вемöсөн ад-
дзылöма, но вуджрасьöны син водзас и мукöд йöз, Еника пöчысь
өтдор. Пырöны и петöны. Кодкö дойöдз вөрöдас, но кинас малыш-
тас бöрынджык. Казялö Тикö: выль пöв тöбöмаöсь ньöвйөн розьö-
дöминсö. Узьлан көлуйсö вежöны, вердны зільöны, дöзьöритöны
быд ногыс. Öти ань син водзö сувтіс.

– Еника пöч, ме дорö кодъяс волісны?

– Унаөн эз, но кодлы колö – волісны. Микалным ыстыліс чердінса
медбур бурдöдысьясöс. Пыралісны и ачыс, Микал, и мукöд. Виччысьö-
ны, кор сувтан, кор висьтасьны верман ас йывсьыд – кытысь да кодi.

– А тэ со он юась.

– Воас кад, ачыд варовман. Бурдыштан да. Син сертиыд тöдчö,
рам оласа, отир¹ дорö сибалысь.

– Тэ менам ыджыд мам кодь. Бур.

– Быдсөн бурöсь йöзыд. Ачыд кө бур. Ме öд ичöтысянь видзи
и Матеос, и Сяриньöс. Мед енъяс шудсö сетасны налы. Оз кедзов-
тны менö, пöрысьöс, менам öксайлөн челядыс.

¹ О т и р – йоз (перымса ногөн).

– А менө Тикөөн шуоны. Тыр нимөн кө, Турөб Яраш Тикө. Турөб Ярашыс – айө, усылс ушкуйникъяскөд тышын. Емдін бердын. Сэтысь ме.

Еника пөч ышловзис.

– Кывлі ушкуйникъяс йывсыд. Волывлісны и татчөдз. Оз овсы гортаныс, суйсьоны, кытысь позьө гусьон-мырдөн курыштны. Өткодьөсь ставныс найө – ушкуйникъяс, йөграяс, тотараяс...

«...Мыйла оз юась, кызди ме йөграяс дорас веськалі? – мөвпыштис Тикө. – Өд на вөсна и куйла».

Ылысь бара кылісны жыннан шыяс.

...Вөсньыд чуньяса мелі кияс – найө лоины Тикө син водзынөсь. Кодлөн сійө чуньясыс? Чужөмыс вуні, а чуньяссө и өні кылө ас вывсыс. Кокниа инмөдчөны, а кызди лөсялөны! Али вөт тайө вөлі?

Юасьны чуньяс йылысь Еника пөчлысь эз кут, мыйсө он адзыв вөтнад, а пөч быдторсө төд, мый тэд узигад волө.

– Сувтны эськө... – Тикө юалана видзөдліс пөчө вылө.

– И сувтам, – вочавидзис пөчө. – Көсьян кө, и верман. Регыд. Дойманінас изөм кульчунь чепөльөн лэдзышті. Бурдөмыс төдчө. Юрыд дыр сотчис. Вуштөм кушманөн рузум некымынысь вежлі.

– Ылөдз вөтлісны йөграяссө?

– Вөтлісны. Ой-ой сьөкыд тыш вөлі. Посадса отир унаөн усинны. Дзевалісны. Шогыд! Покчаад өні на унаөн бөрдөны. А тэнө, Тикөос, енъяс мездісны. Зарни Аньыс овны кольөма. Аттьө сылы шу.

– Аттьө. Миян өд Зарни Ань жө.

– И бур. Өні верда тэнө пөтка йөн, пөжөм йөлөн, выя рачөн. Чөскыд ляз эм, ма... Мый лолыд корө. Микал, бур морт, тшөктіс медчөскыд сөяннас вердны. Пыравліс тэнад узигдырйи. А со и локтө кодкө бара.

Дзуркнитіс өдзөс, и тыдовтчис Миня Игнашлөн юрыс.

– Еника пөч, овны да вывны!

– Аттьө! А тэ мый лэбалан?

– Микал өксай ыстіс. Емдінса атрапей йылысь юасьө...

– Мый йылысь?

– Атрапей... Тайө зонкаыс йылысь.

– Ним сылөн эм. Тикө. Емдінса Тикө. Висьтав, Игнаш, Микал өксайлы, мед волас, и бурджык, неуна сөрөнджык кө, вердан кад буретш воө.

– Висьтала, Еника пөч.

Миня Игнаш видзөдліс вильыша Тикө вылө, куньтыртліс син пөвсө и воши өдзөс сайын.

– Тэрыб Игнаш, – шуис бөрсьыс Еника пөчө. – Көркө важөн, быдмигас на, воасны айыскөд ылі ягысь, и айыс ыстас Игнашөс бөр, вөр керкаас, мыйкө сәні налөн кольөма. Игнашыс мыжа да сы

вѳсна ѳтнассѳ ыстѳма. Медым мѳдысь сусьджык лѳѳ. А вѳр кер-
каыд ѳд абу матын. Сѳтчѳдз мунны да мунны колѳ. Воѳдчас Иг-
наш пемдѳгас нин. Сѳрѳн казялѳма нелючкисѳ – тѳдтѳм-кортѳм
йѳз вуджрасьѳны. Бергѳдчас да котѳрѳн бѳр. Вѳр керка дорын бер-
галысь йѳзыс – лѳкысь авзѳмѳн сы бѳрся. А тайѳ, вѳлѳм, йѳграяс
гусьѳн писькѳдчѳны Покчалань. Мудзѳма нин Игнаш, сы кузя туй
коймѳдысь вуджѳ да, но котѳртѳ мый ѳм ѳбѳсыс. ѳз суѳдны сѳйѳс
йѳграясыд, воштѳсны син водзсьыныс да кольччисны. А Покчаын,
Игнашлѳн висьтасьѳм бѳрын, шызясны йѳзыс, петасны йѳграяслы
паныд да и вѳтласны найѳс бѳр. Унджыкыслы и пом сѳтчѳ воѳ. А
Игнашѳс та бѳрын, коркѳ сѳрѳнджык, дерт, Микал ас бердас маты-
стас. Зѳв аслыс юра, но оз йѳрмы некытчѳ – изки улысь петас. Та
вѳсна и донъялѳ сѳйѳс Микалным, вежа мортным мяян, Ен мед
сетас сылы дзоньвидзалун.

Микал ѳксай да Тикѳ

Тайѳ аддзысьлѳмсѳ да сѳрнисѳ Тикѳ оз вунѳд некѳр.

Сѳмын удитѳс вердны сѳйѳс Еника пѳч, ѳдзѳс паськыда вѳссис и
кокни воськовъясѳн пырис еджыд дукѳса, кузь кучик кѳма морт –
сьѳд синъяса, дженъыд тошка, чужѳм вылас нюм ворсѳ. «Тайѳ и
ѳм Ыджыд Перымса ѳксайыс», – гѳгѳрвоис Тикѳ. Некутшѳм родѳм
ѳз кыв ас пытшьсыс, сѳмын чужис кѳсйѳм – ѳдйѳджык сувтны кок
йылѳ да зѳльны лоны тайѳ мича туша-мыга мортыс кодъѳн. Нинѳм
шутѳг, Тикѳ чѳла видзѳдѳс морт вылѳ, код дорѳ воис кортѳг, весиг
шышуртѳн киас.

– Чѳлѳм тѳныд, ѳжва Перымса зонка!

– Чѳлѳм тѳд, Микал айка... Мика,..– Тикѳ дзугсис кывъяснас
да шѳйѳвошис.

Микал гажаа серѳктѳс да инмѳдчис Тикѳ дорѳ, кодѳ зѳлис пуксь-
ыны, медым кокниджык лѳи сѳрнитнысѳ. Яндзим бѳсьтѳс шѳйѳво-
шѳмсьыс. «Быттьѳ челядь», – янѳдѳс Тикѳ асьѳ. Еника пѳч заво-
дитлѳс шенасьны кияснас, мед пѳ куйлѳ, оз на позь ѳна вѳрнысѳ, но
Микал петкѳдлѳс кинас, мед пѳ, нинѳм лѳкыс оз ло.

– Пуксьы, пуксьы, сисьйѳг, ѳн тѳрмась сѳмын. Тадз со. И тыр-
мымѳн: Мед юрлѳсыс пыкѳ мыштѳ. Тѳдмасям вай. Ме – Микал
ѳксай, князь, рѳч ногѳн кѳ. А тѳнѳ кыдзи шуѳны?

ѳськѳ и тѳдѳс, дерт. Но збыль тѳдмасьѳмыс пансьѳ ним висьта-
лѳмсянь.

– Тикѳ... Емдѳнысь Турѳб Яраш Тикѳ, – вѳчавидзис зонка.

– Тикѳ. Тадзи и висьталѳс меным бурдѳдысь, кодѳ тѳнѳ мед-
вѳйдѳр видзѳдлѳс да тѳбис доймѳминтѳ. ѳжва Перымысь пѳ. Сьѳкыд
тѳныд сѳки вѳлѳ, тѳда. Ставнас сотчин, ас сядяд гежѳда и волѳн.

Казьтылан пö Емдінтö, гортсаястö и йöгра нимъяс сяркöдан-вись-талан. Öнi неуна варовитыштны верман?

– Верма. Менö кокнöдiс. Талун торъя нин.

– Бур, бур. Сiдзкö, ас йывсьыд висьтышт, Емдiнысь Турöб Яраш Тикö. И кут асьтö гортад моз, личöдчы ловнад, мый кöсьян шуны, сийöс и шу. Он кö вермы, мöдысь вола. Сiдз, Еника пöч?

– Сiдз, сiдз, зарниясöй, – чепöсийс пöрысь морт, – висьöмыд тай кад оз юась. Топöдас кö, и лоö ланьтны.

– Тайö эськö абу висьöм да.

– Дойдасны, и висьö, öксай вердысь-удысьöй. Ортсысянь ли пытшкöссиянь лыяс, а öткодя мортлы инмö. Эн дöзмы, варовми пöрысьыд.

А Микал бурыйсь тапöдыштiс Еника пöчöс мышкöдыс, öд пöрысь морт эз сöмын челядьсö, но и асьсö на сийöс öввöдлiс кызд пу лайканын.

Тикö эз тöд, мыйсянь и заводитны висьтасынысö...

– Ачыл буретш Емдiнсьыс? – воис отсöг вылö Микал.

– Да.

– Ай-мамыд сәнöсь жö?

– Найö абу нин ловъяöсь...

И висьтасян визыс воссис. Ай-мамсянныс и заводитiс-висьтасыны, сы йылысь, кызди найö бура олiсны. Айыс лыйысь и вайысь вöлi, быдтор кужлiс вöчны, вичмöдлiс кад и чоя-вокалы. Мамныс кужлiс керкапытшкöсса олöмнысö тыртны гажөн, нюмъялысь, некор некутшöм сьöкыдлун вылö эз норасылы, а öд сьöкыдлунъясыс, Тикö öнi гөгөрвоö, вöлины и сæки. Сöмын сьöлöмнад оз ков усьны, а зiльны аддзыны олöмыслысь и югыд дзирдыштлöмъяссö. Мамыс ног.

Ушкуйникъяслөн уськöдчöмыс вежис да юкис кык пельö став олöмсö. Тикö öнi казьтылö: ушкуйникъясöдз – челядьдыр, ушкуйникъяс бöрын пыр жö заводитчис версьтö кад. Олöмыс öдйö велöдас быдторйö. Гортса пемöс лыдсö чинтiсны, но дзикöдз эз бырöдны. Емдiнса Гор öксайлөн вöлi лöсьöдöма отсöг ай-мамтöмъяслы, а Иона епископ йöз кост олöмö кортöг эз суйсьыв, сылөн аслас тöждъяс вöлины. И гораджык уджъяс, мед эськö Мöскуаöдз кывсис. Роч сёрни Емдiнын важкысянь нин юргис и зiлис паськавны водзö.

Йöграяслөн Емдiн вылö бөръя уськöдчылöмыс, позьö шуны, путкыльтiс Тикöлысь олöмсö вуж выйöныс. Оз на тöд и öнi, мый сийöс виччысьö аски.

Тикö эз вермы кутчысьны, да висьталiс опшлы сиöм «Тулыглап» гаж йылысь, кöнi лои нёввужйысь медся инмысь лыйсьысөн. Зарниөн мичмöдöм пурт коли йöграяс ордын – мед, сэтшöмнад вөрö он мун, а сöмын мич пыдди позьö видзны көнкö гортад.

А көні гортыс Тикөлөн? Аттьо, мый эз зоръявны на чердінсаяс йёгра чукөр пытшкын налы паныд петёмсьыс...

– Вай тадзи шуам: доймин тэ йёгра ки помысь, – небыда торкис Тикёос Микал, – тэнад пельпомысь өд кыскисны йёгра ньөв, сатшөма зэв пыдö. Кудкö кужысь киа лэдзöма тэö ассьыс ньөвсö. Енъяс отсалісны и миянлы, и тэныд. А, гашкö и, Иона епископыдлөн Енмыс тшöтш.

– Асланым жö буди-а, – кыпöдіс синъяссö Тикö. – Зарни Ань...

– Зарни Аньыд югыд шондісянь, – водзö нуöдыштис, вежа нимсö кылöм бöрын, Еника пöч. – Эзысь вöв сійöс новлөдлө зарниөдөм доддын. Кыті мунас, муыс гөгөр вынсялö – быдтор чужö, быдмö, воö. И бур йöзыслы отсалö.

Микал чöv уси, видзөдны мөдіс мисаа öшиньяль, код сайын дугдывтөг вуджрасисны йöз. «Юрсиыс дзормыны нин заводитöма», – казяліс Тикö. И нöшта мөвпыштис: «Став коланасö лои висьталöма, и сы йылысь сёрни помассис».

– И роч Енмыс абу лөк, – водзö ассьыс мөвпсö нуөдіс Микал. – Велөдöмыс сылөн веськыд: эн ви, эн гусясь, эн ылөдчы, бурö пукты ай-мамтö да сідз водзö. А миян енъяс? Найö-ö мөй мөдарö велөдöны? Чайта, оз.

– Емдінын коми енъяссö лөкөдöны, – суюыштис ассьыс Тикö. – Матігөгөрас коли зэв этша кевмысянін. Ме тöда, көні, да ог висьтав. Аддзасны кө – сотасны.

– Тайö йөз вөчöны, Сус Крестос нимөн, – ышловзис Микал. Сэсса виччысьтөг юаліс: – А гортсьыд ёна гажтöмтчин?

– Да, – сьёлөмсянныс вочавидзис Тикö. – Ме көть эськö талун петі туйö. – Тані абу лөк, – содтіс сійö, Еника пöчлань синсö чөвтлөм бöрын. – Эг эськö көсйи дзескөдны тіянös.

Öксай серөктіс.

– Гөгөрвоа. Тайö жырыыс, кытчөдз он бурд, мед тэнадөн и кольö. Ньöти он дзескөд. А кузь туйö тэныд петны водз на. Воас кад, гашкö, öтлаын мөдөдчам: тэ – гортад, ме – Гор öксайös видлыны. Сійö өд ас морт и весиг быттö öти чужан вужйысь. Олышт. Мед эз ло тэныд гажтөм, ыста Покчаысь Сяриньös да Матеös. Тайö орччөн. Öти чомкост и эм. Радейтöны гожөмсö сэні коллявны. Покчаад лөсьыд, гажа. Видзьясыс, ваыс, сынöдыс. Лолавсьö кокниа. Шойчыштны эськö, да некор.

– Гожөмнад сэтчань и колö мунны, вердысьöй, уджыд оз бырлы, – велөдыштис ассьыс быдтассö Еника пöч.

– Сідз эськö, донаöй да, пөсь гожөмыс и оз лэдз шойчынысö.

– Ачyd тöдан, ачyd тöдан, – шуыштис Еника пöч.

Микал сувтіс да тайөн тöдчөдіс, мый медводдза сёрни Эжва Перымса зонкакөд помассис. Кокни восьласөн сійö мөдөдчис өдзөслань.

– Бурдодчы, – кыв корталіс Микал.

– Месянь улөдз копыр Евё оксанылы, Сяринылы да Мателы, – шыасис, копрасигмоз, Еника пöч.

– Висьтала, Еника пöч. Регыд и асьныс воасны. А ті бурдодчöй тані. Колö зонкаыслы кок йылö öдйöджык сувтны. Ог ме – кадыс тэрмөдлө.

И петіс.

– Гожом заводитчигөн Покчаысь локны Чердинö, – броткыштіс Еника пöч. – Век на мунлісны-а. Нинөм эг кут гөгөрвоны тайö оломас. Му вежомыд, тыдалö, и матын. Ветла талун төдысь ордö, кывза, мый висьталас. А тэ шойччышт, пиук, сёрниясуд öд мудзтөдöны жö. Шойччышт, узышт. Öні тайö медся колана. Регыд, сувтан кок йылад да, вунöдан Еника пöчöс. Со тай, öксай челядь вунөдісны, оз и мыгчысылыны. Вöлнад дыр-ö локны! А водзті ме гөгөр и бергалісны. Да мый вöчан. Гөгөр мог. Быдлаö колö вевъявны...

Тикöс и збыльысь вугыртöдны мөдіс. Сійö эз нин вермы помөдз кывзыны варов пöчöс, синъясыс асьныс куньсисны. Сэсыя уси-вöйи кытчökö, но небыда, быттö мам киясö, и чöскыд, бурдöдан ун шымыртіс сійöс.

Йöгра мойдлөн пом

Вочасөн Тикö сувтіс кок йылас. Бур йöз ордын да топыд сёян-юанөн, сійö öдйö бурдіс, ёнмис, збодермис. Петіс ывла вылö, некымынысь гөгөртіс гырысь öшиньяса керкаяссö, кузьысь-кузь кумьяссö, вöv видзанінъяссö, төдмасыліс «посадса отиркөд».

Чердін нюжалöма Колва ю веськыдладорын. Сійöс, дерт, он öткодяв Урай-Паулькөд и весиг Емдінкөд – шөр пурысыяс пöлөн выліа-уліа керкаяс, и йöзыс тані төдчымөн унджык. «Сöмын вичкоыс миян лыдаджык, – пасйис Тикö. – А сёрниыс дзик öткодь».

Карса аныяс меліа нимтісны сійöс «емдінса зоночкаөн», но унджыкөнныс кутісны шуны «Емдінса Тикöөн», и вужьясис буретш тайö нимыс.

Ичөтысянныс уджö велалөм зонка, Тикö мыжа морт моз видзөдіс йöз синмö да эз төд, кытчö дзедны кияссö. Та боксянь олөмсö сылысь ёна кокньөдіс Миня Игнаш, Микаллөн отсасысьыс. Мыйөн кокньөдіс олөмсö? Быд лун адззывлис удж Тикöлы: кытчökö ветлыны, кодöскö корны. Тикö ас кежсыс аттьöалис Миня Игнашöс сыысь, мый позис ветлөдлыны йöз дорті вылынджык юрөн, да и лунъясыс кутісны чожджыка вежны öта-мөдсö.

Талун сійöс ыстісны Öнджа Як дорö, коді аслас йöзкөд видзис Чердін карсö рытывывысянь. Кар мөдарладорас визувтö уна ваа паськыд Колва ю, а Öнджа Як водзын шыльквидзö син судзан

ылнаодз горув, а сы сайын лозалё помтём парма. Тасянь уськөд-чывлөны кадысь кадö йögраяс да тотараяс, та вöсна тшöктöма вöли видзöдны ылö водзö да кутны сюсьджык йöзсö и лозалысь парма-ас, оз-ö казьявны кутшöмкö лектор.

Тикö аддзис Öнджа Якöс, индiсны – со пö, и... зонка вунöдiс чуймöмысла, кутшöм могөн ыстiсны: сы водзын сулалiс ош мыгöра айка, тошкыс гор пöдан пасьта, кабыръясыс кукань юр ыдждаöсь.

– А-а, емдiнса Тикö! – зонка весиг йögгыльтчис, кор Öнджа Яклөн из-кабырыс уси кыськö вывсянь Тикö вылö, но эз ньöти дойд, а сöмын чуньяснас малыштiс. – Асыка пиöс пö венöмыд ньöввужйысь лыйсьöмъясын. Тайö збыль?

– Збыль.

– Збыль, дерт. Öксай оз кут абутöмсö висьтавны. А кызди тэнö Асыка пи ловйөн колис та бöрын? Йögраяс öд өзъянаöсь.

– Ог тöд. Ме вöли сылөн кесйылöс. Вермис и вины, кöсйис кö.

– Кызди енъяс шуисны, сiдзи и лои, – кыв кöрталiс Öнджа Як. – Тöдöмысь, воин кö нин, сiдзкö, могөн. Висьтав.

– Миня Игнаш тшöктiс юөртны: шондi саймовтчигөн Микал öксай чукөртö ас ордас юрнуöдысьясöс.

– Корö кö, и волам... Емдiнса Тикö, а тэ ачyd волы аски ме дорö, татчö. Мог эм. Верман волыны?

Тикö шензьöмпырысь чатöртiс юрсö, оз-ö шмонит Öнджа Як. Но Öнджа Як эз шмонит, и Тикö вочавидзис:

– Вола, Öнджа Як айка.

– Асывсяньыс и лок. А танi сөсся мян асланым сёрни лöб. Виччыся.

Тикö ньöжйö довгис ас оланiнланьыс. Некутшöм мог таысь öтдор сылөн эз вöv, Миня Игнаш тадз и шуис, ветлөм бöрад пö мый кöсьян, сйöс и вöч. А мый вöчны? Ёрт колiс Тикöлы, öттшöтшъя кымын, мед эськö варовитны, юксыны мövпъяснаныс, кутшöмкö öтув удж вöчны. Кыкөннад гажаджык.

Тадзи, ас йывсьыс мövпалiгтыр, Тикö воөдчис кыздза раскөдз, код сайын тыдалiсны öксайлөн гырысь öшиньяса керкаясыс. Öтилаын, дзик мунан туй дорас, вöли лöсьöдöма лабич. Тикö пуксис шöрас да нюжöдiс кокъяссö. Пельпомас йögра ньöвйысь доймöмыс век на кылис. Тикö казьялис, мый тайö доймöмыс сйöс ёна вежис – эновтiс челядь руыс и сйöс кутiс кыскыны верстьö йöз дорö. Öнi эз нин зиль петкөдлыны асьсö, а вöчис ставсö, мый колö да мый тшöктасны, лöня, ошкөм виччысьтöг.

Мövпыштiс Öнджа Як йылысь. Корис, сiдзкö мыйлакö ковмöма. И тайö мövпыс кажитчис Тикöлы. Кажитчис верстьö мортлы сылөн колöмыс, и юрсö öнi ньöти эз жуглы – аски тайö Көрт айка кодь ён мортыс ставсö ачыс висьталас.

Виччысьтöг Тикö казьялис, мый пукалö лабич вылын оз нин



отнасөн – мөдар помас ка-
завтөг пуксыштөма кузь
синлысьяса, съод синъяса
мича том ань. Тикö кöсийс
нин сувтны да мунны тась,
но аньыс кутана нюммунис,
и зонка коли пукалан. Ань-
ыс эз вөтлы сийöс, мөдарö,
бытьö кöсийс, мед Тикö и
водзö вöли сыкөд орччөн.

– Доймылөм зоночка, тэ
ветлөдлан нин, и меным
нимкодъ таысь. Висьö-ö на
пельпомыд?

Тикö кыпöдыштлис пель-
помсö.

– Неуна доймö на, но
вочасөн бурдö.

– Ме некымынысь маты-
стчыли тэ дорö, кор тэ вош-
тылин садьтö...

...Вöсньыд чуньяса мелі
кияс – найö сэтшөм кокниа
инмөдчылисны. Тикö
гөгөрвоис, мый буретш тайö
аньыс и воylvлис сы дорö.
Вежöрас коли чужöмыс,
кодöс сэки адззывліс бытьö

мисаа öшинь пыр. Сидзкö, вемöсөн вöлөма казътылан серпасыс.
Сийö дыр видзөдіс чөв олысь мича ань вылö, корсис колана кывъ-
яс. Мыйкö колö вöли сьөлөмсянь шуны.

– Аттьö! Тэ воylvлин ме дорö. Ме вöли ог төд, коді. Но öни
аддза, тайö вöлин тэ, – Тикö куньліс синъяссö да бөр восьтіс. – Да,
тэ! И меным кокньыд лолі тэнад волөмъяс бöрын.

Ань дыр нинөм эз вочавидз, пукаліс да чöла видзөдіс ас водзас.
А сэсся юалис:

– Тэ олин төвсö Урай-Паулын? Йöграяс костын?

– Да, ме веськалі на киö, кор йöграяс уськөдчылисны Емдин
вылö.

– Кутшөмөсь найö, йöграясыс? Ставныс лөкөсь?

Тикöс мырдөн нуөдісны Ыджыд Из сайö, сийö вöли кесйылөсөн
Юмшанлы, оліс лун да вой, ылö водзö эз видзөд, и йöграяс быдся-
маыс вöліны, өткодявны ставнысö оз позь. Со көть Анемгур, либö
сылөн айыс – вөралысь Агай, коді шоньдөн ымралысь човаль до-

рын чумын висьталіс Нимьян йылысь мойд. Тикöлы сэки окота вöлі, мед эськö мойдыс кыссис дыр-дыр, и човальыс гажöдіс ловсö, и кöдзыдыс вöлі ортсын, чом саяс...

– Йöграяс эмöсь быдсямаыс...

И Тикö тэрмасьтöг кутіс висьтавны йöграяс ордын аслас олөм-вылөм йылысь. Заводитіс пель пöла Эгатеясянь, код син улын сійöс вайöдісны Урай-Паульö и коді медводзöн заводитіс велöдны сёрнитны йöгра ногөн. Мыйла воссис тайö кузь синлысьяса ань водзас, Тикö ачыс эз тöд. Кольöмаыс вөрзьöдіс бара сьölөмсö, и сійö висьтасис. Шоньд чомйын Агайлөн мойд... А мойдыс тайö Нимьян йылысь, коді оліс-выліс Конда ю катыдын. Сійö муніс Роч муö да сетчис выль Ен эскöмö, асьыс ентъяссö вунöдіс. Та вöсна и ентъяс дзугисны сылысь лючкиа олөмсö. Роч муын гөтрасьöма баяр ныв вылö, а баяр нылыс кутшöмкö зелля отсөгөн виöма йöгра юралысьсö.

– И ставыс? – нюммуніс ань.

– Ставыс, – вочавидзис Тикö. – Ми сэсея разалім быдсөн аслас оланінö. Вой нин вöлі. А мый?

– Тайö мойдыслөн эм пом. Кöсьян кывзыны?..

– Дерт. Кöсья.

– Баяр ныв, коді лои гөтырөн Нимьянлы, воис Нимьян кувсьöм бöрын ас Роч муас бөр. И коркö чужи сылөн пи.

Ичөтъясыд бөрдысьсöсь. И бөрдігас кагаыс шуалö вöлі: «Энэ, энэ!» Мамыс и ним сетас: «Öндрей». Тадз пö ачыс, тыдалö, кöсйö. Быдмис зонка, но Öндрейөн асьсö некор эз шулы, тайö ним вылас эз шыасылы. А тшöктіс нимтыныны асьсö Энэуртөн. Йöгра вирыс шыасис сы пытшкын. Ён мортөн лои, и тайөн уси син водзö мöскуаса князьлы. Чум ыджда из вермыліс вөрзьöдны. А нöшта и пытшкөсса вын асьыс казяліс: видзöдласнас вермис мортöс ас дорсьыс вештыны. Сэки мöскуаса князь йöз муяскöд ёна тышкасьліс и век ыстыліс Энэуртöс медся вир кисьтанінас. Пыдди пуктылöма Энэуртöс, но и полöма сыысь. Вывті нин ён да. Гашкö пö, усяс кутшöмкö тышын. А Энэурт век воліс вир кисьтанінъясысь дзоньвидзаён. Öтчыд князь чукөргас озыр пызан сайö асьыс воеводаясöс да медся повтöмъясöс. А Энэуртöс эз кор. Мортыд скөрмас да князьлөн оланін öдзöс дорö гөгыльтодас медся ыджыд изсö, кодöс аддзас. Пырны ни петны некод оз вермы.





Висьталісны та йылысь князьлы. Ёна и скөрмас князьд. Сэн жё, пызан саяс, кабала вылө гижас: «Энэуртөс вердны-юктавыны усьтөдзыс, а сэсса юрсө керавны». Ыстас кабаласө кар видзысь воеводалы, код улын карса став ратникыс. А сы ордын буретш Энэуртыд пукалө. Абу лэдзөмаөсь князь ордад да ковмөма кытчөкө воштысьны. Сьөлөмнас кыліс – гижөдыс сылы паныда и чөвтіс ассыс видзөдлассө вайөм кабалаыс вылө. Карса воевода и лыддьö: «Энэуртлы сетны медбур вөвъясөс, пуктыны тырмымөн сёян-юан да бласлөвитны туйö. Кытчö – ачыс төдö». Воевода чайтö: «Бара выль тыш вылө Энэуртөс ыстөны». И вөчис ставсө, мый лыддис кабаласыс. Бөрын эськө и казялөмаөсь гижөд вежөмсө да сёр нин – Энэурт лючки воөдчөма Конда ю вожөдз. Айыс серти юралысьөн лоөма, йөграяслы уна бур вөчөма.

Тикö быттö бара воліс Урай-Паульö. Весиг ас гөгөрыс видзөдліс, но ни чумъяс, ни мупытшса төвса оланінъяс, мань-кольяс, абуөсь.

– Мича мойд, – шуис Тикö. – А ме эг и чайтлы, мый мойдлөн эм на татшөм пом.

Мича ань сувтіс.

– Тайö абу на пом, зоночка. Помыс мойдыслөн водзын на. – Ань гораа ышловзис. – Коді тэнö вайөдіс Урай-Паульөдз?

– Эгатея айка.

– Сылы тшөктісны вайөдны?

– Дерт, тшөктісны. А мортыс ноксис мекөд, йөгра кывйö велөдіс.

– Шуан, пышйылін сыысь?

– Пышйылі. Но кутісны. Ешнек кыйөдіс. А Эгатея айка йылысь менам казътылөмъяс бурөсь. Сылөн аслас олөмыс, висьталөны, абу артмөма: доймалөма, вөлөма юралысь отырөн – вештөмаөсь, радейтана нывсө пышйөдөмаөсь...

– Эгатея... А өд Энэурт лоө сылөн айөн, Нимьян – пөльөн. Со татшөм содтөд мойд дорас.

– Нимьян – Эгатеялөн пөль?!

– Сідз. А Эгатеялысь радейтана нывсө, шуан, пышйөдөмаөсь?

– Урай-Паульын ме унаысь кывлі та йылысь.

– Тайö нылыс ме.

– Тэнö шуөны...

– Лули.

Тикö чуймис виччысьтөмысла. А кузь синлысьяса мича ань – Лули – шога нюммуныштіс да ньөж воськовъясөн веськөдчис керкаяслань.

Бергөдчыліс на.

– Паям ула!

– Паям ула! – вочавидзис Тикö. И коли пукалан. Сійөс быттö дорисны лабичас. Эгатея айкалөн Лули нылыс Чердінын! Мыйта

корсис, а сійо со – орччөн Тикөкөд пукалис и сэтшөмтор висьталис – юрыс бергөдчас. Дыр на Тикө шензис ас кежсьыс, сәсся сувтис да мөдөдчис ас оланінланьыс. А юрас век на: «Эгатеј – Лули..». Но нөшта өти мортлы колө лоны тани, өд оз өтнасөн во Чердинө Лули, сыкөд орччөн вөлі Арси. Найө радейтөмаөсь өта-мөднысө. А кы-
дзи өни?..

Сяринь да Мате

Чердін – юркар Ыджыд Перымлөн – сулалө сизим мыльк вы-
лын. Уна йөза, а корскорө и зөв уна йөза, кор друг вооны татчө



вuzасьны-нөбасьны быдла-
дорсянь. Бөрья воясө өна
содис лыдыс роч купечьяслөн,
кодьяс воливлісны татчө дона
куясла да нулісны куяссө
быдса додьясөн. Сы пыдди
кольлісны көрта көлуй, дона
паськөм, чөскыд сөян-юан.
Чердін восьса вөлі быдөнлы,
коді волис бурөн, а лөк ко-
тырьясысь сійөс вөлі
гөгөртөдөма джуджыд
мудөдөн да ёсь йыла керья-
сысь топыд, өн потшөсөн.
Мудөд водзын нюжалис ва
тыра кырөм. Потшөс пөлөн

сулалисны дженьыд керьясысь тшупөм вылын юра керкаяс, өши-
ньяс пыдди сәні – лыйсян розьяс. Татшөм розьясыс сөмын медвы-
лыс судтаас.

Буретш татшөм керка дорын мөд лун асывнас Тикө аддзис
Өнджа Якөс. Сы гөгөр жуисны йөз, кианыс нөввужьяс, шыпурть-
яс, шыяс, черьяс... Юргис коми сөрни – Емдінын кодь и неуна мөд
пөлөс.

Тикөлы сылысь могсө өдйө гөгөрвоөдисны. Сувтас лыйсян розь
дорө нөввужйөн (сылы суйисны киас кокньөдөм нөввуж). Орч-
ча лыйсян розьяс дорө сувтасны и мукөд лыйсьысьяс. Водзын –
луйсян пасьяс, визьясөн сувтөдалөма: медводдза визьыс медся
матын, мөдыс ылынджык, коймөдыс нөшта ылын и сідз водзө,
судзтөм ылнаөдз. Пасьясянныс бокин кутасны кыпөдчыны Чер-
дінлань торйөдөм йөз, и колө зільны веськавны сійө визия пасө,
кодкөд өтрөвнясясны матысмысь йөзыс. Өнджа Як көсийс төдны:

кымын лыйысь – ылӧсас – ковмас, медым сувтӧдны, шуам, 100-200 мортӧс.

«Тайӧ чердінсаяслӧн велӧдчӧм, – гӧгӧрвоис пыр жӧ Тикӧ. Сылы нимкодъ лои сыысь, мый сійӧс лыддӧны верстӧ мортӧн да сувтӧдӧны медся инмысь лыйысьяскод орччӧн. – Тайӧ абу Емдін сайын бовъялан пасӧ лыйлӧмыд и весиг абу Урай-Паулын лыйсьӧмъяс – сәні ворсӧм, а тәні Чердін дорйыны лӧсьӧдчӧны».

Тикӧ эз тӧд, кодӧс виччысьӧны. Йӧграӧс? Татшӧм вир кисьтана тыш бӧрын найӧ дыр оз воны ас садяныс. Ушкуйникъяс? Чердін вылӧ найӧ оз уськӧдчыны. Ушкуйникъясыд ветлӧдлӧны рӧзбой вӧчны 20-30 морта котыръясӧн, а тайӧ Чердіндылы тшаква.

Тикӧ бур боксянь петкӧдліс асьсӧ. Не кымын медся ылыс пасас сійӧ эз веськав, но инман ылнаас нӧвъясыс сылӧн ӧти бӧрся мӧд сатшисны пасъясас, кодъяс быттӧ тшӧтш кыпӧдчисны вывлань котӧртысь йӧзыскӧд орччӧн. Колӧ вӧлі лыйлыны ӧдйӧ и стӧча.

– Бур! Тэ и збыльысь инмалысь лыйсьысь, – ошкис Тикӧӧс Ӧнджа Як, кор кыпӧдчысь йӧз воӧдчисны ӛсь керьяса потшӧс дорӧ. – Та йылысь меным ӧні висьталісны.

Тикӧ эз тӧд, кызди эськӧ асьсӧ кутіс ловъя йӧзлы паныд, та вӧсна ошкӧм вылас кыв ни джын эз шу. «Вомдзассыны на верман», – юрас мӧвп воис.

Татчӧ жӧ матыстчис Микал ӧксай. Орччӧн сыкӧд воисны вӧсныыд мыгӧра збой нывка да нӧжмыд вӧраса чӧв олысь зон.

– Уна-ӧ лыйсьысь ковмас, медым сувтӧдны, шуам, сӧ морта котырӧс? – юалис Микал.

– Сӧ морт вылӧ ветымын морт. Этшаджык оз позь, – вочавидзис Ӧнджа Як. – Наысь кындзи, ковмас сувтӧдны пищальысь дас-дас вит лыйысьӧс да сы мында жӧ изйӧн лыйысь пушкаяс.

– Мукӧдлаас уна жӧ корӧны...

– Тайӧ этша пыдди. Лыйсьӧмъяс петкӧдлісны. Чинты мянлысь лыдсӧ и – пӧрӧдасны. Тані ӧд медся виччысяніныс. Уна йӧзӧн позьӧ зырны мянлы паныд сӧмын тані.

– Видзӧдлам. Шуан, бура асьсӧ петкӧдліс Эжва Перымса зонка.

– Меным висьталісны, зэв бура! Сійӧс колӧ пыртны лыйсьысьяс лыдӧ. И велӧдны пищальӧн лыйсьыны. Синмыс ӛсь.



– Сідзкө, бур отсөг ыстисны меным Емдінысь, – нюммуніс Микал. – Со, тōдмасьōй, – сійō индіс орччōн сулалысь ныла-зонма ыылō. – Сяринь да Мате. А тайō нималысь зонмыс – Тикō, Эжва Перымысь.

Өнджа Яккōд Микал өксай сәсся муніс йōз дорō.

Керōсті кыпōдчысьяс сьōкыда лолалисны – налōн сійō и уджыс вōлі, медым тәрыбджыка воодчыны есь йывъяс потпōс бердō. Ассыныс могнысō пōртисны олōмō, но, дерт, и мудзисны. Микал да Өнджа Як өні сәрни панисны накōд.

Тикōлы вōлі шуōма тōдмасыны. Сійō кольччис да мыйкō дыра чōв оліс, эз куж, мыйсянь заводитны сәрнисō. Ныла-зонма видзōд-исны сы ыылō, виччысисны. Бōрынджык быттьō сюри мый шуны.

– Емдінын дзик жō тадз, – шуис сійō, – но йōграяс пырōмаōсь карас. Колō, ме думысь, кызд позьō ылысьджык казавны воысь-яссō.

– Вōралысьяс эськō ыліті гōгралōны да,.. – заводитіс зонмыс, но сійōс торкисны:

– Тәнō збыльысь шуōны Тикōөн? – юалис нывка.

– Да.

– Тешкодъ ним. А менō Сяриньōн шуōны. Тайō менам вон¹ Мате. Айō шуис, гожōмсō тә миянын олан.

– Ог тōд...

– Миянын, дерт. Тә повтōм зоночка и лыйсян со бура. Тәнō ошкис ачыс Өнджа Як. Менō Өнджа Як шоча ошкывлō, а Матеōс некор оз.

– Кхы... – кызōктыштіс вокыс.

Медводдза аддзысьлōмсыс тōдчис, мый чоя-вока ена торъялōны ота-мōдсыныс. Сяринь кō вōлі кыла-вора, збой да вильыш нывкаōн, Мате, мōдарō, сәрнитіс этпа, ньōжмыда и вōлі, кызд бōрын чойыс пасйис, сьōла кодъ рам. «Быттьō и абу өксай пи, – мōвпыштіс Тикō, – но... кутшōмкō пытшкōсса енлун сыын век жō эм. Пыдын, а эм. И ньōжмыдлуныс быттьō сы дор».

Чоя-вока корисны Тикōōс волыны на ордō рытнас. Сяринь корис, а Мате корōмсō ошкōмōн, довниктіс юрнас. «Айным тшōктіс, и талун асыв мамōкōд ми воим Покчаысь. Та вōсна лōō рытпук. А регыд сәсся мунам бōр. Тані меным абу сьōлōм серти», – шуис Сяринь.

– Кызд на артмас, – нурбыльтіс Мате. – Покчаад өні на шогалōны йōграяс уськōдчылōм бōрын.

– Олōмыс ньōжйōник пуксьō. Да и ми өні сәні коламджык тані серти. Мыйōнкō отсыштны вермам йōзыслы, од мыйта воывлōны быд лун.

– Став Перымыс өні отсасьō Покчалы.

¹ Вон – вок (перымса ногōн).

– Аддзан со... Сідзкө, и миянлы колө отсасыны.

– Колө, дерт.

– И мамө ме дор, – тэрыба шуис Сяринь да чуньнас инмөдчис Тикө морөсө. – Гашкө, и тэ миянкөд мунан? Тырмас Чердінын пукавны. Олөм нырыс өні Покчаын. А талун тэ быть лок.

И чоя-вока мунісны.

«Со өд өксай нылыд, быть пө лок, – синнас найөс колльөдіг, мөвпаліс Тикө. – Видзөдлам. А ог кө лок...».

Но Тикө өні нин төдіс, мый локтас. Асывнас на юрас вөлі сөмын Өнджа Яклөн корөмыс, и таыс ыджыдджык мог эз төд, а өні этійө збой кыла нывкаыс сайөдіс и Өнджа Якөс, и тышқасыны велөдчөмсө, и ассыс бура лыйсьөмсө. «Мый ме сәні понда вөчны, кызди ачымөс кутны?» – майшасис Тикө.

Но сө морө! Татшөмыс ськөд эз на вөвлы.

Рытпук

Евө өксань, гөтырыс Микаллөн и мамыс Сяриньлөн да Мателөн, эз өтдортчыв йөзыс ни Покчаын, көні коллявлісны гожөмъяссө, ни тані – Чердінын. Уна эз сөрнит, но кужис бура кывзыны. И эз вышшитчыв ньөти, йөзыскөд асьсө кутны кужис: көн колө – шыасяс, көн колө – чөв олас. Челядьсө ичөтысяньыс өна эз чеченит, мед асланыс юрөн велалөны овны, но зілис сюртчөдны бурас. Өд быдмасны, коркө и ковмас став Ыджыд Перымнас веськөдлыны, кызди и айыс. Та вөсна колө вөлі төждысьны, мед отирыс найөс өнісянь төдісны, лыддисны асланысөн да и казялісны налыс мывкыдлунсө. Евө өксань сьөлөмнас кыліс, мый сөмын ас йөз костын быдмөм морт, кодөс өввөөдлісны перымса сьыланкывъясөн да мойдъясөн, коді вөдитчис ичөтсяньыс татчөс небыд, мича кывнас, гөгөрволіс да радейтліс йөзсө, төдіс налыс збыль төждлунъяссө, көсйөмъяссө, корөмъяссө – сөмын татшөм морт и вермис лоны став отирнас веськөдлысьөн, ыджыд өксайөн.

Корөм йөз во бөрся во тувъялісны челядь вежөрө төдөмлунъяс. Чоя-вока азыма лыддысисны, ас чужан кывйыс кындзи велөдісны да төдісны некымын кыв, на лыдын, дерт, и рочсө, буретша төдісны лыдтшөт, Перымлыс да ылыс муяслыс важ вылөмсө, енеж тэчасногсө да уна мукөдтор. Ай-мам эз элясьны на вылө. Йөз син водзын олісны ставныс и вөліны бурө пуктанабсь.

Чердінын көть Покчаын, Изкарын көть парма шөрө вошөм сиктын, ас котыр Микаллөн кутіс асьсө гортын моз – личөдчөмөн, но и вежавидзөмөн сэтчөс олысьяс дорас.

Йөзөс чукөртлан паськыд жырыын сувтөдісны кузяла пызанъяс. Евө өксань тшөктіс аслас меда йөзлы вольсавны медся югыд

пызандöраяссö да, кыз шуласны, пызан чегмөн тэчавны быд пöлöс чöсмөгсö. И ставыс дözьöра анылөн вöли сöдз: сöдз няныяс, сöдз яйяс, сöдз черияс, рысь, йöв, нök, вый... Выйлөн вöчöм, пуом, дасьтöм, вайом – сöдз! Тадзи донъявлисны чöскыджыксö Ыджыд Перымын.

Воалисны уна нималысь йöз, чужанвужныс, бур тöдсаясныс. Нимьяссö воомаяслысь лыддьöдлiс Еника пöч, кодкöд орччөн скойштитисны и Тикöс. Сылы и лыддьöдлiс. Паськөмсö Тикöлысь вежисны пыр жö, мыйөн сувтiс кок йылас да кутiс ветлöдлыны. Öнi сийö паськөм сертиыс эз ёна торъяв весиг Матеысь, а öд Мате – öксай пи и коркö ачыс лöö Ыджыд Перымса юралысьөн. Татшöм паськөмсö Емдiнын Тикö, дерт, эз новлы: кузь соска ермög¹ дөрöма, сьöд ной гача и кок сертиыс кучик кöмкот – ставыс выль, югъялö и лöсьыда пукалö сы вылын.

Гөгөр öзтiсны югыд сисьяс.

Микал öксай да Евö пукалисны водзас, медся тыдаланаинас, на дорын Сяринь да Мате. Сэссия öтар-мöдарас нималана юрнуöдысьяс: Бурморт, Мичай да Зырнай – Изкарысь, Бисяр – Покчаысь, Öнджа Як да Кöч – Чердiнысь. Быдсөн гөтыръясныскöд воалисны.

Ньöжйö сёрнитисны ас костаныс Микаллөн да Евöлөн чужанвуж котыръяс. Югдöдисны аснаныс пызан сайсö еджыд тошка пöльяс, а орччөн накöд варов пöчьяс, унджыкыс сьöкыд пеляöсь, но быдөн ассьыс висьталö. Пöльяс ёнджыкасö чöv олисны – ассьыныс дон тöдöны.

Шöрланьыс, йöз костас, тыдалiс мича Лули, а орччөн ськöд – том морт, кодi пышйöдiс Лулиöс айыс дорысь. Нимыс сьлөн тöдса – Арси. Сийöс и корсис пель пöла Эгатея айка, и аддзис кö эськö, виис. Öнi Арси – чердiнса юрнуöдысьясысь öти. Сийö нюмъялис чöv олысь Лулилы, сёрнитисны ас костаныс видзчысьöмөн и этша.

Гораммисны да гажмисны вочасөн. Сөйöм чöжныс кийсь киö ветлöдлiсны кодздöдан сур да чöскыд ырöш тыра вугъя лöданъяс – кодлы мый колiс, сийöс и ырситлiс, та бöрын мыччылис лöдансö орччөн пукалысьлы, и тадзи юанъясыс дугдывтöг ветлöдлiсны пызанъяс весьтти öти кийсь мөдö. Сөянсö ваялисны гөгрöс чужöма вöччöм аныяс, найö и кыйöдисны, мед эз тыртöммыны лöданъясыс и мед сөяныс пукалысьяс водзысь эз бырлы.

Кузь нэм да бур шуд öксай гозъялы сиисны быдөн, кымын водзö, сымын гораа. Сэссия горöдисны Ыджыд Перымы бурсиöм, мед сийö воысь-во ёнмис да озырмис, мед сийö вермис сетны водзöс кöть кодлы.

Тикö кывзiс верстьö йöзлысь сёрнисö и унаысь кыйкнитлiс синъяснас ылыс пызан юрланьыс, кöнi ай-мамыскöд орччөн пукалисны Сяринь да Мате. Бөръяыс некымынысь видзöдлiс Тикöлань,

¹ Е р м ö г – шöвк.

весиг юрнас довкнитліс, но Сяринь, коді корис Тикööс рытпукны, эз убöлит здук кежлö кöть нин син пöвсö чöвтлыны сылань. А водзö серпасыс нöшта на лёкмис: Сяринь дорö орччөн пуксис кузь мыгöра Миньö, Изкарысь, тадз вашнитіс Еника пöч, юрнуöдысь Зырнайлөн пиыс. «Ме нö мый матö вои,— дивитіс асьсö Тикö.— Талун асыв на тöдтöм Сяринь нима нывка корис рытпукны. Ме со и вои. Мый нöшта колö? Öти корис, мöд локтіс. Эз öд ас дорас кор. Сідзкö, пукав, сөй-ю да кывзы, со бур йöзыс сёрнитöны, а кузь Миньöыс мый бара сөрö Сяриньыслы?»

Медбöрын Сяринь чöвтліс жö видзöдлассö сылань. Тикö нюмуніс, а орччөн Еника пöч öтлаöдіс ки пыдöсьяссö да тадзи чолöмасис Сяринькöд. Вöлөмкö да, Еника пöчлы вичмöдöма Сяринь асьыс видзöдлассö.

— Ок, басöк нылочка,— ошкана шуис Сяринь йылысь Еника пöч.— Тувкыд кага вöлі и ичöтысянныс тэрыб кока. Мыйкö кыскаліс менö озья тылаясад да чöдъя расьясад. Ветлам да ветлам, Еника пöч. Ковмыліс ветлыны — кытчö воштысян. Лыад и куад пырас да. Ме и быдті сійöс. А öні со кутшöм басöк нылочка лöма.

И збыльысь. Сідз нин гөгöр лöсьыд, а вöччöма да дзик ньöбöм акань кодь лöма. Мичмöдöма паськөмсö бисерөн да зарни сунисөн, юрсисö кыöма паськыд гөрд ермөгөн, а öти прать абу сюрöма йöртöдас да усö дзик син водзас, дöзмöдö быттö, а, видзöдан да, артмö мөдарö — Сяриньлы тайö муно, лöсялö. А еджыд сылліас сылөн — кыкысь гартыштöм югыд сикöтш уна рöма дона изьясысь.

Тикö ылавліс аслас мөвпгясөн, та вöсна казяліс сёрөнджык, мый ызгöмыс пызангяс сайын эз кут кывны, и ставөн öні видзöдöны Микал вылö. Сійö сёрнитіс.

— ...Ми, Ыджыд Перымса коми вужвойтыр¹, кöсьям öшинь пасьта видзöдны ен югыдыс вылö. Йöз муяс миянлы оз ковны, асланым ставыс тырмö, майбыр: и көрттö сывдам, и совтö со перьям тырмымөн Усолка ю вожын, а небыд зарниөн нималам ылö гөгöр — туланьд и сьöдбөжыд, низыд и анчайд, кынныд и мойыд,— миян абуыс сöмын и абу. Юад чериыс — асланым тырмö и вузавны вермам, мыйта босьтасны. Но,— Микал зумыштчис да мыйкö дыра чөв оліс,— сьөлөм вылын дільквидзö. Оз сетны лөня овны. Йöграяс со нырсö сүйлісны. Пызан сайын тані пукалö Эжва Перымса зонка, коді төвйöма йöграяс ордын («А-а, Сяриньö, вöлисти видзöдлі!»). Аддзылöма Асыкаöс, а Юмшпан пиыслы кесйылöсөн вöвлöма. Йöграяс оз дзезны кöсйöмнысö — пасьвартны Ыджыд Перымнымöс. Но оз тайö менö майшöдлы. Уна во чöж ми мынтылім вуз-вот² Новгородлы, а öні Новгород сюрöма Мөскуа улö. Мөскуаыд шуö содтыны вуз-вотсö уна пöв. Но и тайö абу на ста-

¹ Вужвойтыр — нэмөвөйся олысьяс.

² Вуз-вот — дань.

выс. Миянӧс кӧсйӧны и мунас, и ванас, и йӧзнас босътны ас ула-
ныс...

Гажмӧм йӧз шызисны, горӧдӧмъяс кылӧсны:

– Огӧ сетчӧй! Эжва Перымса памӧс вӧтлӧмаӧсь, ӧнӧдз вуж оти-
рыс Обь ю вожын дзебсясьӧ. Тырмас! Водзӧс сетам!

Микал кыпӧдӧс кисӧ, ӧлӧдӧс ӧзйӧм отирӧс.

– Аттьӧ кыв шуа Иона епископлы, кодӧ пыртӧс выль Ен эскӧмӧ
менӧ, Евӧ ӧксаньӧс да унаӧнӧс тӧян пысь. Со вежа мортлӧн кывъ-
ясыс: Сетчанныд кӧ Кростос Ен эскӧмӧ, некод тӧянӧс оз вӧрӧд, а
кутасны кӧ пондыны, ме доръя Ен кывйӧн да вына киӧн. Оз пӧ
лысьтны тӧянӧс вӧрӧдны. Вот!

Бара горӧдӧмъяс кылӧсны.

– Аттьӧ Иона епископлы! Мывкыд морт сйӧ. И некодлы огӧ
сетчӧй! Огӧ!

Зиль-зельмунис дозмук юрнуӧдысьяслӧн пызан кузя чорыда куч-
кӧмысь. Микал пуксис пызан сайӧ, и быдӧн мӧдӧс асьыс висътав-
ны орчча пукалысьлы.

Кодкӧ пуктӧс кисӧ Тикӧ пельпом вылӧ. Тикӧ бергӧдчис, а тайӧ
Мате. Корӧ кытчӧкӧ.

Тикӧ петӧс пызан сайысь да мӧдӧдчис Мате бӧрся. Найӧ муни-
сны гажӧдчан ыджыд жырсьыс, вуджисны кузь посводз, кежисны
шуйгаланӧ, и Мате осьтӧс кык пӧвста ӧдзӧс. Тайӧ Сяриньлӧн олан
жырйыс. Йи да вольк. Пызан вылын куима сись кутан, сисьясыс
тырмымӧн югдӧдӧны пызан вывсӧ да ставнас неыджыд жырсӧ.
Пельӧсас сӧй изйысь¹ гор, тшыныс ортсӧ петӧ да гӧгӧр сӧстӧм, а
горйыс еджыд. Бердъясын ӧшалӧны кыӧм дзоридзьяса югыд дӧраяс,
пельӧсын Ен серпас (Иона епископлӧн Сяриньлы козин), пыран
ӧдзӧс курич сайсыс чурвидзӧ туся пу вож. Кок улын, помсянь
помӧдз, вольсалӧма став рӧмъяснас ворсӧдчысь джодж вольӧсьяс.

Тикӧ чӧла видзӧдӧс ас гӧгӧрыс, сы вӧсна мый сисьясӧн югдӧдӧм
пызан сайын пукалӧсны Сяринь кузь Миньӧкӧд да шегъясисны
ыж шегйӧн. Голь-голь усьлӧсны Миньӧ ки пыдӧсысь рӧммӧдӧм
шегъясыс пызан пасьталаыс. «Эз ков пырны, – мӧвпалӧс Тикӧ. –
Колӧс ыстысьны сӧр кад вылӧ да мунны ас жырйӧ. Корлӧсны да
волӧ, а водзӧ кузя сӧрни некод эз панлы. Танӧ, ыджыд йӧз челядӧлӧн,
асланьыс олӧм, гашкӧ, меным и гӧгӧрвотӧм». А мый гӧгӧрвотӧм, эз
куж аслыс шуны. Мӧдарӧ: ставыс на гӧгӧрвоана. Ыж шегнад шегъ-
ясьлӧны и Емдӧнын, а гырысь шегъясӧн вӧдитчӧ Кыйва – аслас
чом дорын ворсӧ и шегъясыс сылӧн гырысь пода пыдди. Кыйва
найӧс тайтӧясӧн нимтӧ.

Сяринь дзугис пызан вылын куйлысь шегъяссӧ да бергӧдчис
Тикӧлань.

¹ Сӧй из – кирпич.

– Тырмас пызгырасьны, Тикö. Вай вештам пызансö бердлань-
ыс да ворсам... Миньö, мыйысь? Куруён?¹

– Ворсам, – вочавидзис Миньö, – тадз жö ся дугдан, ворссыны
мöдан да?

Сяринь серöктис да чышъянторйөн матыстчис Тикö дорö.

– Тэ мян выль морт, тэ и мöдан корсьны медводзён.

Сяринь плöть матысмис Тикö дорö да паськöдис чышъянсö. Тикö
пель йылöдзис гөрдöдис сы вылö сэтшöм матысян видзöдöмысла
– бандзибъясас нёковъяс, и морöстор нин тöдчыштö. Мед эськö
дырджык Сяринь сулалис сы дорын и сёрнитис-сёрнитис... Мый йы-
лысь? Да кöть мый йылысь!

Но Сяринь топыда кöрталис синъяссö (лов шыыс сотыштис
Тикöос), куимысь бергöдис тэрыб кияснас да серам сорён горöдис
пельössянь нин:

– Корсь, Тикö!

Мате да Миньö мöдарланьынöсь. Найöс Тикö оз аддзы, но кылö,
сöмын оз кыскы налань. Сйö кывзысьö лолыслы коланаджык
шыясö. Ньöжйö паськöдис кияссö да вöчис воськов водзö. Шы ни
тöv. Пытшкössянь быттö индöд кылö: «Сыланьö жö воськов-мöд
нöшта на вöч. И сувт. Кывзысь сюсьджыка. Сяринь кутас кок чунь
йылын зильны вежны сулаланінсö». Сидзи и эм! Водзын кокниа
тувчöм шы кылö шуйгавывлань, абу и ылын, куим-нёлъ воськов
сайын. Зонъяс мöдарынöсь, найö сы мыш сайын да личöдчöмаöсь
– гораа нин кашкöны. Мед весиг йöктыны пондасны, налань оз
мун. Со, водзын кылö, вешйö берд пöлöныс. Тикö матысмö, ма-
тысмö и – клоп! Сяринь дзик сыв шöрас!

Тайö абу нин ворсöм. Тикö пöсялöма. Разис ачыс кöртöдсö,
мыччис сйöс Сяриньлы да вешйис. Зильö не видзöдны сылань.

А ворсöмыс öддзис. Гораа кашкысь Мате сюри ки улас Сяринь-
лы, сэсса и Миньö дыркодь корсьысис. Тикö бара кöртасьлис, тадз,
кытчöдз войыс эз топöд асьыс сывсö. Бöрын дышшöдис жö. Пöтисны
ворсöмнас. Пуксялисны. Разавны оз на кöсйыны.

– Суседкоыс джодж улын дöзмас – дугдылам, – индис водз чунь-
нас увлань Сяринь. – Суседко-суседко, эн дöзмы мян вылö, ми öд
гортö воим, эн паныд нинöм кер, ньылыд кер. Ас отир воисны.
Тикöысь кындзи. А Тикö ас жö. Тикö, тиян суседкоыс эм?

– Мян олыся эм.

– Кимöститчö?

– Кор кыдзи.

– А вомидзысь тi поланныд?

– Ми сыысь видзчысям. Сьöрсьыныс йöз новлöдлöны либö
видзöны гортаныс кöрт деньга, розьтöм ем, сир пинь, туся пу
вож...

¹ Куруён ворсны – гораньён, кутасыны синъяс кöрталёмөн.



– Ми сідз жö. А лешак тiян эм?

– Кывлі, но эг аддзыв.

– А миян Изкарын, – шуис Миньö, – вöвлöма татшöмтор. Тöлын. Восьлалö лямпаа вöралысь парматi, воö гортас. И вой суöма гортас вотöдз. Быттьö и матын, чайтöма, гортыс, но, тыдалö, гöгрöдлöма кодкö сiйöс. Видзöдö: би öзiй водзын. Абу бипура, а öшиньясын би. Шензьö вöралысь: некутшöм керка водзтi танi эз сулав. Керка водзас айка сулалö, корö пырны керка пытшкас. Вöралысьыд и пырас. Сёясны-юасны. Тöдтöм айка и сур мыччас. Коддзас вöралысьыд, гажмас. А керкаса айкаыс босьтас киас гудöк и ворсны мöдас. Вöралысь оз вермы кутчысьны и петас йöктыны. Войбыд йöктас. Сэсья кызкö мынöма жö айкасьыс. Пышйöма. Асывнас кöсьяс видзöдлыны, кутшöм сiйö керкаыс югыд дырйи. Мöдöдчас бөр тöрытья туйöд, локтас буретш сэтчöдз, кöни керкаыс сулалiс. Но некутшöм керка оз тыдав, сы пыдди джуджыд коз пу сулалö. А коз пу гөгöрыс лымсö кодкö юждытöдзыс талялöма. Вöралысь асьыс кок туйяссö тöдiс. Вöлөм, войнас коз пу гөгöрыс гöгралöмайöктöма. Вöралысьыд эськö и повзьöма, но гөгөрвоöма коз пу дорсянныс ылыстчыны бөрөн – лешаксянныд век бөрөн мунны. Со кызди лешакыс ылöдлöма изкарса вöралысьöс.

– Емдiнын эськö шуисны: вөрпöлыс мыйыськö дöзмöма, – шыасис Тикö. – Ми век кольлам вöралiгөн кыйöм пöтка либö мыр



вылын ки пидӧс тыр вотӧс – чӧд ли, пув ли. Мый вотам, сийӧс и колям.

– И ми тадз,– шуис Миньӧ,– а тайӧ вӧралысьыс, вермас лоны, топыд вӧлӧма, горш, да абу юксӧма кыйдӧснас вӧрса ыджыдыскӧд. Со и веськалӧма лешак шӧрӧ.

– А Покчаын вӧвлӧма,– суйсис сӧрниӧ Мате.– Вӧралысь пи Чомша висътавліс, сийӧ мем бур тӧдса. Налӧн керкакӧд орччӧн овлӧмаӧсь Шыбан гозъя. А Шыбан гозъяыслӧн Онъныр пи вӧлӧма, ӧртаслӧмаӧсь Чомшаыскӧд, ӧтлаын ягӧ ветлывлӧмаӧсь либӧ ю дорӧ чери кыйны. И коркӧ тӧчӧмаӧсь Шыбанъяс выль гор – сӧй изйысь. Тшыныс ортсӧ петӧ, керка пытшкӧссӧ оз сьӧдӧд. Но выль горсӧ колӧ кужны вӧдитны. Ӑтчид Шыбанъяс водзджык пӧдлалӧмаӧсь горсӧ, мед поныдджык лоӧ, да водалӧмаӧсь узыны. И некод абу садьмӧма асывнас. Кольмӧмаӧсь садь быртӧдзныс. Кулӧмаӧсь. Коймӧд лун вылас найӧс дзевисны, куимнансӧ – Шыбан гозъяӧс и Онънырӧс. А Чомша рытъяснас чери кыйны ветлывлӧ и нуӧдлӧ вӧлі аскӧдыс Онъныр ӧртсӧ. Но ӧні ӧртыс эз ло и Чомша кутіс ветлӧдлыны ӧтнасӧн. Ӑтчид рытнас лӧччӧ ю дорӧ, войколӧн, а гӧгӧр руа. И видзӧдӧ: неылын сысянь куим морт осьлалӧны. Шыбанъяс керкасянь петісны и мунӧны кытчӧкӧ. Кӧсья пӧ вӧлі шыасыны, чолӧм кыв шуны, но веськыда кынми сӧн, кӧн сувті: осьлалӧны матысса вӧрлань Шыбан гозъя да налӧн Онъныр пиныс! Ловъяӧсь! И менӧ казялісны. А ме кыв ог лысьт шуны. Найӧ видзӧдлісны

мелань и, сідзжэ кыв шутөг, ылыстчисны ягланьыс да вошисны руас. Ю дорас пö сэки эг лэччы, висьталё Чомша, бергөдчи гортö. Вөлöма тайö некымын во сайын. Шыбанъяслөн керкаыс важмöма, пöлынтчöма, некод сэн оз ов, и отир зильöны гөгортны ылітіджык. Корсюрö пö, пемдöм бöрас, Шыбанъяс воливлöны гортаныс, а мый могысь, ог тöд. Со мый йылысь мем юөртис Чомша.

Том йöз чöv усины.

– Кувсьöмныс бöрын абу казтылöмаöсь бурөн, со и ловныс оз вермы инасны – шöйтö кулöмаясыскöд, – шыасис Сяринь.

– Ыджыд мам висьтавліс, мортыслөн пö кык лов... – заводитліс гөгөрвоодны Тикö.

– Ме тöда, – ордйис Сяринь. – Öтиыс кулöм бöрын лэбö енэжö да пöрö кодзулö. Кымын бур вöлі мортыс, сымын кодзулыс сылөн лоö югыд. А мöд лолыс кольчö му вылын, сэсся пöртчö изйö, пуö, пемöсö, пöткаö.

– Быд пулөн лов эм. Гашкö, йöзсянь лолыс вуджöма, – Тикö казтыштис Ивö Чуд пöльöс да сылысь висьтъяссö.

Вой шöр бөрөдз варовитисны том йöз, сэсся мыччысис öдзöс коластöд Миня Игнаш, юөртис, мый ай-мамыс корсьöны Миньöос. Разöдчöм водзвылын Мате юаліс Тикöлысь, оз-ö көсйи сійö видывны лыйны пезинысь¹ да пищальысь.

– «Дерт, көсья, – гораа шуис Тикöлөн».

– «Аски сідзкö лэччылам кар сайö, көні Öнджа Як талун лыйсь-öмъяссö котыртис. Висьтасям сылы. Лыян шыыс пищальысь гора, мед эз шызыны. Миньö аски гортас кайö, Изкарö, эськö тшöтш ветліс миянкöд. Сійö бура вöдитчö пищальнас. Ветлам кыкөн».

Та мындасö öтпырйысь Мате шоча висьталіс. Чойыс пензьöмөн видзöдіс сы вылö да вомсö вильыша векуштліс Тикöлы, со пö миян кутшöм дивöяс.

– И ме ордö волы, – шуис Сяринь. Сэсся кватитчис. – Энлы. Водзджык ме пырала тэ ордö, видзöдла, кызди олан.

– А кор? – шöйöвошис Тикö.

– Кор кань бакöстас, – серöктис Сяринь.

Асывсяньыс ставыс мөдпуткыль мөдіс, и Мате эз вермы петкөдлыны Тикöлы, кызди колö вөдитчыны пищальөн да пезинөн. Öнджа Яккөд сёрнитчөм бöрын удитисны сөмын лэччыны горув помөдзыс, кысянь заводитчис сорласа вөр, видзөдöны: налы воча вöла лэбзьö бус-тшын.

– Көні Микал öксай?! – горөдіс верзьöма, вөвсö кутыштігмоз.

– Гортас. Чердінын, – индіс кинас Мате. – А мый лои?

¹ Пезин – приклада ньөввуж, рочөн: арбалет.

– Мёскуаса ратникъяс локтёны. Пушка-пиццалёсь. Матынёсь
нин. Аски-мёдлун Чердін дорын лоасны.

И верзьёма чепёйсис водзё.

Ас му вёсна тёждён

Перымса юрнуодысьяс абу на удитёмаось разодчыны гортаныс,
и Микал чукёртис найёс выльысь. Котралісны Миня Игнаш да Тикё.
Налы вёлі сэссия индёма лоны тан жё. Сёрнитанторсё эз дзэбны –
нинёмла тайёс вёчны: лун-мёд мысти виччысянасё и пельтём кы-
лас, и синтём аддзас. Содтёд, коралёма вёлі унаёс. Вёвлытём ыд-
жыд грёз матысмё Чердінлань. Тайё абу йёграяслён уськёдчём –
Ыджыд Перымлы паныд петёма ачыс Мёскуа.

– Вёськыда кё шуны, – заводитіс Микал, – тёрыт менам вомёй
гиляліс нин шуны мыйскорё сыысь, мый лоё шуёма ёні. Лабгыны
вёсьшорё ёна огё кутёй, а со выльтор тьяны: тёвнас на Мёскуа-
ысь петёмаось ратникъяс Ыджыд Перым вылё. Вёськёдлё наён
воевода Фёдор Давидович Пёстрый, а отсасё сылы Гаврила Ива-
нович Нелидов – Пёстрыйлён ылыс рёд. Найё Мёскуаын медся
нималана воеводаяс лыдын. Сёрсьыныс вайёны пушкаяс, пицца-
ल्याс. Вайёдёны сёрсьыныс и асьыныс вежа айясёс – попъясёс,
игуменъясёс, манакъясёс. Ёна да гёгёрбок дасьтысьёмаось. Нем
он шу. Аскёдныс уна вёв босьтёмаось – кыскёны тышкасян кёлуй.
Могныс – ётлаёдны Ыджыд Перым Роч муяс дорё.

Йёз шызисны, сувталісны, кодскорё джекъяснысё пёрёдаліс-
ны.

– Мый оз тырмы Мёскуаыслы?

– Ачыс на тотараяс улын, медводз мед наысь мездысяс.

– Огё сетчёй!

– Уна тай кёсьё...

Микал чёв оліс. Сійё тёдїс: Зарни Орда киссис нин сы вьйёдз,
мый Мёскуа дугдїс мынтыны тотараяслы быд вося вуз-вот-дань.
Тёдїс и сы йылысь, мый мёскуаса ратникъяс кольём во пасьварт-
існы Шелонь ю дорын Великой Новгородлысь тышка вынсё, и
Новгород ёні абу нин ашпёр да великёй, кодлы быд во Ыджыд
Перым мынтыліс неыджыд вуз-вот, а сёмын Мёскуалён юкён. Та
бёрын и оэйёма синмыс Иван III великёй князьлён Перымса озыр
муяс вылё. Стрёка корсис уськёдчыны. Мынтыліс Перым вуз-вот
Новгородлы, а Мёскуалы вуз-вотыд этша – сылы колё ачыс Пери-
мыс! Новгород эз суйсьыс татчёс оланного, пёт вёлі быд вося ыстём
вуз-вотнас, а мёскуаса великёй князьлы тайё этша – кёсьё ны-
лыштны миянёс ставнас. Мунас и ванас, и сы вёсьтса енёжнас,
мувывса да мупытшса озырлунъяснас.

— Кутам овны ашпөр олөмөн, кызди көсьям! — тайё Өнджа Як горөдіс. — Мөскуакөд чөс туйяс миян оз крестасьны. Мед олоны асьныс, и ми кутам овны асьным.

— «Да эськө да, — ышловзис Микал. — Сөмын кызди тайёс вөчны?» Водзти сийё чайтліс, мый Новгород кө уси, а Мөскуа ачыс на Орда улын, сідзкө позяс видлыны дзикөдз мездмыны рочьясысь. Но лои мөд ногөн: Мөскуа босьтис ас улас Новгородё, и сылысь муяссө өні лыддьё асласөн...

— Кутшөмкө помка өд эм жё, медым восьсөн миян вылө уськөдчыны? — юалис Бурморт, коді пукаліс орччөн Мичайкөд. Кыкнанныс найё Изкарысь, өтлаын и кутчысьёны.

— Быттьё тадзи шуөмаөсь, — вочавидзис Микал. — Кольём вося гожөмын Иван III князь, Новгородысь кызди, көсийма босьтны и Казань кар. Сэтчөс тотараяс пө ёна дөзмөдчөны, и князь шуөма верктуй шедөдны тшөтш и казаньса ханьяс вылын. Ыстөма воеводаөн асьыс воксө.

— Төдам та йылысь! Корөма и чердінсаясөс Казань вылө мунны, а мый миянлы сэтись корсьны? — збоя горөдіс косіник Көч, чердінса юрнуөдысь. Сылөн йөзыс видзисны карсө Өнджа Яксянь мөдарладорсяныс.

— Төдам да огө ставсө, — өлөдіс сийёс Микал. — Казань бердад рочьяс сулалісны вежон чөж и эз лысьтны панны тыш. Князьыд, тыдалө, и скөрмөма чердінсаяс вылө, но өнөдз лөгсө кутөма ас пытшкас. И со — нөшта... Миянө волөны быдлаысь ньөбасьны-вузасьны. Ті төданнөд, волөны и мөскуаса купечьяс. И вайөны сьорсьыныс, вузалан эмбурысь кызди, кабалаяс князьсянь. На серти оз позь босьтны купечьяслысь вот вузасьөмысь да ньөбасьөмысь. А вотсө ми босьтам быдөнлысь өткодя. Таысь найё скөрмисны. Содтөд: кабалаыс серти, миянлы колө дон босьттөг сетны купечьяслы вузасян керкаяс и вөвьясөн могмөдны.

— Тадзнад сьылі вылө пуксясны! Мед вузасьөны, кызди и ставыс. Кызди и асланым йөз, — крапкис-шуис Бисяр, Покчаысь.

— Ми сідзжө пыдди эгө пуктылөй налысь вышшитчөмсө, — шыасис Зырнаы.

— И ми! — горөдісны мукөд.

— Чайта, тайё и лои ыстысян помканас, — кыв көрталіс Микал. — Асьныс купечьясыс волісны ме дөрө, кутам пө норасьны великөй князьлы миянөс дзескөдөмысь. Мукөдсө оз көсийны төдны, но аслыныс корөны кокньөдөмьяс.

— Наян отир, — юрнас довкйөдлыштис Бурморт, — мукөдыс нө абу на кодь жө йөз...

— Мөскуалы колө Перым, — юксис мөвпгьяснас Микал. Йөз эз на инасьны ловнаныс, виччысисны Микалсянь содтөд шуөм. — Өні нин дона куясөн вузасьөмыс сетө сылы казна джынсө. А өд ве-

ликöй князь öтторйö тышкасьö-паськöдчö. Та вылö уна сьöм колö. Со и миян тшöт весьтö кöсйö кыптыны, озырмыны. Выныс сьлөн эм – уна сюрс ратник. И найöс дугдывтöг велöдöны сöмын öти-торйö – тышкасьны. Ми огö на тöдöй, ыджыд-ö вын матысмö миянлань. Колö, чайта, лэптысьны чукөрөн, посадьясса, сиктьясса отирöс ставнысö корны. Öттшöтш колö öнi жö ыстыны видзöдысьясöс, мед туялöны, кытчöджык туй кутöны ратникьясыс, ылöсас – лыдсö донъявны. Артмас кö, кужöмөн водзасьны карьяс бердö вотöдз на. Медся миян ёнмöдöма Изкар, сйöс кык пöv гөгöртöдöма джуджыд из бердөн. Колö дасьтыны быд пöлöс лыянсö, мый сюрас. Содтöд дорйысян уджьяс колö нуöдны талунсянь нин Чердi-нын да Покчаын. Пушкаяс миян эмöсь. Öнджа Як корöм сертиыд сувтöдам унджык, оз сё, а уна сё морт пондасны зырны. Тырмымөн миян и из шыблаланьяс, колö сöмын изсö унджыка вайны. Тöд вылын кутöй: кадыд асьыс уджсö вöчö, узьöмтö миянлысь оз виччысь.

– Микал öксай, а тэ шулин... – водзлань сетчис Öнджа Як, – тöрыт тэ шуин аттö кыв Иона епископлы, кодi пыртiс выль Ен эскöмö тэнö и челядтö... некод пö оз лысьт тiянöс вөрзöдны. Кодарö öнi артмö?

– Талун ме ыста Емдинö юёрникьясöс. Эм миян Эжва Перымса зонка. Тшöтш мунас. Сйö и юортас ратникьяслөн Перымö локтöм йылысь Иона епископлы да Гор öксайлы, кодкöд ми чужанвуж серти матыссаяс. Мед важөн нин ачыс рочьяс улын, но öд и вермас на отсыштны, кор кывлас миян вылö уськöдчöм йылысь. Кольöм во на бура дорйысьöма йöграясысь – выныс сьлөн эм. Юёрникьяскöд ме ыста кабала: öтиыслы и мöдыслы.

– Кутчысям кö сы дырасö, – броткыштiс Кöч.

– Кутчысям! Енъяс отсаласны: Зарань, Войпöль, ачыс пармаыс. А сэсся öд ми – гортынöсь. Танi чужим, танi и нэм помнымöс адзам. Некод некытөн миянöс оз виччысь. Та йылысь висьталöй отирьяслы. Огö кö кутчысьöй, лоам коньöр тусьясөн.

Регыд корöм йöз тэрмасьöмөн разалiсны. Шуйсны дугдывтöг кутны ас костаныс йитöд. Быдтор йылысь юёртавны öта-мöдлы. Лун и вой видзны йöзöс карьяс-сиктьяс гөгөр, юяс пöлөн, вöрын – ылын и матын. Вочаасьöм бöрын дöзмöдны кортöм воысьясöс лэчыд ньöвьясөн, торйөн нин, пемдöм бöрын.

Тикöлы сьөлöмöдзыс йиджис Микал öксайлөн сёрниыс. Ён тушамыга, вежöра видзöдласа, веськыд сьөлöма морт, сйö зумыда кутiс киясас Ыджыд Перымын олан визьсö. Йöз бурö пуктылiсны сйöс, кывзысисны, эскисны.

Регыд мысти шызисны и ывла вылын йöзыс.

А жыннiаньяс чöv олісны.



Тикö да нöшта куим морт – чердінсаяс, дасьöсь нин вöліны верзьöмөн петны туйö, но ылісянь горзьöмөн матыстчис Миня Игнаш да юөртис, мый бара на корö найöс ас дорас Микал.

– Некытчö мунны оз ков, – жугыля шуис юөрникъяслы Микал. – Ратникъяс гөгöрыс нин. А Емдінын виччысьтөг кувсьöма Иона епископ.

Войся шызьöм

Луннас кар сайын Мате петкөдліс Тикöлы, кызди вöдитчыны пезинөн да пищальöн. Дерт, водзвыв висьтасисны карсö видзисьяслы, öд найö öні сюся видзöдісны ас водзаныс да кывзисны быд шыö.

«Со сійö, биөн лыйлан, – Тикö бергöдліс киас Матеөн мыгчöм кузь пищальсö. – Абу и кокни. Ньöввужйыд ёна кокныдджык». Но уналысь Тикö кывліс, и Емдінын тшöтш, мый вочасөн пищаль вермас вежны ньöввужтö и öні зілис эскöдны таö асьсö. «Дерт, эськö ньöввужтö пытшкөснад кыланджык быттö, и кор лыян пассö аддзан, тöдан нин, мый выйöдз колö зөлöдчыны, медым быть веськавны. Витан тэрмасьтөг. Сьöлöмыд, лолыд, синмыд, кийд и весиг олан руыд лыян здукас – ставыс сэки тöдчана. А пищальнад вöдитчигөн...

Мате петкөдліс, кызди колö лыйны, и Тикö шков гымгис пищальсьыс водзвыв лöсьöдöм пасö. Дерт, эз веськав, а сöмын лыйöмсьыс доя пельпомас дзенгис..

– Тайо абу удж, – пасйис Тикö, ёнтысь пельпомсö ниртигмос.

Мате эз и казав, мый Тикö доймылöм пельпомсö бара дойдис, да мыччис сылы пезин.

– Лый!

– Тайо сідз жö дзенгö?

– Пезиныс оз дзенгы.

Тикö няргыны эз кут, а босьтис да и пезинсьыс лыйис. И бара эз веськав пасас.

– Оз артмы, – ас вылас дöзмöмөн шуис Тикö да мыччис пезинсö Мателы.

– Öтчыдысьнад оз, дерт, – сійöс дорйигмос такöдыштис Мате. – И пищальнас, и пезиннас вöдитчыны колö велавны. Тэнад лыйсян сямьис эм, регьд велалан. Ратникъясыд абу йöграяс, кутасны пельчунавтöдз шковгыны. Да нöшта и пушкаясысь. Налысь горсö тэ эн на кывлы. Весьöпöртас кöть кодöс. Сё збылы!..

Рыгнас Тикö вöйысис кыйöдчысыяс котырö, көні ыджыднас вöлі Арси, том йöгра – Лулилөн верöсыс. Кодсюрö көсйисны босьтны сёрсыныны понъясöс, но Арси эз лэдз – виччысьтöг увтöмөн понъяс вермисны кадысь водз повзбодны Чердін гөгөр шöйтысьясöс. А найöс казавлöмаöсь нин. Пыр матöджык и матöджык пö сибöдчöны и зильöны йöз син улö не веськавны.

Öнджа Як тшöктис кыйöдны да кутны öти-мöдöс шöйтысьяссыс. Кодъяс найö? Мый довъялöны кар гөгöрыс? Кутшöм могөн? Кутасны кө водзасьны, öлöдны да раммöдны сы здукö лöсялана ногөн. «Кьдзи асьнысö пондасны кутны, сідзи и ті – торъя энö чеченитчöй наян шышъясыскöд», – тöдчöдис, мунысьясöс колльöдигмос Öнджа Як. Мунысьяс босьтисны сёрсыныны некымын пищаль: абу дорйысьöм могысь – лыян шыясыс серти чердінса видзысьяслы лöö юөртöма, мый паныдасисны уна йöзкöд и мед вöліны дасьöсь водзасьны. А сідзсö, тшöтш и Тикöлөн, вöліны сёрсыныны нёввужъяс да пуртöсаньыс лэчьд пуртъяс.

Сувталисны вöрас öта-мöдöс негораа чукöстан ылнаöдз, но шыасьлисны шоча. Коланлуныс таын эз вöv. Локтисны вой кежлас эз аскöдныс варовитны, а кыйöдны лёк отирöс.

Тикöс вöралан руыс босьтис. Сійö быттö сöльнитчис вөр-ваыскöд. Пуяс динти нёжйö вöсьлалиг, малышталис вожъяссö, босьтлис киас, но ни öтиöс эз чег – бөр лэдзлис сы кийсь вуджöм шоньд-нас. Мед лолыс бурмас пуыслөн. Коркö öд и Тикöлөн лолыс пуö вуджас, тадзи жö кутас сулавны да лэдзны йöзöс ас дортис.

«Ми лыддям пуяссö коньөръясөн. Торйөн нин кодзыд кадö, кор найö кынмöмаöсь да чöла сулалöны – пидзöсöдзыс ли коскöдз ли – лым пытшкын. Оз найö вермыны пырны шонтысьыштны, öта-мöдныслы весиг норасьнысö оз вермыны. Чöv олöны. А ми со

ветлөдлам, сёям-юам, узям шоньд вольпасын небьд шебрас улын. Тодам жугыльлун, тодам и кыпыдлун». — Тикёлы дум вылас уси Сяринь. Кёсйис пыравны, кор кань бакостас, а каньд сідз эз бакостлы — виччысьтөг оломыс гудыртчис, ковмас дорйыны Чердін матысмысь ратникъясысь. — «Ачым пырала», — кёсйисис аслыс



Тикё. Мөвпыштис та йылысь, и пыр жё пёсьыс чепёсийс чужо-мас. Лои яндзим мыйыськё. Мыйысь? Матысь? Сыкод сёрнитан, а юрад сылөн чойыс. Гашкё и, тадз. Быттё ылөдлөм артмё.

Водзын морт вуджөртис. Ас морт — тыдалё. Тикё бергөдчис да ньөжйё мөдис восьлавны пуяс косттыс мөдарланьё. Ыркйөдлыштис вой төв, енэжын кымөръяс вугралисны. А тани... Инмөдчан коз пу вожйё, и лыскыс быттё өлөдө тэнё вугыртөмысь. Позьё и аттьё кыв шуны. Аттьөв — татчөс ног.

«Вермас лоны, — бара юрас воис Тикёлы, — мый пуясыс асьныс лыддьёны йөзсё коньөръясөн. Пуяс сулалёны төв и гожом — уна дас во чөж — и шог оз төдны, а йөз вийсьёны-котралёны, кынөмпөт корсьёны, да и аддзёны на кад тыш-касьны ас костаныс. Век мыйкё юкны. Та боксянь и збыльысь

пуясыдлы овнытё кокниджык. Найё и орччөнөсь өта-мөдныскөд. Абу гажтөм. Шувгёны-сёрнитёны. А морт и ветлөдлө, но сылы овлө гажтөм...

Вой шөр кад кымын. Буретш вой сьёмөсыс. Кыйөдчысьяс ланьтөмаөсь. Тикё виччысьёмөн восьлалё, и гөгөр, и кок улас видзөдө, мед не тальччыны кос ув ылө. Эз мойви сылы висьтавны шөйтись йёгра йылысь Гор өксайлы — ачыс веськалис йөграяс киё. Нинөм төдчанасө эз на вөч Тикё и Чердінын. Сылы вочасөн өти мөвп ёна кутис сьёлөм вылас воны: казялас тавой вөрын шөйтись мортөс, сувтөдас сійөс да тшөктас восьлавны ас водзас Чердінлань. Воськов дас-дас вит сайын мөдас кутчысьны Тикё. Кias ньөввужйөн вайөдас кортөм воысьёс Өнджа Як котыр сулаланинөдз да шуас:

«Босьтöй, сьöкыда и куті. Кытысь да кутшöм могөн локтöма татчö, юасьöй асьныд. Ме ассьым удж вöчи, а юасьны ог куж. Тадзи кымын... Да, мед тадзи и лоö. Микал öксай тöдмалас – ошкас, со пö кутшöм сюсь да повтöм Эжва Перымса зонкайд. Ошкöмыд сійö, дерт, мустö оз зырт, но абу сын ставыс. Кывлас та йылысь Сяринь. Тайö коланаджык Тикöлы. Мый эськö сійö шуис? Тикö куньліс синъяссö, медым аддзыны Сяриньлысь чужöмбансö. Збыль, а мый эськö сійö шуис? А шуис эськö Сяринь тадз: «Со тэ кутшöм вöлöмыд, Тикö, а ме эг и тöд на. Дерт, эг. Тöдi кö, рытпук дырйи эськö кори, мед тэ пуксин мекöд орчöн. Чайта вöлі, Миньö медся збой, а вöлöмкö да, тэ, Тикö». И... Енмöй-Енмöй, окыштас менö. Сöмын мед некод тайöс эз аддзыв... Миньöбысь кындзи. Миньö мед аддзис. Тадз лоö бурджык. Сы дырйи эськö и колö висьтасьны.

Тикö сы выйöдз öзйöдiс асьсö, мый быттьö аддзис нин ас водзсьыс шöйтгысь лөк мортсö да кыпöдiс нюлыссьыс чуньяс улас сюрöм ньöв.

«Отсалöй, енъяс, меным, эм кö нин матiгöгöрын кодкö шöйтгысь, мед петас ме водзö», – кевмис тадзи и ачыс повзис. А збыль кö петас? Шуам, миян енъяс оз пуктыны пыдди менсьым кевмöсöс, а ыджыд мамлөн Енмыс босьтас да и вайöдас öдзöс пасьта Яг-Мортöс. Ыджыд мам кевмö: «Эска öти Енлы», а пельöсас сы мында морта серпас и быдöнлөн юр гöгöрыс югыд. Артмö – абу öти, а уна...

Тикö веськыда кынмис том коз пу дорын, кор водзын тыдовтчис мышкыртчöмөн осьлалысь морт. Абу ас морт!

– Сувт! Лыя! Сувт! – горöдiс Тикö да зөлöдiс ньöввужсö.

Эз шыась. Но сувтiс да бергöдчис Тикöлань чужöмөн. Мыгöрыс ошлөн кодь. Öнi некутшöм полöм ас пытшсьыс Тикö эз кыв. Полöм



вылас и кадыс абу – төдтөм морт чөла видзөдыштис Тикө вылө да кинас шеныштис. Тикө вевъялис копыртчыны – сы юр весьтти лэбыштис мыйкө пурт сяма. Кор аддзис, мый эз инмы, морт уськөдчис пышйыны.

– Сувт! – нөшта өтчюд горөдис Тикө и зелөдис ньөввужсө. Витис ылысмысь морт мышкө и – лэдзис ньөвсө. Веськалис! Веськалис ловъя пасө! Киясыс Тикөлөн тиралисны. А морт горөдис да пласькысис му вылө. Неылын кылис нөшта өти горөдөм шы. Но воисны нин Тикө дорө чердинса кыйөдчысьяс. Найө матыстчисны Тикөөн уськөдөм морт дорө, и өти чердинсаясысь горөдис:

– Веськалөма мышсяньыс сьөлөмас! Кулөма – оз лолав.

Кокъясыс эз кутны нуны Тикөөс. Сийө сьөкыда матыстчис вирөн ойдөм куйлысь морт динө и муртса садьсө эз вошты: бергөдисны куйлысьсө вывлань чужөмөн, а синъясыс восьсаөсь. А синъясыс да чужөмыс кулөмаыслөн Кыз Кулөн! «Со и збыльмис вөтын тшөктөмыс Теренсай Шева пөчлөн, – вирдыштис юрас. – Кыз Куөс ви! Кыз Куөс ви! Он кө, асьтө джагварта!» И нөшта өти серпас сувтис син водзас, кор паныдасис Теренсай Шева пөчкөд асланыс керкаын, Емдинын, рытнас и сылөн кывъясыс: «Кыз Ку о-ок лёк, чужөмыс тшөг, баябөжас йөг. Вузалас сийө ставнытө, а тэнө сконйыштас. Но тэ талун мездөдчин, а аски пезьдөдчан. Помыс Кыз Кулы тэсянь. Турөб Яраш пи..».

И бара вөтыс сайөдис ставсө: «Кыз Куөс ви! Кыз Куөс ви! Он кө, асьтө джагварта!»

Тикө бергөдчылис кулысь шойлань – колө жө татшөма яй вылысь усьны – бандзиб йывъясыс чурвидзөны, пашкыр нырыс сөмын и кольөма. А сэтшөм кыз вөлі!

Тикөөс заводитис восөдны. Шатлалігтыр, сийө мөдөдчис ылөджык чукөртчөм йөзсяньыс и дыр сэсся сулалис джуджыд пожөм сайын. Корис прөща вөчөмторсьыс вөр-ваыслысь, Вөрпөльыслысь, коми енъяслысь, весиг роч Ен Сус Кростослысь. Дугдывтөг, сийө гораа вашкөдис:

– Мылыштөй... Мылыштөй... Мылыштөй¹...

Воча сувтөм

Чердинса кыйөдчысьяс вайөдисны карө нель мортөс. Сёрнитис накөд роч кыв вылын ачыс Микал өксай, коді төдис рочысь кындзи нөшта и йөгра кыв да кужліс сёрнитны и тотара ног.

Вайөдөм йөзлөн висьтасьөмысь воссис пуштөм серпас: лыдтөм-тшөттөм ратник матысмө өттшөтш Чердин да Изкар бердө. Уна лыда воысь йылысь висьталисны и воча тыш вылө ыстылөм отир:

¹ Мылыштны – милөсьт сетны, прөститны (важ кыв).

найö кыйöдлісны öтка ратникъясöс, лыйлісны найöс ньöввужъясысь, а сэсся лöня бöрынътчылісны да вошлісны помтöм-дортöм пармаас.

Эз этша ратник аддзы ассьыс нэм помсö Ыджыд Перымлөн каръяс дорö матыстчигөн. Съöd вöрыс йиджтыліс полöм воысьяс сьöлöмö. Ратникъяс чайтлісны, мый тайö татчöс тыдавтöм вынъясыс – идольяс – потшöны налы туйсö. Но тшöктан выныс вöлі чорыдджык, и ратникъяс лун да вой сибöдчисны перымсаяслөн медшöр каръяслань. А со и воисны. Öні сулалöны öта-мöдлы паньд: мöскуаса великöй князь Иван III-лөн да Ыджыд Перымса Микал öксайлөн тышка вынъяс. Öтияс көсйöны босьтны перымсаяслысь лöня олысь каръяс, мöдъяслөн могыс – дорйыны ас чужан му, ашшöр оланног.

Парма войтыр абу велалöмаöсь копрасьны некод водзын да оз вöлі и ков копрасьнысö – кутшöмкö вот мунліс Новгородлы, и та йылысь эз быд олысь и тöд. А öні Мöскуаыдлы, коді нырис ас улас новгородса вöльной йöзöс, этша лои важ вот мынтöмыд – медводз содтісны сійöс некымын пöв, сэсся шуисны мунас и ванас босьтны Перымсö.

Русь буретш заводитіс öдйö паькөдчыны. Рытыввылын гыгаліс Литва, коді ачыс азым йöз муяс вылö – лунвылын сійö воöдчис Крым ханствоöдз да петіс шоньд саридз дорö, таланьджыкын век на повзьöдчис Тевтонса орден.

Кызди ойдысь ва корсьö увтасін, сідзи жö и Мöскуа аддзис сюсь синнас, мый öні кивыв сетчыны асыывылö, көні Ыджыд Перым, Сибирса ханство, йöграяс, а сэсся вежөрөн шымыртны позьтöм помасьлытöм муяс.

Микал зумыштчöмөн сулаліс мисаа öшинь дорын. Нельнан роч мортсö, кузя сёрнитöм бöрын, сійö лэдзис бөр. Нельнаныс корисны: «Лэдз миянöс, сэсся, со Енмыс, тэ шөрö огö лöсьöдчöй некор». И пернапас бөрся пернапасчөвтöны. Лэдзис. Нуöдісны найöс кар кузяыс көрталöм синъясөн, тадзи жö и вайöдісны. Эз и дыр ковмы нуöдны – ратникъяс со син водзын сулалöны. Босьтасны-ö кияныс шыпурт лэдзöм йöзыс, сьöкыд шуны, гашкö и, босьтасны, но тайö ньöти эз майшöдлы Микалöс. Сійö тöдмаліс: медводз уськөдчыны көсйöны Изкар вылö. Сійöс гөгөрбок бура ёнмөдöма, Бурморт, Мичай да Зырнай вылö позьö пуктысьны – найö зумыда сулаласны, оз бöрынътчыны.

Изкар вылö мунö воевода Фёдор Пёстрый, кык воеводаысь ыджыдджыкыс. Чердінлы паньд локтöма нин да сулалö кар бердас воевода Гаврила Нелидов. Уна воевода пиысь Пёстрый мыйлакö бөрйöма буретш Нелидовöс, ассьыс ылыс рөдсö. Лэдзöм роч йöз висьталісны, мый Нелидов наян морт, ёна скөрджык да мудерджык Пёстрыйысь. Кольöм во сійö новгородсаяслысь сотіс-жугöдіс



нем жалиттөг Руса кар и пазөдіс налысь отрядъяссө Ильмень ты дорын. Уна вир кисьтіс. Некодос ловйон эз коль. Та бөрын регыд сәсся и ачыс Новгородыс уси. Но сәтчө Нелидов эз нин мун – сійос корисны Мөскупаө лөсьөдчыны петны Ыджыд Перымлы паныд.

Сулалісны лөддза-номъя төлысья шондіа лунъяс. Вөсньыд миса сайын тыдаліс Микаллон вылын голая, кузь бурсиа вөлыс. Дом йылын, сійө зля нетшкис кокувса небыд вежсө. Оні некытчө мунны оз ков. Каръясө да сиктъясө ыстөма юөрникъясөс Микаллон индөдъясөн, а оні колө котыртны дорйысьөм Чердинын. Сійө чукөстіс Миня Игнашөс да веськөдчис Өнджа Як дорө.

Вөрысь воан асывнас Тикө пывсис, да сійос пыр жө унзілыс босьтіс. Муніс аслас жырйө. А пывсянсө ломтыны тшөктөма Евө өксань. Сылы Сяринь висьталөма вөрын Тикөкөд лоөмтор йылысь. Эжва Перымса зонка йылысь оні төдісны кар пасьталаыс, өд Чердін вөсна локтан ыджыд тышын уси медводдза морт, и уси буретш Тикө ки помысь. Аддзис сійос Сяринь, бөрынджык Евө өксань тшөктөма сәсся ломтыны пывсян, медым личаліс лов вылас зонкалөн да сөстөммөдіс асьсө Ен водзын. Пөсь пывсяныд сылы медбура отсалас...

Дыр узьөм эз артмы: көнкө шковгис пищальысь лыйөм шы, и Тикө пыр жө садьмис. Видзөдліс өшиньө – югыд. Зэв өдйө пасьтасис да чепөсйис ывла вылө. Бергөдчис. Босьтіс ньөв тыра нюлыссө, ньөввужсө, куимысь бергөдчис ас гөгөрыс (косліс да сы вөсна), и котөрөн мөдөдчис сәтчө, кысянь кыліс лыйөм шыыс.

...А Чердін горулын лыйөм шы кылөм бөрын керөс паныд мөдөдчисны куим морт – юр кышөдъясыс йыла көртысь, дженьыд соска дөрөмныс йитлөм көртысь, кузь, шабур сяма. Кианыс нинөм абу. Шенасьөны юр весьтаныс, төдчө – сөрнитны локтөны.

Восьсяслы воча куимён жё и кутісны лэчыны: кокни восьласа Арси – водзас, а сы бёрын кык видзись. Петк-одлёны кияснысё – и налён нинём абу.

Тикё кавшасис кар дорьян джуджыд керкаясысь өтиё да аддзё лыйсян розь пыр: óta-модлы воча восьсяс сувтісны да на костын пансис сёрни.

– Гашкё, ачыс воеводаыс петіс сёрнитны...

Тайё сёрни шыяс кылёны перымсаяс костын. Тикё чошкөдіс пельсё.

– Воевода? Сійё бара вермас.

– Ме чайта да, тышөдз озво, рочьясыдлы од олёмныс дона жё.

– А миянлы? Гортын посьныдыс витёнось. Да пёрысь ай-мам.

– Гашкё, повзьөдлёны сөмын?

– Ог төд, та ылао локтісны да...

– Уськөдчасны!

– Мед! Гөгныс орё.

Гөгөр сёрни шыяс. Зумыд подув вылын зымвидзис пушка, сы гөгөр ноксисны том йөз. Найё кыскалісны татчө шыльыдөдз гөгрөстөм гырысь изъяс – наён кутасны лыйлыны. Ваялісны сідзжө ыджыд сёй дозмуқьясын өзтан зелля. Чердінсаяс жуисны дорйысян визь кузялаыс. Чуймөдісны Тикёос гырысь изйөн лыйсян «паньяс» – найёс зөлөдлісны, и быд «пань», төдысьяс кыв серти, шыбитліс изсё вель ылө. Тикё дырйи вайисны изсё – сьёкыда ружтөмөн нель морт лэдзисны сійёс му ылө. Унаён ветлөдлісны көрт дөрөмаось да ёсь йыла юр кышөдаось, кыдзи и керёс улын сёрнитны воём ратникьяс. Кодсюрё пищалаёсь, но этшаёнось, унджыкыслөн кианыс ньөввуж, шыпурт, ёна ёсьтөм кузь шы, чер...

Арси ёртгьясыскөд воис бөр. Лыйны дасьтөм пушка дорын сійёс виччысис Микал.

– Воевода Гаврила Нелидов ыстө тэныд чолөм кыв, Микал



өксай, – керөс паныд өдийө кайөмысла лолыс эз шед Арсилөн. – Тшөктөма шуны, колө пө мянлы пленө сюртчаны, сәки ставнымөс ловъяөн кольёны. Бурөн пырөй пө великөй князь Иван III борд улө. Тадзи став перымсаяслы лоө бурджык.

– Ратник шы йылын вайөм бурыс мянлы оз туй, – ородіс сёрнитысьөс Микал.

– Аскөдыд сёрнитны көсйөны, – водзө шыасис Арси. – Рытланьыс пө ас нимсяньыс индөм мортөс ыстас Гаврила Нелидов. Сәки мыйө воам пө, мед сідзи и лоө.

Микал дыркодь чөв оліс. Сэсся дөзмөмпырысь шуис:

– Ас костаным, йөйяс моз, тышкасям йөгра-тотаракөд, кокньодам Мөскуалысь уджсө. – Сэсся бергдчис Өнджа Яклань. – Пушкаыд мян этша. Олім-вылім, тышкасьны колана ногөн эгө дасьтысьөй.

– Изйөн лыйлансө дасьтөм тырмымөн. Кыксө гөгөр.

– А изйыс?

– Матө сөөн-джынйөн лоө быд лыйлан вылө.

– Этша. Колө унджык.

– Ваям! Кыскалам, кытчөдз вермам.

– Сир гырничьяс тырмымөн ки уланыд кутөй. Ковмасны.

– Эмось. Аски кежлө унджык лоө.

– Бур. Кутам виччысьны воеводаөн ыстөм мортсө.

Микал корис ас дінас Миня Игнашөс да тшөктіс юөртны Евө өксаньлы мортыс йылысь – мед дасьтысяс.

Кыз Ку айкаөс мөдар югыдө ыстөм бөрын Тикө воис нин ас сядяс. Но век на пензбөмөн казътыліс Теренсай Шева пөчөс: кутшөм ногөн шеваыс туналис збыльторсө? Кытысь сийө төдө?

Өнджа Яксянь Тикө восьлаліс ас оланінланьыс. Некутшөм торъя мог сылөн эз вөв. Ветлөдлісны карса пурысьті гожъялөм кокъяса көмтөм нывьяс. Узигкостыс сявкнитлөма шондіа зэр, увтасінъяслань сөльгисны варов шорьяс, курөгьяс котсісны керкаяс бердын, юрнысө тшапа лэптөмөн нбөжйө восьлалісны гортса дзодзөгьяс, выліын дзользисны колипкайяс.

А кар гөгөр сулалісны пицала ратникьяс, лөсьөдчисны уськөдчыны карыс вылө. Некутшөма эз йитчы мича гожея серпасыс ськөд, мый вермаас лоны. Сьөкыд гөгөрвоны тайө оломсө...

Пырис ас жырьяс Тикө, а сәні Сяринь пукалө.

– Кань бакөстіс? – нюммуніс Тикө, и та вылын шмонитөмыс помассис. Сяринь водзын бара вопис вежөр вывсьыс. Тайө нылыслөн вөлі кутшөмкө аслас пытшкөсса вын, мыйысь Тикө раммыліс өти здукөн.

– Кодар пельын тінгө? – вочавидзөм пыдди юалис Сяринь.

– Шуй... Вескыдладорад! – артмис Тикөлөн.

Сяринь довкнитіс юрнас.

– Матысса лунъясö быдсямаыс вермас лоны. Мамö бөрдö нин, а айö таысь скöралö. Покчаö мунöм эз артмы да и кор öнi артмас? Мый лоö, венасны кө роч ратникъяс? Миянöс вияласны ставнымöс?

Тикöлы эз сюр, кызди личöдны Сяриньлысь сьөлöмсö, но быттö өзйис: «Нöшта мый? Гөгныс орö!». Öти морт Öнджа Як котырысь буретш тадзи и шуис: «Гөгныс орö. А мöдарö кө бергöдчас? Пырасны кө ратникъяс Чердинö? Сэки мый лоö, некод оз тöд..».

И век жö Тикö такöдыштiс:

– Водзсасям. Емдiнысь кольöм во вöтлiсны йöграясöс, и татысь вöтлiсны. Микал öксайлөн выныс ыджыд. Венам!

– Кылö сьөлöмöй – кырнышъяс вевттысны шондiсö, и олöмыс помассяс.

Тикö чермунлi: Сяринь – и татшöм кывъяс. Тикö вочавидзны оз путьмы. Көнкö пыдын чужис регыдөн мусмöм нылыс вöсна тöжд. Тайö здуксяныс юрас пуксис: мый көть оз ло – а век позьö адззыны петан туй.

Сяринь мунöм бöрын öдзöс коластöд юрсö суйис Миня Игнаш (оз пыр да лючки сёрнит, а век тадзи).

– Микал корö тэнö ас дорас. Öнi жö! Ньюжмасьтöг!

И воши öдзöс саяс.

Микал ордын сёйны-юны лöсьöдöм пызан сайын пукалiс озыра пасьтасьöм морт. Ас костаныс найö сёрнитiсны рочөн. «Сур юöны да, гашкö, тышöдз оз во», – кокныдпырысь пасйис Тикö.

Микал бергöдiс юрсö.

– А-а-а!.. Эжва Перымса зонка! Ноко, пырав, матыстчы. Юасьö со воём мортыс, кодi пö виис сылысь ичöt воеводаöс. Сiйö, ичöt воеводаыс, веськöдлöма туй индалысьясөн, ачыс кыськö Эжва вожысь.

Тикö гөрдöдiс. Сылы яндзим лои Микал водзын сыысь, мый Эжва вожса петкöдлöма туй вир кыстны воысь ратникъяслы. Та вöсна чöv олiс. А роч морт юасис мыйкö да юрнас петкöдлiс асьыс дивуйтчöмсö. Сёрнисö сылысь Тикö гөгөрвоыштiс, но Микал, содтöд и вуджöдiс:

– Воём морт шуö: «Тiян кө тыр арлыдтöмаяс вермöны уськöдны миянлысь медся сюсь йöзсö, сiдзкö и миянлы оз ло кокни локтан тышын».

Воём морт сiдзи и шуис: «Локтан тышын». А тадзсö шуис, тыдалö, танi дыр сёрнитöм бöрын нин.

Бöрынджык Тикöлысь юасисны Микал дорö пыралöм йылысь, но сiйö вочавидзлiс кыздсюрö. Шунысö дзик нинöм вöлi! Сöмын и коли юрас воём мортыслөн шуöмсьыс кык кыв: «Локтан тышын..».

Нөшта өти чукөртчылөм

Сись өзтан кадө нин Микал чукөртис колана йөзөс. Изкарысь, Покчаысь да гырысь сиктъясысь вөліны юөрникъяс, кодъяс сәсса разаласны асланыс тэрыб кокъяса вөвъяс вылын медся бөръя инд-өдъясөн.

– Ми кузякодь варовитім, но нинөмө эгө воёй, – юөртис Микал. – Өткымынторйын быттьө и сетчи: көсйыси лэдзны Перым пыр роч ратникъясөс Сибырса ханствоө да водзө, кытчө найө – воеводаясыс – көсйөны воөдчыны. Дерт, нейджыд котыръясөн. Асьныд гөгөрвоанныд: лэдз керкаад уна йөзөс – астьө вөтласны. Көсйыси вот мынтыны куим пөв унджык сы серти, мыйта мынтылім Новгородлы. Көсйыси корсюрө отсасыны великөй князь Иван III-лы сылөн тышъясын. Нинөм мөскуасаяс оз көсйыны кывзыны. Тадзи воеводаөн ыстөм мортыс шуис. Сөрни налөн дзик өти: лэдзөй Чердінө и энө водзасьөй. Ті пө лоанныд Роч мулөн торйөдны позьтөм юкөнөн. И ставыс. А вот йылысь сөрни – ворсөм. Мыйта пө индам, сы мында и кутанныд мынтыны. Кутанныд кө ыръянитны, карнытө босьтам вынөн, сотам, өтвыйөдам муыскөд. Шуө: Фёдор Давидович Пёстрый воевода, ачыс сійө Югдінысь, та-сянь абу зэв ылын, изө нин тиянлысь вынъястө Изкар бердын. Регыд босьтас карсө. Но Чердін усяс водзджык. Оз кө талун – аски.

Микал вайөдіс дженьыда став сөрнисө воеводаөн ыстөм морткөд...

– Мыйөн мыжмимөй ми, перымсаяс? – юалис кодкө пемыд пельөссыс.

– А сійөн, – вочавидзис Микал, – мый быттьөкө дзескөдам мөскуаса купечьясөс. Найө норасисны веськыда великөй князьлы.

– Ми некодөс эгө дзескөдөй, найө асьныс вышшитчөны, – бара кодкө шы сетис.

– Мыжалөны миянөс сысысь, – водзө сөрнитис Микал, – мый кольөм во ми эгө мунөй рочьяскөд Казань босьтны.

– Нинөм миянлы сэтысь корсьнысө! – горөдіс Бисяр, Покчаысь. Тайө карыс матын, өти чомкост сайын и эм, та вөсна Микал ордө юрнүөдысь верзьөмөн воис ачыс. Видзсысьяскөд, дерт.

– Ми пө роч купечьясөс өтдортам, а Казаньысь воөм купечьясөс бурө пуктам.

– Ёна нин каттысьсөны миян вылө.

– Этшсө оз төдны.

– Налы мед сөмын крукасьны.

– Сы ыжда тышка вын варовитны татчө эз во, налөн юраныс өтигор: пырны, босьтны.

– Тайё абу на ставыс, – мудзёмён шуис өксай. – Воевода тшөктөма шуны, ми пө топодам Чердинса Иоанно-Богословса манастыр, подувеө кодлы пуктыліс Иона епископ, кор воліс татчө дас во сайын. Тайё, дерт, ылөдлөм. Ме көйи корны татчөс вежа айясөс, но мортыс эз лэдз – найё пө тэ дырйи оз лысьтны веськыда сёрнитны...

– Збыль тайё ылөдлөм! Яндысьтөм ылөдлөм!

– ...А дзескөдөмыс пө артмө сы вөсна, мый тані важмоз копрасьёны шонділы, билы, валы, изьяслы, пуяслы, төдысьяслы, быдсяма идоллы да Зарни бабалы...

– Зараньлы! – равөстис Өнджа Як.

– Таён пө грек вөчанныд...

– Коді тадзсө шуө?

– Филофей епископ. Сійё лои кувсьём Иона епископ пыдди. Тянөс пө ёна дивитө.

– А-а, со мый... Сійё, сідзкө, бласлөвитөма воеводаясөс вир кисьтны Ыджыд Перымын.

– Кыз мыжыс, дерт, син вештөм ради. А кыскөны Мөскуаысь йөзөс татчө миян озырлуньясыным, парма-ягьясын небыд зарниыс. Вөтлөмөн-вөтлө воеводаясөс Мөскуалөн тыртөм казнаыс. И лоө чорыд тыш. Медводдза лыйём тайё тышас Чердин дорын вөчис Эжва Перымса зонка – Турөб Яраш Тикө. Роч воевода Гаврила Нелидовлөн талунсянь өти мортөн лои этшаджык. Ми, перымсаяс, дерт, содтам воеводалысь воштөм лыдсө. Мөд ног найё оз көйиыны. А Тикө – со сійё.

Миня Игнаш кокниа йөткыштис Тикөөс жыр шөрланьыс. Гөгөр кылісны ошкана кывьяс, матыстчылісны, кисө кутлісны, мышкуас тапөдісны, юрсисө чуньяснас дзуглісны.

Микал видзөдіс Тикө вылө да эз вермы кутчысьны – нюмъөвтис. Талун нюмъявны вөлі позьё на.

Чердин вөсна тыш

Водз асывсянь Чердин горулыс тырис пуркыйсян тшынөн, а сэсса өвтыштис сэсянь воөм төвруыскөд сёян көрөн. Ратникьясөс вердісны пөсь сёянөн. Вылын кывтісны еджыд кымөр чирьяс. Вөртасянь ньөжйө кыпөдчис шонді.

Микал да Өнджа Як видзөдісны тшынасьысь вөр дорлань, гөгөр сулалісны тыш кежлө дасьтысьём йөз, торйөн чукөртчисны верзьөмаяс.

– Гашкө, торкам налысь нурьясьёмсө, – вөйис Өнджа Як. –



Найö од чайтöны, мый ми тiрзям полöмнымла да огö лысьтöй весиг здук кeжлö эновтны джуджыд сайöд-нымöс.

– Виччысьлам. Колö, мед найö уськöдчисны мян вылö. Та йылысь бöрынджык асьныс найö пасъясны сiдз шусяна летописьясын. Оз кö ылöдлыны, артмас тадз: роч князь мырдöн кватлалö йöз муяс, а ми дорйысям. Мед и сё, и кыксё во мысти тöдисны талунъя ыджыд рöзбой йылысь.

– Ратникъяс сiдз нин мян ныр улынöсь...

Воча кыв пыдди Микал сöмын петкöдлiс кинас – сулалöй, кöни сулалад, и вешйис бокö.

Тикöос индiсны лоны Микал дорын. Но ськöд орччөн и сiдз нин унаөн ветлöдлiсны. Миня Игнаш веськыда вомас видзöдiс да зiлис мöмъявтöг мoгмöдны öксайлысь быд шуом. Тышас татшöм ногөн пырöмыс эз вöв дзик сьөлöм серти Тикöлы. Сiйö корсис стрöка вöзйысьны Öнджа Як котырö, мед сувтны лыйсян розь сайö да вöчны удж, кодöс, кызд пасйисны, бура кужö вöчны. А Микал сiйöс быгтьö эз и казав. Кокни восьласа, ылысь тыдалана ён тэчаса морт, сiйö зiлис быдлаö волыны, сёрнитны посадса отиркöд, ышöдны найöс сьöккыд тыш вылö. «Роч ратникъясыд – абу йöграяс, – тöдчöдлiс сiйö. – На водзын со эстшöм вынйöра Новгород весиг пласьт уси. Но повны оз ков. Ошкöс кок йылö сувтöдлiд, кöинöс кыйлiд – тiянлы-ö мый повны!»

Микал дорö котөрөн матысмис морт да юөртiс: кар мöдарладорсянь матысчöны ратникъяс. Сэни юрнуöдö Кöч.

– Тайö ылöдлана уськöдчöм, ю пöлöныс сэни паськыда мунö йөнöд, ыджыд вынөн он сибав, но век жö колö ветлыны сэтчö... Игнаш! – чукöстiс Микал. – Юөрт уськöдчöмыс йылысь Öнджа Яклы. – Сэсся вуджöдiс видзöдлассö Тикö вылö. – Ноко, зоночка, котөртлы сэтчö тэ. Висьтав Öнджа Яклы – регыд мöдасны зырны сы вылö. Сьөлöмөн кыла. Ачыд сэни эн кольчы – котөрт öдйö бөр. Лоö тэныд аслад удж.

Тикö котөрөн мöдöдчис индöминö. Гөгөр жуисны, ызгисны

шызьём войтыр. Быдёнлөн кутшомкө да аслас мог. Йогра-яслөн неважонся уськөдчылө-мыс содтөд велөдис лоны дасьон ыджыд тыш кежлө – отсөг виччысьны некытысь и колө пуктысьны сөмын аслад вын-эбөс вылө. Пырасны кө рат-никъяс карө – некутшом олан туй оз ло ни аслыныс, ни кер-каясын кольом аньяслы, че-лядьлы да пөль-пөчьяслы.

Өнджа Якөс Тикө аддзис чердинса медыджыд пушка до-рысь – сеталис кутшомкө инд-өдъяс лыйсьысьяслы. Луныс мича, шондіа. Эськө турун пуктан кад. А тані со: оз ту-рун юръяс, а морт юръяс ков-мас чөвтны. Өнджа Як пөсял-өма, гораа упкис.

– Гөгөрвоана, – шуис сійө, кор Тикө висьталис Микалсянь юөрсө. – Ме сідзи жө чайта. Сәні Көч водзөс сетас, өні сылөн уджыс тырмө, а тан со көртөвөй тужурас регыд пуся, ньылөм петө бөр и водз. Виччысям. Кольчы, регыд сэтшөм гаж пансяс...

– Микал өксай эз лэдз.

– Эз кө лэдз, сідзи и колө. Сылы тыдалөджык, кодөс кытчө сувтөдны. Быдлаын уджыс тырмымөн лөб.

Тикө петис бөр туйө. Сылы кажитчис, мый Өнджа Як дивитө «гаж пансянинсьыс» мунөмысь. Водзысь кылісны горзөм шыяс. Сы дорті лэбыштлісны верзьөмаяс, гораа таргисны гөгыля додъяс, чышкисны пурьысө вуж доддьяс.

Көч котыр вылө уськөдчылөмаөсь вөлаяс. Чердинсаяс сувтө-маөсь визьөн-визьөн, кузь шыяссө водзө чургөдөмөн. Артыштө-маөсь кужөмөн: некутшом вөв оз вожась сылань чургөдөм шыяс вылө, кыккокйив сувтас песьсьөмөн-гөрдлөмөн, но водзө оз мун. А шыяса войтыр бөрын виччысисны ньөввужйысь лыйсьысьяс – найө сьавкнитісны өтпырйө ньөвъясөн верзьөмаяс кузя, и эрдыс чердин-саяс водзын регыд тыртөммис. Колины туплясян морт кызь, унаөн ружтісны-матъкисны, но унджыкыс ланьтөмаөсь, куйлісны сідз, кыдзи сурымыс¹ суөма.

...Грымөбтан шы кыліс сәсянь, көні дорйысисны Өнджа Яклөн

¹ С у р ы м – кулөм, смерть (важ кыв).



войтыр. Муыс сыркмунліс. Тайё шыясис чердінсаяслөн медся ыджыд пушкаыс. И заводитчис гыпйөдлөм, камгөм, горзөм. Тасянь кыліс: пансис чорыд тыш. Микал чепөсйис выль шыясланьыс. Горөдіс Тикөлы, мед аддзас Матеөс да став гортсаясө и өтлаасяс сэтчө кольөдөм йөзыкөд. Колө лоны дасьөн дорйысьны сылөн керкаясгөгөрсә есь потшөс пөлөн. Вочасөн татчө чукөртчалісны кар пасьталаысь аняяс, челядь да пөрысь йөз. Татчө жө кутісны ваявны тышын доймалөмаясөс. Налы торйөдісны ыджыд жыръяс, дасьтөм йөз кужөмөн сетісны вермана отсөг.

Матеөс Тикө эз аддзы – мунома отсасьны сөян-юанөн могмөдысьяслы. Збыльысь, быдлаын уджыс тырмымөн лои.

Евө өксань, Сяринь, Лули, весиг Еника пөч дөзьөритісны доймалөмаясөс. Гусьөн, ылісянь видзөдіс Тикө, кутшөм пелька, тэрыба, кужөмөн төбө Сяринь доймөминьясөс, лөсьөдө небыдджыка юрлөсьясөс, шебралө, шуасьө меліа. Казяліс Тикөөс и пыр жө ыстіс ывла вылө отсасьны шонөдны ыджыд пөртьясын ва.

Төдлытөг матысмис рыт. Нурьясьыштіс. Сөянсө дасьтөмаөсь уна йөз вылө. Коді волас, сійөс и вердөны. Тикөлы и тані удж сюри: новлөдліс сөян да вердіс доймалөмаясөс. Овліс, матыстчас морт дорө, босьтчас видзчысьөмөн садьмөдны, а мортыс вөлөм кулөма нин – көдзыд. Сыркмунлас, но яндзим петкөдлыны полөмтө. Висьталас дөзьөритысьяслы кулөм морт йылысь и воськовтас орча куйлысь морт дорө.

Рөмдандор тышкасян шыяс лөнисны. Локтіс мудзөм Мате да юөртіс: куимысь ратникьяс уськөдчылөмаөсь, но гырысь воштөмьясөн вешйөмаөсь бөр. Мый вөчсьө Изкарын, Покчаын да мукөдлаын, оз төд.

Сөсся пыраліс и ачыс Микал. Кутліс гөтырсө, челядьсө, ошкис найөс вөчөм уджысь. Войыс пө, гашкө, лоө лөнь: мөскуасаяс идралөны шойясөс, ассьыныс доймөмаясөс. Уджыс уна, асылөдзыс тырмас...

– А асывнас?.. – повзяна синьясөн видзөдліс верөсыс вылө Евө өксань.

– Асывнас ставыс заводитчас выльысь.

– Оз вешйыны ратникьяс дзикөдз бөрө?

– Оз, – мудзөмпырысь шеныштіс кинас Микал.

Войланьыс кутісны воавны верзьөмаяс Ыджыд Перым пасьталаысь. Юөрьясыс татшөмөсь: Изкар кутчысьө, и воевода Фөдор Пөстрый тшөктөма аслас ратникьяслы кытшавны карсө гөгөрбок. Регыд сэтысь он кут вермыны петны. Колва ю вомөн, карсьыс улынджык, вөчөмаөсь пос – гырысь пурьясысь, сідзкө, юсяньыс Чердінлань он жө письты – кутасны. Но карас ставыс тырмымөн, позяс водзсасьны дыр. И кар гөгөрсө потшөсалөма некымынысь, мудөдыс на пөлөн медся джуджыд Перымын...

Покча, а сійö орччөн дзик, кутчысьö. Покчасаяс весиг воча уськöдчыломась да вöтломась ратникъясöс тышводзвывса сулаланін-öдзныс. Бисяр вöсна сьöлөм оз вись, сы вылö поэьö пуктысьны.

Мукодлаын перымсаяс да воöмаяс ньöввужъясысь лыйлöны öта-мöднысьö, а косьöдз оз воны. Виччысьöны, кодарланьö катовтчас тышыс Чердинын да Изкарын...

Войсö унджык олысьыс эз узь. Öзйисны уна лыда бипуръяс, а кар видзысьяс дасьтысисны аския тыш кежлö.

Шондi петöмкöд тиöтш шыасисны роч пушкаяс – пуркйисны паськыд вомсьыс тшын да би. Муыс бара дыр сыркьялис, но из шмакъясыс эз воöдчывны весиг карса мудöдöдз, а сöмын повзöдлисны. Та могысь и лыйлисны.

Кар мöдарас ратникъяслөн ньöвйысь доймöма юрнуöдысь Кöч. Юөрник корсис Микалöс, но эз адззы да висьталис та йылысь Мателы.

– Колö юөртны Öнджа Яклы. И, вермас лоны, айö сэни, – шуис Мате Тикöлы.

– Ме пырысь-пыр мöда сэтчö, – вöзйысис Тикö, воча кыв некутшöм эз ло, и сийö öти здукөн кватитис ньöввужсö да уськöдчис котöртны.

Öнджа Якöс дыр ковмис корсьны. Некод нинöм эз тöд, ковмылис горзыны, сы вöсна мый гөгөр gryмакылис, а водзын вöчис мыйкö гөгөрвотöмтор.

Öнджа Як ыстис Кöчлы отсөг вылö ассьыс отсасьысь Арсиöс, нейджыд котыркöд. И бергöдчис Тикö дорысь. Зонка колис уна йöз пытшкын öтрасөн – эз тöд, кольччыны-ö, мунны-ö бөр. Мате нинöм торъя эз урчит. Эз весиг шу нинöм, кор Тикö кватитис ньöввужсö да мунис сы дорысь. Кутшöмкö аслас тöждъяс вöсна.

И Тикö кавшасис потшöсбокса уна судта керкаö, мöдис корсьны лыйсян розь. Эз сюр – быдлаын кодкö да сулалис. И кавшасис медвылиас. Юр весьтас вевтыс лои. Калькöдис кык пöv, и артмис сылөн аслас лыйсян розь. Сылөн синъяс водзын воссис серпас, мыйысь медся повтöмлөн топалас сьöлöмыс: ратникъяс восьлалисны вывлань, Тикöлань, визьөн-визьөн, гы бөрся гы. Шуйга сояныс пысалöм вывтыр сайöдъяс, веськыд кианыс дзирдыштолöны кузь воропа черъяс. Öти визь бөрүн – мöд визь: пищальысь, пезинысь да ньöввужйысь лыйсьысьяс. Ылынджык восьлалис коймöд визь, нельöд...

Лыйны – ылынось на. И Тикö, öтрасөн, паськыда вөсьшöм синъясөн видзöдис – ловъя гыыс быд воськолөн матысмö сылань. «Вот тайö и тышка вын, – вирдыштис сылөн юрас. Быттö абу йöз, а öти ыджыд гундыр локтö Чердинлань».

Ыджыд пушка дорын сулалысьяслы эз тырмы кутöдыс чöла



виччысьны тайо ловъя гыяссö, и пушканыс пель чунавтöдз грымöбтöмөн сьöлыштис сьод тшын сора биөн. Упкыны кутисны и из шыблаланъяс. Гырысь изъяс лэбисны ылö, но водз на вöли лыйлынысö. Ратникъяс эз воштыны ни öти мортöс и восьлалисны пыр водзö. «Öнi найöс нинöмөн он сувтöд». Татшöм мөвп уналөн чужис. И эбöстöммöдис йöзöс. Горзöмъяс кутисны кывны:

– Öнi ставнымöс бытшлаласны!

– Пом воö!

– Кодарö сетчам?

– Налы и сетчам. Гашкö, оз вөрöдны, гашкö, ловйөн колясны.

– Насянь мылыштöм эн виччысь. Ки уланыс сюран – öдйö ловтö босьтасны.

– Мор мындаыс локтöны!

– Кört айкаяс!

И разавны мөдисны йöз, кодi кытчö. Пушкаяс, из шыблаланъяс дорын öти-кык мортөн колины, а ратникъяс содтисны воськовнысö. Шöрас налөн кузь мыгöра, ён морт кутис киас гөрд дöра пас¹, кытчö серпасалöма Сус Крестослысь чужöмбансö. Татшöм гөрд дöра пас улын тышкасисны роч ратникъяс быдлаын Мöскуалы выль муяс вынөн-мырдөн босьтöм вöсна.

«Ставыс эштис, – шуис аслыс Тикö и синнас кутис корсьны улö лэччан туй. – Со весиг Сус Крестос Чердiнлы паныд мунö... А тани буретш сылы юрбитöны..».

Ратникъяс некымынысь дорвыв и öттшöтш равöстисны::

– Мöскуа! Мöскуа! Мöскуа!..

Чердiнсаяс дзикöдз усины ловнаныс.

Но – кылис тöдса горöдöм. Булат шыпуртөн киас, көрт юр кышöда да көрт югъялан дөрöма Öнджа Як паськыда сувтöмөн потшис туйсö бөрлань чепöсйысь йöзлы.

– Кытчö пышъянныд ыжъяс моз! Öтиөн-öтиөн начкасны ставнытö! И челяднытö тшöтш! И аньяснытö! И ай-мамнытö! Сувтöй, чердiнсая! Пушкаяс дасьтöй лыйны!

Кватитис кодлыськö кык вома пищаль – вöлöма Чердiн карын и татшöм пищаль – веськöдис вомсö ратникъяслань да сизьдыштис кыкысь дорвыв. Öти ратник сконйыштчис бытгё да усис. «Сидзкö, наöдз воськов кыксö, абу унджык», – Тикöлы вежөр вылас воис Мателөн велöдöмыс, кор найö ветлисны биөн лыйсяннас кар сайö.

Öнджа Яклөн лыйöмыс да ратникöс уськöдöмыс пальöдис йöзсö. Мөдисны локтавны бөр. Тэрмасьöмөн дасьтисны пушкаяс и грымöбтис – садьялөм бöрын – медводдза лыйöм. Из шыблалан паньясö пукталисны изъяс пыдди кизьөр сир тыра паськыд гырничьяс. Öзтисны сирсö и заводитисны чöвтавны матысмысь ратникъяслань. Тайö кутшöмакö падмөдис найöс, но сувтöдны эз нин вермы. Öта-

¹ Дöра пас – знамя.

мод паныд шутэвтис-лэбис уна сё ньов. Гыпйодлісны пицальяссы, но унджык воштөмыс лои ньовъясыс. Корт дөрөмныс ратникъяссө кутшөмакө дорйис.

Тикöлы бура тыдалісны нин ёсь йыла юр кышөдъяссяныс лэчысь ныр вевттьөдъяс. «Нырнысө весиг видзöны», – шензис зонка.

Регыд мысти пицальяс, пезингъяс да ньоввужъяс дугдісны ковны – кияснаныс чабыртісны шыяс, черъяс, нөшъяс, шыпуртъяс. Чердінсаяс кузяла сулалісны джуджыд мудөд йылын.

– Мый нө, вокъяс! – горөдіс Öнджа Як, булат шыпуртнас пена-сигтыр, – али көсьяныд сибөдны гортөдзныд тайö наян шышъяссө! Зарань мянкөд! Водзö! – и исковтіс увлань. Йöзыс – сы бөрся. И заводитчис вир кисьтөм.

Тикöөс тірзян висьөм босьтіс. Татшөмторсө сійö эз на адзыв. Ньоввужйыс уси кисьыс. Пиньясыс зяткакылісны. И син водзас пемдіс – нинөм оз аддзы. Дыр-ө тадз сулаліс, оз төд. Восьтіс синъяссө, аддзö: ратникъяс зырöны чердінсаясөс. «Тадзнад и карас регыд пырасны, – гөгөрвоис сійö, – а öксай керкаын доймалөмаяс куйлöны, и найöс Сяринь дөзбөритö».

Сяринь нимсө гарыштөмыс быттьө садьмөдіс Тикöөс. Ас водзсыс сійö нөшта кык пөв чуктөдіс, мед паськыдджыка тыдаліс, мый вөчсьö öні дзик нин матын, кыпөдіс ньоввужсө, кыскис нюлөссыс ньов и кутіс корсьны йöз бергачас ловъя пас. А сәні гыисны, аргисны, веджгисны, ызгисны, буакылісны, зымгисны, зиякылісны көртөн көртө некымын сё морт, ярсьыс-ярсь.

«Медводдза дөра – гөрөдөсь, медводдза лыйөм – сьөд рака, – казътыштис Тикö Ирьянколыс кывъяссө Ёридз ю дорын вуграсиганыс. – Кор тайö вөлі? Көнъя пө сійö Ёридзис, көнъя Ирьянколыс?».

Медводдза ньов сатшис ловъя пасө. Ратник уськөдіс кисьыс кузь воропа черсө да сунгысис муас. «Войпöльлы вис», – броткыштис Тикö да кыскис нюлыссыс нөшта öти ньов. Бара вөралан руыс босьтіс сійöс. Зелөдіс ньоввужсө да кутіс корсьны гыалыс йöзыс костын аслыс мод ловъя пас. Горзісны ёна. Тикöөдз кыліс уна судта роч мать.

...Чуньяс костсыс личөдіс мод ньов. Шутэвтис-төвзис и бара сатшис витан пасө. Емдінын пөвйыс вөчөм пасыс вежөрас уси. Сійö лыйлө, а Чангыр увтө. Сійö лыйлө, а Чангыр увтө...

Коймод ньов сюри киас кучик нюлыссыс. И сәк жö мыйкө жвиннитіс дзик пель дортіыс. Кодкө казялөма сійöс и со сизьдіс-луйис пицальсыс... Öні: коді – кодөс...

Колö корсьны лыйыссьö. А со! Пицаль вомыс улын видзөдө веськыда Тикö вылө. Ратник сулалө тышкасысысыс бокын, пицальсө кутö кузь бедь йылын, помыс вожа, а сыкөд орччөн – отсасысь. «Ме коддьөмгъяссө кыйөдө, – вирдыштис юрас. –

Өні тэ-меа гөг сюрөсөн көртасьомаось. Тэ – менө, либө ме – тэнө...».

Виччысьтөг ён ки нетшыштіс Тикөөс сулаланінсьыс и сійө жө здукас жвиннитіс мөдысь. Но сійөс кыскисны нин улө. Тикө оз төд, кыдзи скөрмис. Некутшөм кутөд эз ло. Сійө тойласис, курччасис, шуасис лөга, а кор лои улын, му вылас нин, эбөстөма бөрдзис...

Пемыд жырыын югзис дзик өти сись. Сы дорын пукаліс муздөм Сяринь да зіліс пычкыны чөв олысь Тикөлысь көть нин мыйсюрө лунся тыш йылысь. Сяринь ёна и видөма Мате воксө Тикөөс Өнджа Як дорө лэдзөмысь да тшөктөма сійөс быть корсьны. Мате ньөти абу вензөма – ыстөма мортөс, мед сійө аддзас Эжва Перымса зонкаос да бөр вайөдас татчө, көні сылы и колө лоны.

Сяринь медбөрти эновтчис Тикөысь. Сьөкыд тыш йылысь кар кывтыдланьын сійө ачыс мыйтакө төдіс. Ратникьяс воөдчөмаось пушкаяс да из шыблаланьяс дорөдз, петөмаось карса пурьысь вылө, матысмөма 200 морта котырөн Микал да ратникьясөс вөтлөма жуглөм-чегьяссьөм потшөс сайө. Ёсь йыла потшөс керьяс чирыйссьөмаось быттьө веськалөм гымньөв бөрын. Өні ратникьяс сулалісны вөр бердас, көні и вөліны тыш заводитчытөдзис.

Кар катыдланьыс доймөм Көч төбөма вир петаніньяссө, ветлөдлыны вермөма сөмын бедь вылө мыджсьөмөн, но абу эновтөма ассьыс йөзсө. Тані уськөдчылөмаось сөмын өгчыд-мөдысь и нейджыд вынъясөн. Арси веськөдлөм улын чердінсаяс вөтлөмаось ратникьясөс. Сэсса лунтыр кежлө лөнь пуксьөма. Та вөсна и Микал, кор сылы висьталісны Өнджа Як дорын сьөкыд тыш йылысь, вермис ас кадө сетны отсөг Көч – Арси юрнуөдысьяслысь босьтөм йөзөн. Гөгөр лои весалөма карсө кортөм воөмаясысь. Тайөн и помассис лунся тышыс.

Мукөд карьясысь да сиктьясысь юөрьяс эз воны. Воевода Гаврила Нелидов кытшалөма карсө, сідзжө, кыдзи и воевода Фёдор Пёстрый – Изкарсө. Өтар-мөдар пөдса, а Колва ю вылын, висьталөны, пурьяс дөввидзөны вадор пөлөныс – вывланьын и увланьын. Сэн и тан йөз вуджрасьөны. Ни пыжөн, ни вөлөн, ни подөн он письты өні Чердіно. Кытчөдз он вөтлы воөмаясөс. А вөтлыны – сымында вынъяс абуось. Колө дорйысьны, кытчөдз ратникьяс оз эбөстөммыны да асьныс оз усйысьны кар бердсьыс. Но на дорө, юөртөны, воөма отсөг Югдінысь¹, кытысь и ачыс воевода Фёдор Пёстрый петлөма. Өні перымсаяслы отсавны вермасны сөмын еньяс.

Вежон чөж нин кутчысис Чердін. И войнас өгчыд-мөдысь уськөдчылісны ратникьяс, но вешйылісны бөр. Карсаяс велалі-

¹ Югдін – Великий Устюг кар.

сны пушкаяслөн грыма-грамакылөмө да пищальясысь гыпйөдлөмө. Улі гусьон да вылі мырдон ратникъяслы удайтчө-ма сувтөдны пушкаяссө (войясын, дерт) кар бердө матө и өні гөгрөстөм, доналөм гырысь изъяс гылалісны и карса олысьяслөн юръяс вылө. Бөрынджык лыддьөмаөсь да артмөма: матө витсө додь из. Воевода тшөктөм серти найөс дугдывтөг вайлісны вөвъясөн да ва туйөд.

Жугавлісны да сотчисны керкаяс. Чердінсаяс зільлісны пөдтыны мудөдъяс сайө дзөбөм пушкаяссө, но лунысь-лун тайөс вөчны лолі пыр сьөкыдджык и сьөкыдджык. Эз сетлыны лөня коллявны шойччан кадсө ратникъяслы войяснас – писькөдчылісны ньөввужысь лыйсьысьяс, и таысь быд вой воштөмъясыс карсө кытшалысьяслөн мыйтакө да содісны. Таысь сәсся найө ярмылісны да шыасьлісны өттшөтш став пөлөс лыйланъясысь. Өшмөсъяс, овліс, косьмывлісны сотчысь керкаяс кусөдігөн.

Өти рытө, кор Микал вөлі буретш гортсаясыскөд, пырис ачыс Өнджа Як да юөртис, мый сылөн йөзыс кыйисны да вайөдісны Чердінө ылалөм роч ратникөс. Мудзөма пө да абу и водзсасьөма. А мудзөма сы вөсна, мый өртъясыскөд сөмын на воөмаөсь Изкар бердысь. Карсө воевода Фөдор Пөстрый босьтөма, сотөма и жугөдөма ставнас. Этша морт вермөма пышйыны сәтысь. Юрнуөдысьяс Бурморт, Мичай да Зырнай доймалөмаөсь, но ловъяөсь, пукалөны томан сайын. Ставнысө тышын босьтөмаөсь. Мый өні вөчсьө Изкарын, кыв оз тырмы висътавны – ратникъяс пыралөны дзоньон кольөм керкаясө, босьтөны мый аддзөны, вөчөны мый юрас воө. Некод оз лысьт паныд шыасьны – сән жө и ловтө босьтасны. Скөрөсь, карсө босьтігөн унаөн усьөмаөсь да.

Карас Фөдор Пөстрый пырөма Югдінысь ыджыд отсөг воөм бөрын.

Чердінлань воигмоз босьтөмаөсь и Покчанымөс. Юрнуөдысь Бисяр тышын усьөма. Сәні өні вөчсьө сійө жө, мый и Изкарын. Покчаыс ставнас сотчө.

Воеводаяс Пөстрый да Нелидов шуөмаөсь аски отувъя вынъясөн босьтны Чердін. Кутасны зырны быдладорсянь, весиг Колвасянь. Вөчөны-котшкөдөны содтөд пуръяс, а унджык ратникыс талун шойччө.

Микал дыр чөв оліс Өнджа Як висътасьөм бөрын.

– Кутам водзсасьны медбөръя мортөдз, – крапкис-шуис Өнджа Як, медым вайөдны Микалөс ас садяс. Гөгөрвоис: юөртөмыс сылөн шуштөм. Вөсьөпөртана.

– Дась өд вылысь найө аски вермасны пырны карас, – лөня шуис Микал. – Воштөмъяс гырысьөсь кыкнанладорсяныс, но воеводаяслы дугдывтөг воө отсөг. А миян коли ки тыр йөз.

– Ставным сувтам дорйыны карнымос, вынъяс судзссьоны на, – такодыштіс Өнджа Як.

– Колө быдөнлы висьтавны, медым черъяснысө, ньөввужнысө, пицальнысө вой чөж кутісны берданис.

– Лоө шуөма...

– Зэв яра тышкасьоны ратникъяс, – водзө нуөдіс сёрнисө Микал. – Асьнысө скөнъ оз видзны. И тайө пензьөдө: перымсаяс кө водзасөны мый вынсьыс – найөс гөгөрвоан, өд асьыныс чужан мунысө дорйоны. А мый вөсна кокниа дасьөсь сетны олөмнысө мөскуаса ратникъяс – сьөкыд гөгөрвоны. Оланінныс налөн быдөнлөн зэв ылын и, төдөмысь, дзоньвидзаён-ловйөн виччысьоны гортаныс ай-мамныс, гөтыръясныс, челядьныс. Ыджыд Перымсьыс мый налы? Асьсө, ыджыд князьсө, коді ыстіс татчө, найө синнаныс эз адззывны да и оз адззывны некор. Озырмыны Ыджыд Перым тшөт весьтө? Өдвакө. Вир кисьтөм доныс оз сулав налы волөмыс, сёрнитны кө нин. Олөмыд век донаджык.

– Асьныс найө төдоны, мый вөчөны... А мый тэ ас йывсьыд шуан, өксай? – Өнджа Як лыддис, мый өні нинөмла дзэбны весиг медся гуся мөвпъяс. – Колва да Ыджыд да Ичөт Висер юяс пөлөн водзө вылө позьө чукөртны тырмымөн йөзөс. А тэныд колө кольны ловйөн. Аски воеводаяскөд ордлыяс кутам лыддыны өтамөдлысь. Быдторйыс вермас лоны. Мый ачыд шуан?

Өнджа Як абу велалөма сёрнитны гөгөрөн да кытшолөн, а пыр весьтас и восьсөн. Унаысь сійө дорйыліс Ыджыд Перымса каръяс да сиктъяс йөграясысь, тотараясысь; войвывсянь, рытыввывсянь, лунвывсянь, асыввывсянь кортөг воөм йөз котыръясысь. Этша сёрниа. Стрөг. Весиг зумыш. Микалөс бурө пунктө, сы вөсна дась олөмсө сетны. «Тышыс – менам удж, – шулывліс сійө, – а быд удж колө вөчны бура, сьөлөмсянь». Но өні Өнджа Яклы ясыда тыдовтчис, кодарө вермас катовтчыны Мөскуа да Ыджыд Перым костын тышыс. И мөвпъяссө эз дзэб. Да, вермас лоны быдсямаыс, и сійө, Өнджа Як, дась син на син паныдасыны сурымкөд. А Микал... Повтөм юрнуөдысь здук кежлө эз вермы босьтны юрас, мый колө виччысьны пом Ыджыд Перымлы. Татшөмыс оз вермы лоны. Сідзкө, колө и өксайөс видзны. Оз-ө мый коркө вежсьы кадыс бурланьө?..

– Чердінысь ме ог мун, – чорыда шуис Микал.

– Кывзышт менө, ыджыд өксай. Ачыд, гортсаясыд... – Өнджа Як паськөдіс ки пыдөссө морөс бердас.

– Көрткыв! – ордөдіс Микал. – А гортсаяс йылысь... мөвпыштам.

Өнджа Як эз кут водзө венззыны.

– Кар гөгөрсө кытшовта, – кыв көрталөм пыдди шуис сійө. Сэссия кывзысьыштіс да шпыньмуніс. – А чердінса жыннъясыд мыйкө дышпырысь блонгөны.

– Синма-пеляёсь жё од... блонгысьясис. Вичкоясысь вежа айкаяс дугдисны волысьны, а водзті вёлі оз петавлыны. Но и мед... Ме колльода тэнö.

Кык ыджыд морт петисны ывлао, ас кост сёрни выло. Керка дорсян на бёрся чепөсьйылісны видзысьясис, но налы вёлі тшөктöма бергөдчыны, боқын виччысьны.

Кар сай гөгöрыс югзисны гырысь бипурьяс. И лыдыс налөн содіс.

Дженьыд вой

Микал мыччысьліс, но пыр жё муніс аслас каналан керкаас. Сыкөд, кыза пасьтасьомөн, петіс тшөтш и Миня Игнаш. Войыс шоныд вёлі, и мыйла Миня Игнаш кыза пасьтасис, некод эз юась. Колö, и пасьтасис. Синнаныс сөмын колльөдісны.

Сэсса гульс-гольс игнасисны. Тадзи тшөктісны.

Карыс эз узь и узыны эз лөсьөдчы: ветлөдлісны, горзісны, кытчөкө тэрмасисны, кодөскө корсисны, гольскисны пыд көртөн вөлаяс, ылын и матын өзйисны карса бипурьяс, сотчөм керка-яслөн чурвидзисны калькалөм ордляясөн съөд керьяс.

Евö оксань муніс ас ордас.

Ыджыд жырйын колины пукалан Еника пөч, Сяринь, Мате да Тикö. Еника пөч лунтырья ноксьөмсьыс мудзöма, пукаліс да тэр-масьтөг вөчис асьыс радейтана удж – печкис. «Тайö кикост уджыс юр вемтö оз көртав, – шуліс сійö. – Позьö быдтор йылысь мөвпавны, томлун казьтывны, енъяскөд аддзысян здуксö рама виччысьны».

Сяринь тшөктіс сись видзанінъясысь кусөдны, öтисысь кындзи, став сисьсö, сэтчө матөджык пуксьөдіс Еника пөчөс, мед тыдаліс сылы печкынысö, ачыс пуксис орччөн.

Войся кадыс кыссис зэв ньөжйö.

Пөчö лунтыр бергаліс, но эз норась, а зіліс вевъявны. Öні сійö печкис вугралігтыр нин, чөрсыс кисыс гылалö, но садьмыштас да бара на швыркйөдлө.

Вугырлуныд өдйö вуджö. Матеос нин кутіс очсөдлыны, а Тикö дзоргö öти выло, мөд выло, юрас выльысь и выльысь бергөдлө кольөм луньясö сы пыр мунөм серпасьяссö. Синьяс водзын и ас войтыр, и ратникьяс. Кыз Куос чергөдөм бөрын оз нин сэтшөма йидж ловья йөзö ньөввужйысь лыйлөмыс. «Быдторйö велалан, велалан и ловья йөзö лыйлыны», – тадзи шуасис öти олөма чердінса, кор Тикö кулөм Кыз Куос аддзөм бөрын веськөдчыны эз вермы öтырышья восөдөмсьыс. «Мортөс вины велалан... Чергөдан, быттö пу йылысь урөс. Тадзи и артмис. Олөмыслысь бөр ни водз на ог төд, а мортөс вины велалі, – жугыля мөвпаліс Тикö.–

Кызди тайос висьталан ыджыд мамлы? Уськөдчас пыр жө аслас енъяс дорө пернапасасыны, пидзос вылас сувтас, джодждзыс кутас копрасыны... А мыжыс менам кутшөм? Эг кө ви, эськө ачымос виисны. Мед эськө аддзыліс ыджыд мам, кызди ратникъяс паныд локтоны горзөмөн. Сус Кристос чужөбана гөрд дөра пасөн кианыс...».

– Мый жугыльмин, зоночка? – юрсө бергөдліс сылань Еника пөч.– Кутшөм мыж мынтан?

Виччысьтөг юалөмсьыс Тикөлөн, эз көсйи да, шусис:

– Ловъя мортө ме ньөв лэдзи...

– А мөд ног кызд нө, сө зарни! Тэ вылын мыж абу. Аддзан, гөгөр мый вөчсьө. Му вежөм. Вескыд му вежөм! Öнi ставыс енъяс кийн. Емдінсаясыд тэнө эськө ошкисны, төдмалісны кө, со пө кутшөм збой сьөлөма мортөс ми тiянлы ыстiм.

– Ме дась тiянөс дорйыны! Тэнө, Еника пөч, Матеос, Сяриньос... – кыв вылысь мыніс Тикөлөн. И гөрдөдіс – ошйысьөм артмис да.

– Аттьөв, зоночка! Тайө верстьө мортлөн сөрни, – донъяліс ас ног пөч. – Öнiя олигөн оз артмы, мед и руч сьыліс, и көч йөктіс. Енъяс отсаласны миянлы венны да бөр лөнө олөмө бергөдчыны...

– Пөчө, висьтав кутшөмкө мойд, – корис Сяринь, кодi öнөдз чөла кывзiс сөрнисө. – Сiдз нин ми öтиторсө лун чөж дөжналам: тыш да вир, тыш да вир...

– Чөв усь, кутшөм нин мойд! – пыксыны мөдіс пөчө. – Эстшөм шөгө-лөкө воим.

– Воим кө и нинөмла шогыслы сетчыны, – эз лэдзчысь Сяринь. – Но, пөчө, мусаөй, меліөй...

– Весьшөрө водзсаян, Еника пөч, – серөктіс вугралысь Мате, – Сяринь ловтө кыскас, но босьтас ассьыс..

– Ак тэ, вильышпоз, – небзис Еника пөч. – Ульдө и кисьтө. Йөртин пельөсө – петны оз позь. Мый нө ме тiянлы висьтала?

– А мыйкө. Ачылд төдан.

Ывла вылын йиркмуні; кыліс быттьө ылісянь гымыштөм. Сэс-ся ланьтіс. Неуна виччысьыштөм мысьт, Еника пөч заводитіс:

– Вьль бөрын важөс, важ бөрын вьльөс, а со Колва дорө курөг лэччө котсiгтырйи, петук лэччө чуксасигтырйи, меж лэччө барзiгтырйи, порсь лэччө руксiгтырйи, мөс лэччө баксiгтырйи, вөв лэччө гөрдлігтырйи, а Сяринь миян лэччө сьылігтырйи – перымса аканьным, медся басөк нылукным...

Сэсся мойдным и заводитчө.

Оліс-выліс коркө важся кадө зэв-зэв озыр морт. И вөлі сiйө аминь лышкыд. Мый оз корны – сетас. На! Уна дас чомкост сайысь волывлісны сөйны-юны сы ордө, лышкыдлунсө ас сертиньыс төдмавны.

Öтчылд воалісны чужан лун пасйыны озыр мортлысь торъя

унаон, лыд сертиыс сюрс не сюрс, код тодас, некод эз лыдды, а сомын кисо ко кутлыны быдонлысь, ковмис эсько некымын лун. Юисны-сейисны пызан шоро кором йоз, сэсса гажмисны да водалисны узыны. Садьтогныс узыоны, кызди со они Мате. Мудзома коньорыд...

Да-а... Вөліны сәні куимон, колысь синмаось. Ас костаныс воисны сёрнио, кызди эсько озыр мортто уськөдны йоз син водзын, серам выв ләптыны. Со од, асьныс куисны-сейисны, аттьоалом пыди... А озыр мортыд буретш, мыйтакө ачыс гажа, горөдіс: «Корой менсым, мый көсьянный! Ставыс менам тырмө, ставыс менам эм!»

Куим колысь синмаыд гусьон вашкөдчоны: «Тайо озыр мортыд ассыс кыв оз вудж, и они колө мян бурджыка мөвпыштны, мый корны».

Войбыд юрнысө жуглисны и воисны со мыйо.

Отыс корас пызь озыр мортлысь сы мында, мед тырмис няншом көтны этийо паськыд тыас.

Мөд көсийо корны эзысь – орчча нөрыс ыджадыс.

Коймөд шуө, кора пө ермөг, медем тырмис эжны мусө енэжтассянь енэжтасөдз.

Тадзи и вөчисны. Матыстчисны озыр морт дорө да короны, мый водзвыв ас костаныс шулөмаось. «Бур, – шуис озыр морт, – мед лоө сідз, кызд көсьяд».

Сетис отилы пань. Шуө: «Муртав, уна-ө ваыс тыас. Сы серти и сета. Мед бөрти эн шу, йөртис пө – пызьсө эз сет».

Мөдлы безмен¹ мыччис. Шуө: «Төдмав, сьөкыд-ө нөрысыс, мед ме стөча төді, уна-ө эзысь ковмас сетны».

Коймөдлы мыччис кок увсьыс весьт кузя чаг. «Муртав, – шуө, – енэжтассянь енэжтасөдз ылнасө тайо чагнас, сы серти ме и сета тэныд ермөгтө».

Видзөдлісны өта-мөд выланыс куим колысь синма мортыд, а вөчны нинөм – асьныс яналисны. И усйысисны-мунисны өдийджык йоз син водзысь.

Озыр мортыд и шуис найо мунөм бөрын: «Некор энө зильой босьтны унджык сыысь, мый поэяна да вермана. Быдторйын колө этш төдны. И быдонлы – князьлы и ыж видзысьлы. Некодлы оз позь горшасьны, мед йоз серам эз ло – они либө коркө бөрынджык».

...Бывла вылын бара грымөбтис, сэсса мөдысь, коймөдысь и помся кутис йиркөдны.

Дөла бион ыпнитис выль лун.

¹ Безмен – кыян кутана сьөкта төдмалан вески (вөдитчылісны важ кадө).

«Му вежом»

Тайо луныс йылыс бөрынджык Тикө унаыс кывліс.

Шондыс эз на пет, кор ывлаыс шызис, йөз мөдісны котравны отарө-мөдарө, шкув-шков кыліс кывтыдын и катыдын. Кык воевода быдладорсянь заводитісны зырны Ыджыд Перымлөн юркар вылө, коді эз көйы сетчыны да водзсасис коймөд вежон. Весиг Изкар уси аслас уна лыда дорйысьясөн, кар гөгөр топыда сувтөдөм пушкаясөн да из шыблаланъясөн, джуджыд ён потшөсьясөн, ва тыра кырөмъясөн да вылө кыпөдөм мүдөдъясөн. Изкарыс и выныс вөлі Ыджыд Перымлөн, вояс чөж гөгөр ёнмөдісны сійөс. Мөскуаын та йылыс төдісны. Эз өд весьшөрө ачыс Пестрый босьтчы пырөдчыны карас, мед жугөдны, сотны сійөс да кыпөдчыны ыджыд князь син водзын. Воштөмъяс йылыс уна эз сёрнитны – татчөс озыр муясыс на дон сулалөны. А йөзыд Мөскуаыдлөн тырмымөн.

Пестрый асьсө аддзис нин великөй князьлөн медыджыд воеводаөн. Озырлун сійөс эз сэтшөма кыскы, кызди кыскис нимавны көсйөмыс. И мед эськө полісны сыыс – Мөскуаын, Европаын, быдлаын. Öнi колө ыстыны юөр Ыджыд Перым босьтөм йылыс. Гижас таdzi: «Ыджыд князь! Ён отсөгөн да миян зільөмөн Ыджыд Перым лои тэнад муяс лыдын..».

Но Чердін век на босьтөм. Пестрый аддзис, мый Нелидов вөчөма ас вынъяс серти ставсө Чердін босьтөм кузя. Сюсь вежөра морт, Пестрый казяліс, мый Перымса юркар вына абу сөмын пушкаясөн да пицальясөн – тайө ставыс Изкарын ёна унджык вөлі – а татчөс войтырөн, кодъяслы некытчө сэсся воштысьны, найөс топөдісны медбөръя пельөсө, со и водзсасьоны нинөмөн лыддысьтөг. Ловйөн-дзоньвидзаөн сетчысьяс этшаөн лоины, унджыкыс пиньнас и гыжнас дасьөсь дорйыны асьыныс карнысө. Найө төдөны: воштасны кө карсө – воштасны ставсө.

Өнджа Яклы лои пыртны тышө карса став верстьө йөзсө. Чердінсаяс и асьныс локталісны сы дорө. Кианыс кодлөн мый: вөра-лан чер, шы, йөра сөнъясөн зэлөдөм ньөввуж, ньөв йывъясыс – ас кйөн ёсьтөм көрт, озысь, весиг лы, а ньөв бөжъясыс – тарлөн борд тыв. И петлісны таөн пушкаяслы, пицальяслы да пезинъяслы паныд, медем дорйыны асьыныс мездлуна оланног.

Лун шөр кадланьыс водзвыв вөчөм посъяс отсөгөн ратникъяс вуджисны ёсь йыла керъяса потшөс вомөн, и тышыс вуджис карса пурьсыяс вылө. Паськалісны көртөн көртө клөнөдөм шыяс, чердінсаяслөн горзөм, роч мать, доймалөмаяслөн ойзөм-лөвтөм – ставыс гартчис, сорласис ловъя турөбын.

Микал керкаяс гөгөр потшөсыс тупу пуыс – мича, зумыд, ён. Пөлөныс öнi тыртөм – асьыс видзысьяссө сійө ыстіс матысмысь

ратникъяслы паныд. Ачыс сулаліс сод вылас кияссö кресталöмөн. Пыран öдзöсыс гурйыв восьса. Орччөн сöмын öти морт – Миня Игнаш. Кыкнанныс чöв олісны. Потшöс таладорас, содсянныс не-ылын, кузь дом йылын жöдзис тшая кока вöлыс, коді кадысь кадö карын ыджыд шызьöмысла гөрöктыліс и быттö гөгөрвоис матыс-мысь грöзсö – весиг эз йирсы.

Котөрөн волісны Микал дорö юөрникъяс, висьталісны дженъыда, кызди муно тышыс кывтыдын, катыдын, а бöрынджык и кар пасьталаыс. Öнджа Як воліс сöмын öтчөд. Ёна корис дзесыны-мунны, но Микал сулаліс ас кыв вылын: Чердінысь некытчö, и мый кöть ло сэн. Öнджа Як висьталіс асьыс медбөръя йöz видзассö тышö пыртöм йылысь. Кыкнанладорсянь вöвлытöм ярлун. Доймалöмаяс, асьныс му вылын куйлöны, ловныс джын-вийö ортсын нин, а шенасöны шыпуртъясөн, зільöны ньöввуж зэлöдны.

– Кымын морт вöлі видзас котырад? – юаліс Микал.

– Ветымын. Ёнджыкасö олöма войтыр. Нелидовöс бöрыньтöдiм неуна.

– Из керöсö печик, – ышловзис Микал.

Сёрнитысьяс бура гөгөрвоисны: могныс – кутчысьны бөръя мортöдз. И сöмын. Позьö ылыстны шуштöм здуксö, но помыс тыдалö нин.

– Дона налы сувтас талунъя тышыс, – шуис Öнджа Як, мунны лöсьöдчигмоз.

– Воштам уна йözös. Зарни киа йözös. Ме öд ставнысö нимнас төда. Асьтö видз, ёрт...

– Чердінсö колö видзны, – коса вочавидзис Öнджа Як. – Сытöг ми абу нин перымсаяс. А тэныд колö кольны ловйөн, öксай. Талунъяён Колваным оз ям и шондїыс оз кус...

– Меным кусö.

– Олöмыс водзö на лоö. Турунтö со, кöть кызди талаяв, быд во выль петö. Йöзыд сідз жö. А мянös коркö, гашкö, гарыштасны...

И чердінса юрнуöдысь муніс.

А регыд мысти котөрөн воис морт да öти лов шыён юөртіс, мый Öнджа Як уси тышын.

Мöд воём морт горöдіс, мый водзасьöмсö котыртö юрнуöдысь Арси. Доймалöм Кöч – юрсö гартлöма и шуйга кисö кутö сылліас көртöд вылын – аслас йözөн, катыдланьын, кутчысьö на кызкö-мыйкö.

Тышкасян шыяс вочасөн гораммисны. И öтарсянь, и мöдарсянь.

Сод дорö тэрмасьöмөн матыстчис кузь сьöд паськöма и сьöд юр кышöда, кизьöриник тошка том морт. Микал төдіс сійös: Чердінса Иоанно-Богословса монастырысь медся том манакъясысь öти –



Ферапонт. «Кутшөма лөсялө кузь нимыс кузь мыгöрыскöд», – пасйис ас кежсыс Микал.

Манак зэв тэрыба чöвтис пернапас да шыасис Микал дорö корöмөн, мед сийö аслас йöзыскöд, кодъясöс көсйис эськö босьтны сьöрсыйс, пыр жö мунас сы бöрся манастырлань. Сэтчö некод оз пыр. Сэни лөнъ.

«Ыстöмаöсь век жö, – Микал чöла видзöдiс том морт вылö, но эз весиг вöрззы. – Ыстöмаöсь. Мед көть и сёрөн. А Öнджа Яклы манастырыд оз нин ков. И кольöм Чердiнсö сэтчö он ской».

Сийö бергöдiс юрсö выль шыяс вылö – некымын ратник, кокниа пасьтасьöмаöсь, кианыс ньöввужъяс, мыгчысисны потшöс сайысь. Найö сёрнитiсны ас костаныс горзöмөн, а вöлины дзык орччөнöсь. Казялисны сод вылын сулалысь йöзöс, и ратникъяс пийсь öти зэв öдийö зэлöдiс асыйс ыджыд ньöввужсö. Миня Игнаш да Ферапонт öттшöтш уськöдчисны Микал водзö, медым сайöдны сийöс аснаныс. Кылис ньöвлөн вöсньыда шутёвтöм шы, и манак

Ферапонт акнитіс дойысла – ньöv сатпис сылы веськыда морöсас. Ферапонт веськөдчис: вевъяліс пернапасавны лыйысьöс и уси Микал кокъяс улö.

Татшöм лоөмторйыс падмөдіс ньөввужа ратникъясöс: виисны вичко мортöс – тайö абу бур водзын. Найö уськөдчисны Микаллань. Миня Игнаш сувтіс Микал водзö, но öксай вештіс сійöс кинас ас дорсыс.

– Ты кто? – гораа шыасис Микал дорö ратник, коді лыйис.

– Я князь Перми Великой Михаил Ермолаич, – рочөн вочавидзис Микал.

Ратникъяс видзөдлісны öта-мөд выланыс и лэдзисны ньөввужнысьö...

«Тшöктöма вайөдны!»

Коймөд лун брунгисны мый вынсыс чердінса жыннянъяс. На бөрся тонгисны дзояджык жыннянъяс.

«Со и воис му вежөмыд», – мөвпаліс тайö шыяс улас Микал.

Коймөд лун мөскуаса воевода Фёдор Пёстрый асывсянь рытөдз юасис Микаллысь пөдса өдзөсьяс сайын быдтор йылысь, мый көсийс төдны. Жырйыс вөлі Микаллөн, но сійö кажитчөма воеводалы, и воевода вөчөма жырсö асласөн. Жыр пельöсын, öшиньяланын, пукаліс кузь юрсиа гижалысь, коді нускис ныр улас да маркөдіс-гижис сёрни бөрсяыс дзодзөг бордйөн.

А воевода... Сійö пукаліс бөра улөс вылын кокъяс вомлөстөмөн да пычкис став коланасö тэрмасьтөг, косталөмгясөн, воча кывъяссö торкавтөг, помөдз кывзөмөн.

Ыджыд Перымса каръясысь Чердін медбөръяөн уси вир кисьтана тышын. Карсö босьтөм бөрын медводдза лун-войыс йылысь воевода зіліс не казтьывны, гөгөртліс сёрниасын, быттё сійö лун-войыс эз и вөвлы.

А сійö вөлі. Тышыс помассис нин, но ратникъяс öзйөмаөсь и дыр на эз вермыны сувтны – юасьтөг пыралісны керкаяс пытшкө да вөчлісны сәні весьөпөрөм йөзкөд, мый көсийсны: кучкалісны, чужъялісны, бытшлалісны, мырдөналісны, жуллисны мый син уланыс веськалас, тшын йыв ләптылісны быдса керкаяс и ньөввужйысь лыйлісны найöс, коді сәтысь петавліс.

Ачыс воевода Нелидов тшөктöма вөчны тадзсö, лөксö песöма, сы вöсна мый абу вермөма босьтны карсö аслас вынгясөн и ковмөма Пёстрыйлөн отсөг.

Стрöжитны неуна ратникъясöс заводитісны сөмын мөдөд лунсянысь. Став керкасö кө сотан, сәки узьнытö лоө некытөн, и став йөзсö кө виялан, уджалысьыс да быд лунъя могмөдысьыс оз ло.

Сэсса мөдөд луннас и вичкоясысь вежа айкаяс петалисны да мөдiсны видзчысьомөн өлөдны ратникъясөс вывтiасьомъясысь.

Корсюрө гымгисны на пищальясысь, гажмөм ратникъяс тшын йыв лэптылисны кутшөмкө керка, войся чөв-лөньсө торк-лисны аньяслөн горзөм шыяс – вөлі на быдсямаыс, и выльөн виөм ратникъясөс аддзывлисны асьядорыс, но олөмыс ньөжйөнiкөн лөняммис. Лунся кадө лөк ног ышмөмъяс чинисны и эз лоны.

Чердiнө пырөм бөрын сiйө жө луннас воеводаяс ытiсны Мөскуаө верзьөма юрникъясөс кабаляөн, көнi висьтавьсө ыджыд князьлы чукөртан озыр козинъяс йылысь и медся төдчана козин – кык воеводаөн Ыджыд Перым босьтөм йылысь.

Пөстрый өнi виччысис индөдъяс ыджыд князьсянь. Сiйө сьөлөмтчис да зiлис не омөльтны Микалөс, эз өна юась, кытчө сiйө дзевис гөтырсө, челядсьсө, мукөд гортсяссө. Көсйысис пернапасасьомөн, мый оз и понды найөс корсьны, и сетөм кывйө кутчысис. Пөстрый эз на төд, мый шуасны Микал кузя Мөскуаын, та вөсна некодарө эз тэрмась – виччысис. Мед пө гортсясыд кольөны сэн, көнi олөны, сэтчөдз, кытчөдз олөмыс оз пуксьы. Ю моз, кодi тувсов ытва бөрын энөвтө ойдлөминъяссө да бөр төрөдчө аслас важ воргаас.

Микал, дерт, төдiс, кытөн өнi коллялөны лун-войяссө Евө өксань, Сяринь, Мате, Тикө да мукөд, кодъяс «му вежөм» лунъяс вотөдз на писькөдчисны мупытшса гуся туйөд Чердiн сайө. Накөд тшөтш мунисны карсьыс унаөн аньяс пиысь – челядьянаныс, кыин кутан эмбурнаныс. Колльөдiсны мунысьясөс торйөдөм йөз – олөма, сюсь вөралысьяс. Найө эскөдiсны өксайөс, мый и ачыс вөрпөльыс оз аддзы парма шөрын водзвыв лөсьөдөм оланiнсө. И мупытшса туй йылысь, и ылі вөрын тшупөм олан керкаяс да сэнi заптөм сөян-юан йывсьыс этшаөн кодi төдiс, но найөс ас кадө вөчисны-лөсьөдiсны, уна вын да кад та вылө видзөма лои. Йөзасьөм эз ло. Чердiнсяяс чорыда кутчысисны ас чөс туйяса, а йөз овмөсө нырнысө эз суйлыны. А сэсса өд вөр керкаыд пармаад уна, на костө и вошины выльөн тшупөм керкаясыс – найөс зiлисны суйны пыдөджык муас, та вөсна муывсаыс эз өна шыбитчыв синмад.

Миная Игнаш, кодi өнi лун и вой кутчысис Микал бердын, вайлис карсьыс выль юөръяс. Уналатi доймалөмысь кувсьөма том юрнуөдысь Арси. Сiйө вежис тыш помасигас нин усьөм Öнджа Якөс. Öксай оланiнсянь неылын и нуөдөма асьыс медбөръя тышсө. «Кюньөр Лули, сiйө мунис тшөтш муувса туйтi и та йылысь оз на төд», – ышловзис Микал, кор кыліс тайө шог юөрсө. Микал төдiс, мый йөгра ань пышйис гортсьыс Арсикөд и Чердiнын найө вөліны шудаөсь. Микал вөзйысьлис дзевны асьыс повтөм юрнуөдысьсө, но сiйөс эз лэдзны.

А кар сайын ловйон кольом йоз век на дзебоны и ассыныс, чердинсаяс, и усьюм ратникъяс, — найо абу жо этшаонось. Уна горт да гу ковмис вочны, и быдонлы торъяос. Став усьюмаяссьо сьылөдисны татчос да воеводаяскөд воом вежа айкаяс. Дерт, пыртөмаяссьо. Мукөдсө, пырттөмъяссьо, торъя шойнаын ылі туйо, бөр вольтөм вылө, колльөдис важ енъяс төдыс Ягсин пөль, шуоны, Эжва Перымса Памлөн чужанвужыс. Ратникъяс, кодъяслөн Сус Кростослы эскөмкөд тшөтш көнкө лов пытшканыс коли на и асланыс важ енъясыс полөм, эз вөрөдны Ягсин пөльос. Да и, кымын водзө, сымын сьөкыд лои кыпөдны ки дзик сэтшөм жо йоз вылө, кутшөмөн вөліны и асьныс...

Но воевода Гаврила Нелидов вөлі дом йылысь мынөм скөр пон кодь и зев на уна пакөстьсө вочис Чердинын сійөс босьтөм бөрын нин. Фёдор Пёстрый чукрасьліс, кор сылы висьтавлісны Нелидовлөн Чердинын «выль вермөмъяс» йылысь, но өлөдны ассьыс матысса мортос, чужанвуж серти, эз кут — мед сьөлөмыс бурмас воеводалөн. Регыд налөн туйясыс разаласны. Вот сөмын воас великөй князьсянь кабала сы ним вылө, и пыр жо мөдөдчас Мөскупа — сысянь, дерт жо, виччысьны висьтасьөм, кыдзи да мый вөлі... Озырлун да гора ним — со мый лышкыда вичмас сы пай вылө Ыджыд Перым босьтөмыс. А Нелидов... мед дурө — сійө ассьыс уджсө вочис и мунас бөрындык кытчөкө Совдорө либө Югдинө. Ылөдзык сылы туйыс абу.

Пёстрый юасис Микаллыс сы йылысь, мый вермысны юасыны бояраяс великөй князь ордын висьтасигөн. Та вөсна сійө и зіліс ундык төдмавны Микалсянь Ыджыд Перым да сәні олысь йоз йылысь. Сійө медводдза сёрнияссьыс нин казяліс: Микал — сысыс паськыддык видзөдласа морт, мывкыдлун сертиыс төдчымөн вылындык, ундык төдө, ылысьдык аддзө.

Но и Пёстрый вөлі асланыс сюсь. «Микалос оз на позь дзикөдз уськөдны, тайо абу кивыв ыджыд князьлы. Оні кежлө абу на. Перымсаяс Микалос Енмө ләптөны и, лоө кө сійө сетчана оласа, позяс сы кион мыйкө дыра тані веськөдлыштны... А сәсся чөвтни бокө». Тадзи мөвпаліс воевода Пёстрый и ыджыд князьлы буретш тадзи жо көсйис висьтавны да пасйис нин кымынкө кывйон та кузя Мөскупа ыстөм кабалаын. Чайтіс: писькөслунсө казяласны. Дерт, корасны кө да юаласны кө. Быдсямаыс на вермас лоны — код төдас, мый юрас ыджыд князьлөн.

Фёдор Пёстрый чөвтіс пернапас да водзө мөдіс юасыны Микаллыс. Стөчдыка кө, нуөдны мыжалана сёрни.

— Иона епископ, — төдчөдіс сійө, — пуктіс подув Чердинын Иоанно-Богословса монастырлы. Сылы торйөдөма видзьяс, муяс, вөръяс, чери кыянінъяс. И ті босьтанныд монастырлыс вот, көть и вотсьыс монастырсө вөлі Иона шуөм серти мездөма. Ен нимөн мездө-

ма, а тэ пыртём морт, ас кёсйём серти сетчин Сус Крестос эскём. Иона епископ тэнё пыртис.

– Тайё вёлі неважён на, – вочавидзис Микал. – Видзьяссё, му-
яссё, вөрьяссё да чери кыянінгьяссё манастырлы ми торйөдм татчөс
олысьяслысь. Манастыр и мынтысьё мыйтакё, медым йөзыс вер-
мисны мөдлаын водзё нуөдны ассыныс овмөснысё. Вотыс нейд-
жыд, и манастырсаяс эз норасьлыны.

– Вотсё лоё пырысь-пыр бырөдөма! – коса кыв көрталіс воево-
да. – Гыжгья-вежгья оланнныд вежа эскёмкөд! Висьталёны, ті век
на копрасянын асланыд важ енгьяслы, билы, валы, тунгьяслы да
быдсяма шеваыслы. Пуяс вылө куяс өшланнныд.

– Христианство воис тиянө витсё во сайын, воевода, но и өнөдз
на быд роч морт төдө, коді сэт-
шөмыс Дажьбог, Перун, Велес да
Купала. Төдө и бурө пунктө. А
найө тиян важ енгьяс. Пищаль
отсөгөн выль эскём он пырт.

– Ті дзескөдінныд миянлысь
купечьясөс, – вежис сёрни
визьсё воевода, – а өд ыджыд
князь Иван Данилович аслас
грамотаөн тшөктіс могмөдны
найөс вөвгьясөн да вузасян кер-
каясөн тиян тшөт весьтө и мездіс
вот мынтөмысь.

– Налысь босьтлісны вот,
кызди и быдөнлысь, медым бур-
мөдны туйяс да видзны налы жө
колана вөвгьясөс. Миянлы сьом
босьтны та вылө сәсся некы-
тысь.

– Ті вышшитчанныд тани! – скөрмис воевода.

– Ми – рам войтыр, воевода. Новгородлы быд вося вот мынты-
ны дугдөм бөрын, кутім мынтыны сійөс Мөскуалы. И мынтысьлім
век ас кадө. Сідз?

– Миянлы нырыс колө, оз бөжыс! – горөдіс Пөстрый. – Мый
тиян вотныд!


– Да, сідз, – довкнитіс юрнас Микал.

Пөстрыйлөн скөр йывсьыс шусис, мый юрас кутөма.

– Миян бөрын кольө Енлы эскём да бур оланног, – небзьө-
дыштіс сёрни визьсё воевода.

– Ме бара верма скөрмөдны тэнө, воевода, но ті медводз колян-
ныд ас бөрсянныд сотчөм каргьяс джынвыйөдз кольөм йөзөн.

– Мыжаөсь асьныд! – орөдіс воевода. – Ыджыд князь бур ногөн



корис перымсаясөс отсавны босьтны Казань, тотараяслысь юркарсө. Тiянөс виччысисны вежон чөж и лои вешйыны бөр – Чердiнысь некод эз лок, а өд тотараяс и тiянөс дөнзбөдлөны. Но тi вöлинныд тотараяс дор и купечьяссө налысь пыддиджык пуктiнныд. Тайö вывтi ёна дöзмöдiс великöй князьöс.

Микал эз вермы кутчысьны шпыньмунöмысь.

– Кымын помка нин тэ лыддьöдлiн, воевода?.. Казань, ачыд тöдан, миянсянь зэв ылын. Матынджыкöсь йöграяс – найöс ми не-важөн на вöтлiм. Ыджыд воштöмьясөн. Накöд волам тышö во космöсөн. Нокыс и накöд тырмымөн вöли пыр. Но со, тэнад йöз öнi кар пасьтала чукöртöны дона куяс и шуасьöны: «Мый вöсна локтiм – сюрис. Öнисянь тайö ставыс лоö миян». Тiян купечьяс асьныс шуöны: «Небыд зарни – ур, низь, тулан, анча, руч и мукöдыс – сетöны Мöскуалы казна джынсö». Чайта, сы вöсна тi и танöсь. И, дерт, бурөн онö нин мунöй. Воинныд кө нин. Тi öд: кытчö тувчан-ныд – сийö тiян нин...

Воевода камгис кабырнас пызан кузя, писар повзöмысла той-ыштiс гижан борда кинас пемыд ва дозсö, и пемыд ваыс резыштiс пасьталаыс. Войтьясыс воöдчисны весиг сёрнитысьясöдз.

Воевода горöдiс öдзöс сайö кывмөн да öдийö пырём ратниклы тшöктiс нуöдны Ыджыд Перымса вöвлөм öксайöс. Тадзи и шуис: «...Вöвлөм öксайöс».

Микал чöла петiс жырьсыс.

Лöддза-номъя тöлысьöс вежис сора тöлысь, пöсьөн оналысь шондiөн, видз выв воём турунөн. Ытшкандыр. Колöмыд венö полöмтö: ловйөн кольём йöз – аньяс, пöрысьяс, челядь, нöйтöм-доймалөм отир – петалисны вöчны векöвöйся могнысö, заптыны подали локтан тöv кежлö турун.

Шлыньгис-визувтiс Колва ю. Чердiн сулалис юлань банөн, кыпыд, гажа, но öнi повзöдлiс сотчөм съöd керкаясөн, ылысь воём йöз сёрниөн да быдөнөс личкалысь вермытöмлун руөн...

Син улö усьлисны и кутшöмсюрö вежсьöмьяс. Ратникьяс котырөн-котырөн вочасөн муналисны. Пöрччалисны ас вывсьыныс дженьыд соска көрт дөрöмнысö да тэчалисны мукöд көлуйыскöд тшöтш гöгыля додясö, гораа чуксасьлисны öта-мöдныскöд енэжöдз качысь бипурьяс дорын, а видзöдан да – абуöсь нин. Мунöмаöсь. Кодi – рыгывылö, Ливониялы да Литвалы паныд, кодi – асыв-вылö, йöграяслы да Сибырса ханстволы паныд.

Воисны дыр виччысяна юөрникьяс. Ыстөм грамотаын великöй князь Иван III тшöктö вайöдны Ыджыд Перымса öксай Михаил Ермоличöс да сылысь воеводаяссö Мöскупаö.

Воевода Пёстрый тшöктiс корны Микалöс. Тöрыт найö во-

исны өти кывйö, мый кад нин вайöдны йöзöс ылыс вөр керкаясысь. Воевода ачыс ветліс мупытшса туйöд помсянь помöдз, ёна шензис вöчöм ыджыд уджнас да шуис öтчыд Микаллы, мый сы местаын эськö петкöдіс таті шыпурта йöзöс кар сайö да уськöдчис ратникъяс вылö мышсяньыс. «Позис, миян кө вöлі көть джын мында йöз, мыйтаöс ті вайöдінныд Чердін бердö», – вочавидзис Микал.

Евö öксань дорö Микал ыстіс Миня Игнашöс.

– Аски петанныд туйö, – виччысьтöг юөртис Микаллы воевода Пёстрый. – Тэнö да воеводаястö Мöскуаöдз вайöдас воевода Гаврила Нелидов. Меным тшöктöма кольчыны татчö. Чердіннын тэ пыдди коляс пиыд – Матвей Михайлович. Мый виччысьö водзö тэнö, тöдöны сöмын Ен да ыджыд князь. А меным со шуöма кольчыны тани... Кодкö вежалысь воеводаясысь вöчöма тадз... М-да...

– Кора тэнö, воевода, сетны позянлун гортсаяскöд аддзöдчывны. Ылын налы локнысö. Найö öд оз и тöдны, мый меным аски ковмас петны кузь туйö.

– Медся уна виччысясны лун шөр кадöдз, – коса вочавидзис Пёстрый.

– Кодъясöс ме верма босьтны сьöрысь?

– Аскöдыд орчöн сöмын öти мортöс, кесйылöстö, кодöс ыстін гортсаясыдла. Воас кө...

– Сэні абу этша йöз, гортсаясысь кындзи.

– Найöс некод оз вөрöд. Война помассис. Ті Мöскуаса княжестволөн олысьяс.

– Сідзкö, ме верма босьтны унджыкöс... Мöскуаса княжестволөн кө олысь.

– Öтиöс! Ме шулі нин.

– Гөгөрвоа. Ме вермысьяс кийн.

– Туйын тэнö и видзасны, и могмодасны воевода Нелидовлөн йöз. Но тэныд, – чуткис вöвлöм öксайöс Пёстрый, – оз ло гажтöм. Öти котырын тшöтш мунасны юрнуöдысьясыд – Мычкин, Бурморт, Исур, Кач да Зырна.

«Мичай, Бурморт, Бисяр, Кöч да Зырнай, – ас кежсыс лыддьöдліс Микал. – Вермисны лоны накöд нöшта и Öнджа Як да Арси, но енъяс босьтісны кыкнаннысö ас дораныс».

– Налы лёк оз вöчны? – юалис Микал.

– Чайта, оз. Ми нуам великöй князьлы озыр козинъяс. На лыдын – 640 низь ку, дона пась низь куысь да быдса додь тыр бурной. Унджыксö лыддьöдлöмсьыс босьтöма тэнад юрнуöдысьяслысь. Тадзи и висьталасны Мöскуаын, мед небзяс сьöлöмыс ыджыд князьлөн.

«Сідзкö, Мичай, Бурморт, Бисяр, Кöч да Зырнай, – бара казь-

тыштіс ассьыс юрнуодысьяссö Микал.— Найö вöчисны ставсö, мый вермисны ки тыр йöзöн та ыджда вынлы паныд. Гашкö, тевтонъяслы паныд та мында ратниксö эз ыстывлыны. А низь куяс... Тайö-ö мый озырлун Ыджыд Перымын? Оз на та мында мöдны нуны Мöскуаö – ёна унджык. И юасьны оз кутны..».

Пёстрыйлöн кабала серти, важся летописьясын нэмъяс кежлö коляс гижöд: «Воевода Фёдор Пёстрый городки пермские Искор и Похчу и Чердыню взял, князя Михаила Ермолича и сотеников ево Мычкина и Бурморта и Исура и Коча и Зырна к князю великому на Москву прислал».





МӨСКУА

Сизим му сайё



УЗЯ НЮЖӨДЧӨМӨН, люзьгисны рытиввывлань вёладоддяяс. Небыда гирликтисны бура мавтём гёгыльяс. Мунан туйсё водзвыв вёлі бөрйёма да лёсьёдома – вуджан юяс вылын виччысисны нин пурьяс, торья сувтытөг вуджлісны ю вомён нюжөдөм гез отсөгөн и вёлаяс, и подөн мунысьяс. Роч мулань вольлалісны-мунісны и венысьяс, и венёмаяс.

Кык ыджыд гёгыля, болкъя¹ доддын – телегаын, кызди шулісны рочьяс, өтрасөн пукаліс Микал өксаі. А ортсын, телега бөрланяс лабич вылын, лайкъялісны өтар-мөдар, тайкө оз усны, Миня Игнаш да Тикө. Болк улас найё сайөдчывлісны сөмын зэрысь, а пондіа лунө унджык туйсё вольлалісны телегаыскөд орччөн либө бөрас. Вөлөн веськөдлыны торья эз и ковмыв, сійё ас вольяысь вольлаліс сы водзын гирликтысь көлесаяса жө додь бөрся.

Ратникьяс унджыкыс гортланьыс мөдөдчисны ва туйөд – пурьяс вылын да гырысь пыжъясөн Колва кузя, а сэсся кывтасны Кама ю нбылыд. Казань ханстволөн муяс дорө вотөдз (сэтчө веськавны – ой-ой-ой!), ратникьяс петасны берегас да босьтасны нырвизь Вяткалян. «Сылань и ми туй кутам, – гөгөрвоөдіс Микал. – Сэтысянь сэсся, коді кытчө. Öтияс – Совдорө, мөдьяс – Югдіно, коймөдьяс, а на лыдын и ми, – Мөскуалань. Кодлы кытчө шуөма, сэтчө и мунас».

¹ Болкъя – зэрысь видзан вевта.



Вовъяссö чукöртисны Перым пасьтала. Öнi найö нуисны йöзöс, тышкасян кöлуй, сёян-юан, мырддьöм-чукöртöм эмбур, медясö – дона куяс. Бурмортöс, Мичайöс, Бисярöс, Зырнайöс да Кöчöс кутисны öтчукöрын, а Микалöс наысь торйöдисны. Весиг рыт-асывъясö, мегыр чöвтанинъясын, эз лэдзны аддзöдчывны. Микал корис, скöралис, шыöдчылис сы дорö индöм йöз пыр Нелидов воевода дорö, кодi мунис кöнкö водзын, но весьшöрö. Нелидов пыдди эз пукты Микаллысь корöмсö, воча кыв эз сетлы, эз сибöдлы ас дорас. Аслысруа. Зьваглив, скöр, воевода олис сöмын сылы аслыс гөгöрвоана тöждъясөн...

Вөр керкаысь чердинсаяс петисны гортланьыс нюжмасьтөг. Миня Игнаш тэрмөдлис йöзсö, сувтлыны эз сет, мед эськö гортаныс на суасны Мöскуаö мунысьясöс. Вöралысьяс-видзысьяс муртса эз зоръявны сийöс вывтi зильöмсьыс – налы öд мед ставыс лючки лои: быдөн сёрсыныс нуисны кутшöмскюрö эмбур, и сийöс колö синйыны, мед эз усь, лöсьöдыштны доддысь, выльысь кöртыштны. Чердин усьöм йылысь Миня Игнашсянь юöрыс парма войтырöс ёна шогö уськөдис, но вöчны немтор. Кияс дзик лэдзны оз позь. Ловъя кö, колö овны.

Мудзисны йöзыс, жуялисны, Сяринь да Мате, а торйөн нин Евö öксань, öдва кокъяснысö кыпöдлöны. Но буретш лун шöр кадланьыс петисны Чердин дорö. А карсянныс люзгысны нин Мöскуалань мөдöдчöм вöла-доддяяс. Нелидов тэрмөдлис найöс да здук эз кöсийы виччысьны. Та вöсна воысь-мунысьяслөн аддзысьлöмныс лои зэв дженьыд: кутлисны öта-мöднысö Микал да Евö, топöдчылисны на динö Сяринь да Мате. Дыр кeжлö ли пыр кeжлö ли торйöдчöны, мый йылысь кутшöмкö кольыштöм здукö сёрнитнысö?



Миня Игнаш да Тикö чöла сулалисны öтдортчыштöмөн. Тикö öти киас кутис асьыс ньöввужсö, а мöдас кутис ыджыд тубрас и виччысьöмөн видзöдис Сяринь вылö. Янсöдчан здукö Тикö корис вын коми енъяслысь – дорйыны öксайлысь ас котырсö и, торъя нин Сяриньöс, быд виччысьтöмторйысь.

Бөр керкаын олігөн Тикö бура петкöдліс асьсö – ветлывліс олöма вöралысьяскöд кыйны нуртор карысь пышйöм йöзлы и некор эз волы кыйдöстөг. Мукöддырйиыс эз вермыв кутчысьны: ошйысьöмөн мыччыліс кыйöмторсö воча петысь Сяриньлы, кöть бöрын нас эськö и кöритліс асьсö – вöралысьлы тадз оз позь, но мый сэсся вöчан: зонкалы нимкодъ, прöмысыс сюри да. Сьölöмсö шонтысь ошйысян налькйыс, кытчö тöдлытөг веськавсьö шуда кыйсьöм бöрын, мыйöнкö и кажитчис аслыс. Олöмсö югзьöдис, Перым му вылын артмöм шуштöмлунсö быгтьö сайöдис кутшöмакö...

Микал да гортсаясыс ордчисны öта-мöдысь. Колö вöлі мунны. Дöзмöмөн со виччысисны нин. Евö öксань синваөн бöрддзис. Гудакылісны-олісны кымын во нин, и артмис медся лёк вöтын моз.

Кодкö вöралысьяс пиысь комиөн горöдöмөн шыасис на дорсянь ылыстчысь Микаллы:

– Мездмам огö коркö, Микал öксай?

– Коркö быть! – юрсö бергöдліс да сідз жö гораа вочавидзис Микал.

И муніс Миня Игнашкöд да нöшта кык ратниккöд, кодъяс, тыдалö, ёна полісны, мед Микал эз пышйы, эз вош кытчöкö.

– Енъяс мед видзасны тэнö!

– Виччысям бөр воом!

– Перымным ловзяс бөр!

– Сьолөмнад эн усы!

Кольччөмаяс горзисны, сиисны – татшөм туй кө нин артмис – бур туй. Некод найос эз өлөд. Ратникъяс көдзалисны нин кар вөсна тышсыйс, олісны выль төждъясөн. Мате сулаліс кос синъяса, чөв оліс. Сяринь тэрыба сёрнитіс бёрдысь мамыскөд, ачыс ёна жө шөгө усьома, жугыльмөма. Сэсся кодкө и такөдны заводитіс өксаньос, аддзысьомыс пө артмис да, и сійө нин бур. Енъяс отсалісны. Мый сэсся вөчан? Өні колө енъяслысь мылыштөм корны, олөм кокньөдөм...

Мыйкө дыра чөв олісны, но сэсся Евө өксань виччысьтөг уськөдчис разны ас кыись тубрассө, кыскис сэтысь мича серъяса ичөтик куд да нюжөдіс тэрыба Тикөлы.

– Тубрастө кисьыд чөвтлы да тайос котөртөд Микал өксайлы. Сет сылы. Ёна кора. Тикө, өдйөджык!..

Тикө пунктіс муас тубрассө да асыйс ньөввужсө, босьтіс өксань кыись ичөтик кудсө и котөрөн мөдөдчис суөдны Микалөс. Сьөрсьөн-бөрсьөн довгисны-мунісны вөлаяс. Недыр мысти Тикө казяліс болкъя додь, а водзас, лабич вылын, Миня Игнашөс, кузь веськөдлан гезйөн киясас. Тикө горөдөм вылө Миня Игнаш кежөдіс вөвсө да сувтөдіс. Додь бөрсяыс мунысь верзьөма ратник арөстіс Тикө вылө да мөдіс зырны вөвнас, но мыгчысис болк сайсыйс Микал да сувтөдіс верзьөмасө.

– Пыр татчө! – тшөктіс Микал, и Тикө өти здукөн чеччыштіс болк пытшкөсас.

Миня Игнаш вөрзьөдіс вөвсө. Некод эз вөрөд, эз горөд, эз шыбит Тикөос доддысь. Верзьөмаяс, тыдалө, вежласисны да лыддисны, мый мунөны найө, кодлы и колө мунны. А коді чеччө, коді пуксьө – мыйөн төдан...

Додьнаныс бөр пырисны мунап туйө. Тикө мыгчыс кудсө.

– Со, Евө өксань ыстіс...

И ланьтіс.

Микал босьтіс кудсө киас да суйис кытчөкө пыдөджык.

– А тэ пукав, Эжва Перымса зонка. Дзескыд кө, шоныдджык. Сідз?

Тикө көсйис вочавидзны мыйкө, но эз сюр мый шуны, и коли пукалан доддын, кодос вөсласа вөв кыскис Мөскуалань.

Небыда троньгис-зильөдчис мегыр выв жыннан.

Пырисны кыз пу сора пипу раскө. Отар-мөдарсянь инмөдчалісны болкйө вөсныдык пу вожъяс, увъясыс.

Лабич вылын – водзын – лайкъяліс, катласис Миня Игнаш. Микал асыйс мыйкө мөвпаліс.

Тикө кыв шутөг чепөсйис ортсылань да пуксис Миня Игнашкөд орччөн.

Вочасөн Чердін коли ылө бөрө.

Бипур дорын

Бöрынöсь лоины нейджыд каръяс, сиктъяс, посни да гырысьджык юяс, джуджыд туруна видзьяс, вөръяс. Парма-ягъяс вочасөн вежсисны сора вөръясөн.

Некымын лун мысти вой кежлö додьяссö тшöктисны сувтöдны сьöрсьөн-бöрсьөн сідз, мед артмис кытш, көні шöрас и йöз, и вöвъяс. Додьясыс лоины сайöдөн ортсысянь уськөдчöмысь. Пытш-кöсладорсяньыс кыйöдчисны ратникъяс.

– Тотараясысь полöны, – гөгөрвоöдис Микал вой кежлö татшöм ногөн дасьтысьöмсö, – Мöскуаыд öд öнöдз на тотараяс улын, мый көть и ачыс выпшитчö.

Сейны-юны налы вайлисны, а неылын, öксай додь дорын, век сулалисны, вежласьöмөн, кык-куим ратник. Гажтöмалисны, кажгисны-йирисны кос нянь, былторитисны мый йылысь кө, но Микалкөд сёрниö эз пырлыны – эз позь, тыдалö, служба сертинис.

Миня Игнашлөн вöли Микал гөгөр уна посни мог: юрси-тошсö тшöтшöдліс, мысьöдліс, паськөм бöрсяыс видзöдис. Дерт, и вöв бöрсяыс, Тикö отсөгөн, дöзьөр кутіс. Сюсь синма-пеля, сійö кокниа кыйліс юөръяссö да висьтасьліс öксайлы, Тикöлы тшöтш кывмөн, на гөгөрсә лоөм выльторъяс йылысь.

– Мугов чужöма отирöс аддзывлöмны талун, – юөртіс Миня Игнаш, вöвсö лэдзалигмоз.

Тикö кватлаліс сы кивысь сийöс-мегыр и став додьясян көлуйсö, тэчис öтчукөрөн. Сувтöдөм додьясысь аргом кытшын öзталісны бипуръяс. Пестісны аслыныс бипур. Найöс видзысь ратникъяс кадысь кадö вежласисны, вьялясыс, ёртъясныс моз жö, син увсьыныс эз лэдзлыны перымса йöзöс. Тадзи жö, көнкö, и Бисярöс, Көчöс, Мичайöс, Бурмортöс да Зырнайöс видзöны син уланыс, мед эз пышйыны, либö мед нинөм накөд эз ло Мöскуаö вотöдз.

Микал тöдис роч кывсö да корліс ратникъясöс пукыштны тшöтш бипур дорас. Миня Игнаш, орччөнтö олігөн, мыйтакö тöдис жö. Тикö тöдис йöгра кыв, кватлаліс и рочсö, видліс ачыс сёрнитны, а гөгөрволіс ёна унджык.

Рыгъя сейөм бöрын Микал казтыштіс гортсеяссö, мыйсюрö висьталіс Пестрый воеводакөд сёрниясысь, юасис Тикöлысь вөр керкаас олөм йылысь. А вөр керкаад олөмыд – лун да вой, виччысисны Чердінысь юөръяс, Евö öксань корсюрö нуліс важ коми енъяслы козинъяс сәні жö лөсьöдөм кевмысянінö и эз вунöдлы асыврыгъясö пернапас чөвтны Сус Крестослы, кодлы эскөмö пыртліс дас во сайын ачыс Иона епископ...

– Велөдöмыс выль Енлөн бур: эн ылөдчы, эн ви, ай-мамöс бурö



пукты, – тӧдчӧдліс бипур дорын Микал. – Коми енъяс таӧ жӧ чуксалӧны, ыджыд торъялӧм на костын абу. И енъяс вӧсна вензьӧмас позьӧ воны ӧти кывйӧ, вочасӧн, мырдӧнавтӧг, кыз пуяс да кевмысянӧнъяс керавтӧг-соттӧг. Но тані дзик мӧдтор... – Микал шуис тайӧс да чӧв уси, мыйкӧ ассьыс юрас кутіг.

– Ыджыд мам миян, Емдінын, Сус Критослы юрбитӧ, а ачыс суйӧ козинъяс вӧрӧ мунысьяслы, мед пуктасны кевмысянӧн, – шусис Тикӧлӧн. – Гӧрӧдыс абу Сус Кростос Енмын, а наын, кодъяс вайӧны Енлы эскӧмсӧ. Сы ним улын кокниджык ӧтувтны уна сикас сӧрниа йӧзӧс и, дерт, ӧттшӧттш налысь паськыд муяссӧ. А позьӧ ӧд и овны бурӧн: локтӧй, юасьӧй, босьтӧй и асьныд мыйкӧ вӧзйӧй. Йӧз – найӧ быдлаын вермӧны нимкодьясны, вермӧны доймыны.

Ас гортыд, ай-мамыд, челядыд дзик быдӧнлы донаӧсь, абу сӧмын кодлыкӧ. Горзӧны воӧмаяс: Менам чужан му, менам чужанвуж... Быттӧ мукӧдыслӧн и абу. Локтісны, сотісны, жуллисны...».

– И менам колисны ай-мам, Пырасын¹, – виччысьтӧг шыасис комиӧн бипур дорын сулалысь ратникъясысь ӧти.

Тикӧ чуймӧмӧн видзӧдліс выль сӧрнитысьыс вылӧ. Пырас йывсьыс сийӧ унаысь кывліс, карыс Емдінсянь абу и ӧна ылын. А со, ратникӧн ветлӧдлӧ. Чердін бердын вермисны ныр на ныр зурасны. Ӑти босьтӧ вынӧн – оз ассьыс, мӧд дорйӧ вынӧн – оз ассьыс, но ас йӧзлысь му. И кыкнанныс комиӧн сӧрнитӧны. Мӧд Кыз Ку...

– Нинӧм шензянаыс. Тикӧ со Емдінысь, а паныдасис чердінса вӧрын... – суйсис сӧрниӧ Миня Игнаш и немдіс.

Тикӧ гӧгӧрвоис: Кыз Ку айкаӧс Тикӧӧн виӧм йылысь кӧсйӧ вӧлі шуны, но ас кадӧ вежӧр выв воӧма, сы вӧсна и немдіс.

– Пӧстрый воеводалӧн унаӧн Совдорысь, Югдінысь, Вяткаысь,

¹ Пырас – ӧнія Котлас, важся кадӧ комиаслӧн оланін.

эмось эжвасаяс, сыктывсаяс, — шуис Микал. — Ыджыд төвнырыд паськыда босьтө, он и төдлы — гартовтас, уськөдас кок йывсьыд.

— Сідзи, — лайкнитіс юрнас коми ратник.

— Кызди тәнө шуоны, абу кө тайө гусятор? — юалис Микал.

— Йөзын — Топан, гортын — Колюр.

— Тешкодь ним.

— Инө ошйытөм да сійөн. Колюр миян лоө шөйтысь ур.

— А кызди ратникас веськалін?

— Ай-мамлөн челядьыс уна. Миян дас чоя-вока. Ме меды-джыдыс. Олам дзескыда. Водзті ветлывлі нин паськыд тенга¹ корсьны, а во-мөд сайын вөйыси ратникө. Век нин кынөмыд пөт.

— А сюран кө төдтөм туй вожьяс дженьдөдігад есь ньөв улө? Топан-Колюр серөктіс.

— Кызд еньяс шуасны. На кийн ставыс.

— А Сус Крестосыслы он-ө мый эскы?

— Ме аслым эска. Джөмда кө олөмас, некод меным оз отсав.

Кыв-вора морт, Топан-Колюр, висьтасис новгородсаяслы паныд кольөм воө ветлөм йылысь, тотараяскөд тур-бар косьө пыравліс, но найө, тотараясыд, өні зільоны падвежасьны мөскуаса ратникьяскөд. Полөны. Олөма ратникьяс шуоны, повны кутісны сы бөрын, кор перымса Степанлөн ертыс, Димитрий Иванович Донской, пасьвартіс темник Мамайөс Куликово эрд вылын уна во сайын.

— Төдышта и ме тайө отирсө, — пасйыштіс Микал.

— Найө, басурманаясыд, өні миян гөгөр мөдісны шөйтны. Сідз өд? — шыясис Топан-Колюр кык чөв олысь ертьясыс дінө. Найө кывзысисны сёрни шыясас, но сёрниас эз пырны, а юалөмыс вылө сөмын юрнаныс довкнитісны. — Ме аддзылі найөс, — шуис пырасса коми. — Вөвьясныслөн морөсас югьялан гөгрөс пасьяс и кымөсаныс тшөтш, а асьныс вөвьясыс посниөсь да кузь гөнаөсь.

— Казаньсө ыліті гөгортам, а казялөмаөсь, — пасйис Микал.

— Казялөмаөсь, — сөгласа шуис Топан-Колюр. — Дөзмөдчыны заводитісны, кор Вятка весьтын ратникьяс ыджыд котырөн кежисны войвывлань — Совдорө да Югдінө.

— А тэ нө мыйлакө эн мун накөд?

— Эг, — бара серөктіс ратник. — Ме ветлөдла мөскуаса йөзкөд. Гортланьө оз на кыскы.

— Тотараясыс сэсса вермасны и пондыны.

— Вермасны. Лэбалөны вөвьяс вылын, вөркань ку юр кышө-даөсь. Вөрканьыд некор оз сөй кулөматө да, куыс сылөн өн, лөсталө, та вөсна и новлөны. Шенасьөны чукля шыпуртьясөн, горзөны. Чайта да, повзьөдлөны. Бурсө виччысьны насянь нинөм. Басурмана, басурмана и эм.

¹ Тенга — деньга (тотара кыв).

Пукыштисны на мыйтакö, сәсся водны лөсьöдчалисны. Миня Игнаш узланъяс разис. Тикö лөсьöдыштис бипурсö. А сы кості ратникъяс бара вежсисны. Вьялысы өтдортчөмөн кутчысисны, сёрниөдз эз волыны, сөмын ас костаныс боргисны да жөдзисны водзö-бөрö. Бипурсянь эз ылысмывны.

Миня Игнаш

Уськөдчисны тотараяс вой шөр бөрүн. Дзик виччысьтөг. Ловъя төвнырөн вузъысисны некымынладорсянь. И заводитчис. Ратникъяс, кодъяс шойччисны нин лунся кузь туй бөрүн, водзасисны сійөн, мый ки уланыс сюри. Горзём, матькөм, ойзём. И өтырышъя путьлялан шыяс – тайö нөвъясыс тотараяслөн. Найöс сідзи вөчөма, мый лэбигас гораа кылö шутөвтөм шы.

Асъя рөмыдас чегласисны шыяс, юръяс весьтын швичкисны лэчид шыпуртъяс, жвучкакылісны мышкуяс кузя сьökыд бердышъяс да черьяс... Зарни Орда нөшта өтчыдысь петкөдліс ассьыс ёсь гыжъяссö. Шустөм гаж!

Перымсаяслөн кианыс нинөм эз вөв и найö эз төдны, мый вөчны, кытчö воштысьны. Орччөн кыліс пель чунавтөдз гора шутөвтөм шы, Микал дорö чепөсйөм ратник, сійөс видзысь уси сатшөм нөвйөн морөсас. Оксай кватитис сылысь шыпуртсö. Тикö мынтөдіс ратниклөн косьыс нюлыссö да босьтис киас нөввуж. Видзысьясыс вөліны куимөнөсь. Кольөм кыкыс базмисны, найö видзөдісны, кызди усьөм ёртныслысь пленнөйяс босьталісны шыпуртсö, нөввужсö, нөвъяс тыра нюлыссö, и эз төдны, мый аслыныс өні колö вөчны; кутшөм ногөн видзны Ыджыд Перымса вөвлөм князьөс.

Бөрö-водзö лэбалісны вөлаяс. Öти верзьөма шматкысис вөв вывсьыс муас дзик орччөн, но сәсся сувтис да лөкысь мөдіс горзыны: «Урсут¹, ясак мынты! Тенга вай! Пон сит!» Горзö кытчökö ывлаас, он гөгөрво – кодлы. Матысмис мөд верзьөма, кутис отсавны ёртыс-лы бөр сөвны вөв вылас да ачыс уси...

– Гажаөсь, сөтанскөй! – гораа артмис Миня Игнашлөн. Сійö сулаліс Микал водзын да кутис шуйга киас пуысь вөчөм и кучикөн зэлөдөм вывтыр сайөд – му вывсьыс кыпөдөма, а веськыд киас кутис дженьыдик вөралан пурт, кодос сьөрсьыс новлөдліс. Удитөма кыскыны дзевлалан пуртөссьыс.

Кык тотара кыпөдісны вывлань ассьыныс чукля шыпуртнысö да, горзан шыясөн асьнысö ышөдөмөн, уськөдчисны сулалысьяс ылө. Дорйысьяс лоины унджыкөнөсь: кык ратник, Микал, Миня Игнаш да Тикö. Кызь вит-комын воськов ылнасянь куим нөв

¹ У р с у т – сәкся тотараяслөн роч йөзөс шуанног.

отпырйö лэбыштисны мугов
чужöмаяслы воча. Найö усис-
ны и сэсся эз нин сувтны.

Ратникъясысь öтиыс,
вöрасаджыкыс, вайöдiс уськö-
дчысьяслысь кыкнан вöвсö,
öти вылас тшöктiс пуксьыны
Микаллы, мöд вылас ачыс
сöлис и горöдiс ёртыслы, мед
видзöдас кык кольöм перым-
саыс бöрся. А сэсся сермöд гез-
нас вөрзёдiс вöвсö, но Микал
горöдiс, мый Миня Игнаштöг
да Тикöтöг сiйö некытчö оз
мун. И копыртчис сөлöдны
Тикöс аслас вöв вылö. Ратник
вочавидзис уна судта роч
матьöн, но нюжöдiс кисö Миня
Игнашлань. Горöдiс бара рат-
никлы, мед усйысяс öдйöджык
Нелидов воевода дорö – сэни
унджыкыс дорйысьöны.

Тайö здукас виччысьтöг и
лэбыштисны-воисны вөркань
юр кышöда верзёмаяс.
Чöвтисны ас водзаныс нярта-
лаяс. Тикöс гезнас кыскисны

Микал вöв вылысь, и сiйö уси муас, кöсйис сувтны, но киясыс то-
палöмаöсь зэлалöм гезьсыс. Сы гөгöр жöдзисны вöлаяс, дзик чужöм
весьтас мыччысьлис паськыд вöв кок пыдöс, гольснитiс личалöм
пыд көртнас, но тувччис муас. Кылис шыпуртöн швичнитöм шы, и
орччөн уси вирөн ойдöм пода ратник.

Тикö кыпöдiс юрсö, и сы водзын воссис татшöм серпас: верзё-
öма ратник дорйысис шыпуртöн муг рöма кык верзёмалы паныд,
орччөн швичйöдлiсны шыпуртъяснас Микал да кизьöр юрси-тош-
ка озыра пасьтасьöм тотарин.

Миня Игнаш, сiйö здук кежлö сöмын и удитлiс сöвны вöв вы-
лас, сэсся усьöма ли, ачыс чеччыштöма ли, матыстчис озыра пась-
тасьöм тотарин дорö мышсяньыс да ёна тракнитöмөн уськöдiс сiйöс
му вылö. Усигас тотарин лёкысь горöдiс. Ратниккöд тышкасьысь,
верзёмаясысь öти, чепöсйис отсöг вылö и Тикö син водзын
лöсыштiс шыпуртнас Миня Игнашлы öтчид, мöдысь дай коймö-
дысь. Вирөн ойдöм Миня Игнаш кыв эз вевъяв шуны, пöри
жöдзысь-чеччалысь вöвъяс кок улö.



Тикөлөн сингъяс водзас пемдіс. Эз эскыссы сылы, мый сөмын на адзыліс. Сы гөгөрса шыясыс горалисны, быттьо муніс вузасьом-ньобасьом Емдін либө Чердін каршөрса эрд вылын кутшөмкө мича гожся луно.

Дыр-ө, регыд-ө тадз вөлі, но гезыс доймытөдз топөдіс Тикөөс, и сылөн горөдсис.

Али мирза

Паськыд, гөгрөс кыз вон пытшкын мөвкъяліс курыд ва дук. Сись би дорын пукаліс тотараяслөн ыджыдалысь Али мирза. Асья ыркыдыс вөсна чөвтөма ас вылас зарниөн мичмөдөм низь ку пась, юрас дона куөн дорөсалөм юр кышөд.

Али мирза лөсьөдчис ветлыны тайө гожөмнас Бахчисарайө, шонтыны лунвывса пөсь шонді улын висьысь кокъяссө. Тадзи вөлі шуөма быдөнлы, но этша морт төдіс, мый сылөн эм гуся мог – адзысьны Менгли-Гирейкөд, крымса ханкөд. Мөскуа да Казань важысянь нин олісны гыжъя-вежъя, и колө вөлі асланьөдны Менгли-Гирейөс Мөскуакөд быть лоана тышъясөдз. Крымса хан ыргянитіс, кутіс асьсө гөгөрвотөма, весиг өртасыны зіліс Иван III-көд. Колө вөлі өлөдны сійөс таысь, та вөсна и шуисны Казаньын ыстывны Али мирзаөс Крымө.

Чукөртісны дона козингъяс. Зарни, эзысь, шоча паныдасылысь дона изгъяс чукөрмисны тырмымөн. Но Бахчисарайын медся өна донгъялісны ловъя эмбур – мырдөн вайөдөм йөзөс. Али мирза сувтіс неыджыд вынгъясөн Улыс Новгород да Казань костын, восьса эрд вылын, медым кыйөдны московитгъясөс да кватлавы найөс. Мөскуа дугдіс мынтыны вот Зарни Ордалы и мед көть нин татшөм ногөн кутшөмакө вештысяс. Топөдасны кө рөзбой вөчөмысь, кокниа позьө дорйысьны ыстысьөмөн: Улыс Новгород да Казань костын дорвидзөг пасгъяс эз сулавын и сьөкыд вөлі шуны – эрдыс тайө князьлөн али ханлөн му вылын.

Али мирзалөн йөз ылісянь казялісны кузь бөжөн мунысь ратникгъясөс. Вөвгъясөн сьөрсыныс нуисны уна эмбур. Сэні жө восьлалісны домалөм йөз. Московитгъяс вөліны, веськыда кө шуны, ас му выланыс нин и уськөдчөм эз виччысьны. Тайөс и босьтіс төд вылас Али мирза да вувзгысис войнас вугралысь-узысь йөз вылө. Но московитгъяс вөлөмны уна лыдабсь и на пытшкын весиг воевода веськалөма. Та пөрийө этша сюри ловъя эмбурыс. Ковмас кватлавы кока козингъясөс Крымө мунігмос нин.

Али мирза видзөдіс кылалөм сингъясөн сы водзө вайөдөм югыд юрсиа зонка вылө да зіліс төдмавын, абу-ө сійө бояра-воевода либө,

енгъяс мед видзасны, князь чужанвужысь. Сійӧс вӧлі водзвыв чорыда ӧлӧдӧма ыджыд тышгъясӧ пырӧмысь.

Роч кыв вылӧ вуджӧдысь пыр Али мирза тӧдмаліс пензьӧданагоргъяс, вӧлӧмкӧ, воӧны гортаныс Ыджыд Перым босьтысьяс, вескӧдлӧ наӧн Нелидов воевода, сьӧрсъыныс нуӧдӧны Ыджыд Перымса князьӧс да сылысь воеводаяссӧ, а тайӧ зонкаыс – Эжва Перымысь, кӧні, сылӧн чайтӧм серти, во джын кыссьӧ лун, а сӧсса сы мында жӧ – вой. Кӧні олӧны кузь гӧна куясӧ пасьтасьӧм зумыш тунгъяс, кодгъяс сӧйӧны турун...

А тайӧ со нинӧмӧн оз торгъяв мустӧм московитгъясысь, но ачыс абу московит.

– Шу мыйкӧ асланыд ногӧн, – тшӧктіс Али мирза. – Кызди тӧнӧ шуӧны?

– Тикӧ.

– Ти-кӧ. Со и висгътав, Тикӧ, кызди тӧ веськаліл татчӧ? – бара тшӧктіс Али мирза да корис кысгътны аслыс нӧшта курыд васӧ. Вӧв йӧлысь, кумысысь, вӧчӧм курыд ва вӧлі сэтшӧм чорыд, мый юысь акнитіс да чунгъяснас вом дорсӧ тӧлӧдіс. Сӧсса малыштіс топсӧ да босьтіс киас пуӧм ыж яй. Ыджыд тор. Лысӧ босьтіс вороп пыдди и кутіс азыма вильӧдчыны.

Тикӧ дженгъыда висгъталіс рочӧн ас йывсгъыс – Емдінын олӧм йылысь, Урай-Паульӧ нуӧдӧм йылысь и, дерт, Чердінын лоӧмторгъяс йылысь. Ӧні сійӧ эз тӧд, мый вӧчны. Корны, мед лӧдзасны? А кодарӧ мунас, лӧдзасны кӧ бытгӧ? Да и эз лӧдзӧм вылӧ сійӧс татчӧ вайӧдны.

Али мирзаӧс заводитіс сутшиктӧдлыны. Сійӧ дыр видзӧдіс Тикӧ вылӧ, весиг ыж яйсӧ чайгъыны дугдіс. Сӧсса чунгънас корис зонкаӧс ас дорас матӧджык.

– Кӧсгъян шонді саридз дорӧ мунны? Лоан кесйылӧсӧн Менгли-Гирей ханлы Бахчисарайын. Куган видзны сылысь гӧтыргъяссӧ йӧз сингъясысь. Он кӧ кажитчы, вузалас саридз сайӧ Осман-пашалы. Бара жӧ абу лӧк...

– Меным эськӧ гортӧ, Емдінӧ...

Али мирза чукыртчис гажтӧма.

– Висгътав перымса тайӧ кычипыслы, мый сійӧс кутасны велӧдны орсӧн быд пӧрйӧ, кор сійӧ шыасяс паныд, – кывгъяссӧ нюжӧдӧмӧн шуис вуджӧдысьлы Али мирза. – И мӧдарӧ, лоӧ кынӧмыс пӧт, юрсӧ кӧ велалас кутны улынджык... Петкӧдлы!

Кывгъысь кывгъйӧ вуджӧдысь, абу тотарин, роч, кыз ныра, сӧнгӧра айка, вынӧн личкис юрсӧ Тикӧлысь увлань да тадзи кутіс, кытчӧдз Али мирза эз петкӧдлы кинас, тырмас пӧ.

Тикӧ кокгъяс улӧ уси джынвгъйӧ вильӧдӧм лыыс.

– Висгътав, мед кыпӧдіс...

Тикӧӧс нуӧдісны вӧсьса эрдӧ да лӧдзӧм поскӧд тойлалісны век-




нъдик джуджыд гуё. Поссё сэсся бөр кыскисны. Ылын увтисны понъяс. Али мирзаён вильёдём лысё Тикё чөвтис бокё вонсьыс петём бёрын, мыйысь сылы косьобтисны кок йывсьыс усьём выйөдз. Мый өнi виччысьны?..

Мездис-ө Миня Игнаш Микалөс? Асьсё енъяс босьтисны ас до-раныс.

«Миня Игнашлөн лолыс вуджас пожөм пуё, – мөвпалис Тикё. – Мортыс бур вөли. Гажа ягын водзё мөдас овны джуджыд, мича пожөмын. Уръяс пуксьыласны шойччыны сылөн зумыд вожъяс вылө, лэбачъяс сысянь кутасны чолөмавны асывсө. Төв нырыс сы-навны мөдас кузь лысё. Ак, Миня Игнаш...».

Өти кузь гез йылын, көрталөм кияса, восьлалисны Казань кар-лань мырдөн өктөм йөз. Унджыкыс томөсь. Шога дзуртисны мавттөм гөгыльяс. Додъясянныс и нюжалис кузь гезйыс. Восьла-лысьясыс ставныс – Али мирзалөн Менгли-Гирей ханлы козин. Найөс тэрмасьомөн кватлалисны матигөгөрсач роч муяс вылысь и өнi зилисны воны өдийджык Казань карөдз. Мөскуа ачыс на вөли Зарни Ордалы вот мынтысьөн, но воысь-во ёнмис и ыршасис нин Казань босьтны. Со, Ыджыд Перым усьөма нин. Но уськөдчөмыс московитьяслөн кор на лоё, а сыөдз колө лөсьөдны йитөдъяс ас-ныра Менгли-Гирейкөд.

Али мирза пукалис озыра мичмөдөм гөгыля доддын, дзирда-



лан лоз ермөгысь калата, юрас – ёсь йыла юр кышод, гынысь. Сійö вуграліс, а садьмылігъясö кыскыліс чепöльнас ичот кудйысь ёсь дука косьтöм турун, исыштліс сійöс, кытчöдз оз несйод, и бара сетчыліс узян-унмö.

Кöнкö сы бöрын кыссисны, довгисны, лётіктісны мудзöм йöз. Öткымынъяс гораа ропкисны. Та йылысь Али мирза тöдіс, мукöд кадö важөн нин эскö тшöктіс ляскывлыны еджыдöдз донöдöм көрт пас, но этійöясöс колö вöлі вайöдны Бахчисарайöдз. Мед Менгли-Гирей вöчас накöд, мый көсйö, а сійö, Али мирза, шоньд ваын көтöдöм кучик орсысь кындзи нинöм оз вермы вöзйыны. Вот сувтласны бара, и варовджыкъяссö тшöктас раммöдны.

Юр весьтын öшаліс ставсö сотысь шонді.

Регыд тыдовтчас Казань.

Водзын виччысьтөг кузь кыйöн¹ мыччысис гартчан бус и кутіс öдйö матыстчыны мунысьяслань. Али мирза дорö сувтісны верзьöмаяс, и öти на пыись, мусульманалысь пас кинас вöчöм бöрын, нюжöдіс Али мирзалы гартлöм и сир пасөн томналöм гижöд – Казаньысь.

Юöрыс вöлі этша кывъя: «Гаврила Нелидов мöскуаса воеводалысь босьтöм йöзöс пырысьтöм-пыр лэдзны бөр, прöща корны вöчöм лёкысь и мынтысьны воеводаөн ыстöм московитьяслы».

Лым кө усис вывсянь Али мирза юр вылö, сійö эскö эз во шемöсö сы выйöдз, кызд öні.

¹ К ы й – змей (важ кыв).

- Да тайо ун йыв котом, сөрөм! Ме... ме – ханлон мирза!..
 Муг рөма юөрник, паськом сертиг ачыс абу ичот морт,
 гөгөрвоодис зэв дженьыда:
 – Нелидов воеводалон киас – «Пайцза хана»¹.
 Али мирза гораа ышловзис:
 – Хана...

Переяславль-Залесский

– ...Но, Эжва Перымса зонка, висьтась, кыдзи тэ муртса эн аддзодчы крымса ханкод, – шмонитис Микал оксай.

Тикө пукалис доддын сыкод орччон и нимкодпырысь видзөдис ас гөгөрсэ эн югыдыс вылө.

Ставыс эськө бур вөли, пукалис кө тані тшөтш и Миня Игнаш. Бара на, модьсь ли, коймодьсь ли, висьтасис Тикө Али мирзалон паськыд вон пытшкын сёрни йылысь, а бөрас гарыштис Миня Игнашөс. Кыдзи сийө вөв вывьсыс кыскис тотаринөс, коді лёкысь зырис Микал оксай вылө, и тагысь сийөс мод тотарин косьобтис, гашкө и, шөрипөв шырыштис. Тикө аддзылис: Миня Игнашысь коли сөмын вир ёкмьыл. Эз и казав, синваыс ыджыд войтөн гөгьлтчис чужом кузялаыс.

– Забеднө... Мортгыс бур вөли, – правдайтчис Тикө.

Микал шөгсө кутис ас пытшкас.

– Ичөтсяныыс ме төдлі Миня Игнашөс, – шуис сийө. – Еника пöчным унаысь пасйылис сюсьлунсө, изки улысь петас пө, сюрас кө. А со эз пет. Гуалімөй ми сийөс отлаын усьом ратникъяскөд... Коркө од йөзыс воасны вежөр выв, дугдасны зырласыны ота-мөд вылө. Морт вибөмон олөмтө Му вылас он лөсьөд.

Микалсянь Тикө төдмаліс, мый тышө пырөма и ачыс Нелидов воевода ас бердса верзьөма йөзкөд. Индөма Микал дорө выль видзьясьсөс, и найө петкөдөмаөсь тышысь – Мөскуаө корөмаөсь ловья Микалөс, а ыджыд князьлөн кывйыс чорыд. Басурманаөс пуркөшитөмаөсь, а Микалөс петкөдисны тышсьыс. Сайөдисны. Тотараяс эз и лөсьөдчывны ыджыд тыш вылө – орөдчисны московитьясысь и пышйисны. Скөрмөм Нелидов сэки и тшөктис корсьны сьорсьтыс новлөдлан «Пайцза хана». Тшөктөма петкөдлыны власть кутысьяслы да содтыны нөшта, мый оз кө пуктыны пыдди асьыныс грамотасө, Мөскуа да Казань костын пансяс выль тыш...

Мөскуалань мунысьяс мөдөдчисны водзө.

Вөв вөтлысьон Микаллы индісны Троице-Сергиев манастыр-бердса сиктын олысьсөс. Нимыс Савей. Туй чөжыс чөв оліс, сөмын

¹ «П а й ц з а х а н а» – Зарни Ордалон ыджыд вына грамота, код серти сийөс петкөдлысь мортлы колө сетны быдсяма отсөг и некутшөма оз позь дзескөдны.

Микаллөн юалём вылө гөгөрвоодіс, мый сиктыс Мёскуакөд дзик орччөн, и мый сійө, «раб Божой» Савей абу ратник, а медалём вөв вөтлысь. Регыд гортас воас, Ыджыд Перымө ветлөмсыйс сылы көсйысисны сетны бур вөвъясөс, сьөм, сәки и воссяс олөмыс. «Н-но!» – горөдлывліс Савей, но вөлөс эз кучкыв, төдчис, радейтө уджач пемөссө да ас ногыс сійөс гөгөрвоө.

И кузя варовитлісны, и дыр чөв олісны Микал да Тикө, кодъясөс олөм төв нырыс нетшыптіс чужан позсыныс и өні нуө со код төдас кытчө да мыйла.

Миня Игнаш нэм кежлө коли куйлан Волга ю бокын, Казань да Улыс Новгород каръяс костын, а нөшта өти комиөс, мёскуаса Иван III великөй князьлөн ратник Топан-Колюрөс, некоднанныс эз нин сәсся аддзывны – восьлаліс на, гапкө, көнкө йөз чукөрын, либө уси нин тотараяскөд войся тышын да куйлө Миня Игнашкөд өти гуын. Ас йөзысь ылын бокын, но ас енъяс син улын.

Тотараясысь видзчысьөмөн, Гаврила Нелидов босьтіс мунан ныр-визьсө войвывланьджык да вуджис Волга юсө Улыс Новгородысь өна вылынджык, та вөсна туйныс мунысьяслөн төдчымөн нюжаліс и Мёскуалань өні матыстчисны эз асыв-лунвывсянь, а асыв-вой-вывсянь.

Шондіыс рытлань нин катовтчис, кор паныдасисны медводдза дзоляник керкаяс, сәсся ыджыдджыкъяс и ылын водзын тыдовтчисны югъялан вичко юръяс.

– Тайө и эм Мёскуаыд? – чепөсйис Тикө.

– Абу, – кыв сетіс Савей. – Тайө Переяславль-Залесский кар. Мёскуалань джын туй вылас тасянь и Троице-Сергиев манастыр лоө, а сәні матын и сиктным миян. А өд виччысьөны... – кутіс шуасьны Савей, бергөдчыліс бөрлань, и Тикө аддзис, мый вөв вөтлысьлөн синваыс петөма.


– А тасянь Мёскуаөдз ылын-ө? – юаліс Микал.

– Тасянь верст 140 на лоө, оз кө унджык, – вочавидзис Савей, да содтіс: – Узьмөдчыны тані лөсьөдчөны. Тянлы керка аддзасны, а ме вөлөй дінын узя. Поводдяыс кос, шоньд... А турун дукуыс! – бергөдліс юрнас сійө. – Аминь!

И кутіс чөвтавны пернапасъяс.

Позис гөгөрвоны – Савей матысмө гортланьыс. А Микал? А Тикө? Кытчө матысмөны найө? Олісны-вылісны эськө гортаныс, а со тай: лоө ратникъяс син улын йөз муө таркөдны-мунны...

Пырисны карө. Керкаяс видзөдісны өш гадь да выйөн йидждөм руд дөра өшиньясөн, но, кымын водзө, сымын ылын юраөсь кутісны лоны найө, да и өшиньясыс лыдмисны, югдісны мича небыд дзирдөн. Водзын тыдовтчисны джуджыд вичкояс. На дорө вотөдз



вöлая сувтисны. Ветлöдлисны пурьсыястi карса олысьяс – кодкö озыра пасьтасьöма, унджыкыс – гöльджыка.

– Ме чайтi мöскуаладорад ставыс озыра олöны, – чуймöмөн шуис Тикö, а гöлыс и танi тырмö. Дöрöм сосьясныс сырзöмаось, сямöд кöмаось.

– Сямöд кöм новлысь кö эз вöв, эз вöв эськö и кучик кöм новлысь, – вочавидзис Микал.

Недыр сулыштöм бöрын Савейлы индiсны керка, кытчö колö сылы матыстчыны. Сэтчö индiсны узымöдчыны. Орччөн керкаыскöд пыр жö и сувтiс бердыша ратник. Найö тшöкыда вежласисны да тöдмасьöмтьяс та вöсна сэсся эз нин артмывны.

Микал кокни восьласөн веськöдчис индöм керкаланьыс. Воча петiс ас кыöм дöра паськöма ань. Микал копыртлiс юрсö да юалис:

– Оз-ö позь, бур ань, туй йöзлы вöзйысьны узыны? Кыкөн вöзйысьямöй – томиник морт и да ме со, олöма нин.

Ань, кызди и мукöд аньяс кöнкö Емдiнын либö Чердiнын, шыльöдыштiс кияснас водздöрасö да ышловзис.

– Патератö öд сьöрсьыд он новлöдлы. Пырöй, бур йöз.

Керка пытшкысь кылисны пöдлавтöм öдзöссияныс челядь сёрни да гигзöм, сэсся кыйкнитлисны öти бöрся мöд ичöтик гöгрöс чужöмтьяс. «Керка тырыс челядь», – гөгөрвоис Тикö. Микал юалана видзöдлiс ань вылö...

– Дзескöдам жö эськö да...

– Дзескыд кö, шоныдджык. Пырöй. Ми олам гоҗся жырас, а тiянлы узынытö дасьта тöвсьяс. Но медводз нуртор лöсьöда. Тi öд, дерт, кöнкö тшыгось.

Улльöв кыла месань корöмөн корис пырны. Савей отсалiс пыртны воисьяслысь кöлуйнысö да мунiс вöвьясланьыс. Тикö гөгөртлiс синнас – ёна выльсö нинöм эз аддзы: лэбулын поткöдлöм пес, сэн жö и пес вундалан кокша сулалö, пельсаяс, лэбынъяс, вузья пусь гöран туплясьö. Керкаыс ён, зумыд. Керъяс костас нитшкыс кузяла чурвидзö.

Пырисны. Ань пыртöдiс гоҗся жыръяс да юөртiс, мый сiйöс шуöны Феоктистаён.

Берд пöлöныс челядь сулалiсны. Чöv усьöмаось тöдтöм йöз водзын. Мыйкö дыра кежлö. Тикö лыддис: квайтöнөсь – кык нывка да нель зонка. Нывкаясыс гырысьджыкөсь. Кыйваыс арлыдаось кымын. А зонкаясыс посниджыкөсь. Лыйлöны синъяснаныс.

– А пöлыд нö, – Микал видзöдлiс челядь вылö, – чера удж вöчö али му-видз вылын кöнкö?

Варов ань ланьтiс. Матыстчис ен ув пельсö, чөвтiс некымынысь пернапас да ышловзис.

– Пöлöй уси, тасянь зэв ылын. Мöд керка вöли кöсйö кышöдны да мунiс ушкуйникъяскöд шуд корсьны йöз муö, воис эськö бөр, но

доймаломъяссыс регыд и кувсис. – Тикö аддзис паныда бердас пу тув йылын ошалысь кузь ньоввуж. Ань казяліс видзöдлассö Тикö-лысь. – Ыджыд озырлун эз и вай. Мый эм, ставыс син водзаныд. Со тай, ньоввужсö кыскö вайöма, да мый сыысь миянлы... Казы-тыланпом и сöмын. Ловъяыдлы ловъя колö.

– Сідз, – кыв көрталіс Микал да сэсса та йылысь сёрнисö водзö эз нуöd.

Керка пытшкöсыс ёнасö эз жö торъяв сыысь, мый öнöдз ад-дзывліс Тикö: саось джаджъяс, дась сартаса пеша, пеша вор, ва пельса, печкан лабич помö пунктöма.

Мöвкъяліс сёян дукöн. Пульс-пальс мыссыштісны ыргөн мыс-сян дозйысь – век жö мыйсюрö и торъяланаыс син улад сюрліс. Ён ув пельöсыс со озырджык ыджыд мамыслөн дорысь. Да и челя-дыс абу вöйöсь, збойджыкöсь. Öдйö и велалісны воём йöз дорад.

Медся дзоля детинкаыс матыстчис Тикö дорö да юаліс:

– А кызди тэнö шуöны?

– Тикö. Емдінса Турöб Яраш Тикö. А тэнö кызди шуöны?

– Акинь. Вокъясöй – Мартьян, Феофил, Сысой. Чойяслөн, тöдан кутшöм нимъясыс?

– Ог.

– Аглая да Кира.

Тайö сёрни костыс Феоктиста ваяліс пызан вылö сёян-юан: пыд да рок, мыччис сола чери, сола тшак, няньяс – рудзөг тупöсь, пувъя да тшака няньяс. Юмов чужва сэсса юисны, а сёйöм помла-ныс Микал да Тикö водзö Феоктиста паськыд пу бекарын гырысь гөрд чөлöсьяс на вöзйис:

– Арбуз. Купечьяслөн кольöм вося вайлöм. Лунвылысь. Ма пытшкын видзи. Видлöй. Чöскыд.

Ок и чöскыд! Көрсö эськö тöдö нин, Чердінын видліс. Но тани маа, көрыс аслыспөлös. Сійö курччыштіс некымынысь да петкөдліс кинас Феоктисталы сулалысь челядь вылö.

Шыасис Микал.

– Мед пуксясны тшötтш, төрам пызан саяс.

– Но Феоктиста кинас öлöдіс сёйысьясös.

– Абу на тшыгöсь. Налы пай кольöма. Ті туй выв йöз, нурьясöй. Кывлі, миян канкарö мөданныд. Сэни чöскыдджыка вердасны. А менам кө туйö, сёйöй. Сöмын аттьö шуа.

Бöрынджык Тикö төдмаліс, мый Феоктисталы Гаврила Нелидов нимсянь мынтысьöма лышкыда – и вердöмысь, и узьтöдöмысь. Но сәки та йылысь сійö эз на төд и кызкö эз вöv лöсьыд пүтшкыны-сёйны тайö уна лыда челядь син водзын.

Сэсса петісны төвся жыръяс. Ань велöдіс, кодлы кытчö водны, сиис бур вой да сиптіс ас бөрсяыс öдзöссö. Войыс югыдкодь на

да, эз и биасьлыны. Мудзёмаось. Микал өдйө мөдiс узьны-шкоргыны.

А Тикö – узьö нисьö оло – бара быттö лыйло пасö йöграяс ордын, Урай-Паульын. И бара инмалö. Ньöввужыс сылөн ён, топыд, но абу сьöкыд, и везыис кокниа зэлалö. И ставыс видзöдöны Тикö вылö да сылөн шуда ньöввужыс вылö. А ньöввужсö Феоктиста керкаыс босьтöма. Сийöс буретш, кодi öшалö гожся жырьяс.

Сэсся аддзö: ньöвьяссö мыгчалö сылы Акинь, Феоктиста аньлөн меддоля пиыс. И шуалö: Ньöввужйыс – мамöсянь, а öти ньöв козьнала ме, мөдöс – Мартьян, коймөдöс – Феофил, нельöдöс – Сысой, витöдöс – Аглая, квайтöдöс – Кира.

Кызд сидз вермас лоны. Феоктиста козьналö ньöввуж, а челядыс – морт öти ньöвйөн. Ун йывсьыс нин Тикö гөгөрвоис, мый узьö.

Великöй князь Иван III

Аттö, ыджыд кар! – аслыс моз шуис Тикö, но артмис гораа – кылiс эз сöмын Микал, но и водзын пукалысь Савей.

Ыджыд Троице-Сергиев манастыр канкарö воысьяс аддзылисны сöмын пырмунигмоз. Савейлөн сиктыс коли көнкö шуйгавыв, вöв вöтлысь некымынысь ышловзьылис да бергöдчылис пукалысьяслань, нинöм пö он кер – служба. А регыд сэсся мөдiсны воча воны сикт бöрся сикт, вичкоясөн да манастырьясөн, и со – Мöскуа.

– Став карьяс вылас кар, – ошйысьöмөн шуис Савей.

Микал чöv олис.

Бöрсьыныс верзьöмаяс, кылö, рөдтышталöны. Оз кольччыны. Вайöдöны Ыджыд Перымса Михаил Ермолаич князьöс Кремникö, либö Кремльö, кызди нöшта сийöс шуöны. Вайöдöны ыджыд князь дорö, Иван III дорö. Медым гөгөр аддзылисны да кывлисны: Мöскуа княжество нöшта на паськалис – öнiсянь сы улын лоины Перымса озыр муяс. Европа чуймөмөн видзöдiс, кызди асыввылын артмö выль ыджыд империя. Сы кадö эз нин повны ни Литваысь, ни весиг Зарни Ордаысь, но со, роч ошлөн гораа мурзöм шыыс воөдчис Византияöдз, Парижöдз, Венецияöдз, Римöдз...

Мыччысины вылиа-улиа керкаяс, чатöра юраось, ворсöдчöны öшиньяснаныс. Лои уна йöза. Шуйгавыв, веськыдыв брунвидзöны вичкояс – унджыкыс сөй изйысь, но абу этша и пу вичкоыс. Ю дортi мунiсны, кодлысь öтар-мөдарсö изьялöма. Керкаяс дорын джуджыд пуяс, а гөгөр быдпөлöс потшöсыс – кодi кызди кужöма вöчны. Но вичкоыс! Сы мында вичко! И буретш кутiсны бувгыны жыннянъяс. Пельыд чуналö.

Тикö видзöдлис Микал вылö.

– Миянӧс вочаалӧны, – пасйис Микал. – Мӧд помка та кадӧ абу. Лӧсйӧны мый вермӧмысь.

Канкар – Мӧскуа.

Микал ӧксайӧс Тикӧ кутӧ аддзывлыны сӧмын рыгъяснас – найӧс овмӧдӧсны ӧтлаын, кык орчча жырйын, но вӧлӧ нӧшта ичӧтик жыр, сы пыр сӧмын и позис петны кузь посводзӧ. А сӧнӧ, ичӧтик жыръяс, пукалӧсны тыртӧм пызан сайын бердышгъяса кык видзысь. Асывъяснас найӧ Микалкӧд мунлӧсны кытчӧкӧ, а Тикӧ, Микаллӧн кесйылӧс – татшӧм ним сылы танӧ сетӧсны, кольлӧс ӧтнасӧн. Сийӧс некод эз видз. Сӧйны-юны вайлӧсны, шог абу. Но кадӧс кыссис зӧв нӧжйӧ, и медводдза луннас нин Тикӧ петавлӧс ывла вылӧ, ветлӧдлыштӧс йӧз пытшкас да ӧдйӧ пырис бӧр. Полӧс: Микал ӧксай воас, а Тикӧ абу, и кутас корсьны. А кытысь корсьны та ыджда карад? Тикӧ ачыс нин абу ичӧт, гӧгӧрвоӧ – Мӧскуаын позьӧ вошны кокниджыка парма шӧрын дорысь. Сӧнӧ ӧд, парма шӧрад, быд пу, кодзувкоткар, ю либӧ шор индасны гортӧ петан туй. Сийӧ – шондӧс кӧ абу. А шондӧ дырйи видлы висътавны Емдӧнад кодлыкӧ, мый вошлӧн вӧрын – серам выв лӧптасны. Да вӧрад и нӧввуж киад, и нюлысад – ӧсь нӧввъяс, коскад пурт, сьӧрад би чуктӧдан кӧлуй... Танӧ чер ни пурт сьӧрад абу да и оз, буракӧ, ков. Некод сы вылӧ чуньӧн оз инды, а сӧрнисӧ мӧскуасаяслысь Тикӧ гӧгӧрвоӧ, но быдӧн ассыс мыйкӧ сӧрнитӧ – сыӧдз некодладорсян ӧз инмы.

Медводдза луннас нин Мӧскуаын Микал корис ас бердас Тикӧс.

– Нинӧм ӧг вермы висътавны аския лун йылысь, – шуис сийӧ, – но тӧ вежӧра морт, емдӧнса Турб Яраш Тикӧ. И кывзы. Коркӧ тӧ бӧр воан гортад – Емдӧнӧ, а гашкӧ и, Чердӧнӧ кежалан. Колӧ, медым тӧ тӧдӧн, и висъталӧн ставсӧ ме йылысь Евӧ ӧксаньлы, Мателы, Сяриньлы. Тӧдӧсны мед йӧзыс, мый танӧ вӧлӧ. Ас кузя ӧг пов нӧти – Ыджыд Перым усьӧм бӧрын менам олӧмысь нинӧм...

Тикӧ немтор эз куж вочавидзны.

Микал малыштӧс сийӧс юрӧдыс. Чӧв олыштӧс...

– Кӧть нин джынйӧс кӧ коляс юрад – бур, – шуис Микал. – Но тӧ кывзы. Сюся кывзы. Пель саяд сюркняв, мый кута висътавлыны.

– Ме кывза, Микал ӧксай, – вӧлисти вермис вочавидзны Тикӧ. Сийӧ сулалӧс Микал водзын, и шӧйӧвошӧмыс сылӧн разалӧс.

– Ӗксай... – ышловзис Микал. – И век жӧ кывзы. Мӧскуа – кыптан туй вылын. Сийӧ паськалӧ да ӧнмӧ. Тадзи шуӧ ыджыд князь Иоанн Васильевич. Да ме и ачым аддза. Князьыд, колӧ шуны, мывкыд морт, ӧсь кыла, и сыкӧд сӧрнин ыджъявны ӧз позь.

Перымыд некор эз сувтлы Мӧскуалы паныд. Позьӧ вӧлӧ лӧсъявны миянлысь каръяс да сиктъяс соттӧг. Волысьны, вузасьны-

нѣобасъны, весиг и отсасъны оѣа-мѣдлы. Димитрий Иванович Донской, важ пѣльыс ѡнѣя ыджыд князьлѣн, пасъвартѣс темник Мамайѣс, вежа Ен мам чужан лунѣ, и Перымса Степан бласлѣвитѣс сѣйѣс тайѣ вермѣмыс вылѣ. Найѣ ѣртасълісны – Донской да Перымса Степан. Бѣръяыс ѣд джынвыйѣ коми. Роч ратникъяслы отсѣг вылѣ миянсянъ унаѣн ветлісны. А ѡнѣ мый артмѣ? Мѣскуа муно аслас вокъяслы паныд – Новгород вылѣ – и корѣ отсѣг тотараяслысь. Касимовысь локтѣ Данияр царевич и вайѣдѣ аскѣдыс некымын полк. А бѣрынджык, Улыс Новгородсянъ неылын, тайѣ Данияр царевич «ѣртыс» кытшалѣ Гаврила Нелидов мѣскуаса воеводаѣс да лышкыда кысѣтѣ вир сылѣн ратникъяслысь...

Воча кыв пыдди та вылѣ Мѣскуа дугдѣс мынтыны Ордалы быд вося ясак, вот. Басурмана сувтѣдѣсны щѣтънысѣ, но ыджыд князь баяраяс водзын косяліс ханлысь гижѣд-грамотасѣ, сѣѣлыштѣс и чѣвтѣс кок улас. Сѣсся Казаньлы паныд петѣс. Корис и миянѣс сѣтчѣ суйсыны. А ми эгѣ муноѣ. И та вѣсна ковмис сотны Чердѣн, Изкар?..

Тѣ по Ен кывѣ сѣтчылѣм ѣѣз, шуис меным талун ыджыд князь.

Лун-мѣд мысти, бара рытын, Микал висътасис водзѣ.

«Тѣ язычникъяс! – горѣдѣс ыджыд князь. – Кремникын тадзи быдѣн лыддѣѣны. Дас во чѣж нин, канавны пуксѣѣмсянъ, тѣ дѣзмѣдчанныд. Вичкояс пыдди гусѣн кыпѣданныд пыдѣ вѣръясын кумирницаяс асланыд идолъяслы, дона куяс тѣчаланныд, нимкодъ-мѣданныд дявѣлѣс...».

«Ыджыд князь, лѣглун некѣр оз вермы чужтыны бур. Миянланьын олысь ѣѣз бурѣ пуктѣны на гѣгѣрса вѣръяссѣ, ѣд вѣрзѣдылтѣм вѣръясыс дѣрѣылісны уськѣдчѣмъясысь, сѣтлісны сѣян-юан, пасъкѣм, оланѣн».

«Ѧти Енлы пыдди тѣ копрасянныйд идолъяслы, шѣндѣлы, билы, валы, изъяслы, пуяслы, тунъяслы, кутшѣмкѣ Зарни Аньлы».

«Зарни Аньлы... Тѣ-ѣ мѣй ѡнѣ пуктѣй пыдди шѣндѣсѣ, вѣрсѣ, васѣ? Оз-ѣ мый овны тѣян ѣѣз костын и ѡнѣдз на славянаяслѣн важ енъяс – Перун, Дажьбог, Стрибог, Хорс да Мокоша? И мед олѣны. Кымын бур сыланкыв на ѣылысь ме кывлі роч ѣѣз костын. Иона епископ гѣгѣрволѣс миянлысь вѣр-ва дѣнѣ вежа-видзѣмсѣ».

«Иона епископ, Ен сыкѣд, вѣвлѣ вывтѣ небыд морт да кувсис ас кадѣ. Филофей епископлѣн Енлы эскѣмыс чорыдджык. Сѣйѣ опшкис Перымѣ пицальяса ѣѣзѣс ыстѣмсѣ да весиг аддзис туй петкѣ-длысьясѣс, и зырянаѣс, и перымсаясѣс».

«Иона велѣдѣс эскыны Енлы, эз Мѣскуалы...».

«Но вѣлі Мѣскуаѣн индѣм морт!»

«Иона епископ эськѣ эз лѣдз ыстыны ратникъясѣс Кама бердса муясланъ. Сылѣн «ас кадѣ» кувсѣѣмыс и збылысь шензѣдѣ. **А**

Филофей бласлөвитіс Фёдор Пёстрый воеводаос вир кисьтны перымсаяслысь... Енмөй, Енмөй, көні тэ?»

«Иона епископ пыртіс перымсаясөс Енлы эскөмө, а ті некор энө пуктылөй пыдди православнөй Мөскуалысь зільөмъяссө. Мөскуаса Филипп митрополит зэв жө лөнь морт, Иона кодь кымын, но эскөмыс сылөн чорыд, и сійө чуксалө өлөдны язычникъясөс. Найө тырөмабсь лөглунөн, эз өд весьшөрө вины Ионаөдз вөвлөм епископөс».

«Питирым епископөс Емдінын виисны йөграяс...».

«Йөграяс... Йөграяс йылысь сёрни огө нуөдөй – коркө и Асыка, тайө медыджыд злөдейис миян асыввыса муяс вылын, лоө тані, Мөскуаын. Регыд сійөс пасьвартасны да вайөдасны асьсө, сідз жө, кыдзи и тэнө. Но сёрни сыкөд оз ло – тшөкта өшөдны»

Тадзи вөлі осьсөн шуөма, мый Мөскуа оз тырмөдчы Перымөн да регыдъя кадө дасьтысьсө вуджны Урал-Из, Ыджыд Из. Со и лыддө нин весиг «аслас асыввывса муясөн».

Рытьяснас Микал воліс мудзөма, зумыш. Дыр мыйкө мөвпаліс ас кежсьыс, а сэсся корліс Тикөос да бара висьтасис. Сёрнитіс быттө тшөтшъякөд, эз зіль кокньөдны сёрнисө, эз ышөд аския лунөн. Сійө венысьяс кыин: со – кык видзысь бердышъясөн, вежөны өта-мөднысө, видзөны Микалөс сюся, сёрниө оз пырны, юасьөмъяс вылө вочавидзөны ёрта-ёртныс вылө видзөдлывлөмөн, зэв дженьыда, өти-кык кывйөн. Тикөөдз налы некутшөм мог абу, а Микалөдз эм.

Микалөс сёрнитны нуөдлөны и Кремникө, и приказъясө¹. Юасьөны, кодлы мый колө. Кузь тошка вышшитчысь бояраяс торкавлісны сійөс, кор нимтыліс Иван III-өс ыджыд князьөн. Бояраяс лэптылісны чуньнысө да гораа шулісны: «Ен милөстбөн всея Русьлөн государь!» Сэсся лэдзлісны чуньнысө да содтылісны: «Либө цезарь – царь». Приказъясын гижлісны: «Государь индіс и бояраяслөн Дума шуис». Буретш Иван III дырйи медводдзаысь мөскуаса ыджыд князь лои государөн. Сы гөгөр медся тшап да вылын ныра бояраяс бергалісны кок чунь йыланис. Мөскуалөн кыптан кад. А кодъяскө усьөны. Со, Ыджыд Перым... Да мый Ыджыд Перым! Уси великөй Византия, коді сюрс во чөж нимавліс аслас озырлунөн да вынөн му югыд пасьталаыс. Константинополь пыдди, а тані сійөс шулісны Царьград, лои Стамбул... Мыйла онө бөрдөй, православнөй йөз? Мыйла энө отсалөй чөй-вокъясныды?

Бөрдны оз көсйыны. Öтияс усьөны, мөдъяс кыптөны. Филофей манак гижис государлы да сійөс кытшалысь йөзлы зэв кажитчана кывъяс: «...Два Рима падоша, а третий (Москва) сто-

¹ Приказ – өнія серти кө, министерство.

ит, а четвёртому не быти». Зілісны паськөдны тайё кывъяссө йёз муясөдз.

Но кутшөмкө ногөн колө вөлі төдчөдны коймөд Римлысь – Мёскуалысь кыптөмсө. И со, аддзисны зэв бур петан туй.

Ыджыд Перым вылө уькөдчытөдз, во вит сайын, кувсис гөтырыс Иван III-лөн. И матысса бояраяс кутісны жуглыны юрнысө, кытысь аддзыны сэтшөм пөв, коді эськө лои государь серти, а мыйөнкө, гашкө и, кыпөдіс сійөс нөшта на вылөджык.

И сюри татшөм пөлыс. Мөд гөтырөн Иван III-лы лои Византияысь принцесса, мичаник Софья Палеолог. Нәмъяс чөж Византия лыддис асьсө енкөла шөрнас, но вуззыысисны Азияысь турокаяс и великөй империя быттө эз и вөвлы. Софьяөс петкөдөмаөсь сотчысь Константинопольысь да вайөдөмаөсь Римө. Сэні и лөня оліс, кытчөдз эз шызөдны сьөлөмсө Иван III-лысь мичаник принцесса йылысь өзйөдана висьтъясөн. «Царь всея Руси» нимсянь корасисны, и принцесса воис 5400 зарни дукатөн сьөрсыыс да ыджыд көсйөмөн – лоны царицаөн Византияысь на паськыдджык да вынйөрадджык державаын.

И эз сөмын зарни дукатъяс вай сьөрсыыс Софья Палеолог – вайис сійө Византияса императоръяслысь нэмөвөйя кан пас: кык юра кутш. Ыджыд князьлы кан пасыс сьөлөм вылас воис, кыдзи и выль гөтырыс, да ёна нюжмасьтөг Баяраяслөн дума өтсөгласөн ошкис саридз сайысь кыкнан вайөмторсө. Тадзи лои кыпөдөма Иван III-өс Византияса императоръяс вылнаөдз да төдчанаөдз.

Өти воө кык лоөмтор вөчисны шудаөн сійөс: выльысь гөтрасьөм да Ыджыд Перым өтлаөдөм. Өтчыд, кор Микалөс бара вайөдісны Кремникө, сійөс петкөдлісны Софья Фоминишналы – тадзи өні кутісны шуны ыджыд князьлысь гөтырсө. Висьталісны, со пө, тайө и эм Ыджыд Перымса вөвлөм князьыс. Өти уси, мөд кыпөдчис. Синъясананыс чөла видзөдлісны өта-мөд вылас. Кыкнаннысө вайөдісны зэв ылысь да та йылысь, гашкө, мөвпыштисны. Сэсся нөшта өтчыд чөвтліс синъяссө Софья да вашнитіс мыйкө аслас ыджыд нима верөсыслы. Та дырйи видзөдіс сы вылө, быттө выйөн мавтіс.

И восьтіс ассыыс вөлясө шудөн тырөм Иван III Микаллы, чуньнас асланьөдіс:

– Вөвлөм Ыджыд Перымса вөвлөм воеводаясөс – Мичкинөс, Бурмортөс, Исурөс, Көчөс, Зырнөс – тшөкта лэдзны гортаныс. Аски найө петасны туйө...

Та йылысь өти рытө и юөртіс Тикөлы Микал.

– Мед көть кор, ме верма кывйысь кывйө висьтавны ставсө, мый кывлі тэсянь, Микал өксай! – чорыда көсйысис Тикө.

«Китай-город»

Мёскуаса гора жыннянъяс садьмөдисны Тикёос. Асья петан югыд шондї вильшасис нин вёсньыд миса өшинь пыр. Тикё колль-өдльвліс Микалөс асывъяснас, но вөвлөм өксаи некымынысь шуліс, мый тайөс вөчны абу быть. Ми пö од сёрнитчим варовитны рыть-яснас, а асывнад мый висьталан?

Бөръяысь висьтасигөн Тикёлы вөлі шуёма, мый, гашкө, сылы регыд ковмас мунны гортлань. Оз, дерт, өтнасыслы, а сылань мунысь йөзкөд.

Тикё синъяс водзын сувтіс айыслөн кодь сьөд синъяса Сяринь. «А көні айö?» – юалис сійө. Лоас кө, шуам, Чердінын. А сәні коркө, дерт, лоас. Тикё вочавидзис: «Ме вои, а тэнад айыд коли Мёскуаө и оз төд, мый сійөс виччысьö сәні».

Тикё юрнас мөдис бергөдлыны: оз мун сійө некытчө Микал өксаитөг, весиг Емдінө оз мун. Лэдзасны кө Микалөс, сәки дась мунны Емва вожөдз подөн и өтнасөн. Мунан туй визьсө төдө, оз вош. Ывла вылын гожөм...

Нинөм эз шу Микал Тикөлөн виччысьтөг ыръянитөм вылө. Гөгөрвоис, мый вөчсьö юрас, сьөлөмас. Сөмын сетіс мыйтакө деньга да тшөктіс видзөдлыны рочьяслысь юркарсө...

Тикө петіс ывла вылө. Некод сійөс эз бергөд, эз кут.

Кар пытшкас грезд кодьыс – тадзи гөгөрвоөдисны Тикёос – шу-сис «Китай-городөн» и вөлі сійө, позьö шуны, дзик орччөн Кремниккөд. Некымын керка да паськыд эрд сөмын и торйөдисны. Берд саяс зымвидзисны дзирдалан шмака гырысь вичкоюс. Сәні көнкө пукалөны баяраяс, воеводаяс, ысталөны ратникъясөс сэтчө-татчө.

Тикёлы Кремникө туй абу. Сытөг со эм мый видзөдны. А гөгөрыс кодзувкоткар быттьö. И сы вылө некод син оз чөвтлы. Жуö быдсяма йөзыс, юргө быдсяма сёрниыс. Быдсяма паськөмаыс ветлө. Кодкө югыд шөвк дөрөма да ной гача, а унджыкыслөн ас кьом дөра – визя либө лөз. Кодкө кучик көма, но татшөмыс вошө сямөд көма йөз пытшкын. Казяліс аньяслысь вөччан чышъянъяс. «Ыджыд мамлы эськө татшөмсө, – мөвпыштіс Тикө, – да Кыйвалы, да Сяриньлы...».

Пу керкаяс сулалісны визьөн-визьөн, сайөдчөмаөсь ёсь керъяса потшөсьясөн. Кутшөм олөм сәні – некод оз аддзы. «Китай-город» кузялаыс ыджыдалөны вузасысьяс. Сы мындаөнөсь, чайтан, Мёскуа кодьыс өти төждөн и тыр: вөзйыны, вузавны, мырдөн суйны киад. Карыс гыö, валъялө.

Сөмын и кылан:

– Черьяс! Пуртъяс! Кесьяс! Пыд көртъяс!



- Ловъя чери! Косьтём чери?
- Пось кóлачьяс!
- Пирогъяс маён, яйён, тшакён, рокён – небыд, чòскыд!
- Кòдзыд ырòш!

Тикòлы ырòша кушман лои окота сёйны. Важён нин эз видлы.

- Шобдì пызы! Рудзòг пызы! Ид пызы!

А-а-а... Ид пызя рокыд. Но сийò чòскыд сòмын Емдìнын.

- Тагъя сур!

- Маа сур!

- Кода сур!

- Дыня! Арбуз!

Тòдам арбузтò. Видлìм Переяславль-Залесский карын, кытчò узьны сувтлìм. Син водзас Тикòлы виччысьтòг петкòдчис бердын ошалысь ньòввужыс. Эськò киò кò босьтны, зелòдны, лыйны пасò. Но кòн пò сийò òни Переяславль-Залесскийыс!..

Ветлòдлìсны озыр йòз. Донъясисны-ньòбасисны. Шòйтìсны и корысь-вотысьяс. Дòмлòм важ паськòмаòсь. Кыйòдìсны нур шед-òдны, няргисны нораа:

- Кодì унджык сетò, сылòн мòдар югыдас унджык лòò...

- Шырам-мичмòдам! Донтòм донысь!

Кодкò ошкòс новлòдлò.

Эм мый видзòдны. Вузасьысьяс косттì ветлòдлìс теш петкòдлысь, юр вылас пòвтор пуктòма, а сы вылын пуысь вòчòм кык морт тышкасьòны òта-мòдыскòд. Теш петкòдлысь кияснас кутò пòвторсò, а чуньяснас вòрòдò пу мортъяссò. И гажаа шуасьò-сòрò. Кодсюрò мыгчòны сылы посни деньга.

Тикò ки пыдòсас чабыртòма Микалòн сетòм кòрт деньгасò и оз тòд, мый вылò сийòс видзны. Мыйкò ыджыдтор та вылò оз шед, а сидз видзны, мед сòмын мынтòдчыны, ки оз лыб. Деньга пòрйòг сы гòгòр, дерт, уна.

Мыйыс сòмын абу: ылì саридзьяс сайысь вайòм ермòг да парча, аньяслы быд пòлòс мичòдчан – чужòм рòммòданъяс, сикòтшъяс, исергаяс, чунькытшъяс; черыд, шыпуртыд, томаныд, дозмук – быд сикасыс. Пызан сайын, лòнинынджык, кузь юрсия гижысь пукалò – лòсьòдò, кодì мый тшòктас. Кабакъясысь петòны гажмòм йòз. Кòнсьюрò йòктòны, кòнсьюрò тышкасьòны.

Деньгаыс Тикòлòн вòзйысис ортсò – бергалыштны вòльнòй му югыдас. Òти рытò Микал петкòдлìс сьòрсьыс вайòм деньгаяссò. Вòлòмкò тайò кывйыс тотараясысь вуджòма. Гривнаын весиг гижòдыс кык кыв вылын: «Москов акчасы будыр» – «Есть деньга московская». Тавосьянь заводитòмаòсь выль деньга вòчны, кòни серпасалòма Иван III-òс, а улас гижòд: «Государь всея Руси». Но татшòм деньгаыс Чердìнòдз, дерт, эз на волы.

«Китай-городын» ветлөдлөны и сідз шусяна кока лавкаяс – вузаланторсө тэчөма ас водзаныс волысалом чуман кодьö. Чуксалöны ньобасысьясөс, гораа ошкөны асьыныс вузаланторсө.

Сійö здукö, кор Тикö жуглис юрсö, мый вылö видзны сьомсö, сы водзö сувтис югыд юрсиа зон, водзас кутö руалан чериняньяс. Нейджыдöсь, кык ки пыдос пасьта, гашкö, и лооны.

– Ньöб, зон! – горөдис сійö Тикöлы. – Чöскыд и шоныд на. Татшөмсö, веськыда тэныд шуа, тэ эн на сөйлы.

И збыльысь, чöскыд көрыс сідзи и кыскис. Но видзны Мөскуаын өксайон сетом сьом черинянь вылö эз ло ошкана.

И Тикö юрнас пыркнитис.

– Аттö, но черинянь меным оз ков.

– А менам сэссия нинөм абу.

– Ме ог и кор.

– Тэ, зон, Вөлөгдаысь?

– Абу.

– Окайтан да.

«Со и менсьым кутисны юасыны», – мөвпыштис Тикö.

– Ме ылысьджык, – шуис сійö, – ёна ылысьджык.

– И кытысь? Абу кө тайö, дерт, гусятор.

– Емдінысь.

– Сумь, ем... О-о-о! Финляндия, Швеция!

Тикö эз гөгөрво.

– Емдінысь. Емва ю вылын. Эжва... Вычегда; рочөн кө.

– Тадзи мед и шуин, – нюжөдис юрсö лэптыштөмөн «кока лавка». – А та ылнаас кызди веськалин? Дона куясөн вузасын?

– Нинөмөн ме ог вузась.

– Мыйла либö сы ылнаас воин овны?

– Сы ылнаас? Мыйсянь?

– Мөскуасынь.

– Мый меным Мөскуаыд! – дөзмис Тикö. – Меным и сытөг овсьö.

– Эн дөзмы, – шуис «кока лавка». – Но тэ и збыльысь зэв алыспөлос морт. Рочөн сёрнитысь лив¹ либö эст². Чужөм вылад ме кодь жö, а сёрниыд шензьөдö. – Сійö чукөстис кодөскö да сетис сылы асьыс «лавкасö». – Абу кө паныд, сідз ветлөдлыштам. На, – мыччис сійö öти кольөдөм черинянь. – Босьт, босьт, – шуис сійö, кор адзис, мый Тикö кутис пыксьыны, – некутшөм дон оз ков. Козьнала: рочсянь – емлы.

– Емдінсалы.

– Мед лоö сідз. Чериняньсö мамö пöжалö, а ме найöс вузала. Ньöбöны. Но менö кыскö мөдтор – ветлөдлыны му югыд пасьтала.

¹ Л и в – öния Латвияын важся кадö олысь йöз котыр. Öни зэв нин этшайнсь.

² Эст – öния эстонецьяс.

Волыны Швецияё, Англияё, Голландияё. Менам эм ёрт, Новгородсы, кодї тѳдса Ганзаысь йѳзкѳд. Кѳсья медасыны тѳргуйтан судно вылѳ... Кызди чайтан? – Вын эм, кѳсийѳм эм. Дышѳдїс нин чериняньяссѳ вузавны. Тадзнад и став олѳмыс весь коляс. Кызди тѳнѳ шуѳны?

– Тикѳ.

– А менѳ Пров. Мѳскуасѳ тѳ бура тѳдан?

– Ог.

– Гѳгѳртам Кремниксѳ. Варовитам. Тикѳ, сїдзкѳ, Тихон-Тихоня. Ѳтнадыдлы гажтѳм. А мен лунтыр вузась.

– Инасьѳ кѳ и...

– Инасьѳ бура. Ог норась. Кыкысь-куимысь гортѳ пыравла. Пѳжасьясла. Татчѳ ѳнї уна йѳз воѳны. Карыс быдмѳ, озырмѳ. Мед и сѳйѳны, мынтысьѳны тай.

– Озырмѳ, да, – ышловзис Тикѳ.

– Кутшѳмкѳ тѳжд тѳнѳ йирѳ, оз сет овны. Висьтась. Гашкѳ, отсала мыйѳнкѳ.

И, кар кузя восьлалїгмоз, Тикѳ висьтасис. Сы йылысь, кызди тѳвйис йѳграяс ордын Урай-Паулын, кызди Чердїнѳ веськалїс, кызди водзасисны чердїнсаяс мѳскуаса ратникьяслы паныд...

– Ѳнї ми мѳскуаса ыджыд князь кыинѳсь, – кыв кѳрталїс Тикѳ. – Кызди тѳ верман отсавны миянлы? Ачыд ѳд татчѳс. Тѳд и абу кывы.

– Вот тайѳ да! – синьяссѳ паськѳдїс Пров. – Да ме эськѳ во чѳж вузасы чериняньѳн, мед сѳмын вуджны сїйѳс жѳ, мый вуджин тѳ. Адзылїн йѳграяслысь Асыкаѳс, ѳртасян Ыджыд Перымса князькѳд, тѳ йылысь, чайта, тѳдѳ (Пров индїс кинас Кремниклань) ачыс государь. А ме... ме век на вузасы пирѳгѳн да чериняньѳн.

– Тїян князь босьтїс вынѳн. Ѳнї мый шуас, сїдзи и лѳѳ. Воштысьны некытчѳ. Миян зѳв уна йѳз усины. И водзѳ на, кывсьѳ, ратникьяс воськовтасны. Тадзи Микал ѳксай висьталѳ. А сїйѳс быд лун нуѳдлѳны Кремникѳ.

– И воськовтас, и босьтас, – ошкыштїс асьыс государсѳ Пров. – Кольѳм во тыш вѳлї ой-ой-ой! Шелонь ю дорын новгородсаяслы паныд тышын, висьталѳны, видзѳма пушкаысь лыян став изсѳ, мый вѳлї вѳчѳма-чукѳртѳма во чѳжѳн. Кымын сѳ пицаль гыпїѳдлїсны! А новгородсаясыс ѳд миян кодь жѳ роч йѳз.

– Ог тайѳс гѳгѳрво.

– А ми, рочьяс, дугдывтѳг тышкасям ѳта-мѳднымкѳд, – серѳктїс Пров. – Заводитам кабырьясьянь, сѳсья кар вылѳ – кар. Весиг Орда дугдїс сїюсьыны миян костѳ, мед и налы тшѳтш эз инмы.

– Тадзнад нѳ кытчѳдз воан?

– Татшѳм ногѳн ми и ѳтлаасям, Тикѳ-Тихоня. Рочьяс эськѳ и кѳсийѳны овны ѳтув, но мича ныв моз пыксьѳны, – бара серѳктїс

Пров.— А сідзсё зыкын олөмыс йөзыслы абу сьолөм серти. Видзөдлы Мөскуаын пурьсыяс ним вылө — Кузнецкөй, Котельническөй, Скатертнөй, Хлебнөй (сэні буретш ме ола). Ог төд — олөмыс кө сэтшөм-а: дзенгы матыссатө, а сэсся киась.

Пров да Тикө петисны Кремниклөн джуджыд бердлань.

— Сы судта! — юрсө чатөртис Тикө.

Гөрд сөй изйысь джуджыд бердыс сувтөдіс найөс.

— Таөдз вөлі еджыд берд,— шуис Пров.— Нэмысянныс. Та вөсна и карыс шусьө белокаменнөй. Но важмис да разисны, и тэчисны гөрд сөй изйысь. Менам син водзын кыптис сийө. Гөгөртам. Пытшкас эз на корлыны?

— Микал өксайөс вайөдлөны татчө.

— Кремникын — либө кыптан, либө юртө воштан.

— Микал бурсө оз и виччысь.

— А тэ эн шогсы, Тикө. Олөмыд сийө ого-го! Менам вөзйөм эм: вай кыкөн медасям Ганзалөн судно вылө. Гапкө и, Индияөдз на волам. Став му югыдыс миян водзын лоө. А? Тэ өд сы мында нин аддзылін. Сьөкыдлунъясысь он пов. Меным татшөм өрт и колө. Збыльысь шуа.

— Ме гортын ковма, Пров.

— Гортын?! Енмөн вунөдөм пельөсад?

— Кыскө гортлань. Сэні менам вужъясөй.

— Тэнад вужъясыд муас. Кытчө сувтин, сэні и вуж.

— Эк...

— Вот тэныд и эк. Кытшовтам озыр муяссө и воан гортад перымса бояринөн.

Бердланьыс матөджык эз нин вузасыны-нөбасыны. Йөз шөйтисны нинөм вөчигмоз.

— Быдса эрд тыртөм,— чөв олыштөм бөрын шуис Тикө.

— Тані коркө вузасьлісны, лавкаяс сулалісны — тырыс, но сэсся тшөктисны идравны став стрөйбаяссө пицальысь лыян ылнаө, нельсө воськов сайө. Полөны тотараясысь. Со ёсь йыла башняыс — Фроловскөй. А со тыдалөны юръясыс Благовещенскөй, Архангельскөй соборьяслөн...

— Татшөм нима вичкояс эмөсь и Емдінын,— горөдіс виччысьтөг Тикө, кор кыліс төдса нимъяс.

— Мыйся сумь да ем висьталан,— гажая нюмтөвтис Пров.— Кыв сета, мый вола да ачым видзөдла тэнсьыд, кыз шуин? — Емдінтө.

Ветлөдлісны Мөскуа кузя Пров да Тикө. Варовитисны. Сэсся и янсөдчан кад воис. Пров ассыс карсө төдіс бура. Төдіс да радейтис. Но унаысь на гарыштліс Индиясө да Ганзасө, содтыліс мукөд нимъяс — Англия, Франция, Дания. Быть пө ветла и нөшта некымынысь пондыліс асланьөдны Тикөөс. «Озыр мортөн лоан, уліа-выліа керка сувтөдан Емдінад, а гашкө, татчө локтан овны, сюсьлуныд эм,

он йөрмы некытчö, меысь кындзи выль ёртъяс лоасны?» – век на зырис Пров, но Тикö эз сетчы: «Миянöс татчö мырдөн вайöдисны, миянлы колö мунны бөр, – Тикö тшöкмунис, – весиг Микалкöд лоö кө мыйкö. Öд и мог эм – висътавны гортсаясыслы ставсö, кыздымый вöли».

– Тайö тэныд, Пров, – шуис Тикö да мыччис сылы Микалөн сетöм эзысь деньгасö. – Ме öд чериняньнад чöсмаси. Да и картö петкöдлин.

Пров мöдис пыксыны.

– Ме öд сідз... Став сьölöмсянь... Кажитчин – и петкöдлі.

– Ме сідз жö – став сьölöмсянь.

– А мый, – Пров виччысьтöг нюжöдис кисö да босьтис вöзъян деньгасö. – Босьта. Кута видзны сійöс пас пыдди да коркö бергöда. И тöдан көні? – сійö вильыша читкыртліс синсö.

– Көні?

– Тэнад сумь-емад, Емдінад. Со тадз, Тикö-Тихоня. Лöсялö?

– Лöсялö.

Киасисны Пров да Тикö. Янсалисны.

Татчöс оланінланьыс восьлалігмоз, Тикö эз нин торъя видзöд ни водзись, ни бöрысь. Уна выльторйөн, гөгөрвотöмторйөн тыр лои юрыс. Кодзувкоткар. Повзöдлана ыджыд. Сы мында йöз. Унджыкыс эз и казавны Перым босьтöмтö – олöны асланыс олöмөн. Со, Пров. Чердін бердын сійö вермис эськö лоны ловъя пасөн Тикöлы, либö кодлыкö мöдлы, да и ачыс Пров, ло сәні, эз жö эськö ракаястö лыдды. Коми да роч Чердін дорын вермисны вины öта-мöднысö, а тәні со лöсялісны да янсалисны бур ёртъяс моз.

«Пров ас вöляысь оз мун паныд, и ме сідз жö. Тайö мöскуаса князь ысталö ассыис йöзсö мукöд йöз вылö. Сылөн тайö тышыс, а абу менам да Провлөн. Сыö витны ёсьтöм ньöвийöс ме ог вермы. Сійö и оласнас Ирьянколань мунö. Сы моза кутö асьсö и – веськыда ыджыдö оз пуксы, но тайöс казялан. Абу наян, а верктуй ку-тыштö. Вильыш нюма. Сыкöд эськö эз ло гажтöм.

Олöмыс збыльысь тешкодъ, – мөвпаліс Тикö. – Со и йöгра вöра-лысьлөн Анемгур пиыс вермис эськö лоны бур ёртөн, но уси чердінсаяскöд тышын. Бöрынджык Тикö ачыс дорйысис чердінсаяскöд мöскуаса ратникъяслы паныд. А талун со, öти мöскуаса, корö мунны аскöдыс ёрт пыдди ылі саридзьяс сайö, кытчöкö Англияö да Индияö. Олөмас öти гөрöдын и лөкыс, и бурыс.

«Мый эськö шуисны Сяринь да Мате талунъя ёрт йылысь... Ашөрлун да сы ыджда воштöмъяс бöрын. – Тикö весиг сувтыштліс. – Мöскуаса йöзысь найö дзевсясисны ылыс вөр керкаын, а менö со тайö московитыс тöдмөдö аслас карөн, висътасьö да ачыс көсйö бурөн волены Емдінö... Сумь да ем. Тикö-Тихоня. Мый колö вöчны, медым гөгөрвоны татшөм олөмсö?»

Мёскуа кипод улё

Оти рытё Микал бара висьтасис Тикёлы...

Нуодлёмабсь Кремникё, сәсся – приказё. Сёрни сертиныс гөгөрвоан, – юкисис мөвпъяснас Микал, сись би вылё видзёдигмоз, – сигортёдоны сёрнитёдомъяссё. Лёсьодчёны воськовтны Урал-Из сайё. А Чердін... Перым кё уси, некутшём князь сәтчё öни оз нин ков. А индасны кё, сәтчёс отирсё йөйтёдлём могысь.

Кос чужёма гижысь вөйтлёма пемыд ваё дзодзөг борд помсё да, юрсё полыньтёмөн, пасъялёма Микалсянь чуктёдём юөръяссё: Перым пасьтала көрт сывдан пачьяс йылысь, уна-ö вермёны сывдыны, кутшём көрт көлуй сәні вөчёны. Мёскуалён тышка вынлы¹ колё уна гырысь да посни пушка.

Колё содтыны сов перйём Усолка ю дорын.

«Небыд зарни» йылысь сёрни мунлис торйён. Уна-ö вонас кый-öны тулан, сьёдбөж, анча, низь, кынь, ур, мой, руч, көч, вөркань и весиг чув². Öзйылысны синъясыс баяралён, найö тёдисны, кутшём козинъясён воис Перымысь Гаврила Нелидов воевода. Кутисны шегъясыны лыдпасьясён, вензыны, кывнаныс тшолкйёдлыны. «Пармалы аминь», – пасйис Микал.

Куликово эрд вылын ыджыд тышсянь кык во мысти нин медводдзаясь биён сьёлыштисны Кремниксянь пушкаяс матысмём Тохтамыш ханлён верзьёма воинъяслы паныд. Тайö кадсяныс пищаль заводитис дзескёдны нәмөвөйся вөдитчантор – ньөввуж. Пушкаясён да пищальясён Мёскуа раммөдис новгородсаясёс, нырис-жугөдис перымсаясёс.

– Мый вылё надеяён ті водзсасинныд миянлы паныд? – юалис Иван III Микаллысь. – Мёскуаысь öни полё весиг Литва.

– Ми олим лёня, усьласьны эгö дасьтысьöй, со и ворссим, – вочавидзис Микал. – Но мырдён босьтөмтё ковмас мырдён кутны. Эз-ö мый позь лючки лёсявны...

– Ланьт! Ставыс Енсянь. Со и Филофей епископ, тиян вежа ай, и сёрнитны кужё тиян ногөн, и благслөвитис Фёдор Пёстрый воеводаёс. Сы серти – колё пö вөлі чорыджыка өлөдны перымсаясёс, медым эз вошны Ен син водзысь. Мывкыд сёрниа морт и ылысь аддзё. Перымсаяс пö бөрын асьныс аттьөавны кутасны. Филофейöс колё кывзыны – сылён кывъясыс Енсянь.

– Да, Филофей, – шога копыртис юрсё Микал. – Иона епископ аслас кадыскөд мунис.

¹ Тышка вын – армия (важ кыв).

² Чув – выдра.

– Стрөг айлөн и челядыс шаньбось, – небзыштис ыджыд князь. Микал кузя сылөн вөлі аслас дум. Төдчис. – Ми өні өти эскөмө сетчөм йөз. Енмыс өтлаалис. Тадзи и колө висьтавны йөзыслы ар-тмөдчан кабалаын. Вир кисьтөм йылысь торъя гаравны оз ков... Нинөмла. А уна-уна во мысти вир кисьтөмыд и вунас; и перымса-яс, и йөграяс, да и мукөдыс велаласны овны Мөскуалөн индөдьяс серти. А найө абу лөкөсь. Вын вылө мыджсьөны – да, но и мыв-кыд вылө тшөтш. Йөзыд, Микал князь, вывти дыр тышкасьны оз кутны, өд налы колө вердны челядънысө, пөрысь ай-мамнысө, ов-мөснысө кутны. Мый лои – лои. Бөр туй тиянлы абу. Вежөра морт, тэ гөгөрвоан...



Микал быд рыт босьтліс киас морөсвыв видзан пассө, кодөс ыстис Тикө пыр Евө өксань.

Өти рытө Микал эз кут-чись.

– Ыджыд Перым, көні тэ? Мый тэнө виччысьө? Коді дорьяс тэнө? Эм абу тэнад ас-киа луныд?..

Микал сулаліс өшинь до-рын мышкөн Тикөлы, төдчис – эз көсьы петкөдлыны син-васө...

Эжва Перым йылысь Ми-кал гаравліс зэв шоча. Өтиысь-кыкысь сөмын: өнія да ылө

кольөм кад йылысь. Кывлөма: Филофей епископ потшөма туйсө Гор өксайлы, коді чукөртөма вынъяс да көсьюма ыстыны отсөг чердінсаяслы.

Важ кад вылас Микаллөн вөлі аслас видзөдлас. Водзті Емдін мөрччана водзсасьліс ушкуйникъяслы, йөгралы, вяткасаяслы па-ныд. Во кызь сайын на Димитрий Юрьевич Шемяка князь, Новго-родысь, вувзьысьліс эжвасаяс вылө, вир кисьтана тышын веніс найөс, тшөктис керавны юръяссө Емель Лузьковлысь да Ефимий Эжвин-лысь, уна төдчана мортөс комиясысь вияліс, но лои сэсса тэр-масьөмөн бөрынтьчыны скөрмөм йөз син водзысь. Та пыдди Ше-мяка ызьбөдіс вяткасаясөс, кодъяс уна коми сикт сотісны-куштис-ны, воөдчисны Емдінөдз, но босьтны сійөс эз вермыны. Коми вой-тыр вөтлісны.

Эжвасаяс кужөны тышкасьны, кор на вылө воөны. Та вөсна и зильөны босьтны найөс бурөн, меліа, топыд сывйөн.

Перымса Степанос сёлөмөдзис Микал эз матыст. Волісны Ен туй югдодысыя и сыодз, но Степаныс вөлөма вежөраджык, джын-выйо ас, сюсджык, мудерджык, а сэсса и ыджыд князь – Димитрий Донской – сетөма аслас бур ёртыслы тышка вын – дружина, видзан грамота, уна денга... Емдіныд кыптіс буретш Степан дырйи. Ушкуйникъясыд дугдісны усыласыны воддза моз – полісны, эз, дерт, Степанысь, сійотө мый, а Мөскуаысь, коді сулаліс сы мыш сайын.

Ашпөрлун вөсна сулалысыя вөліны. Пам, Зарни Аньлөн вежа кесйылос, кызз кужис, зілис дорйыны комияслысь нэмөвөйся оланогос да важ коми енъяссө. Сёлөма морт вөлі, нималысь өксай. Сійос важ пөльөн шуысыя онөдз на олоны, йөзкост висьталомъяс серти, Обь ю пөлөн, Ыджыд-Из сайса йөграяс костын. Эмөсь и Ыджыд Перымын.

Өні Памаос серам выв лэптөны: биысь повзис, вао эз пыр. А био да вао оз Ен – сөтана пыртө. Өд шулоны вежа гижөдьясын Енлы сөтана: «шыбитчы храм вевтсаянь улө – тэнө анделъясыс ки выланыс босьтасны». Сус Кростос вочавидзөма: «Эн ыштөдлы ылөгөн». Памыд Степанысь эз вөв йөйджык, но воом ен ногсаяс вөсна быть лоөма мунны Ыджыд Из сайо. И Зарни Аньсө сьорсыяс нуөма, мед эз тешитчыны сы вылын. Пышйөма пө. Быть өд и пышйы. Тодмышкаласны кө. Гапкө, и меным ковмас сідз жө мунны кытчөкө, көвъяласны кө кутшөмкө йөз серам, Памос моз серам выв лэптасны. И этша морт кутас төдны, кызз-мый вөлі збыль вылас. А збыль вылас босьтісны вынөн. Таын ставыс.

И Ыджыд Перымын лоө Емдінын моз: воасны епископъяс, вежа аяяс, игуменъяс, дякөнъяс, пөнөмаръяс, а на бөрся – вот чукөртысыяс, мыж перйысыяс, Мөскуалы лөсялана оланног видзысыяс. Ставсө он лыддьөдлы. И вунөдан нимтө ассыд...

Войбыд Кремник берд вывсаянь кылісны кар видзысыяслөн өтамөдныскөд чуксасьомъяс. Ывла вылын увтісны понъяс.

Тикөлы эз узьсы. Рытланыс сылы вайисны дона паськөм, дөрөм-гачыс ылысь вайөм ной (Микал висьталіс: «Фландрияысь»).

«Провкөд позис эськө ветлыны и сэтчө», – мөвпыштіс Тикө), югыд кизьяса лөз ермөг дөрөм, сөй рөма кучик көмкот, дась вурөм, – лөсыд, небыд. Ставыс сы серти.

– Ветлам Кремникө, – юөртіс Микал.

...Вөсньыд миса пыр югыштіс асья шонді, югөрьяссыс воча бердын артмис быттьө мөд ошинь. Сэсса шыасисны канкарса гора жынняныяс. Быд пөлөс шыыс. Найө чуксасисны кремникса видзысыяс моз.

Тикө төдіс: талун – «Благовещенньө Господне, крам лун». Дырө кутасны видзны тані, Тикө эз юась. Сійө аддзө: Микал өксайлы абу кокни лов вылас, рыгъяснас сёрнитө этша, но быд рыт юөртө Тикөлы, мый лыддьө коланаөн юөртны. Микал ачыс эз төд, ко-

дарё-мый катовтчас сылөн олөмыс, но шуліс: «Кад воас – мунан
веськыда Чердіно, а сәні век сюрасны йөз, кодъяс нуөдасны Емдін-
өдзыд. Сәні и висьтасян, мый аддзылін, мый кывлін».

Благовещенньо луныс коли вөтын моз. Асывнас югыд вичкоо
ветлісны. Воськыда Кремникас. Йиркыс, бердъясыс – ставыс ми-
часьыс-мича. Серпасъяса. Тикө, вомсө восьтөмөн, видзөдіс. Эз кывзы
нинөм, а мый пельөдзыс воліс – эз гөгөрво.

Ачыс Кремникыс пуксьөма мыльк вылын Мөскуа да Неглин-
ная юяс костын. Та йылысь Пров на висьталіс. Вөліны колльөды-
сьяс, весиг озыр баяраяс лыдысь. Найө нинөмөн эз дзескөдны Ми-
калөс. Тикө сы бөрся ветлөдліс и казяліс: баяраяс пыддикодь пук-
төны, оз торъя вышпитчыны. Микал, ён тэчаса морт, выль паськ-
өма жө, ветлөдліс вылын юра, сөмын синъясас поздысьөма жугыль-
лун.

Сәсся, вичкосьыс петісны да Кремникас жө пырисны ыджыд
еджыд керкаө. Тані мичыс мөд сикас, но пасьтаыс да джудждаыс
стрөйбаыслөн төдчөдоны, кутшөм тэ ичөтик да жеб. Пыста кодь.
Сідзи и виччысян – кыптас төв ныр да нөбөдас кытчөкө.

Микал казяліс Тикөлысь шемөсмөмсө. Вашнитіс: «Кутчысь,
сисыйөг, Эжва Перымса зонка. Да тэ и абу нин зонка, а зон, Тикөн
Ярөславич. Ставсө, мый аддзан, морт ки помысь артмөма. Жырй-
ыс шусьө – Грановитөй палатаөн.

Берд пөлөн гөгөр югвидзисны гырысь сисьяс. Горъясыс выв-
лань качөмаөсь (пыр и гөгөрвоис: тайө – гор) – еджыдөсь, дзирда-
лөны, некутшөм са ни чут абу, серпасъяссө и татчө төрөдөмаөсь.

Уна йөз пытшкын восьлалігөн Тикө гырысьторъяссө и видзөдіс,
мый вылын да мый тыдалөджык...

– Ыджыд князь! Ыджыд князь! – кутіс гызыны гөгөр и
кодлөнкө ён ки улөдз копыртліс Тикөөс баялөбөжөдыс. Микал өксай
матын эз тыдав. Кузь тошка баяраяс колины сулалан, и Тикөөс
сійө жө ён кыис личкис пидзөс вылө сувтөмөдз. Сәсся лэдзис:

Мый вөчсис водзын, Тикө ёнасө эз и аддзыв. Бөрынджык нин
Микал гөгөрвоөдіс.

Ыджыд князь Иван III пукаліс вылын, бөра улөс вылын – шусьө
трон, – юрас «Мономак шапка», пельпомъяс вылас чөвтөма барма,
дона вөччантор. Орччөн сулалісны Филипп митрополит, баяраяс,
воеводаяс (на костын Гаврила Нелидов, а Фёдор Пёстрый, кызди
төдса, вылісянь тшөктөмөн коліс Чердінын). Филипп митрополит
ылісянь тыдаліс – ризіа, зарниөн кыөм парчаысь вурөм вылыс
паськөма. Кадысь кадө вашкөдіс мыйкө «всея Руси государлы»
пеляс.

Сәсся ыджыд князь нимсянь дзор тошка бояринъясысь өти лыд-
дис гартөвтөм кузь кабала, гарыштіс Перым да Михаил Ермолич
нимъяс, и регыд шызьөм йөз бөрөн-бөрөн петалісны ортсө. Гы-

ывса чагйос моз йоз визулыс петкөдіс ортсө и Тикөөс. Кодсюрө көсөйтчыліс сы вылө, но некод эз шыась. Кок улын гартчысь зонка некодос ёна эз шензбод – сідзкө тадзи колө лоны. Кортөг да вайөдтөг Грановитөй палатаө веськавны сьокыд.

...Тайө жыръяс, кытчө веськаліс Тикө, мөвкъяліс чөскыд сёян көр. Некымын радөн сувтөдөм кузьысь-кузь пызанъяс сайө пуксялісны корөм йөз. Тошнысө малалөмөн матыстчалісны бояринъяс, сьягъялісны уна рөма ермөг, бархат, парча паськөма том да олөма аньяс. Важъядырся оланногө кутчысьысь дзор юрси-тошка пөляс вешкырасисны: тайө, дерт, Зоя Фоминишна вайөма сьорсьыс Византияса кокни русө. Софья Палеологос, Иван III-лысь выль гөтырсө, быттьө сёрнитчөмөн, өттшөтш, бояраяс кутісны шуны Зоя Фоминишнаөн, и нимыс тайө вужъясис. Важ нимнас эз нин и шуны.

Тикөөс Микал видзис ас бердас өтрөвня туйө – пуксьөдіс орччөн. Микаллы вөлі шуөма лоны тані. И бара некод кыв эз шу. Төдісны: корөма татчө мортос бура артыштөм бөрын.

Гөгөр пукалісны, варовитісны ас костаныс, быдсяма ногыс мичмөдөм, дона паськөма йөз. Провкөд Мөскуа кузя ветлөдлігөн татшөмъяссө Тикө эз аддзыв. И, дерт, татшөм сёянсө эз аддзыв. Зарни, эзысь да озысь тасьті-паньяс пөртмасьоны небыд дзирдөн. Быдөн бөрся вөлі дөзьөр, ныр улас мед ставыс вөлі, мый колө.

А пызаныс, дерт озыр. Тані пөтка яйыд и чими чериыд, выйыд и нөкйыд, чери пөкыд – сьөд и гөрд, посни и гырысь, луныввса сёян-юан, чөскөдан содтөдъяс. Көсйөм серти – көр яй, йөра яй, ош яй, көч яй, ыж яй, порсь яй: торйөн – гортса, торйөн – вөрса. Пуөма, пөжалөма – руалө. Пражитөм дзодзөг яй. А со – юсь, вылын юра, быттьө ловъя, еджыд нөк вывті кывтө. Водзын – ыджыд чери, татшөмсө Тикө эз на аддзывлы. Төдмаліс: осөтр. Чөскыд дука зелля сэн и тан: коддзөдана и горш веськөдана. «Олөны жө», – дивуйтчис Тикө...

Виччысьтөг кыськө ылысь воөдчис сёрни гы: сәні мыччысисны ыджыд князь Иоанн Васильевич – Зоя Фоминишна гөтырыскөд, Мария Васильевна мамыскөд, орччөн Филипп митрополит, Герантий пөль, коді оліс ыджыд князь котыр бердын, а сідзжө кодсюрө медматыса бояраясысь.

– «...Всея Руси государь!.. Ыджыд князь Иоанн Васильевич!.. Ен мылыштөмөн!».

Сувталісны. Юръяс копырөсь. Бөра улөсьяс дзуртөны.

Тикө видзөдіс шызьөм йөзыс вылө да сылань, код нимөн позьө сотны быдса каръяс, бырөдны лыдтөм-тшөттөм йөзбс. Тыдаліс и тасянь: Иван III – мыгөра морт (Микал өксай кодь), но кузь ныра, а сьөд тошкыс увланыс ёсь и йылыс тешкодя водзлань чурвидзө.

Пемыд ной каптан вылас шевкнитёма гөрд ермөг, сійос кутө веськыд пельпом бердас ыджыд зарни кизь.

Орччөн ыджыд нима верөсыскөд сулаліс Зоя Фоминишна – Софья Палеолог, гөгрөс пельпомъяса, вылын морөса, зэв мича ань, кодос Иван III радейтис, висьталөны, садь быртөдзис. Софья шевкнитёма ас вылас сьөдбөж куясысь вурөм вевттьөм, кодос, верөсылөн моз жө, кутө веськыд пельпом бердас югъялан зарни кизь. Корсюрө чуняс дзирдыштліс алмаз – верөсылөн козин.

Ыджыд князь чөвтис пернапас, кыпөдіс зарни яндөва, юыштіс сэтись да мыччис орччөн сулалысьяслы.

Сейисны-юисны дыр. Мыйта ловныс лэптө. Артасьтөг. Волісны гусларъяс. Лөсьыда ворсісны. Ворсөм шы улө сәсся гажмисны, кодсюрө ыджыд князь водзын дона ермөг дөрөмсө чашнитөмөн косялөны.

– ...Ыджыд князь... Государь... Да ми!.. Литватө... Казаньтө... Деньга аддзам! Ставсө сетам!

Софья Палеолог синъяссө читкыртөма, видзөдө, кывзө. Константинопольын да Римын гажөдчөны мөд ног. Оз тадзи. А тани?.. Төдчө Азиякөд матыслуныс. Регыд шыпуртъясө кутчысысны.

Но эз кутчысыны шыпуртъясө. Гылавны вочасөн кутісны. Асланыс кесйылөсьяс киө, кодъяс берд пөлөн сулалөны, отсөг сетан здук кыйөдөны.

Ыджыд князь сейис-юис быттьө өткодя ставыскөд. Но мудер зэв сійө, быдтор кывзө, быдтор аддзө.

Со, перымса вөвлөм князь, Михаил Ермолич. Чөскыда сөйөм-юөмыд веськодь сылы. Пукалө жугыля, майшасьө, ассьыс мыйкө мөвпалө. Вөлі Новгород улын, Новгород уси, көсйис кутан домсө ордны – эз артмы, өні лой Мөскуа улын. А мортыс нималана, Перымын пыдди пуктана. Сытөг оз на позь...

Тшөктіс корны ас дорас. Ыджыд князь мыччис Микаллы яндөва.

– Ю, князь!

Микал неуна чурснитіс-юис, аттьөаліс да видзчысьөмөн пуктіс зарниа дозмуксө пызан вылө.

Куимысь корліс Микалөс ыджыд князь и век өти шыасьөм:

– Ю, князь!..

Сәсся коліс Микалөс ас кежсьыс. Микал пуксис орччөн Тикөкөд, чөв олыштіс и юөртіс сылы:

– Регыд гортлань петам, Тикөн Ярөславич.

Ош паса ньөввуж

Тöлысь чöж кутисны Мöскуаын Микалöс. Сэсся лэдзисны гортас. Бара индисны видзисьясöс, но öнi урчитисны, мый ыджыдыс муньсыяс котырын – перымса князь, Михаил Ермолич. А могыс видзисьяслөн – мед кузь туйын нинöм эз ло виччысьтöмыс. Сетисны тэрыб кока ён вöвъясöс, деньга, сёян-юан и, дерт, мöскуаса ыджыд князьлысь туйын видзан грамота.

Микаллөн Тикöлы висьтасьöмъяс помассисны, а Мöскуаысь мунöмсö гөгөрвоодис дженьыда: Микал и водзö на лоö перымса öксайөн, но öнисянь, мöскуаса ыджыд князь нимсянь нин. Кутас юрнуодны Чердiнын, Мöскуа вылö видзöдöмөн.

И со, мунан асыв.

Канкарын сылы лишöдöм ашшөрлунсö Микал пырысь-пыр босьтiс тöд вылö.

– Кутшöм туйöд мөдöдчам гортланьным, Эжва Перымса да öнi и чердiнса Турöб Яраш Тикö?

– Переяславль-Залесский пыр, Микал öксай! – крапкис-шуис Тикö.

– Сы ыджда кытшов вöчны? – чуймис Микал. Сэсся, чöv усьлöм бöрын, вундыштiс сынöдсö ки дорышнас. – Мед лоö сидз!

Нуöдысьяслы, видзисьяслы юöртiс ассьыс медводдза көсийöмсö: – Мунам Переяславль-Залесский пыр.

Некод кыв эз шу паныд.

Вит вöла-доддя и дас верзьöма петiсны туйö.

Рытланьыс воодчисны Переяславль-Залесский карö. Ылiсянь нин Тикö пасйис, мый танi вичкоюс, гашкö, унджык олан керкаяс дорысь. Югыд шмакъясыс дзирдыштлины рытъя шондi югöрьяс улын. Йöз ёна этшаджыкöсь Мöскуаын дорысь. Некытчö оз тэр-масьны, пукалöны керкаясдорса лабичьяс вылын, варовитöны ас костаныс, вöсьсаинъясын йирсьöны ыжъяс, дышпырысь увтышта-лöны понъяс.

Сувтiсны тöдса керка дорö. Феоктиста, мелi сёрниа ань, петiс воча. Нывъясыс, Аглая да Кира, кум öдзöс дорын төлöдисны шыдöс, на гөгөр тапикасисны дзодзөгъяс. Ичöтик йөр пытшкын руксисны порсыяс. Матыстчылис пон, исыштiс чöла воысьясöс, а сэсся бөр мунiс кытчöкö аслас пельöсö.

– Чолöм-дзоньвидзалун тiянлы! – шыасис Микал да шмони-тыштiс, – энö на гажтöмтчöй? Бөр-водз кежлö шуим тай видлы-ны кежавны.

– А-а! – тöдмалiс чолöмалысьсöс Феоктиста, – пырöй, горшнытö

веськөдыштөй пось ваон. Буретш пузьоді. Төді быттьө тiянлысь воомнытө. Виччыси эськө ассыым инө ошйыгөм зонпосниос, но ылалөмаось, тыдалө, Плещеево ты дорын. Чери кыйоны век сәни отеч Дасийкөд. Велөдө найос тывйон чери кыйны. И вайлоны. Век нин содтөд нур.

– Отец Дасий, да, ай лов кийд быдтысигад колө.

– Колө,– ышловзис ань.– Мыйла коліс верөсөйлы сы ылнаө мунны, озырлун корсьны судзтөминысь. Онi со, өтнаным пессям. Ставыс нянь куд дорын пукалысьяс. Вердны-удны колө быд лун. Шыд гырничыд, пызан вылад сувтөдан да, рекмө өти здукон. Бекартө тайкө оз розьодны. Öти кыв көртөд – быдмөны, уна колө сөян да паськөм.

– Быдмасны, отсасысьясөн лоасны,– такөдыштіс Микал.

– Ой, да өд кор на быдмасны! – шлапкис кияснас ань.

Пырисны керкаас. Тэчисны пызан вылө канкарысь вайөм козинторьяс.

Тикөлөн, оз төд мыйысь, сьөлөмыс мөдіс чеччавны, морөс кудьяс оз төр. Кыскис сійөс татчө гөгөрвотөм вынөн, та вөсна и корис вөчны кытшов да мунны Переяславль-Залесский пыр. Микал нинөм йылысь эз юась, сөмын видзөдлывліс Тикө вылө.

Бывла вылын кутісны кывны сёрни шыяс, и ыджыд тойисөн кияс пырисны зонпосни – Мартьян, Феофил да Акинь. Доладысь, паськөмас чери сьөм ляскысьөма. Сетісны мамныслы тойиссө.

– Дасий вежа ай став кыйдөссө ыстіс,– шуис Мартьян да ошйысискодь,– талуя уна шедіс.

– Мамө, талуя бара дыр юрбит, мед и аски уна шедас,– тшөктіс Акинь, меддозля вокныс.

Феокиста видзөдліс Микал вылө да долыда серөктіс.

Челядь эз төдтөмтны Микалөс да Тикөос, өд төлысь сайын кыкнанныс на ордын узисны. Казялісны вайөм сөянсө пызан вылысь. Кытшалісны. Микал петкөдліс кинас, мый тайө ставыс налы: пре-ник, көлач, юмовторьяс, өрек, лунвывса косьтөм вотөс – вомад сылө. Но оз уськөдчыны, видзөдөны мамныс вылө.

Пырисны Аглая да Кира. Вөлисти мамныс убөлітіс лэдзны пызан дорас, мед чөсмасысны. Вомкөтшаныс чөскыдсө суйөны-тувь-ялоны, синнаныс лыйлөны кольөмаыс вылө. Челядь – челядь и эм.

Тикө виччысьтөг гөгөрвоис, мыйла лов вылас сідз гудрасьө, оз сет личөдчыны, оз сет овны. Пу тув йылын, көтшасланьыс, ошаліс ыджыд ньөввуж и тыдавтөм вынөн кыскис Тикөос ас бердас. Тикө кыв шутөг матыстчис ошалысь ньөввуж дорө да босьтіс тіралан кинас. Мыйкө быттьө ори сы пытшкын: ньөввуж пөрас, кутанін дорас, бура тыдаліс пыдідз гөрыштөм ош гыжна. Бергөдлыштіс отарө-мөдарө да шөйөвошөмөн видзөдліс Микаллань.

Челядь ассыныс удж вөчисны – вуз-ваз сөйисны. Нимкодьныс



вомас оз төр. Гырысьяс чөв олісны. Микал гөгөрвоис Тикö синъяс серти, мый лои тайö здукас зэв тöдчанатор. Тикö, ас йывсьыс вись-тасигөн, некымынысь гарыштлис айыслөн ош гыжнаа ньөввуж йывсьыс. Айыс усьліс ушкуйникъяскöд тышын, а öні со Переяславль-Залесский карын пиыс аддзис сылысь ньөввужсö. Ушкуйникалысь морт доймылöма, гортöдзыс кызкö-мыйкö эськö и воöма, но öні мöдар югыдас жö нин. Кольöма сы мында челядь. Ой, кызди вермас олöмыс гартыштчыны!..

Сулалö Тикö да видзöдö чöсмасьысь челядьыс вылö. Найö айтöмөсь, и сійö, Тикö, айтöм. Со, ньөввужыс, айныс пö вайöма кутшöмкö чудьлысь, кодлысь ачыс и ловсö босьтöма. А сійö, усьöм чудьыслөн пиыс, сулалö öні на водзын, видзöдö, ушкуйник оланін-öдзыс воöма, но шыпурт киас оз кут, мöдарö, чöскыдторъяс на вайöма Мöскуаысь.

Челядь оз кыв кутны ай-мам вöсна. Этійöяс нинöм оз тöдны... И, гашкö, бурджык, мый оз тöдны.

Микал да Феоктиста, кылö, варовитöны ас костаныс. Узьмöдчыны мунысьяс тані оз лöсьöдчыны. Тшöтш мунысьяс ывла вылын виччысьöны. Налы шуöма виччысьны. Микал висьталіс мыйкö роч анылы да кинас индыліс ньөввуж вылö.

– ...А мый, – шуис гораа Феоктиста. – Зонпосни менам ас вöчöм пицальөн ворсöны, коркö кöсйöны збыльöвöйсö босьтны кианыс. Ньөввужйыс тайö – казътыланпом пыдди верöсöй йылысь. Вайöма кыськö. Кажитчö кö, босьтöй. Мый меным сыысь?

– Аттьö, бур ань, – шуис Микал да мыччис Феоктисталы эзысь деньга чукөр. Челядь дугдисны сёйны да шармöдисны синъяснысö. Эта мында югъялан деньга! Феоктиста босьтіс став деньгасö, мыйта сетісны, да улöдз-улöдз копыртчыліс Микал водзын, а сэсся Тикö водзын.

– Аттьö и тиянлы, бур йöз. Колöкö, узьöй, олöй. Унаöнөсь кöть, а төрам на. Карсö видзöдланнyd. Миян мында мича вичкоюс, гашкö, Мöскуаын и эм сöмын. Сэсся некытөн абу. Иоанн Васильевич ыджыд князь татчö волö онас некымынысь. Бояраяс, князьяс, быд лун кодкö эм. А Плещеево тыыс – сійö саридз пасьта, сувтан да, мöдарладорыс оз тыдав. Волывлöны сэтчö чери кыйны ыджыд князьлөн йöз. Черыыс тані пуö, сы мында.

Тикö, айыслысь ньөввужсö киас кутöмөн, аттьöалис жö Феоктистаöс, сэсся инмöдчис кинас пукалысьяс дорö.

– Бура овны-ывны, Аглая, Кира, Мартьян, Феофил, Акинъ...

– Быд бурсö тиянлы! – сиис Микал.

И найö петісны. Водзын туйыс кузь на, но кокниджык: öд сійö öні нуöдö гортлань.

Микал öксай да Тикö пукалісны болкъя доддын орччөн. Вöв вöтлысьыс, том морт, дерт, ратникъяс лыдысь, уна эз юась, сёрни-

ясö эз скойсьыв, а сöмын тöдiс асьыс уджсö – вöтлiс вöвсö, кытчö тшöктöма.

– Чердiнö! И кыздз позьö öдйöджык! – тшöктiс Микал.


Тикö пыдöджык пуктiс айыслысь ньöввужсö. Сьöлöм вылас лой лöсьыд, быттьö айыскöд аддзысьлiс. А Микал öксай... Сийö öнi мöд ай.

– Аттьö тэныд, Микал öксай, – шуис Тикö.

Микал топöдыштiс сийöс ас бердас.

– Кутчысь, Эжва Перымса зоночка, Тэнад ставыс на водзын. И Кут юртö вылын, тэ öд емдiнса Турöб Яраш Тикö – Тикөн Ярöславич. Век мед лöбны тэкöд Ен да бур йöз!





БӨРКЫВ

Матысмис помлань Туроб Яраш Тикө йылысь миян висьт. Кыдзи артмис сылөн водзё олан туйыс? Мый тодса мукöдыс йылысь?

Микал öксай коли юрнуöдысьон Ыджыд Перымын, овмöдчис ас котырыскöд сотём-жугöдём Чердинын да заводитис карсö ловзёдны. Матеос, ассыс писö, да Тикөнös (Тикöөн некод нин сийös эз шу) Микал индис аслас отсасысьясөн. Найö быд лун вöлины орчөнöсь да воысь-во сетисны Микаллы пыр ыджыдджык отсөг тайö дзугсьём кадас. Мате вöли ньöжмыд и уджын и сёрниын, но Тикөн велалис пöртны олöмас индöдыяссö ая-пиалысь на нимсянь – кужöмөн да ылö видзöдöмөн.

Перымö кольём Фёдор Пёстрый воевода овмöдчис аслас йöзөн Покча карын, Чердинсянь неылын. Сы бöрын воеводаяс оланинсö сэсся эз и вежны – Покчасö вöчисны пыр кадся оланинөн. Помкаыс – пыркöдны йöз вежöрысь перымсаяслысь медыджыд, налөн юркарныслысь нэмöвöйся тöдчанлунсö. Медым öдийöджык вунöдисны и Чердин карсö, и, öти сайын, Ыджыд Перым нимсö.

Колины вояс.

Öти гожöмö виччысьтөг уськöдчисны Перымса карьяс ылö йöграяс. Аслас бөрья тышö найös вайöдис Асыка, йöграяслөн уна вочöжся ыджыдалысьыс. Эськö и ёна нин пöрысь, но коркö, Чердин бердысь вешийгөн, сийö кыв сетлис Торум да Сорни Най енъяслы, мый пасьвартас Ыджыд Перымсö вуж выйөнöдзыс. Асыка сёрмыштитис. Мöскуаса ыджыд князь, емдинса Филофей епископ бласлöвитöмөн, тайös вöчис водзджык. Ашпöр оланнога Ыджыд Перым эз ло. Но кыв эм кыв...

Чердин дорйысьяс йöграясös вöтлисны. Дорйысьысьяслөн öти котырөн юрнуöдис Тикөн Ярöславич. Сы киö муртса эз веськав ачыс асыка, а, медбöрын, шыпурта косьын, Тикөн паныдасис том йöгракöд. Тайö вöли Юмшан! Здук кежлö сöмын вочаасьлисны видзöдласьясныс, но кыкнаныс лэдзисны пышпöртнысö, а нöшта здук мысти воштисны öта-мöднысö горзысь-тышкасьысь йöз костас.

Некоднаныс эз чайтны сэки, мый водзын налөн лöө на öти адзысьлём...

Ярмём Асыка, бöрынтьчигмозыс, вузвысис орчча Покча ылö, көни олис мöскуаса воевода. Жугöдис, сотис карсö, этша мортös ловйөн колис.

Воевода ѓдва вевъяліс коксѓ нуны. Ратникъяс, унджыкыс, усины, а кодї ловїѓ коли, пышїис каргѓгѓрса вѓръясѓ да сѓся тѓлыс чѓжѓн ѓтиѓн-ѓтиѓн петалисны йѓз оланїнъяслань.

Тайѓ вѓлі медбѓръя тыш Асыка олѓмын. Кремникын ас кадѓ вѓлі шуѓма Микаллы, мый вайѓдасны Асыкаѓ Мѓскуаѓ домалѓмѓн, но тадз эз ло – Покчаын тыш бѓрын регыд мысти Асыкаѓ корис ас бердас Торум Ен...

Айсѓ вежис Юмшан. Ас гѓгѓрыс сїѓ чукѓртїс вежѓра том йѓзѓс, кодъяс збойлуннас ылѓдз нималисны. На лыдын – Молдан, Пыткей, Сон-та. Том ыджыдалысъяс босьтчїсны водзѓ нуѓдны Асыкалыс туйвизьсѓ, но кадыс вѓлі мѓд нин. Иван III ыстїс йѓграясѓс раммѓдны Фѓдор Курбскїй-Черный да Иван Салтык-Траван воеводаясѓс. Ратникъяс лыдын вѓліны, рочысасыс кындзи, эжвасаяс да емвасаяс да чердїн-саяс. Лои вѓвлытѓм чорыд тыш. Конда ю дорын уси йѓграяслѓн джын-сыс унджыкыс, кольѓмаясыс сюрины воеводаяс киѓ, мыйтакѓ пышїис-ны-разалисны. Юмшан, неыдждыд котыркѓд, петїс ратникъяс кытшысь, и дыр сы йылыс нинѓм эз кывсыс.

Тайѓ тышъяс бѓрын Тикѓн некымыныс чепѓсйыліс мунны либѓ кѓть нин ветлыны Емдїнѓ, и век мыйкѓ кутїс. Микал ѓксай да Мате чѓвтїсны сы вылѓ сы ыжда могъяс, мый некор вѓлі и юр гыжїыштны. Медводз, кыдз сяммис да вермис, сїѓ зїліс дорїыны татчѓс вѓралысъясѓс, видз-му вѓдитысъясѓс, мед найѓс эз дзескѓдны воѓм ыджыдалысъяс. Унаыс пыралїс венѓ и, дерт, сы вылѓ норасылісны Микаллы да Покчаын пука-лыс воеводалы тшѓтш. Но вѓрѓдны эз лысытны: тырѓ-тусьѓ воѓм, синмѓ шыбитчана мыгѓра Сяринь, нылыс Микаллѓн, чойыс Мателѓн, лои Тикѓнлѓн муса гѓтырѓн.

Ыстылісны Тикѓнѓс, но эз Емдїнѓ, а Мѓскуаѓ кыв кутана могъясѓн. Приказъасыс ѓтиын и лои Юмшанкѓд мѓд аддзыслѓм. Воѓма Мѓскуаѓ эз Микал моз, уна лыда видзысъяс син водзын, а емдїнса Филофей епископкѓд. Усьѓма сы водзын пидзѓсъяс вылас, кѓсйысѓма кывзысыны сы-лыс быдторїѓн, весиг Сус Крїстос эскѓмѓ кѓсйысѓма сетчыны. И лѓнѓдны ас нимсяныс йѓграясѓс орчча муяс вылѓ усьласѓѓмыс... Мед сѓмын ко-лисны вѓрзѓѓдлытѓг йѓграяслыс оланїнъясѓс, чери кыянїнъясѓс, вѓралан-їнъясѓс. И мед лѓдзисны бѓр ставсѓ найѓс, кодї сюри воеводаяс киѓ.

Филофей епископ, сылѓн сьѓлѓмыс небзис Юмшанлѓн кывъясысь, босьтчѓма отсавны сылы. И отсалѓма...

Иван III сѓрнитѓма Юмшанкѓд Кремникын. Асыка пи ердкыв¹ сетѓма ыджыд князлы, мый ѓвяс, кутас овны лѓня да лѓнѓдас и ассыс став отырсѓ.

И со, ѓти приказын Тикѓн да Юмшан тайкѓ эз зурасыны...

– Сѓки, Чердїн дорын паныдасигѓн, ме пыр жѓ гѓгѓрвои, мый тайѓ тѓ, саран кум, – шуис дженъыда чолѓмасьѓм бѓрын Юмшан. – А ѓд верми эськѓ и вины тѓнѓ.

– Ме верми жѓ, но энѓвтчи татшѓм мѓвпысь. Уна казьтылѓм юрын чужис ѓтпырїѓ – Анемгур, Агай, ньѓввужыс лыйсѓм, Эгатеї...

– Эгатеї ловъя на, но оз нин ветлѓдлы. Эбѓстѓммѓма дзїкѓдз.

– Нылыс сылѓн, Лули, кодѓс сѓтшѓма корсис, олѓ Чердїнын.

– Вот тайѓ выльтѓр! Вїсѓтала Эгатеїлы. Йѓймас нимкодъысла.

– Сылѓн верѓсыс, повтѓм Арси, уси ратникъяскѓд тышын Чердїн дорїйгѓн.

¹ Ёрдкыв – клятва.

– Усины унаён, – ышловзис Юмшан. – Покча бердын, миян бөръя уськөдчылгөн, шыпуртъясөн бытшлалсни Ешнекөс.

– Сійө кутис менө, кор ме көсйи пышйыны Эгатей дорысь Урай-Пауль мунігөн.

– Кутөмыд мый на, – шпыньмуніс Юмшан. – Ешнек лыйис тэнө ньөввужысь, кор миянлы ковмис бөрынтчыны уна во сайын Чердінысь. Ме чайтї, тэ усин, а со ловъя. И кутшөм на ыджыд морт лоөмыд!

– Тэ вылө лөк ме ог кут, – шуис Тикөн. – Мөдарө, эн кө тэ матыстчы сәки, кор менө йөгра-көинъясыд кутисны Емва ю дорын, сәк, гашкө и, ловъянас эг коль, и өні тэ водзын эськө эг сулав.

– Ставыс енъяс сайын, – кыпөдыштис кияссө Юмшан.

– Волы бурөн Чердіно, и ме тэнө аттьөала, кызд верма.

– Позянлунъяс тэнад өні ыджыдөсь, – гажмыштис Юмшан.

– Волы збыль.

– Тайө вермана, саран... Тикөн Ярөславич, – вочавидзис Юмшан. – Кывлі тэ йылысь. Тыдалана морт. Гашкө и, Эгатейөс вайөдла. Таысь Торум Ен ошкас менө и оз кут өтдортчыны. Тиянөс өд, – Юмшан читкыртис синъяссө, – коми енъясыд энөвтөмаөсь жө. Мый Урай-Пауль, мый Чердін... Регыд и, көчөс мед лыйны, ковмас Мөскуалысь юасыны. А өд мый вөлі! Ыджыд Перым!.. Асыка!.. Эж!

Юмшан шеныштис кинас да ярскөба бергөдчис Тикөнысь. Синъясыс дзирдыштлісны скөра...

Асыка пи кокниа эз өвсы и сетөм өрд кывсө регыд вунөдіс. Конда вожө воөм бөрын бара на кутчысис важас – йөгра котыркөд уськөдчывліс сиктъяс да весиг неыджыд каръяс вылө, жугліс, виалис, соталис, кватлаліс ки улас сюрөм эмбур, нуөдліс сьөрсьыс весьөпөрөм йөзөс – энъясөс и айкаясөс. Но вочасөн лөньюдісны и Юмшанөс.

А мый вөчсис Чердінын?

1505 воын Мате, Матвей Михайлөвич, вежис ёна пөрысьмөм айсө да ачыс лои Перымын өксайөн, а збыль вылас Мөскуаса царлөн наместникөн. Но сійө жө онас кувсис Иван III – царө пуксис сылөн Василий III пиыс. Виль царь йылысь шулісны: «Мый көсйө государь, сійөс көсйө Ен». Ёна мөдіс ыджыдавыны. Во эз наместникав Василий III дырйи Мате – чөвтисны. Ыстисны Мөскуаысь асьыныс мортөс. Перымын царлөн наместникөн лои князь Василий Андреевич Ковөр. «Мыйысь Матеөс чөвтисны?» – юасисны унаөн. «Важ коми енъяслань бөр сетчөмысь», – татшөм вөлі мыжалөмыс. Вильөн индөм наместник пырысьтөм-пыр вуджис воддза воеводаяс оланінө – Покчаө. Таысь Покча ёнасө эз кыпты, эз паськав, а Чердін вочасөн дзикөдз кусі.

Сәк кості ратникъяс вуджисны нин Обь да Иртыш юяс. Водзын вөліны Енисей, Лена, Амур...

Тикөн воліс Емдіно. Виль наместник, князь Ковөр, ыстис сійөс гижөда шыөдчөмөн Никөн епископ дорө, коді вежис кувсьөм Филофейөс. Тикөн, мыйөн төдмаліс ыстан гижөд йывсьыс, ачыс вөйысис ветлыны. Аскөдыс босьтис гөтырсө, Сяриньөс. Мунісны куим вөла-доддяөн. Быдсямаыс вермас лоны. Та вөсна сетісны и видзисьясөс. Вит верзьөма морт мунісны вөла-доддяяс водзын налы төдтөм, но нималана Емдіно, епископъяслөн оланінө. Видзисны ыджыд мортөс, коді кыптіс аслас вежөрөн, сюсьлуннас, да и гөтырыс, Сяринь, вөлі бурө пуктана аньөн – Михаил Ермолаич өксайлөн ныв, вөвлөм наместник Матвей Михайлөвичлөн чой. Ставыс гырысь йөз.

И со – Емдін...

Весиг чомкост сайсянь тыдалёны нин джуджыд мылькъяс вылын югыд шмакъясыс тѳдса вичкояслѳн. Тикѳн лыддѳдлѳс гѳтырыслы: Аркангел, Благовещеннѳ, Микола, Степановскѳй вичко.

Важ коми енъяслы кевмысянѳнъяс оз тыдавын, найѳ ылынѳс, парма пытшкас кѳнкѳ, но Турѳб Яраш Тикѳн тѳдѳ – найѳ эмѳс: Зарни Ань да Войпѳль олѳны Эжва Перымса войтыр сѳлѳмъясын и кевмысянѳнъясѳ туйыс, кодлы колѳ, тѳдса. Важ коми енъясланъ восьлалѳг, морт чолѳмасѳ тѳдса пуяскѳд, сѳрнитѳ накѳд, ѳд пуясас олѳны мѳдар югыдѳ мунѳм пѳль-пѳчъяслѳн ловъясныс. А Шондыс, Биыс, Ваыс?.. На пыр важ коми енъяс петкѳдчѳны йѳзлы.

Вежсѳм Емдѳнын уна. Абу нин ловъя Тикѳнлѳн ыджыд мамыс – висѳмѳма да кызкѳ ѳдѳйѳ и кусѳма. Гаравлѳма Тикѳнос быд лун.

Та йылысь юѳртѳс вокыслы Кыйва – верстѳммѳм, нюмсера чужѳма ань. Збойлуныс, вильышлуныс кольѳма. Олѳны гозъяѳн Ирьянкокѳд. Кык челядь нин эм – ныв да пи. Эньканыс, мамыс Ирьянколѳн, накѳд олѳ. Керканыс выльѳн кыпѳдѳм, дорччанѳнсянныс матын, кодѳс выльѳн жѳ кыпѳдѳма.

Ирьянко висѳтасис: воисны Кыйвакѳд, кор тышыс Емдѳнын помасѳсѳма нин вѳлѳ. Айыс усѳма – черѳн петѳма йѳграяслы паныд. Дзик аслас керка дорын, кодѳс йѳграяс сотѳсны ѳраса биѳн. Гор ѳксай абу жѳ нин ловъя – тышас доймалѳс, дыр висис, а кувсис неважѳн. ѳнѳ юрнуѳдысьясыс Емдѳнын кыкѳн – Педѳр да Петыр, пианыс Гор ѳксайлѳн. А епископныс – Никѳн. Иона епископ кувсѳма Тикѳ вошѳмсянъ во мысти. Никѳнѳдз – Филофей на вѳлѳ. Но та йылысь тѳдса вѳлѳ и Чердѳнын.

Ивѳ Чуд пѳль кувсис регыдѳн йѳграяскѳд тыш бѳрын. «Эз со и вермы петкѳдлыны сѳрнитыс пуяссѳ».

Чангыр понмыс воши, сѳйѳс эз сѳсся адзывны. Йѳграяс виисны. Позѳѳ шуны, мездѳс ассыс том ѳртъяссѳ.

Кыз Ку йылысь дзик нинѳм эз кывсѳы, код тѳдас, кытчѳ пышѳйс пыжнысѳ мырдѳдѳм бѳрын... «Сы йылысь тѳда», – мѳвпыштѳс Тикѳн, но эз висѳтав Чердѳн бердын Кыз Кукѳд медбѳръяыс адззысѳм йылысь. Кутшѳмкѳ пытшкѳсса вын кутѳс.

А Теренсай Шева пѳч... Кувсис. Но кувсигас гораа серѳктѳс, повзѳѳдѳс сы гѳгѳр чукѳрмѳм йѳзѳс.

Тикѳн жуалѳс, кор кувсис Теренсай Шева пѳч. Артмѳ: Чердѳн бердса вѳрын Кыз Кукѳд адззысян лунѳ...

Югыд синва исковтѳс Тикѳн чужѳмѳд: ѳттшѳттш долыд и шог. Олѳмыс сѳтшѳм: шудыс да шогыс пѳ ѳти доддын ветлѳны.

Висѳтасис ас йывсѳыс, тѳдмѳдѳс мича гѳтырыскѳд.

Ирьянко висѳталѳс нѳшта, мый Филофей епископ, воддза епископъяс моз, бура тѳдѳс коми кыв, но сы тшѳктѳм серти ас кывѳн вѳдитчыны дугдѳсны. ѳнѳ вичкоясын лыддѳдлѳны да сьылѳны сѳдз, мый и роч морт оз гѳгѳрво – вунѳдѳм важ кывѳн вѳдитчѳны. Коланалуныс мелѳа асланѳдны коми войтырѳс ѳнѳ эз нин ло – Роч мудорыс¹ вешѳйс ылѳ асыввывланъ, а комияс некытчѳ нин оз воштысьны. Гашкѳ и, епископъяс коркѳ энѳвтасны Емдѳннымѳс да сетчасны кутшѳмкѳ ыджыд роч карѳ². Та йылысь сѳрныис мунѳ нин.

...Бурпѳт олѳсны Емдѳнын Тикѳн да Сяринъ, но воис кад, и чердѳнса

¹ Мудор – граница.

² 1564 воын архирейлысь кафедра вуджѳдѳсны Емдѳнысь Вѳлѳгдаѳ.

наместник, князь Василий Ковёр ним вылө епископлөн гижөда воча кывйөн гозья бөр мунисны Чердинё. Сэни виччысисны удж-могьяс, и Тикён тōдiс: олан визьыс сылөн водзō кежлō йитчōма Чердинкōд, кōни олōны сэтшōм жō комияс, кызди и Емдинын.

Колисны Кыйвалы да Ирьянколы дона козингьяс. Бōрынджык волюсисны на...

Юмшан, йōграяслөн ыджыдалысь, кутiс асьыс кывсō – ыстiс пōрысь Эгатейōс Лули нылыс дорō, Чердинё.

– Узя ула!¹ – акнитiс Лули.

Но регыд мысти ковмис шуны:

– Паям ула²...

Сьōлōмыс бурмис пōрысь йōгралөн, да регыд мысти и лōня кувсис, муртса тыдалана нюм дзевсьōма вōли вом доргьясас. Сылы тайō олōмас сэсся нинōм нин эз ков.

Тикён да Сяринь быдтiсны ныла-пиōс. Лули, айсō дзевōм бōрын, овмōдчис Сяринь бердын, отсасис овмōсас, но сэсся петiс верōс сайō, мунiс Чердинысь, и сы йылысь водзō нинōм нин эз кывсы.

Тōждысьысь айōн аслас челядьлы лои Матвей Михайлōвич. Кык ас котыр лōсялисны.

Эз кōдзōдчыны ōта-мōдсьыныс и челядьныс, воча чой-вокгьяс. Код-сюрō сетчисны Мōскуалань матōджык, овмōдчисны вылiсянь индōм серти Тверь, Псков да мукōд карын, лоины бōрынджык дворянаōн. Волювлiсны Чердинё, но налөн челядьныс Перым йылысь эз нин казгтывны. Сорласисны сэтчōс олысьясыскōд. Вунōдiсны вочасōн асьыныс вужгьяснысō.

А Емдин да Чердин каргьяс? Найō воштiсны вōвлōм тōдчанлуннысō, да ōнiя унджык мусерпас³ вылас найōс весиг оз нин и пасйыны.

Вылōдз сōвмōм йōз котыргьяс – цивилизацияс – кыштылōны и усьлōны, весиг дзикōдз вошōны лыдаджык да вынйōраджыкгьяс пōвстын. Тадзи век вōвлi.

А мый лōō водзō?

Код тōдас...


Шуōма сōмын: «Унаōн воддзаясысь лōōны бōргьясōн, а бōргьяс – воддзаясōн...»



¹ Узя ула! – Видза олан! (йōгра ногōн).

² Паям ула – Прōщай! (йōгра ногōн).

³ Мусерпас – географической карта.




ЮРНАДАЛЫСЬ

Водзкыв	5
I. ЕМДІН	
Тикөлөн горт олөм	7
Теренсай шева пөч	12
Енъяс – Тикө дор	14
Бара Теренсай шева пөч	19
Кор ставөн гортынёсь	21
Ирьянколөн вөзийөм	25
Ирьянколөн мунөм бөрын	27
Ивө Чуд пөль	28
Дорччысь Би Кабыр айка	33
Мый йылысь Ирьянко эз висьтав ёртыслы	36
Тикөлөн асья вөт	36
Медводдза виччысьтөмтор	39
Пармаын синьяс	43
Войнас вөр керкаын	44
Ас парма-ягын	49
Шемөсмөдана аддзөмтор, шемөсмөдана воштөм... ..	55
Верзьёма морт	60
II. УРАЙ-ПАУЛЬ	
Асыка	66
Вылө лэптысян – улө усян	71
Кык изки костын	72
Ёридз ю катыдын сійө жө луннас... ..	76
Тшынысь да биө	83
Мый лоөма Емдінын	88
Йөгра босьтө водзөс	91
Овлө, отсөг воас, кысянь он виччысь	93
Емдінсянь пыр ылөджык и ылөджык	94
Өтчюд, войланьяс... ..	96
Енъяслы козинтөг кевмысьөм	99
Эгатея йөгракөд орчөн	102


Эгатеялөн гусятар	104
Ыджыд из сайö воём бöрын	107
Тикö — йöгра позйын	110
Ньöввужйысь лыйсьöмъяс	113
Йöграяс гажöдчöны	119
Асыка пилы козин	120
Урай-Паулын төв	121
Агай Айкалөн мойд	124
«Бушков» водзын	130
Ыджыд перымлы паныд!	131
Покча бердö воём	133
Тыш	135
III. ЧЕРДІН	
Чердінса жыннянъяс	142
Еника пöч	144
Микал öксай да Тикö	147
Йöгра мойдлөн пом	150
Сяринь да Мате	156
Рытпук	159
Ас му вöсна төждөн	167
Войся шызьöм	170
Воча сувтöм	174
Нöшта öти чукöртчылöм	180
Чердін вöсна тыш	181
Дженьыд вой	192
«Му вежöм»	195
«Тшöктöма вайöдны!»	198
IV. МÖСКУА	
Сизим му сайö	205
Бипур дорын	209
Миня Игнаш	212
Али мирза	214
Переяславль-Залесский	218
Великöй князь Иван III	224
«Китай-город»	229
Мöскуа кипод улö	237
Ош паса ньöввуж	243
Бөркыв	248

107	110	113	119	120	121	124	130	131	133	135	142	144	147	150	156	159	167	170	174	180	181	192	195	198	205	209	212	214	218	224	229	237	243	248
107	110	113	119	120	121	124	130	131	133	135	142	144	147	150	156	159	167	170	174	180	181	192	195	198	205	209	212	214	218	224	229	237	243	248



107
 110
 113
 119
 120
 121
 124
 130
 131
 133
 135
 142
 144
 147
 150
 156
 159
 167
 170
 174
 180
 181
 192
 195
 198
 205
 209
 212
 214
 218
 224
 229
 237
 243
 248

Гижысь Йылысь



*Фото Г.Лисецкого,
заслуженного работника
Республики КОМИ*

Владимир Тимин чужис 1937 вося сора (июль) 2-од лунö Сыктывдін районса Гарья сиктын.

Велöдчис Гарьяын, Луза районса Черёмуховка сиктын, Сыктывдін районса Вильгортын, Княжпогостын. 8-од класс бöрын Княжпогостысь муніс велöдчыны Печораса речной техникумö. Сійöс помалöм бöрын уджаліс пароходъяс вылын.

Армияысь гортас воём бöрын по-мавлöма Сыктывкарын пединститут (заочной). Велöдчан воясö и бöрынджык уджавліс Коми научной центрлön ИЯЛИ институтын (фольклор сектор), республикаса радионын дикторön, Зеленеч сиктса школаын директорön, Сыктывкарса телевидениеын старшой да главной редакторön, Коми книжной издательствоын главной редакторön, республикаса печать Управлениеын юралысьön, «Войвыв кодзув» журналын главной редакторön. Öнi В.Тимин уджалö гижысьяс Союз правлениеын председательöс вежысьön.

Сылön петалісны вит поэтической сборник да торъя книгаön «Ракета видзöдö енэжö» повесть.

И со, гижысьлön выль книга - «Эжва Перымса зонка» исторической повесть, мыйысь сылы сетöма 1999 воын Коми Республикалысь И.Куратов нима Государственной премия.

Владимир Васильевич Тимин
«Эжва Перымса зонка»
Историческая повесть
(на коми языке)

Подписано в печать 19.01.2000г.
Формат 70x100 1/16. Печать офсетная.
Усл. печ. л. 20,64.
Тираж 2000 экз. Заказ № 363.



ООО «Издательство «Эском».

Лицензия КР 00570 от 25.10.99.
167982, Республика Коми, г.Сыктывкар, ул.К.Маркса, 229.
E-mail: eskom@vera.komi.ru. Тел. (821-2) 42-37-43, 44-00-70.

Отпечатано в КОГУП «Кировская областная типография».
Россия, 610000, г.Киров, Динамовский пр., 4.

